












17425/c

4/10

Ff 1-2 transposed







GUALTERI CHARLETONI
EXERCITATIONES
DE

Differentiis & Nominibus ANIMALIUM.

Quibus accedunt


MANTISSA ANATOMICA,

Et quædam

De variis FOSSILIUM generibus,

Deque differentiis & nominibus COLORUM.

Editio secunda, duplo fere auctior priori, novisque iconibus ornata.



OXONIÆ,

E THEATRO SHELDONIANO, An. Dom. 1677.

1857-1858
22 NOV 1858
28103

1857-1858

1857-1858



Nobilissimo Excellentissimoque Domino

A R T U R O

MONÆ, vulgo *ANGLSEY* Comiti,

Consultissimo Regii *Sigilli Privati* Custodi, Sanctio-
ris *Concilii* Senatori sanctissimo, &c.

G U A L T E R U S C H A R L T O N

Gloriæ ac felicitatis æternitatem precatur.



NNVS jam vertitur *nonus*, *Inclyte Heros*,
ex quo primum in publicum emisi *ONOMAS-
TICO N* isthoc *ZOICON*. Et ea sane
fuit libri fortuna, ut non solum juvenes & in
illo studiorum genere *Tyrones*, verum & ex præstantissimis
etiam *Naturæ Consultis* complures magno cum applausu ac
favore nil tale merentem exceperint, avideque perlegerint,
ceu non inutilem ad *Brutorum Historiæ* compendium *εισαγωγική*.
Hinc brevi factum est, ut distractis editionis illius exempla-
ribus, ex *Amicorum* numero haud pauci sæpius rogarint, ut
de nova mature procuranda serio cogitarem.

Horum equidem suffragiis atque consilio animatus, cæpi
tandem confidentius saxum hoc revolvere: sepositisque ad a-
liquot menses aliis, quibus prædestinaram invigilare, curis;
cum reformando, tum augendo *Onomastico* totus incubui. Quid
vero tanta demum sedulitate præstiterim, verbo dicam. Ex
contentis in illo volumine, nonnulla melioribus (nisi fallor)
commutando; alia quæ desiderari viderentur, præsertim quæ
ad luculentas spectarent *Animalium* quorundam rariorum

EPISTOLA DEDICATORIA.

ptiones, subinde addendo; cuncta denique, pro ingenioli mei tenuitate, ultima lima expoliendo: universo summum operi fastigium imposui; omnibus, quantum confido, rerum varietate, fideque observationum placituro. Ita vero tandem renatum opus, excultumque, & (quod essem perquam ingratus, si apud Te dissimulassem) multis in locis à Cl. D. D. Georgio Ent, Equite aurato (in cujus nunc pectore candidissimo, non modo sacra Medicina sua condidit mysteria, sed & veterum sapientia, cum omnigena eruditione, gratissimum sibi finxit domicilium) novis observationibus à se non ita pridem factis locupletatum: aliquandiu in musæoli mei angulo reconditum, exeundi in Literatorum consortium præstolabatur opportunitatem.

Nunc autem idem, magni illius cum Ecclesiæ nostræ, tum sanctissimæ in ea Dignitatis Ornamenti, Episcopi nempe Oxoniensis (cujus meritis maximis me profiteor ita opprimi & onerari, ut pares referre gratias non possim) autoritate, cura & impensis, typis excusum elegantioribus, lucem postliminio revisit. Quam quo securius, imo auspicius ferat, en ad pedes Tuos, Magnatum optime, ea qua par est reverentia provolutum, Illustrissimi Nominis Tui splendore protegi, vehementer petit à malignis & cuicunque scripto umbram facturis Aristarchorum censuris: ad id fiduciæ, qua summa Animi Tui erga omnes Musarum sacris rite operantes Benignitate, qua sui Scriptoris adversum Excellentiam Tuam sincera devotione invitatum. Neque profecto alterutrinque est, quod ego de tanti Herois gratia & patrocinio ullatenus desperem.

Semper enim Te virum expertus sum ad omnia Humanitatis officia mire compositum. Et memoria teneo, olim Te hactenus de sublimi Nobilitatis culmine descendisse, ut consue-
tudinem

EPISTOLA DEDICATORIA.

*tudinem inter nos literariam familiariter institueres ; ut-
que epistolis divinam sapientiam simul & caritatem ubique
spirantibus , spiritus mihi praelonga gravissimorum serie in-
fortuniorum jam tum oppressos, tantumque non extinctos eri-
geres ad diu intermissum Philosophiæ cultum , ad aususque
tam iniquæ sortis meæ humilitatem longe superantes. Me-
mini præterea , eodem tempore, me fidem adstrinxisse ; eam
Tibi, tum ciii mei, tum in melius translata mentis, aliquando
redditurum rationem ; unde constaret, me Sanctæ Sophiæ, hoc
est, virtutum Tuarum imitationi ὁλοψῶς vacasse ; nec de-
sperationem, quam Aula urbeque in solitudinem secedens ex-
tuleram, relaturum.*

*His igitur benevolentia Tuæ indicis in spem maximam
adducor, Te, Nobilissime Comes , facile exoratum iri, ut
lucubrationibus istis & faveas Ipse , & favoris publici viam
eximia humanitate aperias. Nunquam enim contemnes, quæ
ab officiocissimo Cliente, eo potissimum consilio conscripta sunt ;
ut Amplitudinis Vestræ, & sua de industria iudicium con-
firmatum isse comperiretur, & paruisse mandatis. Tantum-
que apud eruditos valet perspicaciæ Tuæ autoritas , ut per-
raro aut nunquam opinionum dissentione à Te discrepent.*

*Magis anxie profectio de Naturalis Historiæ præstantia,
deque insigni utilitate Anatomix Comparativæ (à Veru-
lamio nostro, summo quondam Angliæ, posteris omnium
Scientiarum Cancellario, tantopere desideratæ, nec leviter
hic à nobis tractæ) ad alium scriberem. Sed diu est, quod
invicta Curiositas, cum admirando ingenii acumine conjuncta,
Te in utriusque penetralia perduxit: tantisque Artium om-
nium fastigio Tuo dignarum, & Linguarum præsidiis instru-
ctus es ; ut quicquid ὁπώραν scias ; & quicquid hodie est
literatorum, Te ævi hujus Varronem esse ultro agnoscat. Res*

EPISTOLA DEDICATORIA.

equidem adeo ad memoriam præclara; maxime sub dira ista, quæ perantiquam Gentis nostræ adorem, juxta & morum simplicitatem fæda veteris luxuriæque obduxit caligine, stoliditatis ac vitiorum tyrannide; ubi corrumpere & corrumpi, sæculum vocatur, & ubi

*Vilis adulator picto jacet ebrius ostro,
Et qui sollicitat nuptos, ad præmia peccat;*

ut nefas crederem, si ingrato eam silentio præterissem. Quippe mirum est, inter Patriciorum affectatam literaturæ inscitiam, & fere perpetua Bonæ Deæ sacrificia, posse Te inveniri, qui vel Tuo exemplo sufficias, humanioribus disciplinis, aut damnatis exsilio, aut (quod adhuc gravius est) scurrarum, omnique turpitudinis genere infamium Pantomimorum petulantia impune violatis, existimationem suam & decus conservare.

Magnæ hæc quidem in Homine meritis suis provecto ad tam excelsas in Rep. dignitates, & ab adolescentia usque arduis Regis, regnique negotiis assidue occupato laudes. Adhuc tamen mihi intactum est, quod in Tuis præconiis præcipue faciat ad excusandam Dedicationis hujus ambitionem. Adeo utique ad optima quæque comparatus est mirabilis Tuus Genius, ut res olim dissociabiles miscuerit, justitiam & clementiam: nec Tibi, quod est rarissimum, aut facilitas auctoritatem, aut severitas amorem diminuerit unquam. Adhuc, ne Famam, cui etiam sæpe boni indulgent, ostentanda virtute, aut per artes & populo gratas, nec Aulicorum primoribus infructuosas, quæsvisti; procul à contemptu adversus inferiores, procul à contentione adversus pares, procul ab assentatione adversus summæ rerum præfectos. Ut modeste modiceque de Te sentiens, nec omnia ad commodum Tuum referens,

EPISTOLA DEDICATORIA.

referens, vere generosam illam quidem, sed Magnatum
 plerisque prorsus ignotam animi temperiem, quam sanctissi-
 mus Imperatorum M. Antoninus Philosophus ^{ἡγιονονισμῶν}
 eleganter vocat, Tibi videaris acquisivisse. Illud unum sub-
 jungere gaudeo; in beneficiis collocandis mores hominum,
 non fortunam sequi soles; amicitiarum jura non successu
 ponderans, sed fide. Quod ex ingenti eorum multitudine,
 quibus ad incitas usque reductis, partim largitate, tempesti-
 vis partim consiliis succurristi, judicari potest. Dum enim
 per viscera Britanniae nostrae saeviebat nuperum belli civi-
 lis incendium; etiam in his temporibus, quæ non minus in-
 fensa virtutibus existunt, & in quibus itidem modo hi, modo
 illi in summo versantur aut fastigio, aut discrimine; Tu
 semper non suo vitio naufragis anchoram porrexisti, nec
 ulla in re libentius usus es concessa Tibi potentia, quam in
 deprecandis amicorum aut periculis, aut incommodis. Est-
 que indubie non minus generosæ huic Benignitati, qua plu-
 rimis fuisti auxilio, quam singulari illi Prudentiæ, quam
 in declinandis inimicorum insidiis semper cum optato suc-
 cessu exercuisti, attribuendum; quod ex tot, tamque gra-
 vibus procellis civilibus tandem ad honores amplissimos, ne-
 dum ad incolumitatem perveneris. Mihi certe argumento
 fuit, haud gravate passurum Te, ut librum hunc in dias lu-
 minis oras denuo proditurum t'holis Tuis affigerem.

Eum itaque, obnixe precor, placido suscipe vultu; Tua-
 que indulgentia ab obscuritate in claritatem vindica: non
 ut tanti viri dignum patrociniò; non ut ad seros usque
 nepotes descensurum diligentiae meæ monumentum (<sup>πάν γὰρ
 ἐφ' ἡμέραν, καὶ ὁ μνημονεύων, καὶ ὁ μνημονδύμενον,</sup>) sed ut fidis-
 simum cultus & observantiæ, qua Te prosequor, testimo-
 nium. Ita demum habebò quod cælo imputem; nec totus

EPISTOLA DEDICATORIA.

victimam cadam invidia. Interim, Illustrissime Domine, vale: atque ad extremam usque senectutem sublimi illa, quam egregia Tua de patria, de Rege restituto, de Ecclesia, de bonis omnibus merita Tibi comparavere, gloria imperturbatus perfruere.

Londini Calend. Jun. Anno Christianorum
CIO IOC LXXII.

PRÆFA-

P R Æ F A T I O.

A U C T O R

L E C T O R I C A N D I D O

Ευπερίτερον, καὶ ἀποδαίτως ζῆν.

Qui *HISTORIÆ NATURALIS* Sacrarium (quo sane, in amplissimo & πολυορόφῳ *Sophiæ* templo, nil magnificentius, liberalis ingenii scrutinio dignius nil existit; siue jucunditati ejus spectes, siue communem in usibus vitæ utilitatem) jam ingressuri sunt; his duo imprimis consideranda, imo & conjunctim perdiscenda, se ipso in limine offerunt; R E S scilicet, & N O M I N A.

R E S; ut, quemadmodum infinitam pene rerum varietatem *Sensibus* nostris visendam ac contemplandam, in hoc Mundi theatro inferiori, exposuit alma *Naturæ* benignitas; ita & nos *Homines* vicissim in earum inquisitione *Animos* attente, & cum uniuscujusque interstitione specifica, quoad facultates nostræ tulerint, exerceamus. Idque ne aut ingrati simus erga tantam largitatem; aut fictitias longeque à vero abhorrentes rerum imagines, genuinarum loco, in mentem admittentes; deplorandum illud, nec per totam deinde vitam facile eradicandum *Præjudicii* cacoethes improvide induamus. Quo certe nil magis obstat *Scientiæ*; quæ non ex

P R Æ F A T I O.

conceptarum umbris, aut per similibus rerum ipsarum ideis sive notionibus extruitur.

N O M I N A vero, ut & quibus vocibus, tanquam characteribus propriis, Antecessores nostri varia rerum genera ab invicem discriminarunt, ediscamus; & examinemus simul, quatenus unumquodque ex nominibus istis cum natura & proprietatibus rei, cui assignatum est, conveniat. Quod ut aditus omnes semper præcludit *Confusioni*, ita sapissime etiam faciliori rerum inquisitionum *Cognitioni*, eisdemque animo altius imprimendis haud parum conducit. Quotus enim quisque est, qui vel ingenio sit tam obtuso, ut certi nil quicquam expiscari possit ex æquabili *Nominis* alicujus cum *Nominato* collatione; adeove infelicis memoriæ, ut quod exinde semel collegerit, sibi ex animo elabi unquam patiatur? Ο, & ὁ νόμος εἰδὴ καὶ τὰ πλάγιστα; *qui nomina, etiam res intelligit, est Platonis effatum: & nomina si nescis, perit cognitio rerum, Isidori.*

MEDIA autem, quibus cuique utendum est, ne in horum alterutro decipiatur, sed ad exoptatum in utroque certitudinis finem tandem perveniat; pariter sunt duo: *OBSERVATIO* nimirum sive autopsia; & eorum autorum, qui Animalium, Vegetabilium, Fossilium, cæterorumque hujusmodi, quorum est adeo jucunda cognitu varietas, *Historias* maxima cum fide conscripserunt, *LECTIO* assidua.

Quoad *PRIUS*; tantum certe abest ab ea, quam nonnulli, præ incuria, segnitie, sibi sunt imaginati, *Difficultate*; ut insignem potius sibi cunctam habeat *Voluptatem*. Sapientissimus enim mundi conditor, majestatem suam ubique exerens, homini (operum suorum quasi
syn-

P R Æ F A T I O.

syntagmati & complemento) indidit sicut facultates percipiendi, ita & desiderium quoddam sive aviditatem penitus inspiciendi, serioque contemplandi quicquid varietatis in hac rerum universitate occurreret. Hæc vero aviditas (Græcis φιλοθεαμοσύνη) dum inspiciendo ac perscrutando expletur, & *Scientiam* parit, & individuum scientiæ comitem, *Voluptatem*. Hincque fit proculdubio, ut nemo non impense delectetur *novis*; utque denso agmine convolet populus ad quævis antea non visa Naturæ spectacula: nec quemquam vel ex infima plebe invenias, qui eo, ubi publice spectanda exhiberi solent animalia *Exotica*, vento velocius accurrere nolit. Adeo nos exercet urgetque congenitus iste, nec ulla morum barbarie unquam extinguendus *Curiositatis* igniculus, quo omnes ad rariora Naturæ lustranda perpetuo accendimur. Hæc res ad spectacula populos contrahit, hæc cogit præclusa rimari, secretiora exquirere antiquitates evolvere. Curiosum nobis natura ingenium dedit: & artis sibi ac pulcritudinis suæ conscia, spectatores nos tantis rerum spectaculis genuit, perditura fructum sui, si tam magna, tam clara, tam subtiliter ducta, tam nitida, & non uno genere formosa, solitudini ostenderet, &c. *Seneca, de otio Sapientis.*

At vero, tam dispari reguntur fato mortalium sortes ut isthanc visendi curiositatem omnes pari aut observationum felicitate, aut observandorum multitudine fatiare nequeant. Etenim Naturæ visum est, varia rerum genera in diversas orbis partes, in totidem veluti classes, disponere; & æthera, terras, maria, singula suis incolis exornare: nec adeo cum operibus suis improvide egit, ut ubique omnia indiscriminatim nascerentur; sed

P R Æ F A T I O.

alia in his , alia in aliis globi hujus terraquei regionibus, prout singulorum genio esset convenientissimum. Hominum vero pars maxima domi confidit iners , nec transgredi unquam audet angustos patriæ fines ;

*Sua quisque piger littora tangens,
Patrioque senex factus in arvo.*

Unde perpauci sunt, quibus ea contigit felicitas, ut perlustratis regionibus exteris, propriis conspexerint oculis quicquid Animalium, Plantarum, Mineralium in unaquaque earum extiterit. Cæterum vix ullam mihi dabis utrovis in orbe partem adeo sterilem atque incultam, quin hujusmodi observationibus possit materiam sat copiosam suppeditare. Messis quidem ubique locorum perampla est ; sed desiderantur passim Messores , qui non patiantur etiam in patria sua ignorari, quæ, ut omnium oculis versarentur , ibi sata fuere ; quorumque apud externos ignoratio in causa sit, ut *Historia Naturalis* diutius adhuc manca permaneat & jejuna. Veri ac assidui Naturæ investigatores desunt ut plurimum : hinc ergo ea se tam angustam continet , tam ægram exhibet , tam novercam simulat. Accedit, quod ad quæ noscenda iter ingredi , transmittere maria solemus , ea sub oculis posita negligimus : seu quia ita natura comparatum est, ut proximorum incuriosi, longinqua sectemur ; seu quod omnium rerum cupido languescit, cum facilis occasio est ; seu quod differimus tanquam sæpe visuri , quod datur videre, quoties velis cernere. Multi scilicet aperta transeunt, condita & abstrusa rimantur : & cum solita & familiaria nobis perpendenda veniunt, magnitudinem eorum atque admirationem consuetudo imminuit ; ubi
vero

P R Æ F A T I O.

vero res minoris momenti, sed insuetæ magis offeruntur, mirabiliores multo eæ statim præ novitate videntur. Ad-
eo verum est illud *Senecæ*, *haud raro quæ maxime patent, minime discernuntur*. Magnopere tamen expedit, ne cui-
vis indigenæ etiam neglectui habeantur. Siquidem in
rerum Naturalium speculatione, haud minus quam in de-
cisione Forensium, testibus opus est *oculatis*: & qui ex
Libris solum ac peregrinantium *Relationibus* res dignosce-
re satagunt, similes censeantur Præconibus, qui formam
quidem & notas fugitivi mancipii, licet ipsi viderint
nunquam, Stentoria voce publicare solent; at, si forte
quem præconio aliis indicant, prope assisterent, agnoscere
eum non valerent; ut olim facete adnotatum à *Galeno*.
Qui enim Autorum verba legentes, rerum ipsarum ima-
gines (eorum verbis comprehensas) sensibus propriis
non abstrahunt, sed falsa idola & phantasmata inania
mente concipiunt; hi umbras quasdam & Chimæras sibi
fingunt, totaque eorum theoria sive contemplatio (quam
tamen scientiam arbitrantur) vigilantium insomnia, aut
ægotantis animi deliria repræsentat; ut *Harvæus* acu-
tissime, in *Præfat. ad lib. de Generat. Animal.*

Quoad *POSTERUS*, *Lectionem* scilicet assiduam;
nec opus est profecto, nec Præfatiunculæ finit angustia,
ut hic expendendo immoremur, quantum & delectatio-
nis, & emolumentum exinde colligi possit: maxime quum
id ex se satis jam innotuerit vel leviter in hoc genere ar-
gumenti versatis. Et loci hujus magis interest, ut paucis
atingamus, quid *Difficultatis* in ea occurrere soleat *Ju-
ventuti* Historiæ Naturalis studiosæ.

Extant quidem (fateor, nec sine grata memoria re-
cordor) haud pauca super eo, in quo nunc versamur,
d subjecto

P R Æ F A T I O.

subjecto Volumina ; eaque à viris summo cum eruditione, tum industria, fideque conspicuis, partim ex suis, partim aliorum observationibus, condita. In his tamen (quod serio dolendum) tanta *Lectores* premit ac remoratur sententiarum discordia, non solum circa descriptiones, sed de ipsis quoque *Nominibus* quorundam *Animalium* & *Fossilium* (ut Vegetabilia, quibus nullum in hoc Libro locum consignavimus, silentio prætereamus) ut eas sibi invicem conciliare, plane videatur impossibile ; summe vero arduum, decernere, cuinam ex Animalibus aut Fossilibus in specie descriptiones istæ ac nomina rectius possint debeantque accommodari. Eorum enim, quæ ab *Aristotele*, *Theophrasto*, *Dioscoride*, *Æliano*, cæterisque *Græcis* descripta sunt, haud exigua pars vel nobis hodie prorsus ignota videtur ; vel tanta dissimilitudine à *Modernis* depicta, ut legendo solum ne hariolari quidem liceat, cujus *Eclypa* Prototypis magis similia censeantur, cuiusve auctoritati tutius sit acquiescendum.

Plinius etiam ipse (quem tamen inter *Latinos* par est hac in re omnium instar agnoscamus) quæ ex *Græcorum* scriptis hauserat, tanta vocum de novo effictarum licentia, pro arbitratu suo, plerumque mutavit, ut haud raro non eadem cum Exemplaribus, quæ ad amussim sequi debuit ; ast alia, longeque ab istis diversa indigitasse eum credas. Deinde, si quis *Lexicographos*, Veterumve *Interpretes* (sic enim audire amant) super ejusmodi dubiis, ex appellationum sive multitudine, sive incertitudine oriundis, consultum iverit ; spe sua identidem frustrabitur. Hi quippe nullibi magis cæcutiunt, quam in propriis Animalium nominibus ex mente Veterum reddendis. Unde usu venit, ut in *Lexicis* & *Dictionaryis* vulgaribus,

P R Æ F A T I O.

garibus, voculæ unius, quam ad proprie designandum genus quoddam Animantium prudenter excogitavit, posterisque servandam reliquit Antiquitas, alicubi reperias decem interpretamenta: & si varias textus alicujus græci *Versiones* inter se contuleris, & istas quoque videbis haud minori discordia laborare. Qua tamen in re istiusmodi autores eo minus culpandi videntur, quod multiplex *Linguarum* varietas perpetuas hujusmodi studiis tenebras offuderit; quodque aliis atque aliis nominibus, non solum diversi terrarum mariumque tractus, sed & *Provinciae* etiam finitimæ eadem animalia appellitent.

His equidem nodis haud leviter irretitum anxieque remoratum inter legendum cum meipsum olim sensissem, καὶ πάντα τὰς λόγους ἀνω καὶ κατω μετὰ τρέφων καὶ ὁπιοκοπῶν (ut verbis utar *Platonis*) diu mecum consideraſsem, qui ab iisdem facilius tandem liberari possem: veniebat forte in mentem, commodissimum fore, si à *Zoographis* traditas Animalium descriptiones cum vivis Naturæ exemplaribus, quotquot saltem mihi oculis propriis inspicere & contemplari daretur, accurate conferendo examinarem. Sperabam nempe, hoc pacto me & singulorum notas genuinas ab adulteratis distinguere, & haud pauca ad proprias sibi Familias reducere posse. Ex eo igitur tempore, hac vera vereque regia inquirendi via multos annos insistens, nil intentatum reliqui, quo tam laudabili instituto, quatenus liceret, satisfacerem. Lustratis scilicet quibuscunque Animalium, perfectiorum saltem, generibus, quæ *Britanniam* nostram, quæ *Galliam*, quæ *Germaniam* superiorem, inferioremve, aut perenniter incolunt, aut ingruente hyeme quotannis invisere ac frequentare

P R Æ F A T I O.

solent ; quæ item *Novus Orbis* Emporiis nostris, quandoque raritatis causa, immittere gaudet : pleraque eorum & cum descriptionibus, quas in *Gesnero*, *Wottono*, *Rondeletio*, *Mouffeto*, *Salviano*, *Bellonio*, *Aldrovando*, *Johnstono*, cæterisque id genus autoribus legissem, qua potui fide ac diligentia, contuli ; & propriis insignita nominibus in *Tabulas* conjeci, juxta methodum ab *Aldrovando* observatam.

Quo in opere haud exiguo mihi adjumento fuit, tum Augustissimi Potentissimiq; CAROLI II. nostri, Regis instructissimum Ζωοτροφεῖον five Vivarium, tum inclytissimæ SOCIETATIS REGIÆ, ab eodem ad Naturalem Scientiam promovendam fundatæ, Musæum. *Hic* enim tantus ostenditur rerum naturalium cumulus, ut vix dies sufficere possit ad immensam earum varietatem vel perfunctorie visendum ; ad singulatim dignoscendum, vix annus. *Illic* vero, ad pascendos curiosorum oculos, aluntur quamplurima Ferarum Volucrumq; rariorum genera, à remotissimis etiam Orbis Terrarum regionibus eo allata. Quæ si Tute ibi semel aspiceres, Arcam *Noemicam* secundo jam ingressuris Animantium omnium paribus interesse Te, haud immerito crederes. Auxilii insuper nonnihil mihi ipse comparabam ex *Aucupio* ; cui à prima usque pueritia acriter addictus (& μυσέων Θεῶν ἔργα, ut *Hippocrati* *Democritus* ; sed dissectionum amans) quoties *Avem* aliquam, vel antea mihi non satis perspectam, vel oris *Britannicis* novam, forte videre contigit ; eam mox insequi, & in aere volantem Sclopeto conficere solitus sum ; tum ita confectam modo dictis *Tabulis* inferere, habita prius cum *Aldrovando* & *Johnstono*, circa nomen ejus & naturam, consultatione.

Non

P R Æ F A T I O.

*Non vidisse quidem satis est, juvat usque morari,
Et conferre manus, partesque agnoscere & usus.*

In *Piscium* denique inquisitione, auxiliares mihi manus subinde commodare dignati sunt Ornatissimi Collegæ mei, D. D'. *Ent*, Eques Auratus (qui æternis ingenii sui monumentis, quæ jam lucem aspiciunt, quantum solida doctrina erudit, tantum peramœno scribendi genere & styli elegantia Lectorum animos allicit imbuitque;) & D. D'. *Merret*, Vir omnigena eruditione clarus, qui- que in dignoscendis *Piscium* differentiis singularem ἀρετὴν consecutus est. Et his equidem adjutus subsidiis, pro virili mea, in hoc pulvere desudavi.

Jam vero, cum Adversariorum meorum rudera in Ονομαστικῶν Ζώων (molis profecto, ut vides, exigua, nec Libri nomine dignum) redegissem; idque nostratium quibusdam, in Eruditorum comitiis non capite tantum censis, commonstrassem, ut quæ minus placerent, obelo suo libere transfoderent: Hi mox, nugis meis nimium indulgentes, qua hortatu, qua precibus, me urgebant, ut quod in privatum memoriæ meæ subsidium, calamoque volante conscripseram, *Tyronum* gratia, publica luce donarem. Gravatum ego primo, atque inter alia Tabulas has, omiſſis plerorumque Animalium tum descriptionibus tum Iconibus, mancas obscurasque fore causſabar. Quid plura? Impetrant tandem, ipseque consilio eorum imperioque obsequens Schedulas has, de *Animalium Differentiis & Nominibus*, postliminio revisas, omnium Naturæ cupidorum oculis exponere constitui. Crimen nempe levius esse duxi, honoris mei vel gloriolæ, si qua ingenuis studiis parta est, jacturam plane facere, quam

P R Æ F A T I O.

quam incivili pertinacia obluſtari honeſtiſſimo Amicorum deſiderio.

Cæterum huic Tractatui & jam *Alium* ſubjunxi, de variis FOSSILIUM Generibus, quem ex Analectis ſelectioribus, aliquot ante annos, in meum ſolummodo uſum, conſimili methodo, compoſueram. Hocque eo quidem nomine feci potiffimum, ut haud paucos *Dictionariorum* noſtrorum *Errores*, circa Mineralium nomina *Vernacula* oſtenderem, poſitiſque rectioribus è medio tollerem.

Hiſ dictis de ſcriptionis hujus occaſione, aliud nil afferam in tam præcocis Editionis excuſationem, præter *Ciceronianum* illud; *intemperantis eſſe arbitror ſcribere, quod occultari velit*. Hoc unicum addam tamen, ne Tu, *Lector* candide, conſilii mei ignarus ſis; *Onomaſticon* hoc à me & ſcriptum fuiſſe, & in dias luminis oras (ut cum *Lucretio* loquar) emiſſum, non ut novi multum adderem, ſed ut ea, quæ in re diſperſa, atque infinita prope viderentur, ratione & diſtributione ſub uno adſpectu ponerentur; idque in juventutis, præfertim *Britannicæ*, gratiam à me factum eſt.

Proinde quum hoc vel illud legis (*Plinii ſecundi* votum recito) ſuccincte nimis traditum, ita ſingulis veniam, ut non ſingulis dabis. An cæteris artibus excuſatio in numero; Litteris durior lex, in quibus difficilior effectus eſt? Quid autem ego de venia, quaſi ingratus? nam ſi ea facilitate hæc proxima acceperis, qua priora, laus potius ſperanda, quam venia obſecranda eſt; mihi tamen venia ſufficit. Tantum abeſt, ut ſcribi contra nos nolimus, ut id etiam maxime optemus; in ipſa enim Græcia Philoſophia tanto in honore nunquam fuiſſet

P R Æ F A T I O.

fuiſſet, niſi doctiſſimorum contentionibus diſſenſioni-
busque vigiſſet. *Cicero Tuſculan. 2.* Quin libentius il-
lud dico; adnota quæ putaveris corrigenda. Ita enim
magis credam cætera tibi placere, ſi quædam diſplicuiſ-
ſe cognovero. Interim bene vale, *Lect̃or benevole*, &
dicti illius, μηδὲν ἀμαρτάν, ἐστὶ Θεῶν, καὶ πάντα κατὰρθέν, memor
eſto.

*Ex Muſæo noſtro, Idibus Junii,
Anno reparatæ Salutis huma-
næ, M DC LXVII.*

Οὐ πάντες ἐξ ὀνόματι δίδωσι, ἀλλ' ὀνόματι ἐργῶ.

Non est cuiusvis nomina imponere, sed nominum Artificis.
Plato in Cratylō.

Animalium Nomina sunt egregium Antiquitatis Monumentum.
Bochartus in Præfat. Hierozoici.

ANIMALIUM QUADRUPEDUM

Differentiæ & Nomina.

NIMAL (Græce Ζῷον, & ubi plantæ, cui etiam inesse vitam agnoscunt omnes, opponitur, Εμφυχον, *Animatum* : & Hebraice Chaja, ratione vitæ) est (1) λογικόν, *Rationale*, (2) ἄλογον, *Irrationale*.

RATIONALE nullum est præter *Hominem*, cui Deus in creatione imaginem suam indidit, & inspiravit halitum vitæ duplicis, *mortalis & immortalis*. Hebræis *Animal loquens*, quia ratio est sermo mentis; sapientissimis *Ægyptiorum* Sacerdotibus, *Animal admirandum & adorandum*; *Mercurio* illi *Trismegisto*, *Animal Deo simillimum*, & *Deorum* interpres; *Pythagoræ*, Μέγρον ἀπάντων; *Platoni*, Σαῶμα Σαυμάτων; *Theophrasto*, Αντίμιμον ὡδιδειγμα; *Aristoteli*, *Animal Politicum*; *Ciceroni*, *divinum Animal*, plenum rationis & consilii; *Plinio*, *Mundi epitome*, & *Naturæ delicie*; omnibus, Μικρόκοσμος. Nam in eo *Natura vim & majestatem suam omnem* velut in contracto compendio exseruit, sive partes ejus totum animo complectamur. Unde *Regius ille Propheta* cœlesti Numine plenus, hominis dignitatem extollens, *Minuisti eum* inquit, paulo minus ab Angelis, gloria & honore coronasti eum, & constitui eum super opera manuum tuarum. Anglicè *Man* dicitur, forte ab Anglo-saxonico *Mænan*, sentire, opinari, cogitare: cui felicissime alludit Græc. μέν, *animus*, à quo & Latin. *mens* deflexum videtur. *Merici Casaub.* *Man* pro servo declinat à μέν.

IRRATIONALE, sive *Brutum*, Hebræi dividunt in quatuor summa Genera; nempe (1) *Animal Quadrupes*, (2) *Avem*, (3) *Reptile*, & (4) *Pisces*: ex sacro illo textu, *Timor vestri sit super omnes quadrupedes terræ, & super omnes volucres cæli, & super omnia quæ repunt in terram, & super omnes maris pisces*.

Philosophi vero communiter dividunt *Animantia Bruta* in *Terrestria*, *Aquatilia*, *Aeria*.

TERRESTRIA subdividuntur in $\left\{ \begin{array}{l} \text{Quadrupeda.} \\ \text{Multipeda.} \\ \text{Apeda.} \end{array} \right.$

QUADRUPEDA rursum in

1. Μονώρυχα, *Solidipeda*, seu *solipeda*, quasi una tantum ungula prædita: Anglicè *whole-hoofed beasts*.

A

2. Δίχνηλα

2. Δίχνηλα, *Bisulca*, quorum pedes binis fissuris utrinque, hoc est, à parte anteriori & posteriori, diducuntur: **Cloven-footed.**
3. Πολυδάκτυλα, *Multifida*, & multipliciter *digitata*; quod pedes, manuum nostrarum instar, multifidos habeant: **Claw-footed.**

II. Dividuntur omnia ratione diverforum modorum *Generationis*, in *Vivipara* & *Ovipara*; quod nempe in *Viviparis*, uterus si-ve locus in quo foetus formatur, sit intra animal ipsum, cujus calore fovetur & perficitur: in *Oviparis* vero, uterus, i. e. ovum, extra animal exponitur; quod tamen illud non minus incubando fovet, quam si adhuc intra corpus suum amplecteretur.

Rationi consentaneum videtur, omnium animalium perfectiorum *Generationem* fieri per viam *ecstaticæ impressionis* ideæ, in ipso actu coitus maris & fæminæ. Quod in *Oviparis*, demonstratur ex ovis subventaneis; in *viviparis*, ex eo quod fæminæ nunquam pari-ant absque fœcunditate maris. Et, ut immortalis nostro *Glissonio* videtur, in *Oviparis* Spiritus ovi regens ecstático quodam modo idea pulli formandi imprægnatur; & ab eo ipso totum ovum fœcundatur: in *Viviparis* vero, Spiritus quidam, in ecstasi coitus, idea prolis concipiendæ afflatus, in ea parte uteri cui postea adnascitur placenta excitatur; ibidemque suo tempore pronascitur vesicula quædam aquosa materia repleta, quæ indies aucta, apparet tandem instar ovi, in quo foetus formatur. Ratio cur credamus, in *Oviparis*, excitari ideam formatricem primo in Spiritu regente ovi; at paulo aliter in *Viviparis*, ipsum uterum primo Spiritu ideam formandi afflato imprægnari, est quod ovum, ex historiis *Harvæi*, jam formatum, sed nondum exclusum, admissio gallo fœcundum fiat: at in *Viviparis* tempus conceptus, ut & tempus gestationis, à coitu computetur. Ad hæc, *Harvæus* ipse in damis & cervis post coitum nihil in uteri cavitate comparere asserit; sed in utero ipso manifestas alterationes ab initio deprehendit. Constat itaque ex dictis, hunc modum Generandi manifeste procedere per excitationem ideæ prolis, quam seminalis materia recipiens approbat eligitque, & conformiter foetum format. De hoc mysterio solertissime omnium conscripisse videtur modo laudatus *Glissonius*, lib. de *ventriculo & Intestinis* cap. 20. quo lectorem remittimus.

Cæterum ne ipsum vocum istarum, *materiæ* nimirum *seminalis*, *virtutis plasticæ*, & *ecstaticæ impressionis* ideæ, obscuritate impeditum ac hærentem dimittamus; æquum est, quid per unamquamque earum velimus, strictim hic interpretemur. Per *materiam* igitur *seminalem* intelligimus, proprium subjectum alicujus virtutis seminalis, quæ aliquam naturam seu effectum seminalem producit. *Virtutis plasticæ* nomine indicatur, vis illa formatrix, quæ resultat à
natura

feminali, quatenus ea idea futuri partus imprægnatur, cujusque virtus duplex est, *Similaris* nempe, quæ materias feminales ad organa construenda requisitas præparat; *Organica*, quæ ipsa organa totius & singularum partium juxta ideam in se conceptam fabricat. Per *impressionem* denique *ecstaticam* intelligimus, ideam ipsam formandi foetus, appetitu primum naturali, dein etiam animali in genitalibus, concurrente phantasia, conceptam, & Spiritui materiam feminalem regenti, in ardore coitus (quo potissimum tempore Phantasia per uteri desiderium ac inquietos motus, ad concursum suum in opere generationis præstando præbendum impense sollicitata, & à sensuum omnium ministerio pro tempore abstracta, *ecstasi* patitur) impressam, & cujus ad exemplar foetus demum ab eodem spiritu formandus est.

III. Ratione *Respirationis*, dividuntur in ea (1) quæ branchias habent numerosas, ac per totum corpus dispersas; ut pleraque *insecta*: (2) quæ branchias habent prope collum utrinque dispositas; ut *piscēs* fere omnes, Cetaceis tantum exceptis: (3) quæ pulmonibus dotantur; ut *perfectiora* omnia. De his vero figillatim in sequentibus.

SOLIPEDUM Classis.

Inter SOLIPEDA censentur

I. EQUUS (vel quasi *Æquus*, quia Equi, quando quadrigis jungebantur, æquabantur, paresque forma & similes cursu, copulabantur; ut *Isodoro* placuit: vel ab ὄχος, *veho*; ita dicatur, quasi *ochus velechus*, ut *Martinio* & *Vossio*) a Horse.

Qui est vel

Admissarius, a Stallion	}	Horse.
Cursorius, a Running		
Veredarius, a Post		
Desultorius, a Light		
Plaustrarius, a Cart		
Vectarius, a Pack		
Molarius, a Mill		
Succussarius, a Trotting		
Tollutarius, an Ambling		
Cataphractus, a Barb'd		
Sellarius, a Saddle		
Mannus, a little Nag.		
Caballus, a Palfrey, or Pad-Nag.		

A 2

Hinnus

Hinnus } a Ginnet.
 Ginnus }
 Canterius, a Gelding.

Partes ejus nonnullæ vocabulis propriis insigniuntur : ut

Ungula (ὄπλῳ) Hoofs.

Chelidon, seu *Hirundo*, ungularum concavitas, nidum *Hirundinis* specie referens; the Hollow of the Hoof.

Rana (βάτραχος) the Frog of the Hoof.

Corona (σφαῖρη; Hippocrati ὀνυχῶν ἀρμονία) commissura ungulæ cum pede; the Circle at the top of the Hoof.

Suffrago (καμπὴ) the Hough or Pastern.

Cirri, subcirri, fetlocks.

Cauda, caules, the Dock.

Muscerium, Setæ, Longiones, quibus muscas abigunt equi; the Tail.

Juba (χαίτη) the Main.

Caprona (ωρομήμιον) the Fore-lock.

Crista; the Crest.

II. A SINUS (quasi αἶσιν, qua voce *Homerus* & *Æschylus* usi pro innocuo; ut ingeniose *Heinsius* in erudita & festiva laude *Afini*) ὄν, an As. Cujus species sunt.

Onager (ὄναγρος) the wild As.

Afinus Monoceros Indicus, the Unicorn As of India. De quo *Plin. lib. II. Cap. 37.*

Afinus domesticus, the tame As.

III. MULUS (ἀ μῦλος, hoc est, labor; quia est animal viribus in labore eximium; & ἡμίονος, semiasinus) à Mule aut Moyl, qui vocatur

Hinnus, si ex equa & asino nascatur:

Mulus vero, si ex equo & asina.

Hoc ζῷον ἐπεόργον, ex diverso semine natum, sterile esse tradunt omnes antiqui, *Varrone* excepto; qui affirmare ausus est, Mularum fœtus regionibus *Africæ* adeo non prodigiosos haberi, ut tam familiares sint incolis partusearum, quam sint nobis Equarum.

IV. ZEBRA Indica, Mulo per omnia similis, nisi quod fœcunda sit, & fimbriatis lineatisque pilis miro aspectu videatur. Descriptionem ejus videas apud *Pigafetam in hist. regn. Congo.*

V. ELEPHAS (vel ab Hebræo *Alaph*, discere; quod docilitate reliqua animalia superet: vel ab *Eleph*, Bos, quia magnum est animal, & βῆ augendi vocabulum,) an Elephant.

Partes ejus notabiles sunt { Proboscis, **Trunk**.
Cutis cancellata, **Wrinkled Skin**.
Dentes, Ebur, **Ivory**.

De admirando hujus ingenio, ingeniosiss. *Lipsius* singularem scripsit Epistolam.

BISULCORUM non *RUMINANTIUM* Classis.

BISULCA sunt vel non *Ruminantia*, vel *Ruminantia*. Prioris generis censentur

I. **MONOCEROS**, Unicornu, **the Unicorn**. An in rerum natura sit, vel fuerit, merito dubitatur

II. **ASINUS CORNUTUS** bifidus, **the horned and cloven-footed Ass**; quem reperiri scribunt in India, Scythia, & Africa.

RUMINANTIUM Classis.

RUMINANTIA dicuntur, quæ pabulum semel deglutitum mox ad os regurgitant, seu potius regeſtum revolvunt, iterumque dentibus comminuunt. Unde ruminationis actum, *Apuleius* rumigare, *Quintilianus* & *Plinius* remandere, Græci *μν-
πνῆσαι, μνῆσαι, ὡς τὸ μνῆσαι*, quod est *revolvere*, dixerunt.

Hujusmodi animalibus natura (quæ miras formationum varietates tentare solet) *tres* omnino *proprietates* videtur indulſiſſe. *Prima* est, quod dum in utero gerunt, succus alimentaris ab utero ad fœtum transferendus, priusquam carunculas Chorio accrescentes ingrediatur, in glandulosa corpora extuberat; quæ loculamentis quibusdam, quasi favorum alveolis, ubique perforata, furculos & digitulos à placentulis Chorii exporrectos recipiunt, iisque semulgeri sinunt: observatore *Cl. D. Needhamo*, *Disquisit. Anatomic. de format. Fœtu*, cap. 2. ubi satis probabilem hujus Phænomeni affert rationem: nempe quod ruminantium lac multo densius crassiusque sit quam placentiferorum: id quod evidentissimum est in vacca, ove, & capra; si lac eorum uberibus recens emulſum, cum illo mulieris, asinæ, vel equæ conferatur. Sed & liquor quoque in Amnio ruminantium contentus densior est; & in vacca posterioribus mensibus adeo incrassatur, ut gelatinæ instar concretus videatur

deatur. Liquor vero adeo pinguis, tamque ad vias sibi præcludendas aptus, haud facile per uteri membranas transmitti posset, nisi familiarem, suæque naturæ accommodatam obtineret substantiam, cui jungeretur, & per cujus poros sive meatus (eum in finem patentiores factos) transfret.

Secunda proprietas in hoc consistit, quod dentibus in superiore maxilla destituantur: iis tamen non tam deficere dentes videntur, quam transponi. Plures enim incisores habent in inferiore mandibula, quam utrinque ~~dentatis~~ conceduntur. Unde sagacissimus naturæ interpres, *Glissonius* noster (*de ventriculo & intestinis cap. 2. num. 10.*) existimat, abesse tantum dentes, non deficere: iisque incisores in superiore maxilla non fuisse ex usu. Scopus enim naturæ videtur, ut hæc animalia quasi manipulatim cibum carperent. Incisores ergo inferioris maxillæ loco falcis sunt, & callosæ gingivæ superioris cum lingua loco manus apprehendentis. Quare satis instructa sunt, cum cibum primo integrum deglutiant. Recte itaque natura iis

Tertiam dicavit proprietatem, quatuor nempe ventriculos: *Primum*, seu potius (*Glissonio* iudice) *secundum*, ventrem, rumen, *μεγάλην υγίαν*, **the Cud** (foran quasi **chewed**, quia cibus ruminando quasi bis masticatur: nec dubitat *Skinnerus* quin Anglo-Saxonicum **Cud** ortum sit à verbo **Ceopan**, mandere) quasi lebetem, in quo cibus collectus maceretur & quasi elixetur, priusquam in ore manducetur: *Secundum*, reticulum, *νεκρόφαλον*, **the Paunch** (forte à Franco-Gallico *Pance*, *Panse*; quod deflexum videtur à Lat. *Pantex*, venter) qui duplici officio defungitur, & quatenus transmittit cibum in *μεγάλην υγίαν*, dicitur *primus*; quatenus vero eundem commansum transfert in tertium, dicitur *secundus*: *Tertium*, *Omasum*, *ἐχίνον* (ob rugas & asperitatem echino similem) **the Tripe**, (à Fr. Gall. *Tripe*, intestinum; quod *Covarruvius* deflectit à Gr. *τρέπω*, à convolutionibus scil. intestinorum) qui cibum jam maceratum probeque commansum è reticulo excipit: *Quartum*, *Abomasum*, *ἄνυστρον* **the Hony tripe** (quasi gustui gratissimum) qui cibum inteneratum tantum, & in chylum fere percoctum excipit, exceptumque perficit. Plura de horum ventriculorum structura, actionibus, usibusque sive officiis, &c. sciendi avidum lectorem dirigo ad accuratissimum *Glissonii lib. de ventriculo & Intestinis* modo laudatum. Unde paucula neminem apud alium invenienda, proindeque recensione dignissima, huc transcribere visum est; ut ruminandi modus, ab excellentissimo isto Anatomico primum detectus, clareque descriptus, etiam in re Anatomica peregrinis innotescat.

“Modus quo tota *Ruminationis* actio perficitur, sic se habet. Collecta

lecta bona cibi portione, & aliquandiu in *μεγάλης χοιλίας* penu co-
acervata, lætatur animalis phantasia, & de fruitione bonorum
partorum cogitare incipit. Hinc paulo fortius solito tensis mu-
sculis abdominis & una diaphragmate, magno ventri dat ansam
se quoque conformiter comprimendi: adeoque motus peristal-
ticus ab infra sursum excitatur, qui ascendens in Reticulum,
& inde in Gulam, cibum in os refundit. Eo enim quod orifi-
cium è magno ventre in Reticulum continuo sit apertum, por-
tio cibi in eodem contenti virtute ejus arctioris amplexus in Re-
ticulum expuitur, & continuato motu peristaltico sursum è Re-
ticulo in Gulam, & è Gula in os, ut dictum, refunditur. Suffi-
ciente autem quantitate cibi pro vice hoc modo in os regesta,
phantasia imperat remissionem istius motus diaphragmati & mu-
sculorum Abdominis: unde minus comprimitur magnus venter;
& conformiter ejus peristalticus sursum, donec nova compres-
sione facta idem denuo concitetur, una cessat. Jam vero hunc
motum in *μεγάλη χοιλία* primo excitari ad nutum phantasie, ex
eo innotescit, quod animalia, quamdiu duris laboribus aut curis
distringantur, à ruminatione abstinant; simul ac vero placidam
quietem & spem securitatis nansciscantur, ad ruminandum se
denuo convertant. Imo testantur agricolæ boves sub jugum mis-
sos, si tantillum à laboribus cessaverint, ruminationi se compone-
re; simul ac vero à jugario acrius increpantur aut stimulantur,
statim à ruminatione desistere. Unde clare constat, ascensum
cibi in ruminatione non esse motum pure naturalem, sed *mixtum*,
ansamque arripere ordiendi à phantasia libere contrahente dia-
phragma musculosque Abdominis, adeoque excitante peristalti-
cum *ἄνω* in *μεγάλη χοιλία*. Hoc confirmatur, quod hic motus
sursum nunquam immoderatus cernatur, quodque pro arbitrio
animalis constanter regatur. Neque enim venter eructat plus una
vice in os, quam quod animal commode sua lingua in ore versa-
re; ac dentibus remandere queat; neque novam materiam e-
ructat, antequam prior commansa sit & deglutita: Certum ita-
que est hunc motum, quanquam respectu *magni ventris* sit na-
turalis, respectu tamen *phantasie* eundem excitantis, & ex parte re-
gentis, quodammodo revocari ad *animalem*. Addo neque minus
certum esse, eundem cibi motum in Gula *Organicum* esse, & ni-
hil aliud nisi inversam quandam deglutitionem oriundam ab e-
jus motu peristaltico ab infra sursum concitatam.

Ruminantia dividuntur in {Cornigera;
Non Cornigera.

E CORNIGERIS sunt.

I. B O S *domesticus*, qui pro varia ætate ac sexu, diversa nomina fortitur, viz.

Bos, an **Dr** (ab Anglo-Saxonico **Dra**; quod *Skinnerus* deducit à Lat. *occare*, quia scilicet hoc animal ad labores & patientiam natum, tum pedibus, tum aratro quod trahit, terram frangit & proscindit) quo nobis *Bos* castratus tantum intelligitur.

Taurus, *bos* non castratus, a **Bull** (à Belgic. **Boll**; idque fortitan à *boatu* proprio & naturali ejus sono, qui *mugitus* dicitur, **bellowing**).

Vacca, a **Cow**, quod si Græculus essem, derivarem à *Kúω*, *concupio*; sc. ab animalis fœcunditate.

Juvenca, a **Haifer**; vel, ut *Minshæo* placuit, ab **Hay**, & **fare**, scil. quæ fœno vesci incipit: vel, quod *Skinnero* rectius videtur, ab Anglo-Sax. *Heah*, altus, & *Fone*, gressus; utpote quæ altum graditur, i. e. superbe incedit, toto jam corpore & cornibus adulta.

Junix, à **Stier** aut **Steer**, ab A. S. *Stýpe*, *Steor*, *Juventus*: *Merie. Casaub.* deflectit à Gr. *Σπῆξα*, βῆς *Σπῆξα*, vacca sterilis, quæ taurum admittit quidem, nec tamen inde concipit.

Vitulus, a **Calf**, proculdubio ab A. S. *Calp*, fœtus.

II. B O S *Silvestris*, cujus plures dantur species,

Urus { *Jubatus*, the **Owre**.
 { *Lybicus*, sive *Catoblepa*.

Bison { *Magnus*,
 { *Jubatus*.

Bonafus, the **Bugle**.

Bubalus *Africanus*.

Oryx, animal ferum *Bubalo* paulo minus, Afris **Dunce** dictum.

Buffelus, the **Buffle**.

Bos strepsiceros, the wild **Dr** with wreathed horns.

Bos Scythicus gibbosus, the little **Scythian Dr** with a **bunch-back**; qualis ante pauculos annos videbar in Augustiss. Regis nostri vivario, **St. James's Park** dicto.

III. OVIS (ab *ois*; ita enim antiquiores Græci dicebant, non, ut nunc, *πεῖλαλον*) a **Sheep**, ab A. S. **Sceap**, quod idem designat, cuique alludit Gr. *Σκίπω*, *tego*; quia scilicet multa lana tegitur, & lana sua etiam nos tegit. Ovium vero diversa apud Latinos nomina sunt: pro varietate ætatis & sexus, viz.

Aries

Aries, a Ram aut Tupp.

Ovis, an Ew, à Lat. *Ovis*, Gr. *ois*, interjecto Digamma Æolico.

Vervex, a Weather, ab A. S. apud Ælfricum Wæep, aries castratus.

Agnus a Lamb, (ab A. S. Belg. & Teut. Lamb: cui parum alludit Gr. *Αγνός*) subrumis, sucking; abrumis, weaned.

Bidens, a young Sheep with two teeth.

Adasia, an old Ew that hath newly year'd.

Mina, Sheep wanting wool on their bellies.

Apica, Sheep of little bodie and less wool.

Lanata, Sheep rich in wool.

Species Ovium magis notabiles sunt.

Anglica } ob lanæ molliem.

Hispanica }

Æthiopica, quæ lanam non habet.

Turcica, cauda tam ampla, ut eam sine vehiculo vix sustineat.

Lybica, quæ aselli magnitudinem æquat.

Chilensis, non lanata, sed prolixis admodum villis vestita, & quæ sputum ejaculatur in vexantes. Hujus descriptionem ac iconem videre est apud Georg. *Marsgravium* in appendice ad *Hist. rer. natur. Brasiliæ*.

Pernana, quæ quinquaginta oneris pondo sustinere valet, & ad aliquot passuum millia vehit. Describitur accurate à *Benzone hist. novi orbis*.

Quoad earum *Fæturam*, hic opportune notandum occurrit, quod apud Cl. D. *Needham*, in *lib. de formato fœtu cap. 2. § 7.* observatum invenies; scilicet *Cotyledonifera* animalia dari nulla præter ovem & capram, quibus glandulæ uterinæ, præter loculamenta in Ruminantibus aliis quoque conspicua, Cotylam etiam obtinent majusculam, quæ totam ipsarum superficiem excavat, instar cupulæ glandis. Quo uterum gerentibus hujusmodi animalibus peculiari artificio natura prospexisse videtur commodiori succi alibilis per uteri angustias ad nutriendum fœtum transmissioni; quemadmodum paulo ante de Ruminantium lacte uterino dictum est.

IV. CAPRA, (à carpendis virgultis, ut *Varro*, *Cicero*, & *Nonnius*) Αἴξ, a Goat, ab A. S. Gæte, Gæt, Ælfrico Gat, Hircus, Cujus species sunt

1. *Hircus domesticus*, Τεῖχος (forte à Τεῖχος, & Τραγεῖν, edere; quod vorax sit) the tame Goat.

2. *Rupicapra*, αἴξ ἄγρος, & ἄγρος *Oppiano Cyneget. lib. 2. vers.*

343. Tridentinis & circumvicinis populis *Camozza*; Hispanis *Chamois* & *Gemps*; **the Rock-Goat**. Hujus in animalis ventriculo secundo reperiuntur sæpenumero globuli quidam adeo Cardiaci & Alexicaci, ut lapides Bezoardicos longe antecellant; si credimus *Velschio*, qui peculiarem de iis non ita pridem scripsit tractatum, titulo de *Ægagropilis*; quem ideo consulas velim.

3. *Dama-capra*, *vel* *capra* proprie, cornibus tanquam unco prominentes rupes apprehendens, eoque pacto tutam se reddens à venatoribus; **the mountain Goat with horns hook'd at the top**.

4. *Caper Hispanicus*, **the Spanish wild Goat**.

5. *Ibex*, *αἰξ ἰβηλική* *Homero*, ab *ἰβύω*, quod *Hesychius* exponit *ferio*; nam non raro cum magno impetu in venatorem fertur, eumque præcipitat; **the Stone-bock**. De quo vide *Scaligerum ad Cardanum Exercitat.* 207. & in *Arist. de hist. animal.* 2. sect. 130.

6. *Caper Mambrinus*, auribus longissimis, quem prolixè describit *Marcgravius hist. Brasil. lib. 6. cap. 10*.

7. *Capra Strepsiceros*, **the Antelope of Barbary** (quæ vox vel Græcæ originis est, & tum haud violenter deflecti potest ab *Ἀντι*, contra, adversus, & *ῥόπος*, cervix; quasi dicas, Caper qui inversos cornuum apices habet: vel Arabicæ, quod verisimilius videtur, quia Animal ipsum in solis iis regionibus quæ Arabice loquuntur, invenitur) & Barbaris etiam *Gazella*, ab Arabico *Gazal*, Caprea.

8. *Capra Moschi*, aliis *Cervus Odoratus*, **the Musk Goat**. Hujus enim in folliculo colligitur odoramentum illud quod *Moschum* (forte à Gr. *μῦχος*, vitulus; ab aliqua fortean vituli & hujus animalis similitudine) vocant. Ferunt odoratis pasci, ac potissimum Nardo; unde etiam Moscho, i. e. sanguini circa umbilicum collecto, odor concilietur. Consule *Atlantem Sinensem*, unde paucula de Cervulo hoc odorato, juniorum in gratiam, excerpere visum est. “At ne quid *Muschus* sit
“quispiam hæere possit, dicam ipse plus vice simplici testis
“oculatus. Tuber seu extuberantia quædam est ad umbilicum
“animalis, parvum marsupium referens, subtili pellicula, &
“subtilissimis pilis vestita constans. Animal ipsum Sinæ *Xe*
“vocant, unde *Xehaing*, hoc est, animalis odor seu fragrantia,
“quod *Muschum* significat. Quadrupes est, exili cervulo haud
“absimile, pilo paulo magis nigricante. Cornuum omnino
“expers est: caro occisi etiam pro cibo adhibetur à Sinis.
“Tubera illa seu marsupia si sincera sint, minimeque adultera-
“rata, præstantissima sunt, adeoque vehementi odore, ut organum

“ num ipsum, sicut & Zibethus pura, omnisque lux, aut sonus
 “ æquo vehementior aures, aut oculos, odoratum offendant:
 “ at versipelles Mercatores ex sanguine, pellibus, aliisque ani-
 “ malis exuviis Muscho additis, marsupia quæ pellis animalis
 “ subministrat, infarciunt, ac tanquam vera & genuina vendi-
 “ tant. Sunt qui id miscent cum Sanguine draconis, & hoc
 “ pacto ex una vesica tres aut quatuor faciunt: fucus tamen non
 “ latet peritiores. Si enim adustum evaporet, verum esse cre-
 “ ditur: quod si carbonis ad instar quidpiam adustum rema-
 “ neat, adulterato actu contaminatum est. Animal adeo sto-
 “ lidum esse fertur, ut venatoribus fugæ nescium interimen-
 “ dum se ultro sistat:

9. *Hircus Bezoarticus*, (*Bochartus in Hierozoic. de flectit à Persic. Bed*, remedium, & *Zahar*, venenum; quasi dicas, Alexipharma cum per antonomasiam: alii vero à *Pazar*, Persice Caprum significante, quod lapis eodem nomine insignitus in Capri cujusdam ventriculo inveniatur,) **the Bezoar Goat**: de quo adeundus est *Bontius, de Medicina Indor. p. 46.*

10. *Subak Scytharum*, auribus ita demissis, ut spectent ad terram; **the long ear'd Goat of Scythia**. Quæ lana seu pilis, facieque & cornibus ovem potius quam Capram referre videtur; judice *Aldrovando Hist. Bisulcor. cap. 25.*

11. *Fliris*, *Oryx*, (*ὄρυξ ὁ ὀρύττειν seu ὀρύσσειν, fodere*; quod ad ortum accedente luna, prioribus pedibus terram effodere dicatur) quæ contrario vestitur pilo, & ad caput converso. Plura legas in *Aldrov. Hist. Bisulc. cap. 25.*

V. CERVUS (*ἀπὸ τῆς κεράτων*, quasi *κεράος* cornibus insignis) *ἐλαφος* (quasi *ἐλαφεὺς*, *levis*, ob cursus velocitatem) **the stag**.

De *Cornibus* Cervorum observare est, quod cervis *anniculis Calves* aut *Fawns* (à Franco-Gallico *Faon*, *Fan*, Hinnulus seu cervi pulus) nondum cornua nascantur; *Bimulis* vero oriuntur *simplicia* & *recta*, ad Subulorum similitudinem, unde *πατταλίας*, Subulones, **Brocks**, **Brockets** (à F.G. *Broche*, veru) & **Prickets**, eos per id temporis vocant venatores; *Trimulis* deinde *bifida*, & tunc **Sorells** (forte à colore pilorum circa id ætatis subrufo, qui color Franco-Gallis *Saur*, nescio an à Lat. *Saturo*) nominantur; *Quadrimis trifida* atque deinceps *ramosa* fiunt, indeque nominantur **Stags** aut **Bucks**. Constat tamen in multo plures ea ramos dividi ante quartum annum. Ex novellis sive *Typhis* sanguine adhuc manantibus distillatur aqua summe *Cardiaca*, Mayerno *Rizotica* dicta, adversus febres Malignas.

Ad *Cervorum* familiam spectant

Tragelaphus, qui Hirco & Cervo similis est (unde nomen) **the Goat-Deer**. Germani vocant **Brandthirsch**, quod nigrioris coloris sit, quam Cervus: quo etiam major est & robustior. In sal-
tibus Bohemiæ vicinis frequens est.

Tarandus, **the Rein-Deer**: septentrionalibus, quibus familia-
ris est, **Rehenschier** dicitur. Tergori ejus tanta durities, ut tho-
races ex eo faciant.

Rangifer (ita dictus duplici ratione; tum quod in capite alta
cornua, velut arborum ramos, gerat: tum quod instrumenta, cor-
nibus pectorique, quibus hyemalia plaustra trahit, imposita *Ranga*
& *Loga*, patrio sermone, vocentur.) *Sanguis* ejus excellentissimum
perhibetur *Scorbuti* remedium: & *Ungulae* Spasmodicis profunt.
Manfueri hujus & variis usibus humanis percommodi animalis histo-
riam expresse tradidit Doctiss. *Joh. Schefferus* in descriptione *Laplan-
diæ*: ubi ipsum & à *Tarando* plane distinctum, & illi regioni pro-
prium esse asserit.

Alces, Germanis **Elend**, Angl. **the Elk**. De quo *Cardan. lib.*
10. de subtilit. Ungulae ejus *Epilepsiae* & *Hystericae* affectioni sum-
mopere opitulantur.

Dorcas (*ὄρεξ δὲ δέρνω*, video, quod acutissimè videat) *Capreolus*,
the Roe-Buck, Scotiae per familiaris.

Pygargus, fera specie Cervi, quæ retriores partes albas habet:
ideo & *Pygargus* dicitur, quia Græce nates *πυλῆ* dicuntur. *Vetus*
*Scholias*tes.

VI. RHINOCEROS, cui nomen à Cornu, quod è naso pullu-
lat, datum est. Cujus Cutis instar Elephantinæ, rugosa admodum
est, cum profundis plicaturis; adeoque crassa, ut ictui Japonicæ
machæræ facile resistat. **The Horn-nose.**

BISULCORUM NON-CORNIGERORUM Classis.

E NON-CORNIGERIS sunt

I. **CAMELUS**, *κάμηλος*, (vel ab Ebraico, *Gamal*; vel à *Κάμνω*,
laboro; est enim animal ad labores natum) **the Camel**.
Cujus species sunt

1. *Camelus* proprie sic dictus, qui ratione regionis est vel
 1. *Arabicus*, qui vocatur *Hugium*, ingentis staturæ & roboris,
pondo mille librarum ferens.

2. *Bactrianus*

2. *Bactrianus*, cui bina in dorso tubera sunt, unde δῖπλος & διωπρὸς dicitur, oneribus ferendis & equitationi aptissimus.
3. *Caspianus*, qui unum in tergo tuber, alterum vero in pectore, cui incumbat, gerit. Ut *Sam. Purcas. peregrinat. l. 6. cap. 1. §. 2.*
4. *Indicus versicolor.*
2. *Camelopardalus* (à *Camelo* & *Pardalo* nomen sortitus) modernis *Giraffa*; tanta in anterioribus proceritate, ut diductis latissime tibiis cibum & potum capere cogatur. Corporis vastitate Camelum, macularum varietate Pardum imitatur. Reperitur in Africa, apud Troglodytas, & in Æthiopia.
3. *Dromedarius*, minoris quidem staturæ, sed cursus velocioris: Unde & nomen habet (nam δρόμος Græce cursus velocitas appellatur) *the Dromedary*. Centum & amplius millaria uno die conficere solet.

BISULCORUM NON-RUMINANTIUM Classis.

1. **SUS**, ὄσ, a **Swine**. (Sic dictus forsan à σῶω, *maſto* & *ſaſcrifico*, quia id animal ſacrificiis accommodatum: ut *Varro, de re ruſtic. cap. 4.*) Cujus varia occurrunt nomina, *viſ.*
Porcus, χοῖρος, quaſi *ſpurcus*, quod ſe cœno & limo immergat:
a **Hog**.
Scrophæ, χοιμῶν, κεῖρα, Porca quæ ſæpius peperit; an old **Sowe**.
Verres, porcus non caſtratus, & manſuetus; a **Boze**.
Aper, a wild **Boze**.
Maialis, verres caſtratus, a **Celt Hog**, or **Barrow-Pig**.
Ejus ex Carne & aliis conficiuntur (1.) *Pernæ*, **Samons of Bacon**; (2.) *Callus aprugnus*, **Brawn**; (3.) *Iſicia*, **Sauciges**; (4.) *Proſecta*, **ſfricaces of Sweet-breads**; (5.) *Lucanica*, **Andulia's**; (6.) *Faliſci*, **Farcimina, Puddings**; (7.) *Funduli*, **Hiræ, Chitterlings**; (8.) *Botelli*, **dryed Puddings**; (9.) *Apexabones*, **Harſlet-Puddings**; (10.) *Tomacula*, **Liverings**; (11.) *Offa*, a **pudding-pie**; (12.) *Afratum*, a kind of meat of **ſwines-fleſh**, like froth; (13.) *Tuceta*, **minced meat**; (14.) *Dartuli*, **Hogs-fleſh mixt with meal and fryed**, &c.

Ad genus ſuillum referuntur.

Taxus porcinus, the **Pig-Badger**.

Sus Cornutus, the **Horned Swine**.

D

Babi-

Babiroussa, seu *Porcus Indicus*, in quo plurima miranda. Ejus & descriptionem, & effigiem videre est apud *Cl. Thom. Bartholin. Histor. Anatomic. cent. 2. hist. 96.*

Porcus Americanus à *Marcgravio* descriptus, l. 6. *Hist. Brazil. cap. 7.*

II. HIPPOPOTAMUS, qui parte anteriore bubulam figuram, reliquo corpore suillam refert; *the River-Horse*, in Nilo frequens. Hunc bestiam illam esse immanem, quam in libro *Job* descriptam legimus, sub nomine *Behemoth*, rationibus plurimis probat *πολύλογος* ille *Sam. Bochartus* in *Hierozyic.*

Dentes ejus, in annulos tornati, plurimum valere creduntur adversus *Spasmodum flatulentum*, nostro idiomate *the Cramp* dictum.

Quadrupeda DIGITATA sunt vel *Ζωότρυα*, *Vivipara*, vel *Ωότοκα*, *Ovipara*: &

VIVIPARA rursus vel $\left\{ \begin{array}{l} \text{Fera.} \\ \text{Domestica.} \\ \text{Dubia.} \end{array} \right.$

Ex FERIS sunt

I. LEO, *λέων*, ὡς τὸ *λάω*, *video*; quod perspicaci præ cæteris oculorum acie polleat. *the Lion*. Cui affines sunt *Feræ* (1.) *Mitzi*, (2.) *Quamitzi*, (3.) *Macamitzi*, de quibus videatur *Nierembergii lib. 9. cap. 24.*

II. PARDUS (seu ab *ἄρδω*, *irrigo*; quod ejus pellis nigris maculis quasi irrigata sit: seu ab *ἄρδαλόω*, *inquino*, quod iis quasi inquinata sit.) *Leopardus* (quasi ex *Leæna* & *Pardo* genitus) & *Panthera* (quod omni-faria feritate sit prædita, Fœmina scilicet, nec crudelitatis unquam etiam mansuetæ obliuiscatur.) *the Leopard* aut *Panther*. Cujus speciei quædam est

Dasypodes Pinuus, sicut vocant Hispani, *Theotochtli* Indi; quem exacte descriptum invenias à *Nieremberg. l. 9. c. 1.*

III. LYNX, *λύγξ*, ἀπὸ τῆς *λύκης*, à *Luce*; quod omnium animalium acutissime videat: unde nomen factum est fabuloso isti *Lynceo*, qui acie oculorum penetrare dictus terram ipsam, videreque ea, quæ apud inferos fierent; ut *Apollonius* in *Argonauticis* ait; eo quod primus reperisset æris & argenti fodinas, *the Lynx*. Pellis ejus maximo venditur pretio, per totam Europam.

IV. TYGRIS, nomen à velocitate datum, à *Medis*, qui *tigrim* sagittam vocant, *the Tygre*.

V. URSUS vel ab Hebræo *UR*, ob igneam animantis indolem

lem; vel à supino verbi *urgeo*, quia animantes alias urgendo & impellendo prosternit) ἀρκίον, (ab ἀρκέομαι, quod sine externo alimento hyemem totam transigat.) Et δασύτριχον, hirsutus: **the Bear**. In Urſi renibus, detracta membrana investiente, appensa quasi Ceraſorum congeries videtur, & spatia intermedia adipe intime hærente replentur.

VI. LUPUS, à λύκος, K in P. mutato, à rabie rapacitatis) **the wolf**. Cujus species sunt Lupus

1. *Vulgaris*, **the common wolf**.
2. *Aureus*, qui minor est lupo communi, sed voracitate par; in Cilicia & Turcia frequens.
3. *Scythicus*, qui in ultima *Scandinavia*, post *Norwegiam* & *Gothiam*, reperitur; perpetuo iracundus & rabie percitus. Germani, ab acie unguium, quibus maxime sævit, **Grimme-Claw** vocant.
4. *Marinus*, **the Sea-wolf**; animal amphibium, magnitudine Urſi, pelle adeo dura, ut gladiis pene sit impenetrabilis. Pellis ad vestimenta militum gregariorum ac nautarum adhibetur.

VII. GULO (à voracitate insatiabili) **the Glutton**. Qui vescitur cadaveribus, tantumque devorat, ut tympani instar infletur. Plenus, angustiam duarum arborum aut rupium ingreditur, & vi per infernas & superas partes excrementa extrudit, rursusque ad cadaver regressus sese implet. Unde *Scaliger Vulturem quadrupedem* vocat. Reperitur in *Lithuania*, *Muscovia*, & aliis septentrionalibus regionibus.

VIII. DABUH Arabum, Africanis *Sesef* dicta; magnitudine & forma Lupum referens, quæ etiam sepulta cadavera eruit. Forte est eadem cum veterum *Hyæna*; quod & *Gesnero* placuit. Sanguis hujus feræ pro potu venatoribus inservit: & melle rarissimo conditus, in pompis nuptialibus propinatur.

IX. VULPES (à celeritate, καὶ Συγχεπλὼ, pro *volipes*, quod pedibus quasi volet.) Αλώπηξ (ἡ δὲ ἀλὼ & ὠψὲς ὠπὸς, à fallendis oculis) **the Fox**. Cujus species quædam esse videtur

Vulpes Americana, *Mapach* dicta, Anglice **Ratton**. Quæ illud sibi peculiare habet, quod aquæ injectum, quicquid offertur, prius anterioribus pedibus lavet & verset, quam ori admoveat. Iconem hujus perite delineari curavit, & *Musæi sui lib. pag. 319.* inseruit *Cl. Ol. Wormius*.

Digitatorum SEMIFERORUM Classis.

SEMIFERA vocamus, quæ licet feris sint instructa moribus; Sob parvam tamen corporis molem, ab hominibus facile regi & domari possunt. Cujusmodi sunt

I. SIMIA, & nonnunquam *Simius* (vel à depressis & *simis* naribus: vel, quod *Vossio* magis placuit, quasi *Mimia*, à μιμῆις, *imitari*; quia cum homines non sint, homines tamen imitantur. Quod ipsum indicat *Claudianus lib. 1. in Eutropium*.

Humani qualis simulator simius oris.

Πίδνυς, ὡς τὸ πείδεσθαι ὑπ' ἡμῶν, quia facile ab hominibus persuadeatur, **the Ape.**) Cujus variæ species sunt, viz.

1. *Babio the Baboon*. Dicitur etiam *Papio*, & Germanis **Pabion**.
2. *Cercopithecus* (i. e. *Simia Caudata*; κέρνυς enim caudam significat & πίδνυς *simiam*) **the Monkey**. Qui est vel *Barbatus*, vel *Erectus*, vel *Leoninus*, vel *Moschatus*, vel *Ambiguus*. De quibus differentiis consulendi *Marcgravius* & *Johnstonus*.
3. *Cercopithecus Minor*, **the Marmoset**.
4. *Cynocephalus* (à canino capite) *Aliano* Κυνοκεφάλος (quod faciem habeat caninam) **the Dogs-Headed Monkey**: ingenio singulari, & proxime ad humanum accedente. In Ægypto quippe (ubi in sacris nutriebantur olim, ut inde tempus Synodi Luminarium scire possent) discunt ad quemlibet Epistolas deferre: & observavit *Bellonius*, qui nummos hero deferendos, manu protensa, à spectatoribus exigent. Hujus generis unum in Aula sua servabat *Carolus* 1. olim Rex noster; sed, post biennium, sclopeto confici jussit, ob insignem salacitatem. Fuit enim tam solutissimum animal, ut, ad primum puellarum aulicarum conspectum, libidine effervesceret, & in amplexus ruere auderet.
5. *Satyrus Indicus*; *Orang Outang* Indis; & *Homo Sylvestris* dictus *Nicol. Tulpio* (qui ejus tum effigiem, tum admirandum ingenium communicavit in *Observat. Medicar. lib. 3. cap. 56.*) **the Drill**. De quo mira retulit *Gassendus*, in *vita Peirescii, lib. 5.* in hunc modum. "Significarat nempe *Peirescio Natalis* " Medicus quidam clarus, esse in Guinea *Simias*, barba proce- " ra, canaque, & pexa propemodum venerabiles; incedere " ipsos lente, ac videri sibi præ cæteris sapere: qui maximi " sunt & *Barris* dicuntur, pollere maximo judicio; semel dun- " taxat quidpiam docendos: veste indutos, illico bipedes in- cedere;

“cedere ; scite ludere fistula , cithara, aliisque id genus (nam
 “quod everrant domum, convertant veru , pinfant in morta-
 “rio, aliaque ratione famulatum præstent , haud reputari ad-
 “modum) fœminas denique in iis menstrua pati, & mares
 “mulierum esse appetentissimos. *Arcosus* vero literis quibus-
 “dam exposuerat, quidnam Ferrariensi cuidam contigisset,
 “cum in regione Marmaricæ, *Angela* dicta , versaretur. In-
 “cidit nempe quadam die in Nigritam canibus venantem ho-
 “mines, ut visum, sylvestreis. Capto, cæsoque illorum uno,
 “inhumanitatem Nigritæ increpuit, qui in suum genus ita sæ-
 “viret. Ille vero, falleris, inquit ; nam hic non est homo, sed
 “bellua homini persimilis. Quippe sola pascitur herba, inte-
 “stinaque ovina habet ; quod ut credas melius , rem ecce ; fi-
 “mulque abdomen aperuit. Fœminæ similiter captæ erant
 “mammæ ad pedis longitudinem : cætera mulieri simillima
 “fuit. Totum utrique pilosum corpus, sed pilo brevi , ac satis
 “leni.

II. *Upalim*, fera Cercopithecæ Æthiopici magnitudine. Pellis autem quasi cocco tincta rubet , maculis aliquot in locis conspersa. Caput instar globi rotundum. Uti describitur ab *Ambrosino Hist. Digitator. lib. 9. cap. 9.* & *Johnstono lib. de Quadrup. pag. 145.*

III. *Tamandua Guacu* Brasiliensis, Congenilibus (ubi & frequens est) *Umbulu* ; Belgis vero, *de groote Mierneter* Angl. *the great Ant-eater* ; quia formicis vescitur ; linguam prælongam exserens, formicarumque tumulo tam diu imponens, donec formicis plena sit, quas deglutit. Teste *Marcgravio Hist. Brasiliens. lib. 6. cap. 4.* ubi & extat animalis hujus icon : ut & alterius, *Tamandua-i*, i. e. *the lesser Ant-eater*, dicti.

IV. *Ai*, sive *Ignavus*, *the Sluggard*. Animal magnitudine vulpis, sed adeo ignavum & tardigradum , ut unius diei spacio vix quinquaginta passus pervadere possit. Hujus iconem videre est in *Ol. Wormii Musæo*. Lusitani *Perillo ligero*, seu *caniculam agilem*, per antiphrasin vocant : aliquando *Priguiza*, i. e. *Pigritia*. Inusitata est figura & natura hujus animalis. Ore insignitur inamæno, & *unguibus* ad digitorum similitudinem prominentibus. Cui in occipitio existens *coma* cervicem velat : lentoque ventris adipe ipsam verrit humum , rarissime in pedes exsurgens, & tam tarde incedens, ut 15. dies ad sagittæ jactum continuo tractu vix progrediatur. In arborum cacuminibus degit plerumque quarum in ascensu biduum circiter, tantundemque in descensu ponit. Nondum cuiquam innotuit quo *cibo* vescatur : neque enim ullum capere notatur. In *pedibus* tantum ei robur natura contulit, ut quodcunque apprehenderit , illud fortissime detineat. Homines in se insurgentes, ita aspe-

ctu suo commovet, ut ab ea ulterius molæstanda, vel intima commiseratione moti, abstineant: præter lacrymas enim quas ex oculis emittit, ita doloroso aspectu spectantes se ferit; ut facile persuadeat, minime lædi debere, quod natura tam inerme, tamque miseræ corporis habitudini subjecit. *Vocem* non nisi noctu edit; eamque prorsus prodigiosam, Musica nempe sex graduum intervalla perfecte referentem: ita ut Hispani, dum primum Novi Regni provinciam in America tenerent, noctuque huiusmodi vociferationem perciperent; homines Musicæ nostræ præceptis imbutos se audire arbitrarentur. Ab his, uti & ab indigenis **HAUT** nominatur, non alia de causa, nisi quod per singulos gradus intervalli *Sextæ* repetat hanc voculam, *Ha, ha, ha, ha, ha, &c.* Plura de stupenda hac bestia scire cupienti consulendum propono *Atb. Kircherum, Art. magnæ Consoni & Dissoni lib. 1. cap. 14. sect. 2. & Georg. Maregravium hist. rer. Natural. Brasiliens. lib. 6. cap. 1.* qui secuit fœmellam vivam, habentem in se fœtum omnibus numeris perfectum; quæque in ea observarat, accurate commentariis consignata reliquit.

V. **TATU**, seu *Armadillo* Hispanice (quia est animal Cataphractum, crusta undique tectum, militari & cataphracto equo persimile) **the Armadillo**. Specubus, cuniculi more, conditur; unaque nocte spatium leucæ excavat: si credere fas sit *Nierembergio Hist. Exot. lib. 9. cap. 6.*

VI. **TAXUS**, etiam *Daxus* (forte à Græco δαῦς, hirsutus & villosus) **the Badger** (hanc vocem *Badger Skinnerus* noster deflectit à Franco-Gallico nomine *Bedouer*: vel à Teutonico *Back*, Mala, Maxilla; quasi dicas *Backer*, i. e. validis maxillis præditus; & est sane animal mordacissimum) aut *Brock*, aut *Bawson*. Cujus species videtur

Heyrat, sive *Taxus Americanus*, bestia magnitudine Cati, mellis avidissima, ideoque apum opificium sedulo in arboribus inquirens.

VII. **CASTOR** (quasi γάστωρ, quia est animal ventricosum. Ideoque ridiculi sunt, qui à castrando deducunt; quasi venatoribus visis, conscius se propter testiculos peti, eosdem dentibus evellat, & abjiciat. Parvos enim habet, & spinæ adhærentes, qui, superflite ipso, avelli non possunt.) *Fiber* (quod φίβρις habeat pilos, i. e. molles: unde levicula mutatione aliud nomen ejus *Beter*, quomodo Belgis vocatur *Beber*, Gallis *Bievre*, Italis & Hispanis *Bevaro*, ut *Vossio* placuit.) **the Beber**, aut **Castor**.

VIII. **LUTRA** (ab Æolico ἐλύδρις, pro ἐνυδρις, sive ἐνυδρίς, quod in aqua ut plurimum versetur; quomodo *Lutram* Græci vocant: nempe generali nomine, cum proprie omnia Aquatica sint ἐνυδρία. Æolos, eorumque exemplo Latinos N. in L. mutare, satis constat: unde νύμφη, *lympa*; ex quo νυμφόληπτοι, *lymphatici*; teste

teste *Eustathio*) **the Otter**. Penem habet maxima ex parte osseum, Canum more; pedesque palmatos, ad instar anseris, quo velocius natet. Cui congenere videntur Lutræ Americanæ, *Saricovieme*, & *Carygueibeju*. Priorem describit *Ambrosinus*, *Hist. Digitat. l. 2. c. 13.* alterum *Marcgrav. Hist. Brasil. l. 6. c. 9.*

IX. MUS ALPINUS, *Marmota*, nonnullis ἀρχιτομῆς (ob similitudinem, quam cum mure & urso gerit.) Qui capite leporem refert, magnitudne Cuniculum, auresque tam breves habet, ut vix supra caput emineant. De *Interioribus* observationes *Severini* (*Zootomie Democrit. pag. 325.*) hæ sunt. Testes aliquantulum superiores, Cæcum peramplum, ventriculi modo, interne asperum & reticulatum, in quo valva insignis introrsum externe. Hepar multifidum, septenis lobis distinctum. Cystis fellis cholidochi valvula ad Duodenum. Splen longus hirundinis majoris modo. Ureteres non recto ductu descendentes à renibus, sed dorso adhærentes & exigui.

X. ICHNEUMON (ab ἰχθυῶν *investigo*; sive quod instar canis venatici investiget Crocodilum & Aspidem, eorumque ova observet, quam rationem affert *Gesnerus*: sive potius quod rostro suo (id simile rostro suillo) cibum rulpetur & investiget; unde & ἰχθυό from ab ἰς dicitur *Pisida* in Ἐξανμέρω.) hodie, teste *Bellonio*, *Mus Pharaonis* seu *Ægypti* vocatur: & *Æliano Mus Indicus*; **the Egyptian Rat**. Amphibium est animal, magnitudine felis, sed longius, pilis instar pili lupini duris, albicantibus per intervalla & leucophæis. Hepate Crocodili delectari, & ideo in dormientis ventrem irrepere, communiter traditur. Illud sibi peculiare habet, quod meatum quendam habeat extra foramen excrementi peramplum, undique pilis cinctum, pudendo muliebri non dissimilem, quem magno urgente æstu, loco excrementi interim clauso, aperire solet. Hinc scriptores omnes indiscriminatim, *Ichneumones* omnes & mares & foeminas esse arbitrati sunt.

XI. HYSTRIX (à ὑστὴρ & ἰς, *pilus* & *sus*, ut ad verbum sonet, *sus pilos habens*: unde proverbium ὑστὴρ ὑστέρηται, *histriceis seta*.) **the Porcupine**. In hoc animali, insignis ille musculus cutaneus (quem panniculum carnosum vulgo nominant) cuti continuatur; & singulæ etiam aculeorum thecæ suas sibi proprias habent fibras motrices; observante exactis. *Anatomico, D. Nic. Stenone*, in *Canis Carchariæ* dissecti historia.

XII. ERINACEUS (forte ab *hærendo*; quia fructus, similiaque ejus tergi aculeis infixæ hærent: pro qua sententia est locus *Plin. l. 8. cap. 37.* Præparant hyemi & Erinacei cibos, ac volutati supra jacentia poma affixa spinis, unum non amplius tenentes ore portant in cavas arbores.) *Echinus terrestris* (ἀπὸ τῆς διωαδὸς μὴ ἔχειν ὅτι τὰς ἀκάνθους, ὅ ἐστιν ὁ ἀκάνθινος, quod ob aculeos teneri non possit,) **the Hedgehog**, aut **Archin**.

XIII. MUS-

XIII. MUSTELA (vel à *Mus*, *tela* enim vocis productio est, ex sententia *Vossii*: vel à *μῦς* & *τέλω*, quod mures è cavernulis surripere credatur) **the Weasel**. Cujus species censentur

1. *Mustela Sylvestris*.
2. *Hermellanus*, **the Ermin**.
3. *Viverra* (quod vi verruncet, i. e. Animantes à cuniculis expellat) **the Ferret**.
4. *Furo* (seu quod more *furis* prædam noctu surripiat: seu à *furvo*, i. e. obscuro colore) **the Fitchet**, aut **Fitchaw**.
5. *Putorius* (quia putidum ex ore halitum semper expirat) **the Polcat**. Alias **Summer** dicitur, à Lat. *Fumus*, quia tetrum fumum seu halitum expirat; vel contracte à *Fulimart*.
6. *Martes* (à ferocia, quia *Martia*, sive pugnax est) **the Marten**, aut **Martern**. Excrementa molchum spirant. Pellis pretium ingens. In dissecto peritonæum non comparuit: Omentum vero in marsupio intestina omnia includebat, tenue, sine pinguedine. Intestinorum nulla animadvertebatur differentia. Crassius enim Ileon erat quam Rectum: Cæcum nullum. Pancreas candicans; Lien rubicundus, & oblongus; pallidius Hepar, sex lobis distinctum. Vesicula fellis lobo inclusa, quasi plicatis fimbriis. Ventriculi forma consueta. Pulmones tribus utrinque lobis conspicui. Cor & cætera nihil insolitum aliis animalibus ostendebant. Ex observatione *Thom. Bartholini Hist. Med. cent. 5. hist. 14*. Alia tradidit *Severinus part. 4. Zootom. p. 317*.
7. *Mustela Zibellina*, Aristoteli *Satherius*, Nipho *Cebalus*, Alcianto *Mus Sarmaticus* & *Scythicus*; **the Cebal** aut **Sable**. Quam *Agricola* paulo minorem Marte facit, totam obscuro colore fulvam, præter guttur, quod cinereum est. Frequens est in extremis *Muscovitarum* silvis. Præstantissimæ sunt pelles, quas *Tartari* & *Lappones* mittunt.

XIV. GENETTA (unde nomen desumptum sit, ignoratur) *Catus Hispania*, & *Genethocatus*; nonnullis *Panthera minor*; **the Genet**, aut **Genet-Cat**.

XV. ANIMAL ZIBETHI, Græcis modernis *Zapetion* Scaligero *Catus Zibethicus*, aliis *Civetta*, & Bellonio *Hyana odorata*, **the Civet-Cat**. Folliculum circa inguina gestat, in quo odoramentum, Zibethum dictum, colligitur: de cuius materia, generatione, usu, collectione, extractione, optime scripsit *Petrus Castellus Romanus*, in *Ezetali de Hyana Odorifera*, quam ad calcem *Hist. suæ de Quadrup.* apposuit *Johnstonus*.

XVI. FELIS (à *φῆλξ*, *fallax*; impostor; est enim animal callidum

lidum & fraudulentum : unde *felon, a Thief*) *the Cat* : quæ est *Domestica, House-Cat* ; & *Silvestris, Wild-Cat* ; *Syriaca* multis punctis intermixta , *the Cyprus-Cat* , dicitur item *Elurus* , καὶ τὸ αἰόλλειν τῷ ἑσάν , à varianda vel movenda cauda.

Sylvestres inter feles (quæ indubie pro climatum in quibus degunt diversitate , seu corporis habitum , seu rationem vivendi spectemus , haud parum inter se variant) nullam equidem hætenus vidi spectantium admiratione digniorem exotica illa , quæ hodie in Augustissimi CAROLI II. Regis nostri Theriotrophio servatur. Hanc feram ex India Orientali , cui peculiaris nec infrequens esse perhibetur , ad Sereniss. Regem dono transmisit Nobilis quidam Anglus , commercii , nostrates inter & Indos in Emporio *Suratensi* exerciti , Præfectus. Indis per universam *Choromandellæ* oram diffusis , inter alia nomina , Persice dicitur *Siyah-Ghush* , i. e. *Nigris auribus* prædita , *Black-ear* : & generali Orientalium consensu (à quibus tamen equidem timide dissentio) prædam pro Leone investigare traditur. Animal ipsum magnitudine vulpem , forma Catum , pilorum colore Leonem , ingenio & crudelitate Pardum exactissime repræsentat : ut de genere merito ambigas. *Dentibus* armatur acutissimis , caninis in utraque maxilla multum eminentibus ; tum ad transfigendum , tum ad dilacerandum comparatis. *Artus* ei sunt felinis & longiores & magis torosi ; at excedente magnitudinem robore prævalidi : viribus enim adeo magnis pollet , ut canem venaticum forte occurrentem , strenueque pro vita pugnantem conspexerim ab ea quasi unico momento enecatam , discerptumque. *Pedes* habet pilis densioribus , tanquam pulvinari , substratos. Condito mucrone *unguium* in vaginis incedit , nec nisi appetendo unquam protendit , ne hebetentur : quod & Leoni pariter , Pantheræ , Catoque domestico commune est. Illud autem huic videtur *proprium* , quod capta insiliendo præda , in eam continuis moribus retentam , aliquantisper simulata morte , incumbat immobile : sive non satis moderate ferens lætitiā , sive sanguinem interea è miselli animalis jugulo tacite exfugens. Ab Indorum Magnatibus & Principibus cum non exigua industria cicurari solent , tum in deliciis haberi ; ob eximiam illam qua pollent , in Avibus , Leporibus , Cuniculis & Gazellis minoribus captandis *astutiam*. Tanta enim sunt calliditate , ut mille modis visam semel prædam , etiam si ad suspicandum sagacissimam circumvenire soleant : tantaque simul ferocia , ut in vulpes etiam ipsas minime detrectent involare. Cæterum quæ ad venatum cicuratae sunt , à custodibus tam sedulo reguntur , ut nihil supra vires aggredi permittantur. Immittuntur ut plurimum in Grues , Pavones , Ciconias , Ardeas , Urogallos , Phasianos , Perdices , Anseres , Onocrotalos , Anates , &c. quas variis doliis deceptas insidiosissime opprimunt , non sine magna spectantium

voluptate. Feras vero pedum pernitate duntaxat valentes, Lepores nimirum, Cuniculos, Capreolas, Damarum hinnulos, & alia id genus quadrupeda imbellia & meticulosa, partim concitatissimo cursu, partim insidiis vincunt. Ubi Anorexia laborant (quod sæpe nimia ex ingluvie contingit) Bestiarius iis mox carnis cujuspiam tenerioris frustula diutule in lotio humano macerata ingerit; unde confestim appetitu revalescere solent. Si quando ex impari certamine contusæ, claudicantes, aliterve læsæ redeunt; Mumia similiter offis involuta, & tepidum cubile cum quiete præsentaneum afferunt levamen. Dum in sylvis libere degit *Siyah-ghush*, Leoni se venatus comitem adjungere fertur, ut prædæ reliquiis vescatur. De qua re *Sheich Saadi* in libro *Gulistan* seu *Rosario* quingentis abhinc annis conscripto (quem Persice ac Latine edidit *Georg. Gentius*) sequentem hanc *Apologum* in medium affert, pag. 81. "Atram Auricudam rogarunt, te quidnam adeo delinivit, ut tibi "Leonis consortium sumseris, illique mira officiorum promptitudine blandiaris? *Respondit*; ut prædæ illius reliquiis vescar, ab "hostiumque truculentia tuta sub illius potentiae umbra vitam "transigam. Ad hæc dixerunt illi; cum sub patrocinii illius umbra concesseris, beneficiaque illius extuleris, quid non propius "Leonem accedis; ut te lectissimorum consortio inferat, teque "ex præstantioribus ministris habeat? *Respondit illa*; hoc tuum si "sequar consilium, propiusque accessero, ne unum quidem momentum à furore illius secura ero.

*Ignicola et si centum annos ignem accenderit,
Si unum momentum in ignem inciderit, ille cultorem suum exurit,*

His de admirando hujus animalis ingenio & usu breviter jam enarratis, ne lectoris ulteriori oblectamento deesse videar, subjungam & ejusdem effigiem singulari artificio expressam, nec in ullo alio Zoographorum libro, quem hætenus mihi videre licuit, oculis usurpandam. Et ne ingrati animi culpam sustineam, æquum est heic palam agnoscam, me & Persici nominis *Siyah-ghush* interpretationem, & *Apologi* modo è *Sheich Saadi Rosario* excerptæ notitiam debere amicitiae Doctissimi D. *Thomæ Hyde*, Primarii Bibliothecæ Bodleianæ in inclyta Universitate Oxoniensi Custodis, viri sane Πολυγλώττου, & mira ingenii felicitate tam ad omnia humanitatis officia, quam ad summam eruditionem comparati; qui utramque mecum benigne dignatus est communicare.



Effigies ΣΙΑΗ-ΓΗΨΗ.

Hanc iconem æri suis impensis incidi curavit, & ζωοφιλῶν
voluptati consecravit Doctiss. verèq; Generosus vir, D. JOH.
LAWSON, M.D. & Indyti Medicor. Lond. Coll. Socius meritiss. ~

XVII. LEPUS, (à Græco vocabulo antiquo, quod Æoles eum
Boetii λέπρεν appellabant; ut Varro ipsemet, 3. de R. R. deduxit,
& post eum Scaliger in suis de Caus. L. L. libris cap. 179.) λαγὼς &
δαύπης; quod mollissime, propter villosos pedes, incedat; the
Hare. Post primum congressum superfoetat, ut vere Poeta scri-
pserit:

*Prolis amans, gignit fœtus, lact atque tenellos,
Dumque superfoetat, dum parit, usque coit.*

Non est ergo mirum, catulos prægnantes in dissecto lepore inven-
tos; quod apud Ælium legimus. Amatus Lusitanus tradit, ani-
mal facie & magnitudine leporis in India vagari, quod incolæ tam
diu baculis cædunt, donec moriatur, Mortuum pelle nudant, & car-
nem ex iētibus lividam conterunt, manibusque quasi ad hastam re-
digunt; quam pellibus ejusdem animantis involutam, Moschum no-
minant.

XVIII. CUNICULUS (quem Varro lib. 3. de R. R. ab eo sic
dictum voluit, quod sub terra cuniculos sibi ipse fodere soleat: sed

contra *Vegetius lib. 4. cap. 24.* subterraneos illos meatus ab animali potius nomen accepisse statuit; huicque suffragatur *Martialis lib. 13. epigr. 60.* hoc disticho;

*Gaudet in effossis habitare Cuniculus antris;
Monstravit tacitas hostibus ille vias.*

Unde *Vossius* hariolatur, cum (*Varrone* teste) cuniculus ex Hispania primum esset advectus, non abludere à vero, ipsum etiam nomen inde reportasse) *Vegetio Lepusculus*; & *Straboni, Lepus fossor*: **the Coney** (à Belgico **Konin**, quod à Lat. *Cuniculus*) aut **Rabbet** (quod vocabulum *Minshæus* desecit ab Hebræo *Rabah*, coire scil. propter fertilitatem: *Skinner* autem à Lat. *Rapidus*; quasi cursu velox.) Recens natus, & adhuc pilis vix contactus, *Liberis, Laberis*, & *Laurix* indigitatur (forte à voce *λεβερξ*, quæ Græcis antiquis ὁ τὸ φεῖν ἔχει, Serpentis exuviae) unde **Leberet**, nisi magis placuerit, esse diminutivum antiq. voc. Franco-Gal. *Levre*, à Lat. *Lepore*. Cuniculorum *differentia* à colore, magnitudine, & loco desumuntur. In omnibus, ut & aliis ad hanc spectantibus classem animantibus, dum prægnantes sunt, duplex reperitur *Placenta*; altera nimirum rubra, & Chorio immediate adhærens; altera glandulosæ substantiæ, quæ inter priorem & uterum intercedit, ad eum tamen minime pertinens. Nam una cum foetu excluditur, & Secundinarum partem constituit. Plura de horum ovariiis & generatione si quis cupit, consulat accuratiss. dissectorem. *D. Regnerum de Graaf. lib. de Mulier. Organ. generationi inservient. cap. ult.* Huc etiam refertur *Porcellus Indicus*, sive *Guinensis*, **the Giny-Pig**, cujus Anatomem accuratissime administravit immortalis *Entius*.

Nierembergius H. E. lib. 9. cap. 7. novem Cuniculorum Indicorum species observat; qui proinde videndus.

XIX. SCIURUS (à *Σκία*, *umbra*, & *ἄρα*, *Cauda*; quod cauda sibi umbram faciat.) *ἰσκιόεις*, & *καμπύλειος* (forte ἀπὸ τοῦ καμπτεῖν, à *flectendo*, quod clunibus insidens caudam supra dorsum flectat) **the Squirrel**. In hoc Animali elegans & rara observatur *Hepatis* structura: primo namque in multiplices dividitur fibras; quas interstitiorum diversus color, in plures lobos divisas indicat; & tandem emergunt glandulosi acini extra assurgentes, ut quid distinctius vix conspici possit: observante *Malpighio*, de *struct. viscerum*, pag 7. Hujus variae sunt species, viz.

1. *Sciurus*, sive *Mus Ponticus*, ita *Aristoteli* dictus & *Plinio* (quod ex regionibus circa *Pontum*, olim ad usum & vestitum peteretur.)

2. *Sciurus*, sive *Mus Getulus* (à *Getulia*, ubi frequens est.

3. *Sciuri*

3. *Sciuri Indici*, quorum sex differentias invenies in *Nierembergii H. E. lib. 9. cap. 34.*

XX. GLIS, (feu à *glisco*, hoc est *cresco* & *pinguesco*; quia Glires pingues efficit somnus; ut *Martialis lib. 13. Epigr. 59.*

*Tota mihi dormitur hyems, & pinguior illo
Tempore sum, quo me nil nisi somnus alit.*

Seu ex Æolico γέλει, pro ἐλει, per Syncopen, ut ex γάλα, pro βάλα; glans. Glis est ἐλει μῶς, quasi dicas *arboreus* vel *silvestris mus*; sic deducente *Cl. Salmasio in Exercit. Plinian*) **the Dormouse**. Plus quam unam hujus animantis speciem in India observavit *Nieremberg. H. E. Lib. 9. cap. 75.*

XXI. *Mus*, μῶς, (vel à μύειν, quod est abdere se in latibula, sive *inlatebrare*: vel à Persico *Mus*, quod idem significat) **the Mouse**. Cujus familiæ sunt *Mus*

1. *Avellanarius*, **the Hazel-Mouse**.
2. *Araneus*, **the Hardshrew**, aut **Spitemouse**, aut **Erdshrew**. Qui à figura, nomen *muris*; ab agilitate, vel à venefica qualitate, *Aranei* nomen accepit.
3. *Norwegicus*, (quia *Norwegia* peculiaris est) è nubibus quandoque decidens, pascuis & fegetibus cladem inferens ingentem: **Leming**, de quo luculenter scripsit *Cl. Ol. Wormius in suo Museo prope calcem*. Ubi & Iconem & Sceleton videas ad vivum usque depicta.
4. *Aquaticus*, cujus meminit *Aristoteles* in libro *Mirabilium*, & cui *Bellonius* tres meatus assignat, unum pro facibus, alterum pro urina, tertium pro foetu.
5. *Indicus*, dictus *Coyopollin*, à *Nieremberg*io descriptus *H. E. lib. 9. cap. 5.*

XXII. SOREX (quod in modum Serræ res arrodant & præcidant) *ὄρεξ* (quoniam rostrum fuillo perquam simile habet) **the Rat**. Qui est vel

1. *Domesticus*, **the House-Rat**.
2. *Aquaticus*, **the Water-Rat**.
3. *Moscardinus*, Italiæ proprius.
4. *Moscoviticus*, sive *Odoriferus*.

XXIII. TALPA (τῆ μέλας, pro *tapla*, vel *tupla*: nempe à cæcitate, ex Græco *τῆ μέλας*: vel à Græco *τάλλω* *fodio*: quod *Etymon* respexisse videtur *Virgil. 1. Georg.*

Aut oculis capti fodere cubilia talpæ.)

the Mole, aut **Want**, aut **Mont**. Rara in extis hujus animalis observata à Severino (*in Zootomia Democrit.*) pag. 317. hæc sunt. (1.) Præterquam quod nullum Colon, intestinaque reliqua fere uniformia; nullum etiam Cœcum. (2.) Testes intro conditi, colore tamen nigro: neque in loco, qui proxime renibus esse solet (puta in Dasypodis) sed à lateribus vesicæ, in infima abdominis cavitate. (3.) Renes conjuncti proximæ venæ cavæ pusillo, sive spatio Emulgentium. (4.) Fel pro corpore majusculum, cum conspicuis cholidochis. (5.) Ventriculi janitor linea quadam transversa veluti ligatus atque distinctus. (6.) Vasa ferentia suffulta Ureteris. (7.) Larynx, qualis in Testudine terrestri; mutum enim animal. (8.) Panniculus carnosus totus & mire commissus cuti, &c.

XXIV. **CANIS**, (à canore latratus, quod voce signa edere soleat, & homines commonefacere: unde *Præfectus custodiæ* dicitur) *κύων* (κύων τὸ κύων, *amo*; quia pronior est in venerem) **the Dog**. Qui est

Catenarius, a **Ban-dog**, aut **Tie-dog**, à **Band**, *vinculum*.

Molossus, *Bellicosus*, *Anglicus*, a **Mastiff**.

Leporarius, *Scoticus*, a **Grey-hound**.

Venaticus, a **Hound**.

Venaticus minor, a **Beagle**.

Sagax, a **Blood-hound**, aut **Talbot**.

Agasæus, a **Gale-hound**.

Terrarius, a **Terrier**.

Vertagus, a **Tumbler**.

Hispaniolus Aquaticus, a **Water-Spaniel**.

Hispaniolus Agrarius, a **Land-Spaniel**.

Villaticus, a **House-Dog**.

Luparius, a **Wolf-Dog**, aut **Irish Greyhound**.

Melitenensis, a **Lap-dog**.

Indicus, a **Naked-dog**.

Islandicus, *Frisius*, a **Shock**.

Degener, a **Cur**.

Lyciscus, a **Mongrel**, engendered of a wolf and a Bitch.

Canis Perdicum venaticus, a **Setting-dog**.

In Canum extispicio hoc singulare deprehenditur quod intestinum Colon in iis desideretur. Idem quoque in Lupo & vulpe (qui feri canes sunt) observare est. Accedit; quod Canalis Chyliferus prope glandulam Renalem sinistram defertur, ut eandem prorsus contingat. Non tamen ingreditur, sed à latere ejus ad receptaculum commune progreditur. *Hactenus de Viviparis.*

Digitatorum OVIPARORUM Cute tectorum
Classis.

Quadrupeda OVIPARA vel Cute teguntur, vel Testa sive Crusta.

CUTANEORUM classem constituunt

I. RANA, ranula (à voce sua, *Ra, Ra*; judicio *Varronis lib. 4. de L. L.*) Βάραχος (vel ab eodem sono, ut *Vossio* placuit; vel, ut aliis, ὠδὲ τὴν βολὴν παχέϊαν ἔχειν, quod raucam asperamque edat vocem, quæ Coaxatio, Anglice **Croaking** est, forte à Franco-Gallico *Croaquer*, crocitare; & notum est illud Aristophanicum in Ranis, βρενενεξέξ, ἡγάξ, ἡγάξ; imo & rana ἡγάξ ex eo vocatur) **the Frog**, (ab Anglo-Saxonico *Frocca*, Ælfrico *Frogga*, rana) quæ ovo recens exclusa, nondumque integre formata, γελῶ. Ionibus, aliis γυρίν, *Gyrinus*, nostro idiomate a **Toadpole** (ab Anglo-Saxonico *Tade*, bufo, & *Fola*, pullus; quasi dicas, Bufo-nis pullus, i. e. Bufunculus) dicitur. Animalculum quidem palustre, aspectuque foedum: at si ejus interanea spectemus, modumque generandi, summa dignum admiratione. Nam ore coit, ore concipit, oreque ova in aquas excludit; quemadmodum infra in *Mantissa Anatomica*, ubi ejus confectionem invenies, fuse clareque ostendam. Hujus species sunt

1. *Ranunculus viridis*, *Calamites* (quod inter arundines & calamos versetur) **the Green Frog**, aut **Ruddock**.
2. *Rana Temporaria* (quia diu vivere nequit) **the short liv'd Frog**.

II. BUFO, forte quod in appropinquantes maximo impetu spiritum efflat: vel à βύβ, i. e. *plenus, confertus*; quia viso hoste, spiritu suo intus cohibito sese inflat: vel à βυβών, qui inguinis est tumor; tumida enim bestia est, unde Nostratibus proverbium, **Swollen like a Toad**.) *Rubeta*, (ut inter rubos frequentissime versans) **the Toad**. Qui est

Geophagus, (terra enim victitare creditur) qui maxime venenatus existit, adeo ut urina etiam in homines ejaculata inficere & interficere tradatur: & sub *Salvia* sæpe stabulatur) **the Red poysonous Toad**.

Gibbosus, **the Hunch-backt Toad**.

Hel.

Helmontius (in *tumulo pestis*. p. 76.) à *Butlero Hyberno* edoctus, ex *Bufonis* cadavere, & terra, ac animalculis, quæ ad focum suspensus, intra triduum, in patinam ceream evomere solet, trochiscos cum tragacantha & cerea illa patina format; qui ad mammam sinistram gestati contagium pestilentielle arcent, & loco alligati virus extrahunt. Sed de hujus promissi veritate nil certi experimento fide dignorum virorum constat; licet quamplurimi periculum fecerint in nupera Peste *Londinens.* anno superiori, viz. 1665.

III. LACERTA (à *lacertorum* humanorum similitudine: Græcis veteribus Σαῦρες, & σαῦρα, modernis Κολισαῦρα, the *Lizard*. Quæ est vel

1. *Vulgaris*, the common *Lizard*.
2. *Viridis*, the Green *Lizard*.
3. *Chalcidica flexuosa* (nomen à *Chalco*, seu ære, quod dorsum ejus lineæ æræ percurrant, datum est (the *Lizard* with yellow streaks along the back.
4. *Cypria Scincoides*; the *Cyprus Lizard* resembling the fish *Scincus*.
5. *Cauda bifurcata*, the forked-tail'd *Lizard*.
6. *Stellio* (à stellato dorso) the *Swift*.
7. *Venenata* {terrestris, the Land} {aquatica, the Water} *Newt* aut *Evet*.
8. *Indica*, de cujus variis speciebus consulatur *Marcgravius*, *H. Brasil.* l. 6. c. 11.
9. *Salamandra aquatica*, the water *Salamander*.
10. *Salamandra terrestris*, maculis luteis distincta. (Nomen est à Græcis quibus itidem est Σαλαμάνδρα: *Martinius* conjectat sic dici, quia prope σάυλον habet μάνδρα: nam stabulari gaudet juxta loca humida.)
11. *Scincus terrestris*.
12. *Cordilus*, *Uromastiges* (quia continua caudæ agitatione sese diverberat.) *Bellonio* *Crocodilus terrestris*, quoniam primo aspectu *Crocodilo* *Nilotico* assimilatur: verum postea ab ipso discrepare asseverat; quia hoc animal caudam in modum clavæ tuberculis eminentioribus asperam gerit. Quapropter corpora, quibus appropinquat, atrocissime diverberare dicitur. Unde *Caudiverberæ* nomen sibi vindicavit.

IV. CHAMÆLEON (quasi *parvus Leo*, nam χαμᾶν in compositione imminuit, contra quam βῆς & ἵππος, quæ ἐπιλαίωσι sunt) the *Chameleon*. Qui est

(1.) *Varius* (2.) *Cinereus* (3.) *Niger*. Quorum icones perita manu exsculptas exhibet *Cl. Johnstonus* *Tab. 79. Hist. Nat. de Quadrup.* De

De Internis partibus hæc habet *Gassendus* (*in vita Peirescii, lib. 5. p. 325.*) Anatomicis notatu dignissima. (1.) Unicum Intestinum; non circumvolutionibus, sed curvaturis solum productum. (2.) Excrementum satis liquidum, nisi qua parte ad anum accedit. (3.) Hepar bifidum, & ex gibba parte quidem sanguinem in cor auriculatum infundens: at non superstitite ascendente descendenteve caudice venæ, sed venæ quoque aliæ ad cæteras partes directe procedunt. (4.) Pulmo inflatus abiit in membranam tenuissimam, toti animali in ambitu æqualem. (5.) In imo ventre nullum Peritonæum, sed membrana solum partes dextras à sinistris dirimens. (6.) Non item Lien, non Vesica, non Renes; sed Carunculæ solum observatæ sunt, quæ Genitalia forte fuerunt. (7.) Lingua pedalis prope longitudinis. (8.) Rerum objectarum colores non induebat. (9.) Oculi non movebantur conjugati; sed uno aliquorsum spectante, alter vel staret immobilis, vel in aliam partem deflecteretur. Quibus alia æque admiranda adjicias, à *Cl. Thom. Bartholino* (*Hist. Med. cent. 2. cap. 62.*) ex *Dominico Panorolo* tradita. Oculos nimirum musculis destitutos, motum in omnem partem nancisci à membranæ corrugatione; quæ fibrarum circularium beneficio contracta, oculum trahit quocunque est movendus, sicut frons alioquin corrugari solet. Nervos autem Opticos è cerebro enatos statim dividi, ut singuli ad suum oculum vergant, absque omni decussatione: unde oculi unius motus alter non statim sequitur. Eosdem etiam laxos esse, non tensos; ut ad posteriora sine ruptura reflecti possint. Præterea Linguam aliud nil esse, quam canalem concavum, in exortu & fine carnosum, spongiosum, & viscosum, in cujus canalis medio transit funiculus, qui extenditur & contrahitur instar chordæ testudinis, inferiturque in linguæ finem quum ab osse Hyoide sumat initium, &c.

V. CROCODILUS, κροκόδειλος, ὡς τὸ τὰς κρούας φοβεῖσθαι, quod littora timeat, nam δειλὸς *timidus* est. Turcis *Timsah*, Indis *Allegater*, Angl. *the Crocodile*. Quem verum esse Jobi *Leviathan* luculenter demonstrat *Cl. Bochartus Hierozoici lib. 1. cap. 7.* Fidem meam superat, quod scribit *Mandelsous in Itinerario*, fæminas *Macasserandar* cum pueris parere quoque Crocodilos.

Oviparorum CRUSTACEA testorum Classis.

Digitata Ovipara CRUSTACEA sunt
 I. TESTUDO, (à tegmine testaceo) χέλυς, & χελίς (à χέω, capax sum) the Tortoise. Quæ est vel

1. *Terrestis*, (Græci χερσαίον vocant) the Land Tortoise.
 De ejus interioribus legas Severinum in Zootom. Dem. par. 4. pag. 321.
2. *Aquatica*, (πλάμιον χελόνιον nuncupant) the Water Tortoise.
3. *Marina*, χέλυδρῶς, quasi χέλυς ἐνυδρῶς, the Sea Tortoise.
 In qua dissecta quæ notavit Severinus (Zootomiæ Democrit. par. 4. pag. 321.) rariora hæc sunt. (1.) Omentum nullum. (2.) Cæcum nullum, sed Intestina superne deorsum gracilescencia: contra quam in cæteris Quadrupedis. (3.) Vesicæ cervix Intestino recto intro respondens, ut utriusque excrementa uno ductu exitum habeant, ut in genere Gallinaceo. (4.) Lien rotundum instar ovi, intestino superiori alligatus. (5.) Renes plani & oblongi, quasi ex parvis pluribus compositi. (6.) Cor uvidum, cum vasis valde implexis in primo exortu: & Auriculæ magnæ ac pendulæ, tenui membrana præditæ & nigrescentes. (7.) Pulmones ampli, multo inferius quam cor descendentes. Cæterum in illa, quam illustris Peirescius cultro anatomico examinari curavit, hæc singularia (referente Gassendo) observata fuere. Omoplata anteriorem, non posteriorem obtinebant situm. Arteria aspera longitudinis erat semicubitalis, divisæque in tres ramos, tribus à pulmonibus procul digitis, ac ramulos quosdam ad renes, & vesicam usque producens. Eadem Annulos habebat omnino, sive undequaque (etiam versus æsophagum) profectos, & cartilagineos: Larinxque epiglottide destituta constabat. Non ex sola vena portæ venarum distributio in interanea fuit, sed plurimæ etiam ex reliqua cava hepatis parte prodierunt; ex eademque parte Cholidochus porus processit geminus in duodactylon intestinum. Nulla distinctio gracilium, crassorumque intestinorum; nulla Cæci dicti appendicula; nullus item Lien, nullus adeps circumvestiens cor (tametsi id aquæ pericardio conclusæ innaret) & id genus nonnulla alia.
4. *Lutaria*, Græci χηλόνιω πλαµίδα vocant, quia stabularur in locis cænosis; the Mud Tortoise.

5. *Cagado*

5. *Cagado di terra*, quæ testa nigra tegitur, cui multæ figuræ hexagonæ sunt insculptæ.

Tantum de Quadrupedibus.

Restant adhuc EXOTICA quædam *Rariora & Dubia*, (ignorant enim Zoographi, ad quod Genus proprie referri debeant) cuiusmodi sunt

I. TLACAXOLOTL, rarum Animal, tauro grandius, saxorum & solitudinum incola, & humana fere facie. Humanum conspectum non reformidat, neque sagittarum ictibus occumbit; tergus enim impenetrabile est.

II. CABIM, animal in Java haud infrequens, cuius una virtus mirifica est. Nam si ejus oscilli extremitatem aliquis gestet, quantumvis mille transverberatus vulneribus, ne guttulam sanguinis dabit: si credere fas sit *Nierembergio, Hist. Exotic. lib. 9. cap. 3.*

III. MARIPETUM, (quia cum senuerit, sponte mare ingredi traditur, & inibi paulatim transformari in piscem) apud *Japones* in regno *Goto* extans; animal magnitudine canis, cruribus brevibus, ad esum humanum percommodum: referente *Aloysio Almeida*, cum periculo omnis fidei, & confirmante tamen *Nierembergio, Hist. Exot. lib. 9. cap. 49.*

IV. DANTA, *Tapiroussu*, mulo similis, ab eodem *Nierembergio* descripta, *lib. 9. cap. 65.*

V. CAPPÀ, animal asino grandius, nigrum, villosum, ferox, canibus infestum. Obvium quemque raptat, non secus ac lupus pecudem. Describit *Nieremberg. lib. 9. cap. 71.*

VI. EJULATOR, (infantilem simulans ploratum) forma & mole canem leporarium imitans; *the Cryer.*

VII. SU, *Succarath*, apud *Patagones* frequens. Leonem, prima oris acie, quodammodo æmulatur; cauda ampla & longa Sciuri instar.

VIII. PEVA, catelli magnitudine. Hoc ubi Tygridem conspexit, illius insistit vestigiis, & latratu insectatur. Forte *the Jackall*, or as *the Turks*, *Ciacal*; à Persico *Sciagal*.

IX. *Animal Fœtidum*, cubitales, loco stercoreis, emittens colubros; & plus, quam quaecunque cadaver fœtidum in sterquilinia projectum, fœtens; à *Petro Martyre* descriptum.

X. GRAFFA, sive Giraffa. De quo supra.

XI. COACH, clamans noctu, & humanam æmulans vocem. De quibus omnibus legendus *Nierembergius*.

SERPENTIVM TERRESTRIVM
Classis.

A Nimalia APEDA, Græce Ερπετα in genere dicta, sunt quæ vel citra usum pedum repunt: vel tam exiguos habent, ut reperere potius quam incedere videantur. Suntque (1.) *Terrestria* (2.) *Aquatica*.

TERRESTRIVM classem complent SERPENTES *Terrestres* in specie sic dictæ, viz.

I. VIPERA, (nonnullis, quia in *vipre*, hoc est vepre latere solet; unde Germanis vipera dicitur *Hecknater*, quasi *veprium Natrrix*: aliis vero, & rectius quidem quasi *Vivipara*, quia sola è serpentium genere vivum pariat animal) εχis, mas, & εχιδνα, fœmina (ωδρα δ' εχιδν εν εαυτη πω γονω, η δ' ζων, quod animal intra se contineat,) *the Viper* aut *Adder*. Cujus dissectionem accuratius instituit, & in Epistola quadam ad *M. Aurelium Severinum* missa ex professo descripsit Anatomicus insignis, *Joh. Veslingius*.

II. AMMODITES, (seu à colore arenaceo: seu quia in locis arenosis latitat) viperæ tum figuræ, tum partus ratione similis: *the Sand Viper*.

III. CERASTES, (απο τῶ κερατι, à duabus eminentiis in capite cornua referentibus) *the Horned Serpent*.

IV. HÆMORRHOUS, (απο τῆ αιματι, sanguine, & ρέω, fluo; quod ad ejus morsum sanguis ab omnibus corporis humani meatibus effluat.) *the Hemorrhoid Serpent*.

V. SEPS, ωδρα δ' σιπειν τῆς πληγῆς, quod vulneratorum ab hoc Serpente caro statim putredinem concipiat: unde Latine etiam *Putria*) ad quam pertinere videtur *Agasfen Nierembergii*.

VI. ASPIS, (vel ab *aspiciendo*, quod acutum intueatur: vel ab *aspergendo* morfu venenum; nam & Aspides quædam πτυάδες vocantur, hoc est *Spuentes*, atque earum non morfus modo, sed saliva etiam venenata est) *the Asp*.

VII. DIPSAS, (ab inexplibili *siti*, quam morfu suo hominibus infert) Μελαμβρος (à cauda nigra) & αρητηρ, (quod ictus ejus veluti *flamma* adurat) *the burning or fiery Serpent*.

VIII. SCYTALE, (à forma τῆς σκυταλῆς, quæ vox *baculum* significat; teres enim & æqualis ita est, ut ubi caput vel cauda sit, discerni vix possit) *the Slow-Worm*. Cujus meminit *Lucanus*

*Et Scytale, sparsis etiam nunc sola pruinis
Exuvias positura suas.*

IX. AMPHISBÆNA (ab ἀμφὶ & βαίνω, quod geminum ut caput, ita & incessum habere videatur, nunc in anteriorem, nunc in posteriorem partem prorepens; quasi ἐκατέρωθεν βαίνουσα. Quo modo & Gallis dicitur *Double Marcheur*, Utrinquè-grada) **the Amphibæna**, aut **double-headed serpent**. Quia autem utrinque progreditur, eo, qui non satis caput à cauda distinguerent, credidere, utrinque caput habere, unum quo loco reliqua animantia, alterum in cauda. Sed si quis Serpens vilis biceps, vel triceps; inter monstra haud minus debuit referri, quam cum homines vel canes bicipites nascuntur.

X. CÆCILIA, *Typhlops* (à cæcitate, etsi revera non plane cæca sit, sed perexiguos habeat ocellos) **the blind worm**.

XI. CENCHRUS (à κένχρω, *Milio*; quod quibusdam notis in dorso milii instar exornetur) **the various coloured Asp**.

XII. ACONTIAS (ἀπὸ τοῦ ἀκοντῖος, à jaculo; quod jaculi instar se vibret in transeuntes) **the darting serpent**.

XIII. DRYINUS (à δρῦς, *quercus*; quod in quercubus lateat) χέλυδρος (quod ab aspera cute, ad instar Testudinis, sit munitus) **the Oak serpent**.

XIV. ELAPS. (ab ἔλαφός, *Cervus*; quod celeri cursu feratur) **the Stag-snake**.

XV. ANGUIS *Æsculapii*; **the snake**, (ab Anglo-Saxonico *Snaca*, Belg. *Snake*, Dan. *nog*; omnia à verbo Saxon, *Snican*, reperere. q. d. *reptile*, ut serpens à serpendo.) Dicitur etiam *Columber* (vel ἀπὸ τοῦ κολυμβᾶν, quod subeat cavernas; ut *Cæsar*. *Scaligero* placuit, *Comm. in lib. 11. Hist. Animal. cap. 18. sect. 123.* vel ex χέλυδρος corrupte.) Apud nos in dumetis, sterquiliniis, fatorum munimentis, ædificiorum ruinis, aliisque locis, maxime uliginosis frequens est. *Magnitudine*, pro ætatis ratione, variat; raro ulnam excedens. *Caput* oblongum, compressum, squamulis partim ex viridi cæruleis, partim flavis exornatum est. A vertice utrinque per tempora ad oris scissuram usque *aureo* quasi *capistro* insignitur. *Dorsum* habet exiguis, & ex viridi ad cæruleum vergentibus squamis contextum: *Ventre* ex albo & nigro variegatis, & majoribus squamis pulcre distincto. *Oculi* parvi, veluti sanguine parum rubescentes. A podice paulatim in *caudam* angustam, & acutam desinit. Inter cutim & carnem, *pinguiusculam* habet *membranam*, quæ cum ipsa cute, dum excoriatur, discedit. *Aspera arteria*, longitudine quatuor circiter digitorum, pro corporis proportionem, parvis circulis tornata, ad *pulmones* (qui prælongi, albi, & stricti, ex vesiculis pellucidis fereque ovali figura præditis constant) defertur: cui *cor* & *vesicula fellis* adhærent. *Hepar* oblongum, instar *Lucii piscis*: cui & intestinis pinguedo adalligatur. *Intestina* à faucibus

ad excretionis locum sub alvo descendunt. Infra hepar utrinque juxta intestina, *Ovarium* membraneum longo ductu excurrit: cui suo tempore insunt *Ova* alba, ita pelliculis contecta, ut in Gallinis videmus, sed longo ordine ducto, in quolibet latere triginta duo. *Linguam* evibrat bifidam quidem, & acutam, sed mollissimam. *Veneri* nihil habere credo: nam & manibus tractant, & in sinu gestant multi, sine incommodo; dentibus etiam caninis, quales in vipera videre licet, omnino caret. *Vescitur* muribus, ranis, gyrinis, limacibus, *Cantharis*, insectisque aliis: at captus ab omni cibo abstinet ad mortem usque, inediam plures menses tolerans. Verno tempore excutiunt illud, quod *Senectam Anguium* vocant, vernantium *spolium* & *exuvias*. Inter duos lapides aut aliud simile exsuere incipiunt, ab oculis primum detrahendo, tum caput, atque 24. horis tota exuitur à capite ad caudam. Hæc *vernatio* à Medicis ad multa commendatur.

XVI. BASILISCUS, *Regulus* (sic appellatus, vel quod in capite habeat album instar diadematis: vel quod reliqua Serpentum genera vim ejus fugiant: utrumque Etymon confirmat *Plin. lib. 8. cap. 21.*) *the Basilisk*, vel *Cockatrice*. Quæ de ejus tum generatione ex ovo Galli gallinacei decrepiti, tum intuitu interimente dicuntur, prorsus fabulosa sunt. Halitus enim pestilens verior videtur interitus causa; qui per aerem diffusus, homini se insinuare potest. Ideo *Nicander*

*Tam teter vacuas odor exhalat in auras,
Atque propinquantes penetrat non segniter artus.*

His addantur Serpentes terrestres EXOTICI,

I. BOICININGA, & *Boiquira* Brasiliensibus, Lusitanis *Casavela*, & *Tangedor*, Belgis *Kaetel Schlange*; Angl. *the Rattle Snake*. *Nierembergius* *Dominam Serpentum* vocat, *Hist. Exot. lib. 12. cap. 1.* Ictu mortem certissimam infert, nisi celerrime præfidiis occurratur: inter quæ excogitatum est; icta humare membra, terraque obruere, & ita manere, donec omnino cesset dolor, aut morbus sit curatus; prospero magna ex parte successu.

II. IBIBOCA, Lusitanis *Cobre de Corais*, Serpens Brasiliensis, cujus morsus venenatissimus, non extemplo vitam depascitur, sed tarde se promovet. Sanatur Emplastro è capite serpentis concinnato, & efficaciter appposito: ex auctoritate *Guliel. Pison. Medic. Brasil. lib. 4.*

III. BOIGUACU, omnium Serpentium maximus, à *Marcgravia* descriptus cum tribus ejus speciebus, *Hist. Brasil. lib. 6. cap. 13.*

IV. MA-

IV. MATER FORMICARUM Clusii.

V. CANINANA, à *Pisone. Medicin. Brasil. lib. 3.* descripta, cum multis aliis.

Serpentium AQUATICORUM Classis.

IN AQUATICORUM numero sunt

I. HYDRUS (ἀπὸ τῆς ὕδατος, *ab aqua*, quia in aqua vivit) *Nicandri* interpreti χερσίδριον (quod in aquis & terra divagetur) Latine *Natrix* (à natatione) **the water-Snake**. Serpentum pulcherrimus visu, sed halitu adeo noxio, ut in cortice virgæ recenter excisæ, & ori ejus admotæ, vesiculæ felleæ excitentur; imo fulgens gladius linguæ veneno inficiatur: teste *Belluacensi*. De magnis ejus in Medicina usibus lectu digna collegit *Johnstonus de Serpent. lib. 1. cap. 2.*

II. NATRIX TORQUATA (à circulis, quibus tanquam torquibus in superiori parte circumdatur) *Nicandri* interpreti πολυσφεία, i. e. multis coronis insignis; Italis *Carbonarius* dicitur (à nigro colore) **the Ring'd water-Snake**.

III. NATRIX RUBETARIA (quia vocem edit Rubetarum similem) maculosa valde, & venustate admiranda, sibiloque à rusticis agnita: **the Croaking water-Snake**. Ictus remedium est, patientis pedem in terræ humidæ scrobe per diem naturalem sepelire.

IV. BOAS *Lucani* (quod armentorum greges sequatur, & rigua vaccarum ubera fugat) quæ in ingentem excrescit molem; ita ut sub Imperatore *Claudio*, referente *Solino*, occisa fuerit, quæ integrum infantem in alvo gestabat.

V. CAPRIMULGUS Anguis, **the Goat sucking water-Snake**, in quo singularia observat *Severinus*, *Zootom. Democrit. pag. 36.*

VI. *Serpens Marinus Norwegicus*, magnitudinis incredibilis, ab *Olao Magno*, & *Aldrovando* descriptus.

VII. SCOLOPENDRA Marina (propter similitudinem cum terrestri nomen obtinuit, quasi ἔχου σκόλοπον ἐν τῇ ἑδρᾷ, quod in extremo, quod caudæ loco est, corniculum, quasi radius atque impactus aculeus superemineat) **the sea scolopendra**. Cubitalis describitur longitudinis, & venenatæ naturæ. Morsu enim instar urticæ urit; & sputo hominem interficit, affirmante *Æliano Hist. Animal. lib. 7. c. 30.*

VIII. HYDRUS Marinus, de quo in Piscibus.

De EXOTICIS Serpentibus Aquaticis legatur toties laudatus *Nierembergius, H. E. lib. 7. & 12.*

INSECTORUM Divisio Generalis.

Enumeratis supra Animalibus tum Quadrupedis, tum Apodis, sequuntur MULTIPEDA, quorum classem complent *Insecta*, Aristoteli *Ἔντομα*; sic dicta, quoniam eorum corpora incisuris præcinguntur, aut parte tantum supina, aut etiam prona.

Distinguuntur generalius in *Terrestria*, & *Aquatica*: & utraque in *Pedata*, & *Apoda*.

E PEDATIS rursus alia sunt *Alata*, alia *Aptera*, five non alata.

ALATA subdividuntur in *Anelytra*, five *Detestipennia* membranacea; & *Coleoptera*, five *Vaginapennia*, quæ alas suas velut in vagina recondunt.

Inter ANELYTRA, alia *favificant*, alia *non*. De quibus in genere & specie, secundum hanc seriem, agemus.

Insectorum ἀνελευτῶν FAVIFICANTIUM
Classis.

EX FAVIFICANTIBUS sunt
I. APIS (sic dicta, vel quod se pedibus invicem alligent Apes: vel quod sine pedibus nasci primo videantur.) Pro priora ratione facere videtur illud *Virgili* 4. *Georg.*

Aut ille pedibus connexæ ad limina pendent.

Pro Posteriori militat illud ejusdem,

Trunca pedum primo, mox & stridentia pennis
Miscuntur.

Μέλιον & *μέλιτα* (à *μέλι*, melle, cujus opifex est, vel τὸ μέλειν, vel ἀπὸ τῆς μελέτης, à meditatione, exercitio, & diligentia; quasi Animalculum esset, non ex mero naturæ instinctu, aut prudentia Politicum) a Bee.

Ex Apum officina habemus,

Mel, Honey.

Ceram, Wax.

Μίγν, *Commofin*, materiam scilicet nigram & acris odoris, the Gummy Wax with which the Hive is first lined. Primum operis fundamentum, seu prima crusta, Ceræ est veluti purgamentum nigrum, quo pavementum, & alveum ipsum intus totum oblinunt, ne bestiolæ nocuæ subeant. Saporis est amari, & odoris acris. Medetur plagis, & hujusmodi suppurationibus.

Pissoceron,

Pissoceron, quasi materiam ex pice & cera compositam; **the Pitch-wax**. *Pissoceros*, proximum à Mitye tectorium, crustave. Super eam venit, picantium modo, ceu dilutior, ceræ initium plerumque è mitiore gummi. Fit è lacrymis arborum, quæ glutinum pariunt.

Propolin, **the Hive-dross**. Quæ est crassior quædam materia, flavescens, odorata, Styracem referens, & in Mastiches modum ductilis, ceræ finitima, nondum tamen cera; qua omnis frigori pluvixque aditus in alvearia obstruitur. *Propolis*, *προπύλον*, *Dioscoridi*; *Cera virginea Scribonii*. Rudis est, & crassa materia, seu gluten in alveorum foribus: nondum tamen cera, sed favorum stabilimentum, qua omnes frigoris aut injuriæ aditus obstruuntur; odore etiamnum gravi. Veteres pro Galbano utebantur.

Favos, **Combs**. De quibus omnibus fusius egit *Mouffetus*, in *Insectorum Theatr. lib. 1. cap. 6*. Favi ab utroque latere cellas obtinent. Contra Crabrones & vespæ. Cibi causa mellificant Apes. Mellium enim liquorem è fronde in utriculos congestum, ore in cellas evomunt; & melle uno alterove die, ad summum, cellas replent. Crassescit autem mel concoctum jam tempore, quod initio ut aqua dilutum est, & ferme ut mustum, seque purgat; vicesimo die spissatur, mox obducitur tenui membrana, quæ fervoris ipsius tenui spuma concrevit. *Casp. Schwenfeld*; apud quem multo plura.

II. FUCUS (sive quod *fucum* faciat homini, ut qui mentiatur apem, cum non mellificet, sed aliarum mel absumat; sive quod apibus fucum fraudemque faciat, furtim mella devorando) *δρῶναξ*, *νοδρεὺς* (quod aculeum non exerat) **the Drone**, aut **Dran**.

III. FUR (quia apibus natura invisus, absentibus illis alvearia irrepit, thesaurosque mellis divastat atque devorat.) *Aristoteli* *φῶρ* & *φῶρεα*, unde Latinum nomen *furis* manasse arbitror: **the Thief**. Apibus & Fucis grandior est, & nigrior, latiorique alvo.

IV. VESPA (non tam quod *vesperi* muscas capiat; vel *vi* petat & adoriatur: quam, quod *Vesca*, i.e. gracili pede sit.) *Σφήξ* & *σφήμιον*, aut à *σφίγω*, *stringo*, & *gracilem* facio; aut à *σφισσα*, quod medio ita sit dissecta, ut quasi hiare appareat) **the Wasp**. Insectum est longiusculum, gracile, Api fere simile, aculeatum, capite longiore, rostellum, antennis supra oculos nigricantibus. *Thorax* hirsutiusculus nigricat, juxta alarum exortum maculis luteis conspersus. *Venter* longior in acutum definit, & cum splendore flavet; quem cingunt annulares lineæ; quæ superne notis quibusdam triangularibus in medio dorsum versus, punctisque ad latera similis coloris distinguuntur. *Cruscula* flava sunt, asperiuscula extremitatibus. *Alæ* ferruginei coloris. *Vespæ* *μεγίστη*, *vesparia*, *vespeta*, seu nidos suos in arboribus & tectis figunt; aliquando sub terra nidificant, terram,

ut formicæ, egerentes. *Cellis* sexangulis favos extruunt omnes, ut apes; sed ex materia corticea quadam & arenosa, initio facta à radicum fibrillis, quibus artificiose nidum appendunt. *Fæturam*, modo apum, instillant, ad latus cellarum favi, & parietibus adinvenit. Sed non in omnibus inest æqualis foetus; verum aliis jam grandiusculus, ut etiam volare queat; aliis in Nympha est, aliis adhuc in vermiculo. Ictum ejus venenatum esse omnes norunt; sed in insula *Nicesin*, referente *Ortelio*, vespæ mortem inferunt. Unde natum proverbium, σπηνχίαν ἐπεδίδειν; cujusmodi quid etiam in *Hippocratis* tumulum scribebatur his verbis, Μὴ πῶς ἐγείρῃς σπηνχὰ καὶ κοιμώμενον, *dormientem vespam ne suscita.*

V. CRABRO (à *Kp̄tas*, caro, & *βόρα*, *cibus*; quia carnibus vescitur.) *Ανδρῖν*, (forte quod ictu suo *carbunculum* excitet) *the Hornet*. Insecti genus pennigerum, affine Vespis, sed multo majus, pertinacissimum, aculeo pestilentissimo. *Caput* anterius, & *venter* posterior lutea sunt. *Thorax* hirsutiusculus crassior, & *alvi* initium, ex flavedine rubent ad castaneum colorem vergente, qui in maculam triangularem desinit; reliqua tota annulis luteis compacta est, præter puncta supina parte subrubentia. *Crusculis* firmatur senis asperiusculis. *Alæ* membranæ quatuor superiores longiusculæ, latentes breviores obtegunt, coloris fumigati. *Oculi* fusci sunt. *Cirri* seu antennæ, continuis veluti internodiis discretæ, prominent croceæ. Ad posteriora *aculeus* latet acutissimus. Crabrones habent *Duces*, more apum & vesparum; qui, proportionem ad Crabrones, majores quam vesparum ad vespas, & apum ad apes, sunt. *Degunt* hi quoque intus, sed non plures uno in singulis eorum alveis oriuntur. *Examinis* emissio nulla, ut apum, fieri solet; sed qui subinde oriuntur novelli, ibidem manent, & alveum foveant ampliorem. Si qui Crabrones suo alveo aberraverint, colligunt se in aliquam arborem, favosque ibi conficiunt in sublimi, qui sæpe conspicui apparent, in quibus unum procreant Ducem. Non ex floribus, ut apes, *cibum* colligunt, sed carnibus maxima ex parte vivunt. Venantur etiam culices, muscas & apes. Fructus dulces appetunt. *Degunt* ut plurimum in sylvestrium arborum, ut quercus, pyri, cavernis: nonnunquam & ædium conclavia subeunt; ubi miro artificio nidum trabibus ex ligno putrido annectunt. Aliquando alvearia apum vacua subintrantes, nidum in sublimi suspendunt. Longe lautior seu politior *favus*, quam vesparum. *Cellularum* oscula deorsum hiant, quibus foetum instillant, quo à pluviis & aeris injuriis tutiores esse possint. *Vita* bimatum non transit. Non enim cibum, ritu apum, sibi recondunt; sed jejuni per hyemem latent; quo tempore plurimi moriuntur. *Favi* Crabronum adversus scrofulas Equis infunduntur. Feroces & iracundæ, & quamvis gregales, semper tamen silvestri

silvestri sunt ingenio; tantæque malignitatis, ut ter novenis puncturis hominem, imo equum interficiant: Syrio præsertim orto, quo tempore ardentiorē obtinent naturam, hominesque imbecillitas major, ob spirituum largam exhalationem, tenet. Haud mirum igitur, si in Sacrosancta Scriptura sævissimis & crudelissimis hostibus assimulantur, *Exod* 23 & 24. Hinc proverbium *irritare Crabrones*: quod in Mulieris ingenium dicitur, Cui si iratæ repugnes, magis provocas, neque sine tuo malo maximo discedas.

VI. TENTHREDO (ἀπὸ τῆς τενθείας, quod liguritione deletur.) *the lesser Hornet*, sive *Bastard-Hornet*.

VII. BOMBYLIUS (nomen à *murmure* obtinuit, nam βομβυλίζειν significat murmur edere. Qua item de causa *Anglis* etiam dicitur) *the Humble-Bee*, quasi Apem *sonoram* dixeris. Est inutilis plane Apis; unde virum desidem atque inutilem Græci βομβύλιον ἄνθρωπον dixerunt. Stimulo armatur, & gravissime pungit. Mel faciunt subdulce & subaquoſum.

Insectorum ἀνελευθέρων non FAVIFICANTIUM
Classis.

EX Non Favificantibus sunt

I. CICADA, quod *cito cadat*, sive evanescat: seu quasi κύριος ἄδων, ut κύρις sit hujus animalculi sonus. Neque in Germania, neque in Anglia reperiri Cicadas, affirmat *Mouffetus*: tamen si quæ ibi fuerint: utraque gens ipsas *Bowe Crickets*, aut *Baulm Crickets* appellant.

II. ORSODACNA, *Mordella* (quasi ad mordendum concitetur) forte forficula, *the Earwigg*. Sane & ortus ratio, & morsus conspirant. Nam & hæc generatur in caulibus herbarum fistulosis, & in Brassica frequens conspicitur.

III. PERLA (quia corpus instar *Unionis* splendet) *Libella* & *Zygæna* (quia corpus inter alas librari videtur) *the Dragon Fly*, aut *Adders-Boult*, & *water-Butterflies*. *Perla* Italis, Musca grandior oculata. Insectum est volatile quadripenne. Caput ei grandiusculum, rotundum, instar speculi lucidum, Oculis utrinque protuberantibus maximis, pectore crasso & brevi. Alvo admodum procera & gracili; cujus extremitas in bifurcatum mucronem desinit. Pedes hirsutiusculi 4. Alis volat etiam 4. longis, robustis, fibrosis. Magna harum varietas. Volant hæ Libellæ velocissime, plerumque solæ, nonnunquam binæ in congressu cohærentes. Circa meridiem stipiti alicui insidentes quiescunt. Unde proverbium prandendi tempus indicans, *La Perla va à sticchi*. Harum tres dif-

ferentia notantur à *Mouffeto*; *Maximæ* nimirum, *Mediæ*, & *Minimæ*.

IV. CIMEX filvestris; *the Knolster*, aut *flying pinezo*. Qui *Lectulario* Cimice sextuplo major est, æque ac ille foetidus. Sunt partim virides, seu herbacei coloris, partim flavescentes, partim subrubentes. Cimices autem *Lectularii* sunt vermiculi latiusculi, compressi, rubentes, in cubilibus ad lectos & parietes nati.

Ανελυτρών *Quadripennium FARINACEORUM*
Classis.

INter Anelytra FARINACEA ponuntur

I. PAPILIONES (vel quia *papiant*, hoc est, edunt & exsugunt olera, imo & ceras, ut *Columella* auctor est: vel rectius ex Græco ἡπίολος, repetendo P. Meminit *Aristoteles lib. de Animal. 8. cap. 27.* ubi est, ἡπίολος περὶ τὸ λύχιον πετόμενος, *Papilio luminibus accensis advolitans*. Græci generaliter *ψυχλὴ*, oxytonos seu paroxytonos vocant, à *vento*; forsan quia vere post ventos primo apparent) *Butterflies*. Græce *ψάλυξ σηποδοκίς*, Insectum alatum, alis prælongis, latis, imbecillis omnino generis, varios colores ementiens. *Alas* habet membranosas quaternas, siccas, quasi farina asperfas. Ante oculos prætenduntur *antennæ*, seu cornicula ignava longiuscula. Harum tot sunt species, quot *Erucarum*, quarum quæque ex *Aureliis* proficiuntur. *Aurelia* folliculus est, seu ovum ab *Eruca* relictum, *papilionis* futuri larva seu matrix. *Folliculi* minores, sunt *marium*; majores, *femellarum*. Differunt autem omnes, quod aliæ potissimum noctu volent, *Phalænæ* dictæ, *Anglis Souls*: aliæ vero interdiu ἡμερήσιοι, *Diurnæ* nuncupatæ, *Day-Butterflies*.

Phalæna dicitur etiam *Papilio ignavus*, *blatta Lucernaria*, *Lucifuga*. *Γυεαλλίς* Hadr. Junio, ἡπίολος Arist. *Κανδηλοσέτης* Nicandro. Apibus infestus est; favos suo stercore conspurcat, ex quo dein tinxæ nascuntur.

II. *Papilio BOMBYCUM* (quia è *Bombyce* nascitur) *the Silkworm-Butterfly*. Quæ per metamorphosin generatur, hoc modo. Ex *Eruca* jam folliculo inclusa fit *Chrysalis*, sive *Necydalus*; ex *Chrysalide* oritur *Papilio*, qui folliculum perterebrat, & depositis ovis moritur. Ex ovis renascitur *Eruca*, & sic quasi circuitu facto transmigrat animula. Hinc *Aristoteli* *Νεκύδαλος ἀμυττόμενος νεύων* dicitur, veluti redivivus, morte liberatus. Insectum volucre instar *Papilionis* ignavi, quatuor alis instructum, lanugine albicante duo,

aut grisea vestitum, *Ventre* oblongo & pigro, circulis veluti distincto, & mobili, crasso, pinguique. In vertice *Cornua* gerit duo, ab latere utroque plumulis hispida, ipsa inter se averfa & recurvata. *Pedes* seni, utrinque terni, villosi & breves. Non volant, sed moventur cum strepitu, & mas magis. Non pascuntur, sed generationis opere peracto, fati concedunt, ovis post se relictis. Insecti hujus admirandi historiam superiori anno in lucem emisit *Marcellus Malpighius*.

Ανελυτρών BIPENNIVM Classis.

EX Anelytris BIPENNIBUS, five quæ binis advolant pennis, sunt

I. MUSCA (seu à Græco *μῦα*, quod idem significat, S. infer-tum more antiquo; ut deducit incomparabilis *Vossius*: seu à *Musculo*; detractis enim alis, caput nervosum, corpus molle, & cauda tendinosa apparet.) a fly. Muscæ fungis *Muscariis* dictis, lacte vel melle pertritis, facile enecantur, si eos gustaverint.

II. TABANUS (quod corpore *tabeat*, i. e. *gracilis* sit) *μῶω* vel *ἀπὸ μωιά* & *ὠπὸς*, quod muscæ sit similis; vel, ut aliis placuit, à calcare quo equi stimulantur) the *Burrel fly*, *Stout*, aut *Breez*. Muscarum majorum genus est, armentis infestum. Pungit & infestat æstu. Magnitudo ei Crabronis fere, ut corpore obeso & crassiore. *Caput* nigrum, in cuius fronte *antennæ* duæ obscure rubentes porriguntur. *Oculi* conspicui nulli. Præter aculeum in ore, visuntur duæ *appendiculæ*, quibus res obvolutas fortiter apprehendit. *Thorax* superior fuscus, inferior cum facie flavidiore, lanugine hirtus; ex quo nascuntur pedes sex luteoli, nigricantibus extremis. *Alvus* obtusa, annulosa, nigricat, circulis luteolis, & notis triangularibus, in medio fursum porrectis, insignita. *Ala* membranæ, sunt coloris fumigati.

III. ASYLUS, & *Asilus* (ab *asellus*, quia asinorum gregem infestat) *οἷς εἶος* (ἀπὸ τῆ οἷσπειν, *insanire*; quod armenta in *furorem* agat,) the *Whame*, aut *Bad-fly*.

IV. BIBIO (quia vino delectatur.) *Volucella* Scaligero, the *Wine-fly*.

V. EPHEMERUS, Hemerobius, Diaria; the *fly living but one day*.

VI. TRIMERUS, the *fly living three days*.

VII. MORDELLA (à mordendo) *ὀρσοδάκνη* *Arist.* Insectum volucre, ex Muscarum genere, ore largo, & prope denticulato, pustulas puerorum appetens. Descriptam habeas apud *Schwenckfeldum*.

3. *Herbivora**Struthiopteros*,*Erinopteros*, quæ tota alba est, vel potius argentea, exigua,
& ubique plumosa; **the Silver-fly.***Chelidon* (quia volatu post se omnes relinquit) **the Swallow-fly.***Prædatrix*, **Hawk-butterfly.**

Præter jam recensitas Muscarum differentias, occurrunt insuper
SETICAUDÆ, seu *Pilicaudæ*, *τριχέμοι* **Bristle-tails**, quarum
aliæ unam, aliæ duas, aliæ tres, quatuorve setas in cauda habent.
Unde

Henothriæ, Unifeta.*Bipilis*, quæ duas,*Tripilis*, quæ tres,*Quadripilis*, quæ quatuor in cauda setas habet.

VII. CULICES (vel ab *aculeo*, quod promuscide sua cutim
perterebrant, & sanguinem exsugunt: vel quasi *Cutileces*, quia
cutim *laciunt*, hoc est, morfu laceffant) **Gnats**, ab Anglo-Saxonico
Gnæt; Teuton. *Schnack*, culex, & si parvuli sunt, *Midges*, pariter ab
Anglo-Saxon. *Mycge*, Belg. *Mugge*. Muscarum minimum genus,
alvo fere jejuna, cruribus prælongis lingua fistulosa, & aculei
loco ad pungendum, & ad suctum; sanguinis avidissimum. Sunt
eorum varia genera, viz.

Culices Arborei, qui generantur ex rore verno, salivari aliquando,
in multis arboribus, sambuco, fraxino, & aliis; item in vesiculis
ulmi. Huc spectant *Ficarii*, *Φήνες*, ex caprificis geniti, indeque
Stigg-gnats nominati.

Palustres, vulgares, *Κυίπες*, & αἱ ἐμπίδες, *muliones*, qui pri-
mum in humore putrido subsidente vivunt vermiculi; deinde, for-
ma immutata, foris vitam agere incipiunt. Mordendo vellicant
homines, maxime in paludibus: unde nostratibus **Fen-gnats** di-
cuntur.

Vinari, *Κώνωπες* Arist. culices minutissimi, qui ex vermiculis ca-
pillaribus, in facie vini acescentis genitis originem trahunt: hinc-
que nomen sortiuntur, **Wine-gnats**.

Melliones, quod melle saccharoque delectentur, **Hony-gnats**.

Culices abigunt, conyzæ fumus: absinthii, gratiolæ, rutæ, ni-
gellæ decoctum aspersum; cannabis ramuli appensi.

Insectorum COLEOPTERORUM Classis.

AD Κολεοπτέρων, five Vaginipennium, i. e. sheath-winged, genus spectant.

1. **LOCUSTÆ** (quasi *loca usta*, quod messes & alia quæ attingunt urant, morfu vero omnia erodant.) *Ακρίδαι* ὡς τὸ ἀκρεῖς τὰ σαχύνων καὶ τὰ φύτων νέμεσις, quod summitates fegetum & plantarum depascantur) **Locusts**. Quarum diversæ species sunt, aliæ *vulgares*, cujuscumodi sunt,

1. *Bruchus* (ὡς τὸ βρύκειν,) à mordendo & devorando) **the field-Cricket**. Minor est locusta, nigri coloris, alis cinereis, sub quibus rubet.
2. *Attelabus* (ὡς τὸ ἀττεῖν, quod tam minutis pennis conspiciatur, ut eis omnino carere credatur) **the small Locust**. Qui ubicunque exoritur, ibi omnia quasi in pollinem, five rubiginem conterit, atque absumit.
3. *Gryllus*, (à clamore acuto, qui *Gryllismus* appellatur.) **the Grasshopper** si campestris sit; & si domesticus, **the house-Cricket**. *Αχέτη Jumi*, γρύλλος. Locustæ genus, Cicadæ simile. Sub oculis eminent *Cirri* bini, veluti capillamenta tenuia. *Pedes* seni, inter quos, posteriores longiores, extremis instar ferræ asperiusculis. Acuti duo *appendices* in cauda exeunt, longiusculi, hirti. Pennis superioribus subjacent *membranulae* tenuissimæ; quæ, veluti promuscis quædam bifida, ultra *appendices* protenduntur. Hyeme ad hypocaustorum fornaces, & fumibulorum parietes habitant, stridore suo nocturno plus quam molesti, quamvis nonnullis admodum sit gratus eorum stridor, ut etiam somnum conciliare afferant. *Gryllus Campestris* corpulentior est domestico, at brevior, coloris nigri, picis instar splendentis: *Oculis* majusculis prominentibus, juxta quos *Cornicula* duo brevia; ad *Rostrum* vero supra & infra *appendiculae* binæ, nodosæ. *Alæ*, fuliginei coloris, fibris varie distinguuntur. *Pedes* seni, utrinque tres, veluti ferrati. In fine alvi superioris, sub alis extant *spicula* duo acuta, sub quibus alii *appendices* longiores, rigidiusculi, setæ instar, porriguntur, in extremitate bifidi. In campis, pratis, & aridis colliculis frequens. Aridam fodit terram, ut ejus cavernis cubet æstate.
4. *Gryllo-talpa*, **the Mole**, aut **fen-Cricket**. Insectum visu horrendum, quadruplo maximam superans Cantharidem, præcipue ætate si fuerit provectiori. *Gryllus* dicitur, quia eundum

dum cum Gryllo stridorem nocte appetente facit: & *Talpa*, quia terram continuo fodit.

Aliæ rariores, ut *Locusta*

1. *Italica*, *Mantis* dicta (vel quia suo adventu ver præfagit, ut *Anacreon* cecinit: vel famem prædicit, ut *Cælius* annotavit: vel quia anteriores pedes, veluti manus, supplices semper tenet, atque elatas, vatum more, qui eo gestu orationes ad Deum fundere solebant; unde Gallis *Preque Dieu* dicitur) **the praying Locust**. Tam divina censetur bestiola, inquit *Rondeletius*, ut puero interroganti de via altero pede extento rectam monstret, atque raro vel nunquam fallat.
2. *Græca*, quæ magnitudine, & forma priori similis, alium tamen colorem ex naturæ locive dono accepit. Habet enim cornicula saturate lutea, hyacinthinum ocellum, alas ex luteo fatifcentes, corpus reliquum amethystinum.
3. *Africana*, è Barbaria *Mouffeto* allata, gracilis, quinque uncias longa, cucullata, capite pyramidali, è cuius pene vertice duo cornicula latiuscula, unciam fere longa se erigunt, galerumque illum Turcicum, biplumem, quali *Janisarii* utuntur, superbientem repræsentat.

II. SCARABÆUS (à Græco *Κάραβος*, addito *s*) *Κάνθαρος* (vel quasi *καθαρός* quod valde fit impurus & sordidus: vel *καθαρός* *καὶ καθαρός*, qui asinus est, & *ὄρν* vel *δόν*, quod est sperma; quia animalculum hoc è stercore asinino nascatur, & vivat; unde & *ὑπερώνα* appellat *Hippocr.*) **the Beetle**, (forte ab Anglo-Saxon. *Bizel*, à verbero, **to beat**; quia Scarabæi vespera præ cæcitate involantes facies nostras percutiunt instar mallei) **or Bugg**. Insecti genus, teneras habens pennas, ob id crusta superveniente rectas. Plinius, Scarabæi nomine, omne genus Insectorum complecti videtur, quod crusta tegitur, quod vaginipenne est. Scarabæi sunt *Hermaphroditi*. Horum variæ sunt *species*, viz.

Canthari majores Cornuti, quales sunt

1. *Κάραβος*, *Scarabæus* est omnium maximus, terrestris, longitudine 5 vel 6 digitorum. *Caput* quadratum cum *thorace* obscure rubent, ut & *venter* inferior. *Alarum* vaginæ castanei sunt coloris. *Cornua* gerit pulcre rubentia, instar vitri splendentia, ramosa, dentata. *Oculi* ad latera prominent bini, ex fusco rubei. Inter quos & *Cornua*, ad latera exeunt duo parva *Cornicula*, veluti antennæ. *Rostellum* acutum, promuscide, flamenti lanugine hirta, donatur; ad quod *appendiculæ* utrinque binæ.

M

Pedibus

Pedibus incedit senis, cum splendore nigricantibus, quorum extrema genicula instar ferræ aspera videntur, apiculis extremis, instar hamuli aduncis. *Cornua* in cacumine comprimit, ut *Cancris* suas chelas. Abscisso capite, seorsum caput, & seorsum corpus, utrumque vivit; caput tamen diutius. *Cornua* Infantibus, remedii vice, ex collo suspenduntur, ad eorum urinam cohibendam.

2. *Cervus volans*, πλατύκερς, ab amplitudine cornuum, quibus cervum æmulatur exactissime: **the Stag-fly**. Animalculum nostris sylvis haud ignotum, nec adeo rarum, ut descriptione indigeat.
3. *Capricornus*, Αιγάκερς, **the Goat Chaser**, forte ab Anglo-Saxonico Ceaser, Belg. *Reber*: apud nos quoque sat familiaris.
4. *Taurus volans*, Βέκερς, **the Bull Chaser**: cujus bina genera describit *Marcgravius*, in *Histor. rer. natur. Brasil. lib. 7. cap. 2.* ubi etiam graphice exemplatus videatur
5. *Rhinoceros*, **the Horn-nosed Chaser**, his terris rarissime ostensus, nisi exotica inter huc delatus.
6. *Scarabæus Bufonius*, μελολόννη, ἄγροπλάγην, *Galeraca*, *Scarabæus viridis* Aldrovand: item *Smaragdus*, *Viridulus*; **the Green Chaser**. Est majusculus, in acutum desinens, coloris obscure virentis. *Capitulum* parvum nigricat, instar cucurbitulæ rotundum. *Oculi* ad latera prominent nigricantes; ante quos *cornicula* duo nodosa enascuntur. *Appendiculæ* item 4. juxta os, ex duobus denticulis acutis introrsum se curvantibus confectum. *Pectus* quadratum fere, instar auri rutilat. *Alæ* à thorace ad extremum, lineis longis elevatis, inter quas notæ longiusculæ, insigniuntur. *Pedes* habet sex, posteriores longissimos in extremo ferratos. *Præna* pars, ut *Pissasphaltum*, splendet, nigricantis coloris. Occurrit in locis, ubi *Bufones* frequentes sunt, quibuscum coire vulgus opinatur. Venenosa prorsus naturæ est.

Non Cornuti, ut

1. *Proscarabæus*, sive *Anticantharus* (à *Mouffeto* sic dictus, quia, contra *Scarabæorum* morem, sexu distinguuntur) item *Scarabæus Unctuosus* (quia pinguiculus est, & pingui sudore affatim extillat) *Γιαπώδες*, **the Dyl-beetle**, aut **Dyl-clock**. *Cantharus* est crassus, oblongior, mollis; corpore ex obliquo cæruleo splendido. *Caput* ei rotundum fere: juxta oculos *antennæ* porriguntur, continuis internodiis distinctæ. *Isthmo* gracili *venter* oblongior, in acutum desinens, & *incisuris* reffectus, annectitur. *Alæ* integunt splendida, convexæ. *Pedes* senis, extremitatibus bifidis seu trifulcis. Majo & Junio passim in

in sylvis, & fecus vias obrepit. Cum in manus sumitur, eas pingui liquore inficit, & subflavo; unde nomen.

2. *Pilularius* (quia ingentes stercoreis *pilas* averfis pedibus volutat) *Stercorarius*, *Fimarius* (quod ex *fimo* nasci credatur, & in eo ova reponat) ἡλιοκάνδαρος. Ægyptiorum (qui hunc summopere venerantur, animatam Solis effigiem esse putantes; teste *Clem. Alexandr. Strom. l. 5.*) ὑποριών *Hippocr. the Dung-beetle*, aut *Shurn-bugg*. Corpus est ei compactum, latum, ex cæruleo nigrore splendescens. Corpus planum inferius, & superius nonnihil arcuatum, multis *eminentiis* conspicuis, è quo ab utraque parte duæ prominent *antennæ* breviusculæ, sed in fine in plurima tenuia filamenta divisæ. *Pedes* antèrius sunt ferrati in fine.
3. *Rutilus major*, seu *Saligneus*, qui Pilulario fere est similis, sed corpore longiore, & colore rubente, capite alias nigro, alias rubro. Maio in salicibus, betula, & quercu frequens, quarum folia tenella sæpe tota arrodit & absumit.
4. *Rutilus minor* priori forma similis, sed multo minor, & Junio frequens. Rosas, & tenella arborum folia arrodit. Sturnorum, & aliarum avium cibus.
5. *Scarabæolus cadaverum*. Insectum minutissimum, vaginipenne, nigrum, per dorsum *linea alba* transversim insignitum; in cadaveribus exsiccatis, vel carnibus suffumigatis inveteratis nascens. Quod, si tangatur digito, aut alia re, pulicis instar subfilit.
6. *Scarabæoli pistrinarii*, μύληγοι, μυλακριδης, μυλάκεται, *Hesych*, Σίλφαι ἀρτοποιείων *Dioscor.* Sunt longiusculi, corniculis tenuissimis, pediculis senis, totis nigris, excepta parte prona, quæ ex obscuro rubescit. Gignuntur ex farina humida, qua confersa interdum toti albicant. In Moletrinis & pistrinis frequentes.
7. *Arborei*, *Doris* (fortasse ab Anglo-Saxon. *Dopa*, *fucus*, quasi dicas fucum ignavum & aculei expertum) or *Hedg-Chafers*: vel pueris bene noti.
8. *Maculati*, *Lady Cows*; & *Fulla*, cujus scapulæ & elytra albis nigrisque maculis variegantur pulcherrime: de quibus vide sis *Mouffetum*, cap. 22.

III. PYROGONUS (quia in igne generari vulgo traditur) *the fire-fly*, aut *Salamander-fly*. Forma nonnihil Culicem refert maximum, colore flammeo, splendente; radiis quibusdam pyriticis illuminatus; in flamma salit, ambulat, volitat & vivit; si credimus *Aristoteli*, l. 5. *hist. an. c. 19.*

IV. CANTHARIS *Dioscorid.* vulgo nostro *Spanish fly*; &
(à vi-

& (à virore) **Green fly**. Insectum est Coleopteron, oblongius, ex aureo fulgore virescens, quod frumenta arrodit. Nascuntur ex *vermiculis* erucis similibus; qui proveniunt ex humore foliis fraxini, populi, tritici inhærente. Et quamvis coeant & generent, non tamen sui generis animal, sed vermiculos procreant. Probantur in usus medicos *versicolores*, & quæ luteas in alis transversas lineas habent, corpore promisso, crassæ, ac blattarum more pingues, recentes. Inutiles ac inertes, quæ unius coloris sunt, & virescentes, judicantur: nam facile cariem sentiunt. Enecantur per linteolum vapore aceti, & reponuntur ad usum. *Ureticis* à quibusdam miscuntur, & quæ lepras, ferasque lichenas, & carcinomata sanant. Earum variæ sunt *species*, quæ tamen omnes reducuntur ad *Majores*, & *Minores*.

V. BUPRESTES, (ὄψα τὸ ὀρήσαι τὰς βῆς, quod *boves rumpat*: primo enim, per summam veneni acrimoniam, intestina illorum inflammantur; mox tumor, febris, & tympanites ingruunt; tandem, membranis distensione ruptis, crepunt pecudes mediæ) **the Burs-cow, Burn-cow**, aut **Blain-worm**. Ex Cantharidum genere, καὶ πῶ ἰδέαν καὶ δυνάμιν, videtur; sed oblongiore corpore. *Elytrum* exterius ex viridi flavescit, vel potius aurum imitatur. Longiora item *crura* habet, & crassiuscula. *Oculi* globosi, prominentes. Ex fronte juxta oculos, duo *Cornua* oblonga, articulata gerit. *Caput* parvum; *Os* patulum, durum, robustum, forcipatum, dentatum, quo crudeliter vulnerat & mordet. *Venter* non rotundus, sed in longum productus. Acriter cum Scarabæis & Lacertis pugnat. Plura de hac peste scias licet è *Mouffeto*, qui varias ejus viderat species. Idem Buprestis nomen competit quoque *Araneola* cuidam ruberrimæ, quæ à bove devorata, eadem fere cum hac bestiola venenosa, inferre dicitur symptomata.

VI. IPS *Plin.* Involvulus *Plaut.* volucra *Columelle*, nostratibus **the Wine-fly**. ἢ dicitur ab ἵπῳ, i. e. βλάπῳ, *noceo*; quia proprium ejus est, in *vitibus* versari, earumque gemmantia germina arrodere.

VII. CUCUJUS, κεφαλολάμψ, i. est. capite lucens, **the Indian Glow-fly**. Cujus & descriptionem sane admirandum legere licet, & iconem contemplari, apud *Mouffetum*, in *theatr. Insector. l. 1. cap. 15.*

VIII. CICINDELA (à præverbio *cis*, & *candeo*, quod tum candidum, tum ignitum esse significat; ut à sequor, sequela; à candeo, candela.) *Noctiluca* (quasi noctu lucens) λαμποῖς, πυρολαμψ, *Luci clunis* (à caudæ fulgore, *Nitedula*, *lucio*, *lucula*, *Flammides*, *luciola* Italis, *Incendula*, **the Glow-worm**. Insectum est pennatum, ex Scarabæorum genere *capitulo* parvo nigerrimo, in duo *tubercula* dispartito

dispartito. *Alvus* annulosa, multis segmentis divisa, in cujus medio *guttulae* duae candidae, noctu ignis modo lucentes. Non desunt ex hodiernis *Entomographis*, qui confidenter sibi compertum esse affirmant, non *Alatas* Cicindelas ab *Alatis* non specie, sed sexu tantum discrepare: hasque mares, illas vero faeminas esse. Et curiosissimus Insectorum indagator, *D. Joh. Ray*, conterraneus noster, in *Peregrinat. suarum histor.* p. 409. ex *Fabio Columna* refert, *Carolus* quandam *Vintimilium*, *Palermi* in *Sicilia* civem, ubi multas Cicindelas alis carentes aliquandiu in vitro incarceratas, ut curiositati suae gratificaretur, conservasset, unam ex alatis deinde ad eas admisisse: statimque vidisse marem istum cum faeminis omnibus successive, Papilionum ex *Bombycibus* oriundarum more, coitum celebrare, easque adeo impraegnare, ut postera luce, ova excluderent. Sunt etiam, qui tarde quae credita decipiant credere soliti, certo sibi constare astruant, ignes illos *fatuos* haecenus pro *Meteoris ignitis* habitos, revera aliud nil esse praeterquam harum *Noctilucarum* in aere ludentium *examina*, veluti conglobatim horum illorumque volitantia. Quod si verum est, non erit quod Philosophi ingenia sua hoc Phaenomeno ultra torqueant, anxie disquirentes, unde hujusmodi nocturnae faces accendantur; quae alimenta flammæ in tanto circumfusi aeris udore; quis ille denique error, quo nunc altius, nunc demissius, interdum secundo, mox adverso vento ferantur.

IX: BLATTA (quasi *blapta*, ἀπὸ βλάπτειν, à nocendo; quia libros & vestes erodit) Σίλφη, μεγάλη; the Moth-fly, aut Cock-roch, produced out of the Meal-worm. Insectum est lucifugum Scarabæolo haud multum dissimile, sed elytro carens. Hujus species censentur

1. *Blatta mollis*, proprie Σίλφη μεγάλη; the great and soft Moth-fly.
2. *Molendinaria*, *Fruentacea*, Σιρφάριον, the Miller (because alwaies whited with a delicate down, as Millers are with Meal) in pistrinis frequens.
3. *Carnivora*, quae frumentaceis sunt similes annulosis quidem incisuris, sed multo breviores & tenuiores. *Pedibus* incedunt totidem. Anteriore facie crassiores sunt, quae deinde sensim gracilescentes, in acutum desinunt. In carnibus nascuntur falsis inveteratis, primo *vermes* albi, dein toti *hirsuti* evadunt, *annulis* alternatim rubentibus & flavescentibus. *Venter* semper albicat. Tam exacte ab ossibus carnes denticulis suis auferunt, ac si novacula rasæ essent. *Schwenckfeld*.
4. *Fætida*, Σίλφη foetens, Σφονδύλη *Nonn.* the stinking-Moth. Insectum odore invisum, acuta clune, cimum modo putidum, coloris fusci, pedibus & antennis plus rubentibus. In

aggeribus & apricis inveniuntur; nonnunquam vero in cellis vinariis.

5. *Byzantia*, quarum è succo (est enim purpuræ species) *purpureus* color elicitur, perinde ac ex Cimicibus (*Coccinioli* vocatis) vermiculatum, **the scarlet Moth**.

6. *Peruanæ*, quas Peru incolæ *Araners* vocant, & *Lerius* Papilio-nes credit, *lib. navigat*. Gryllorum magnitudine, & gregatim noctu prodeunt, omnem ferme mollem supellectilem ambedentes.

X. FORFICULA, (à forcipe in cauda) *Auricularia* (quia in aures hominis irrepere solet,) *vellicula* (à vellicando,) *Forbicina*, Aldrovand. *vermis auricularis*, **the Ear-wig**, & *Borealibus nostris*, *obscæno nomine*, **Twitche-ballock**. Vermis est oblongus, compressus, lævis, coloris spadicei; cujus cauda in bifidum mucronem exit: juxta oculos protuberantes antennæ, tanquam exploratoria fila, enascuntur. Sub lignis & arborum corticibus stabulatur. Arbores perreptat, & pyra pomaque arrodit. Aures hominum facile incur-rere solet: ubi enecatur spiritu vini; oleo juniperi, amygdalarum amararum.

XI. SCORPIO *alatus*, *μαλιχλωρὸς*, (à melleo seu flammeo colore) **Scorpion-fly**. Summæ caudæ niger nodus est, duplici præ-ditus *aculeo*, quo crudeliter vulnerat, venenum simul infundens ca-lidissimum. *Alæ* locustæ Maraci similes. Reperiuntur in *India* apud *Prasios*, in *Ægypto*, *Palimbroti*, & alibi. Intra *Siculi* cæli regionem non vivunt: in *Italia* sunt innocui. Lacertas, araneos, & omne genus serpentum enecant. Suo vulnere applicati medentur.

XII. FORMICÆ *alata*, *ἰππομύρμηκες* *Aristot.* **Horse-Em-mets**, aut **flying-Ants**: omnibus fatis cognitæ.

XIII. PEDICULI *alati*, **flying-Lice**, *Acridophagis* infesti; de quibus consule *Hieron. Mercurial. de morb. cutan.*

XIV. ORIPÆ, ex nive jam veterascente nascentes, **Snow-flies**: de quibus fuse *Aldrovand. 6. de Insect. cap. 9.* & *Thom. Bartholin. de Nivis usu, cap. 9.*

Insectorum non-Alatorum SEPEDUM Classis.

INSECTA APTERA, five *Non-Alata*, sunt vel *Pedata*, vel *Apo-*
da: & PEDATA rursus vel *Sepeda*, i. e. Sex pedes habentia,
 vel plurium pedum.

E SEPEDUM (*six-footed Insects*) censu sunt

I. FORMICA (vel à *forandis micis*, vel quod *ferat micas* farris;
 ut *Virgil. 4. Æneid.*

Ac veluti ingentem formicæ farris acervum
Cum populant, &c.

vel forte à Græco *μύρμηξ*; modum explicante *Caninio*, qui docet,
Æoles, quos Romani imprimis imitantur, pro *μύρμηξ* dicere *βύρμηξ*,
 atque obliquo *βύρμηξ*, solitos esse, *μ* in *β* mutato. Quod etymon
 summopere arrisit *Vossio* the *Pismire* (quasi dicas, quæ in *luto*
mingit, vel à Belg. *puys* suggestum, tumulus, & *Miere*, Danic.
Myre; quia sc. tumulos pulveris ubique egerunt formicæ) *Ant* aut
Emmet. Animalculum est parvum, fugax, laboriosum, nulli impe-
 rio subditum; corpusculo gracili longiusculo; cujus capitulo anten-
 næ, ceu exploratoria filamenta, prætenduntur. *Ocelli* ad latera nigri,
 tantæ subtilitatis, ut visum nostrum fere effugiant. *Denticuli* bini,
 introrsum adunci, forficulam veluti, qua cibum apprehendit, con-
 stituunt. *Pedunculi* ex pectusculo nascuntur seni. *Venter* adjungitur
 crassior. Omnis generis succos appetunt, quos partim in plantis
 quærunt, partim ex fructibus exugunt. Mel mire appetunt, unde
 apibus insidiantur. Eadem semita semper ambulant. Luna plena
 laborant; interlunio quiescunt. Formicarum Respublica non vide-
 tur ad Monarchiam, sicut apum, pertinere; sed ad eas quæ popu-
 lariter administrantur, & quarum gubernatio Democratica aut
 Aristocratica nuncupatur. Nullus enim illis Rex, nullus Præses;
 omnes ex æquo cives, pro opportunitate temporum, aut præesse,
 aut subesse solent, servatis Institutionis suæ Reipublicæ ordinibus:
 attamen omnes, ut veri Cives solent, omnia ad communem utili-
 tatem agunt, maxima solertia.

Harum variæ constituuntur *Differentiæ*. Nam ratione *Quant-*
itatis, aliæ sunt *Magnæ*, quales in Novo orbe reperiuntur, (apud
Bragmanas palmaris esse longitudinis, scribit *Scaliger, Exercit.*
367. & in nova Hispania *Scarabæos* æquant:) qualesque sunt eti-
 am apud nos Formicæ majores *Herculaneæ* *ἰππομύρμηκες*, *Hors-*
em-

metis, quibus isthmus exiguus, longiusculus, gracilis, utrinque extremitatibus crassiusculis: aliæ *Parvæ*. Ratione *Loci*, aliæ *Indicæ*, *Brasilienses*, *Philippinæ*, *Aquilonares*, &c. Ratione *Effectus*, aliæ sunt *innocuæ*, aliæ *venenatæ*, quales *Lacertas* vocat *Telephus Cretensis*. Ratione *Coloris*, aliæ sunt *albæ*, aliæ *nigræ*, aliæ *rubræ*, &c. Ad hæc aliæ *impennes* aliæ *pennatæ*.

II. **CIMEX** (à *κέρυ* cubo; quod in cubilibus nascatur,) *Kóex*, (à *Cori* herba, quam Latini *Cimicariam* vocant:) recentioribus *Kόειξα*, Gallis *Punaise*; **the Wall-Lowse**.

III. **PEDICULUS** (à *pedibus* nomen est.) **the Lowse**. Cujus non una species est. Qui *Homines* infestant, sunt vel Mansueti, **Common-Lice**; vel Feri, Morpiones, **Crab-Lice**. Græce *φθείρες*, ἀπὸ τῆς φθείρειν ob humorum corruptione: & *Εγχερες* Eustath. qui in capite generantur: *φθείρες ἀγριοί*, feri, intestinales, qui lati sunt, in pectine, axillis, palpebris, barba pronati. Ubi permanent infixi, atque à cute non facile detrahuntur; duriores communibus, & vehementer morfibz sæviunt. *Obambulatorii* gignuntur in vestimentis. Ex pellibus, ab ovibus mortuis, aut à Lupo occisis vestes factæ facile pediculos procreant. Eorum ova, *Lendes*, *Kόινδες*, **Pitts**, capillitio pertinacissime inhærent. Qui *Brutis* infesti sunt, vel Leonis, vel Equi, vel Bovis, Canis, Porci, Cervi, Capri, Avium, Asini, Salmonis in specie dicuntur. Sunt & Plantis quibusdam peculiare. *Cyrones*, *Scirriones*, acari, pedicelli, pelliceli, *placulæ*, **Hand-worms**, **Wheal-worms**. Omnium Insectorum minimum. Nunquam erumpunt extra, sed semper intra cutem & cuticulam latitant, & rodunt. Cuniculos agunt in pruriginosis manibus.

IV. **RICINUS**, *κρύων* (forte quia *Ricini* plantæ semina æmulantur; licet aliis videatur, potius Ricinum fruticem, vulgo *Palmam Christi*, ab hoc animalculo nomen sortiri; cujus grana illis similia sunt) **the Wood-Teek**, aut **Doggs-Teek**; aut **Tik** (forte à Belgic. **Teecke** Franco-Gallic. *Tic, Tique*) Aristot. *Κυνόπανσις* (quod canes mordendo lancinat) Cæsar. Scaliger. *Lancinistæ*. Animalculum est lividum, & foedum, bobus, suis, capris, verris, canibus intestissimum, æstivo tempore aculeo totoque capite infixo adhæret, nec prius decedit, quam sanguine saturatus. Oritur ex animalis excrementis, non è suo genere. Nam ubi Ricinus sanguine satur est, quod exitum non habeat, rumpendo moritur, & nihil procreat. Venatoribus observatum est, quod canes cum domo egrederentur, prorsus ricinis carerent; redeuntes vero ex agris, ubi frequentior, spissior & altior filix erat, iis infecti essent.

V. **REDUVIUS**, **the Sheeps-Teek**. In vellere detonso integrum annum vivit, & ova rubra deponit.

VI. **P U-**

VI. PULEX, (quod ex *pulvere* generari creditur : vel rectius à *pulo* seu *pullo* colore. Veteres enim non geminabant consonas : vel, ut *Vossio* magis placuit, *πῦ μὲλ' ἄριστον*, ab *Æolico* *σύνμα* pro *ψύμα*, quod idem significat) *a flea*. Forte à verbo, *to fly*; quia adeo celeriter saltat, ut volare videatur. Alitur vivo humore, & multiplicatur per ovationem. Cujus Iconem, à doctis. *D. Hooke*, Vitri Microscopici ope, eleganter depictam videas, in ejus *Micrographia*. Hujus generis sunt :

Pulicellus, Nigua, in India Occidentali frequens.

Pulex terrestris, vulgari similis. Vere primo brassicas tenellas arrodit, aliaque terræ nascentia depopulatur. Hortulanis invivus. Enecatur calce, cineribus, absinthii decocto, &c.

Pulex aquaticus; Insectum palustre nigrum, pulice paulo majus, supra aquas, præcipue stantes, velocissimo motu cietur. Degunt gregatim, invicem colludentes.

VII. FORBICINA (quod caudam habeat bifurcatam) quæ eadem est cum Forficula, *the Ear-wig*.

VIII. TALPA *Ferrantis Imperati* (quod Talpæ more pedibus anterioribus, ceu manibus terram effodiat.) Cujus descriptionem tradit *Johnstonus de Insect. lib. 2. cap. 1. art. 6. & Casp. Schenckfeld Theriotroph. Silesiæ p. 528*. Insectum est oviparum, ex Gryllorum genere, longitudine & crassitie auricularis digiti. Anteriore facie Aftacum fluviatilem, posteriore parte, ventre nimirum, Gryllum refert. *Caput* enim, & *thorax* testaceo cortice vestiuntur, ut Aftaci, ex fusco rubente. *Oculi* nigerrimi utrinque eminent, instar picis splendentis. Sub his *cornicula* duo oblonga, tenuia, ceu exploratoria filamenta. Dorsum vestiunt *alæ* quaternæ: superiores breves & latæ, striis subrubris marmoratæ, aliis angustis longioribus, & ad caudam fere extensis incumbentes. *Crura* in utroque latere terna, duriuscula, articulis divisa. Nidum in terra construit, ovaque subflava parit. Admodum vocalis est, præsertim nocturno tempore.

IX. SPONDYLIS, *Σπονδυλή* Aristot. Verticillus, Convolvulus, (quia se conglomerat) *the Andever*, & *whirl-worm* five *whirl-worm*. Vermis est oblongus, digitum crassus, ex Erucarum genere, capitulo rubente, reliquo corpore subflavente, pediculis minutissimis antrorsum utrinque ternis. Si tangatur bacillo, in verticilli formam convolvitur. Pestis hortorum. In terra, circa plantarum radices latet, quas aliquando totas arrodendo absumit. Piscatores ad inescandos pisces utuntur.

X. STAPHYLINUS, venenata bestiola; sphondylo haud ab- similis, sed elevata cauda semper gradens, Gallis *Courtiles* dicta, apud nostrates vero innominata.

XI. ANTHRENUS, pennitantum à Crabrone differens, *the wing-*

wingless-Hornet. Morsum ore infert ægre curabilem, non ita tamen lethalem, ut Phalangium videatur.

XII. ASELLUS *arvensis Mouffeti*, the Field-sow, aut Tylers-Lowse.

XIII. TINEA *vestivora* (quod *teneat* vestimenta, & eo usque infideat, quo erodat: seu potius ob similitudinem qualemcunque ita vocatur à Lumbrici genere, quod Græcis *τῆνία*, the Moth. Quæ est vel vulgaris, the common-Moth: vel quasi argento illita, the silver-Moth. Dicitur etiam *Blatta non-alata*, quam vere Reverendus ille vir, & curiosissimus rerum naturalium indagator, D. Joh. Wilkins, olim studiis meis juvenilibus in Academia Oxoniensi præpositus, dein Episcopus Cestriensis, nunc vero in Beatorum consortium exceptus, nostro idiomate Cockroch reddidit, in *Tabul. de Animal. exang.* Vermiculus est albicans, minutus, vestes, chartas, &c. erodens. Generatur ex putredine innata, vel ex rore aereo, aut Papilionis excrementis, potissimum in laneis vestimentis: Tineas abigunt amara & odorifera. Libri præcaventur, si aqua aluminosa, aut nitri, abluti exiccentur.

Insectorum non Alatorum OCTOPEDUM
Classis.

Apterōn OCTOPEDUM classem complent

I. SCORPIO. Σκῆρπις. (vel ὡς αὖτ' οὐροπίζειν ὄν, quod venenum jaculetur: vel ὡς αὖτ' οὐκ αὖτ' ἔρπειν, quod flexuose serpat.) Ciceroni & aliis *Hepa*, Pandectario *Satocollos*, the Scorpion.

II. ARANEUS (vel ab ἀράχνης, omisso χ, quomodo à χλαίνα, est læna) vel ὡς αὖτ' ἀραιὰ ἵχνη ἔχειν, quod tenuia habet fila,) the Spider (quasi dicas Spinder vel Spinner, à verbo to spin. Crasculis incedit ut plurimum octonis, quibus omnibus intermedia terna. Cum coire volunt, fæmina deductam araneam trahit, mas eandem mutuo trahit: quod ubi sæpius fecerint, coeunt, & averfis clunibus copulantur: qui modus iis propter alvam orbiculatam convenit. Horum non una species est. Generatim vero distinguuntur in Noxios seu Phalangia, inter quos præcipuum locum obtinet Tarantula; & Innoxios, qui subdividuntur in Domesticos, & Subdiales; & utrique rursus in Retiarios, Telarios, & Varios. De variis Exoticorum generibus seligendi sunt *Marcgravius de Insect. Brasil. lib. 7. c. 3.* & *Nierembergius Hist. Exotic. l. 13. c. 28.* Araneæ λαγρότατοι agilissimæ, succinctissimæ, ἐυξωνότατοι, sunt πε-
χυνώπροι

χρηνώτεροι πῶν ἄλλων, ingeniosiores in vitæ functionibus. Mares aranei similes Flandris sunt, qui otiose degunt, mulieres negotia exercent. ut *Scalig. in Arist. hist. Animal. pag. 1104.*

Omnibus Araneis illud *proprium* est, quod ova sua, tanquam in sportula, ex telis suis constructa, secum gestent & foveant: ut primus notavisse videtur oculatissimus ille naturæ indagator *Harvæus, de generat. Animal. Exercit. 3.*

Aranei, non ictu, sed *morsu* venenum ejaculantur. Deprehenditur mox stupor in demorsa parte, refrigeratione extremorum, & alvi flatibus. Corpus insuper universum obstupescit (si ex improvise devorati sint in cibo) & instar *Anasaræ* intumescit. Color item brevi depravatur, & omnes actiones hebescent. Antidotis veneni vis infringenda, & reliquæ sudoribus discutiendæ. Vulnus quamprimum abluatur aceto, quam valentissime. Theriaca, seu cepa, & allia trita imponantur: consulente *Schwenckfeld.*

Insectorum DUODECIM & QUATUORDECIM

Pedum Classis.

E Censu *duodecim & quatuordecim* Pedum Insectorum sunt
I. ERUCÆ (vel ab *erodendo*, quod erodant olera & pampinos: vel ab *hærendo*, ut *Apuleio* placet, quod pertinaciter adhærescant: vel quia olea ἐρεῖκε, hoc est, scindit: vel à *rugis*, quia reptantes se corrugant & erugant,) Κάμπα (ab undoso & arcuato gressu,) **Caterpillars**, & si glabræ sunt, **Canker-worms**. Franco-Gallis *Chatte-pilleuse* (ab hirsutie, quasi dicas, *Felis pilosus*) dicitur: Βρῆχ. *Scalig. πωξάλις Athen.* Vermis est vulgaris notitiæ, longus, mollis, multis constans pedibus, flexo corpore obliquis tractibus repens, colore varius. Erucæ *oriuntur* vel ex stirpium excrementis, aeris nempe humidioris constitutione, ac putredine tepida; vel à Papilionum ovis.

Distinguuntur à *Mouffeto* in Ετερογενεῖς, sive Affines, à Papilionibus & Aureliis fatas: & Αυτογενεῖς, sua ex tribu profectas. Utræque rursum sunt vel

GLABRÆ, ut

Bombyces, Seres, Silk-worms.

Virides,

Flavæ,

Vinulæ, quæ elegantes sunt, *Tiliæ* floribus insidentes.
Fuscae, &
Varia.

HIRSUTÆ, five *Pilosæ* (omnium maxime maleficæ,) eæque vel
densus, vel *rarius* pilosæ.

Prioris ordinis sunt

1. *Pytiocampes*, i. e. *pinæ*, *piceæ*ve *Erucae* quia in ramulis pini & *piceæ* supremis nidificant, ubi gregales vivunt.
2. *Ambulones*, (ab erratica vita) **Palmer-worms**, & (ab hirsutie) **Bear-worms**.
3. *Corylaria*, (quia *Coryli* foliis insident) quarum duæ species ponuntur, altera saturate, altera pallidius viridis est.
4. *Polymita*, (quia licet faciem habeant *Æthiopis*, veste tamen vario artificio fulgente insigniuntur.
5. *Neustriæ*, è Normannia delatæ *Monffeto*.
6. *Mesoleuca*, **the half-white Caterpillar**.
7. *Urticaria*, (quia *urticæ* in morem leviori attactu vulnerat) **the Nettle-worm**, aut **stinging Caterpillar**.
8. *Brassicaria*, (quia in *Brassica* ortum adipiscitur) **the Cabbage-worm**.
9. *Sepiaria*, (quia sepes populatur) **the Hedge-Caterpillar**.

Posterioris

1. *Geranivora*, *Eruca* grandis, *Geranio* palustri potissimum infesta.
2. *Jacobeæ*, five *fenecionem* depascens.
3. *Echini*, (quia hirsutie pilorum referunt *Echinum*) **Archin-worms**.
4. *Rubicola*, quæ pilos rariores gerit, eosque plane nigros; **the Briar-worm**.
5. *Cerastes*, cujus cornu crenatum rubescit, **the horned Caterpillar**.
6. *Ericaraneus* Aldrovandi, **the spinning Caterpillar**. Cum innumeris pene aliis; quia quælibet ferme herba peculiarem alit *Erucam* sui vastatricem.

Insectorum MULTIPEDUM in Classe ponuntur.

I. **A**SELLUS, (à colore asinino) ὄνισκος Galeni, ὄνισκος Dioscori. *Arid. πῖλοι Plinii, Κύαμος* etiam (seu à forma fabæ, cui similis est dum se in globum contrahit : seu quod è fabarum folliculis & culmis prodire soleat) Latinis *Millipes, Multipes, Centipes, Porcellio*: Angl. *the Tylers Lowse* (quia sub tegulis interdum nidulatur) item *Wood-Lowse*, aut *Sow*. Bestiola est è vermibus terræ, subcinerei coloris, multis pedibus arcuatim repens : ad contactum se in orbem vertit. Tenuium est partium, digerit, extenuat, abstergit, aperit. Ex vino potus calculo renum, urinæ difficultati, & Regio morbo medetur. Cum melle Anginis utiliter illinitur. Tritus, & in cortice Punici mali calefactus, doloribus aurium, addito rosaceo, convenienter instillatur. Panno lineo involutus, in vino albo maceratur : colatura potui datur Asthmaticis ; dictum mirum, quam cito saturatos pulmones depleat. *Schwenchfeld*. Fere eadem etiam tradit *Dioscorides*.

II. **SCOLOPENDRA** (quod σέλοπα, *aculeum* habeat in ἑδρα, *cauda*) *Porcus lutosus, Nicandro ἀμφιγῆρης, biceps* (quod pari facilitate prorsum capite, retrorsumque ducente cauda incedat) *the Scolopendra*, aut *many-footed Worm*. Vermiculus est longiusculus, planus, gracilis, trium aut 4. digitorum longitudine, coloris sublutei, pedibus innumeris utrinque refertus ; & antennis binis longiusculis, caudaque bifida ornatus. Contactus se contrahit. Invenitur in truncis arborum, aut in lignis supra terram locatis, aut palis terræ infixis. Ad morsum puncturamve ejus locus undique livescit, putrescit, & vini rubri facibus similis videtur.

III. **JULUS**, (à nucum juglandium, atque avellanarum veluti caudis, quarum villi callo compacti infixi, Julos hos repræsentant,) *the Gally-worm ; because the Legs on each side resemble the Oars of a Gally*. Horum alii sunt *Glabri*, alii *Hirsuti*. Omnes vero tactu se in gyrum colligunt & convolvunt. *Ιελας, πολύπους, μυριόπους, Multipes, Eruca hirsuta villosa, Centipeda hirsuta*. Vermis est terræ longus, ex annulis multis compactus, pilosus, multi pedibus arcuatim repens. Si contrectetur, in globum complicatur. In multas partes divisus, omnes vivunt. In hortis oleraceis quandoque occurrit. *Ictericæ, & urinæ difficultati* confert, ex vino potus.

Vermium HEXAPODUM Classis.

INter TERRESTRIA Insecta restant adhuc vermes HEXAPODES, viz.

I. ARBOREI, cujus ordinis censentur

Ligniperdes, ξυλόφθογοι, quorum multi cernuntur. Nam qui in virentibus adhuc arborum Truncis innascuntur, δῆκες (ἀπὸ τῆς δάκνειν, à mordendo) nominantur. Qui in aridis & exsuccis lignis, ἐνξύλα. Qui in solidis & siccis, σκληρές. Qui in cæsa materia; *Cossi*, *Timber-worms*. (Cossus est vermis multipes, digitalis longitudinis, crassus, albus, Erucae fere similis: linea à dorso ad caudam usque conspicuus, plurimis incisuris constans. Os nigrum, ex duobus velut introrsum se curvantibus confectum. Ad latera punctis maculatur castaneis. In cariosis lignorum caudicibus nascitur, & farina seu carie faginatur, cui involvitur.) Qui in *Navium* tabulis, proprie *Teredines*; sic enim *Ovidius* (i. de Ponto)

Estur ut occulta vitata Terebine navis.

(*Teredo*, τερεδὼν, à terendo, est vermiculus candidus & minutus, ligna erodens, & corrumpens: cujus dentes sentiunt omnes fere arbores, præter Larycem, Euonymum & Xylosteum. *Farina* seu caries, ulceribus humidis & fluidis utiliter inspergitur: sine morfu exiccans.) Qui in Ficis, *Cerastes* vocantur. Qui in Esulo, *Galbi*. Qui in Platano, *Carabi*. Qui in Quercus radicibus, *Rauci*. Qui in Corticibus, *Corticarii*. Qui folia arborum & flores depascuntur, *Syrones*. Qui tam in lignis, cortice, folio, floreque & fructibus arborum; quam in caseo, cera, &c. generantur; *Acar*i nominantur, *Mites*. Qui in ipsa aridi ligni medulla generantur, *Termites*, vulgo *Death-watches*. Vermis *Vitivorus*, *the Devils gold Ring*; sic *Higginio* dictus, forte à colore aureo, forma annulari, & perniciæ quam arrodendo vitibus affert. *Blatta* Tinea, *Book-worm*.

II. FRUTICARII, qui salicem, ilicem, juniperum, cynosbatum, & alias frutices infestant: *Shrub-worms*.

III. LEGUMINARII, qui legumina exedunt.

IV. FRUMENTARII, qui frumenta depascuntur, & in genere *ψώμικες* nominantur: in specie vero, qui integro & mola nondum confrecto frumento vescuntur, *Curculiones* (per ἀντίστρον, quia nihil pene aliud in iis quam gula videatur) *Worms*, *Worms*, & *Worms*: & qui amylo vescuntur frumento, *Farinarii*, *Meal-worms*. *Kis*

Theo-

Theophrasti, *νίης*, *φθείρ σίτου*, *Cis*, *Gurgulio*, vermis est frumenta ex-
aniniens, peculiaris tritico, filigini, hordeo. Nascitur ex granis ex-
cussis (quæ corrodit & devorat) ex calore extraneo & putredinali,
quem contrahunt ex situ, seu superfluo humido dulci. Hic tandem
in *Chrysalin* mutatus, è *Chrysalide* fit *Papilio* minutissimus, quem
proinde *Frumentarium* appellare licet. *Aldrovandus Triticiarium* no-
minat.

V. HERBARIUM, qui nascuntur in Violis, Cynara, Ocymo, Sac-
charo, Lupulo, Asphodele, Pimpinella, &c. omnes innominati.

VI. Qui in ANIMALIBUS nascuntur; quorum haud minor
ferme varietas, quam Animalium ipsorum. Inter hos præcipuum
locum tenent *Acar*, *Wheal* aut *Hand-worms*.

VII. TERMES, the Gentle: qui carni recenti innascitur
vermiculus candidus, æstivo præsertim tempore; qui deinde in
Barbegiam transmutatur.

VIII. *Midas Theophrasti*, *τρωξ*, vermiculus in fabis natus, eas
erodens & consumens; ex Tinearum genere.

Insectorum APODUM Classis.

IN numero Insectorum APODUM sunt

I. LUMBRICI terrestres (quasi *lubrici*, quia labuntur: vel, ut
Martinius ingeniosius deducit, ex eo, quod ex *λύμπε βρύει*, hoc
est, è fordibus nascatur.) Græcis *γῆς ἐντέρεα*, terræ intestina, &
γαφᾶγαι, (quod terram comedant) *Earth-worms*. Quorum in-
teranea per accuratissimam anatomen detecta, & iconibus ad ipsius
naturæ fidem expressa, contemplari licet apud Doctiss. *Willisum*, de
An. Brut. cap. 3. Quibus consimiles etiam in *Hominum* ventriculo
& intestinis generantur trium generum, viz. Lumbrici (1.) *Lati*,
broad Shaw-worms: (2.) *Teretes*, *round Gut-worms*: (3.)
Ascarides, (*ἀπὸ τῆς ἀσκαρίης*, quoniam iis affectos mordicatione & pru-
ritu valde exercent,) *Bots*: (4.) *Syrones* in cute, *Wheal*-
worms. De *intestinarum lumbricis* admirandum sane historiam
hanc tradit *Casp. Schwenckfeld*. Novi fæminam rusticam, inquit, cui
Lumbrici longi teretes, palmares & longiores, noveni, per inter-
valla, aliquot dierum spatio, dextra abdominis parte, sponte ex
ventre prorupere; ulcusculo suapte natura iterum coalescente.

II. *Teredo Depes*, quam ab æneo colore *Agricola* vocat *Copper*-
worm. Sub lignis putridis plerumque invenitur.

III. LIMACES (quia in *limo* nascuntur) **Snails without shells**; quarum Differentiæ satis notæ sunt.
Tantum de Insectis *Terrestribus*.

Insectorum AQUATICORUM Empodum, sive Pedatorum, Classis.

Insecta in aquis degentia generatim distinguuntur in *Empoda*, & *Apoda*. *Empoda* rursus vel paucos habent pedes, vel multos.

Inter PAUCIPEDA numerantur

I. SQUILLÆ, à Squilla pisce parum differentes, nisi quod & breviores multo antennas, & colorem magis spadiceum vel terrestrem obtineant.

II. LOCUSTA, piscem pariter Locustam forma repræsentans.
Αχις Dioscorid. ὀρνωψ, μολυρίς, μέσαξ Nicand.

III. NOTONECTA, insecta, quæ non ventre, ut alia, sed spina innatant; à quibus Homines Hypotionecticen, i. e. supine nandi peritiam didicisse verisimile est. **Water-Insects, not much unlike small Beetles, always swimming on their backs.**

IV. CICADA aquatica, the **Water-Locust**.

V. ANTHRENUS aquaticus, the **Water-Hornet**.

VI. FORFICULA aquatica, the **Water-Earwig**.

VII. LACERTA aquatica, the **Water-Lizzard**.

VIII. CORCULUS (quia *cordis* effigiem, pedibus capiteque demptis, scite exprimit) the **Water-Beetle resembling an heart**.

IX. ASELLUS marinus, squillam molliorem referens, nisi quod quatuor duntaxat pedibus donatur; a **Sea-Insect like a wood-louse**.

X. MUSCA aquatica, the **Water-Fly**; de qua videatur *Rondeletius de Fluviat. c. 40.*

XI. HYDROCANTHARUS, the **Water-Beetle**.

XII. THERMOCANTHARUS, in calidis fontibus media æstate frequenter visus; the **Bath-Fly**.

XIII. TIPULÆ, & Tipullæ, (ὥς δὲ τίφν, quia hoc insectum versatur circa paludes; ut deducit *Hesychius*;) in fontibus ac rivis summa celeritate superficiem aquæ percurrentes: unde Belgæ vocant **Water-spinne**, & Angli **Water-spinners**. Harum meminit *Plautus, Persa, act. 2. Scen. 2.*

Neque

Neque tipulæ levius pondus est, quam fides lenonia.

Ortum suum trahit ex *Pediculo marino*, eademque videtur cum *Aranea Albert. Magni*. Insectum est parvum, aquaticum, levissimum, colore Aranei obsoleto, cætera Scarabæo similis; corpore compresso, capitulo minuto duæ forficulæ adnatæ, extrorsum reflexæ viam prætentant. Ocelli prominent bini. Pro alis sunt membranulæ duæ tenuiores fulcæ. Cauda gemino spiculo, sed imbelli, armatur. Per ventris mediam longitudinem excurrit linea nigra, cum splendore. Crurculis utrinque ternis, prioribus brevioribus, posteriorum ad corpus proportionem sesquialtera. Mira celeritate aquæ superficiem sicco pede permeat ac trajicit, ac si terram ipsam obambulet. Æstate in palustribus & aquis residibus occurrit.

Dicuntur etiam *Macropedii*, *Pedones*, & *Gruinæ*, à pedum longitudine. *Long-shanks*, aut *Crane-legs*. Harum *Mouffet* quatuor, *Aldrovandus* duas observavit differentias.

XIV. ATTELABUS arachnoides *Aldrovandi*, (quia mediam quandam formam inter Araneum & Attelabum, seu Locustam apteram obtinet,) sex tantum pedibus dotatus.

XV. LIGNIPERDA aquatica, *Phryganion* Bellonii, Gallis *Charree*, the *Cadix-worm* (sic appellata, quod phrygana, i. e. fremia sive festucas, thecæ aut tegumenti lateribus filo tanquam araneæ ab ejus ore dependente (novit enim nere ut aranea) agglutinans circumponat; ex quibus augescens casam ampliorem sibi construit,) qua piscatores utuntur pro esca ad inhamandas Truttas. *Χυλοφθόρη* Arist. *Phryganium* Bellon. & Gesnero, quod *phryanis* seu thecis inhaerent. *Tinea tunicas trahens*, Plin. Vermis est oblongus, ex Erucarum seu Tinearum genere, coloris cinerei, thecula oblonga festucacea inclusus. Caput antennis duabus brevibus, & pedibus senis putamine suo exerit varium: reliqua pars, *alvus* nimirum oblonga, intus reconditur; supra infraque cirris albicantibus hirsuta; quibus thecæ suæ adeo tenaciter adhæret, ut vi evelli vix queat. Hanc secum, dum ambulat, trahit. In *Chrysalidem* abit, ac tandem in *Papilionem*, ut Erucæ quædam. In putridis lignis, fluviis appositis aut immerfis, nascitur. Piscatores hos legunt, ad pisces inescandos, quos avidissime appetunt.

XVI. CICADA fluviatilis, bestiola in rivulis nata, terrestri cicadæ persimilis: quam accurate descripsit *Schwenckfeld* in *Theriotrophio* suo.

XVII. SQUILLA fluviatilis, *Gryllus aquaticus*, palustris; the *River-shrimp*. Insectum est aquaticum, tenuissima crusta interctum, longiusculum. Capite rotundo & compresso, lentis leguminis

Q

instar.

star. *Oculi* ad latera eminent bini. *Cornicula* trina longiuscula, subfusca prætenduntur, cum totidem *appendiculis*. *Thorax* latior ex tribus tabellis constat, pallidiusculus, lineolis & punctis nigris variis: cui prona parte affiguntur *pedes* seni, utrinque terni, geniculis distincti. *Ventrem* longiorem, teretem, constituunt decem undecimve annuli, punctulis & circulis nigris insignes. *Cauda* gemino spiculo firmatur. *Prona* pars albet. In fluviis passim occurrit: piscium quorundam cibus.

Inter MULTIPEDA numerantur

I. *TINEA* aquatica, the water-moth. *Scrofula aquatica*, *Asellus aquaticus*, *Pediculus aquaticus*. Bestiola est fontium, perexigua, albicans. *Pedicellis* nititur continuis, per totius fere corporis alvum. Ab ore etiam veluti pediculi prominent. *Cauda* oblonga in aculeum definit. *Oculi* sunt perexilia puncta alba, cum centro nigro longe minutissimo. In fontibus reperiuntur, ac puteis limpidis ac frigidis duntaxat, præsertim Martio ac Aprili. In aqua moventur & currunt, corpore non recto & æquali, sed in alterum latus inclinato. Conglobari convolvique, quasi in arena solent. Periculosa sunt iis qui hauserunt, ita ut in summum vitæ discrimen redigantur.

II. *PULEX* marinus, facie hominem ridiculum, aliis partibus Locustam referens; the Sea-flea, Sugg. Insectum palustre nigrum, pulice paulo majus, supra aquas, præcipue stantes, velocissimo motu cietur. Degunt gregatim, invicem colludentes.

III. *ASILUS* marinus, terrestri persimilis.

IV. *SCOLOPENDRA* marina, the Sea Gally-worm.

Aquaticorum APODUM Classis.

EX APODIS sunt

I. *HIRUDINES* (ab hauriendo) *sanguisugæ*, Βδέμναι, (à βδέμω, i. e. emulgeo) Horse-leeches: quæ sunt venenatæ; & Innoxia; item Maximæ, & Lacustres λιμνάτες. Insectum est palustre, instar Lumbrici oblongum, lubricum, lineis & punctis nigris variis. Corpus veluti ex quibusdam circulis colligatur, (absque ossibus, pedibus, & pinnis,) quibus extensis contractisque movetur. Os ei trifidum, quod ex vulnere cuti inflictio apparet.

II. *STELLÆ* marinae, (quod stellas figura æmulentur,) Star-fishes, Roses, sive fingers, and Sea-pads.

III. *HIP-*

III. HIPPOCAMPUS (ab ἵππου & γῆμιν flexura; repando enim corpore est, & in arcum se curvante, Erucæque cauda maxime refert; reliquo vero corpore Equum imitatur,) nonnullis *Gal-lus marinus*; aliis *Salamandra marina*, *Caballio marinus*; Veget. *Dra-cunculus marinus*; Hippidium *Athen*. Cui equinum caput, & col-lum, & corpus; cauda Erucæ. *Rostrum* oblongum, teres, tubuli modo cavum: capite & collo protuberante. Totius longitudo sex digitorum. *Venter* longiusculus est, ex circulis cartilagineis, ceu costis, à capite ad caudam duodecim compactus: in cujus parte prona triplici, in dorso autem quadruplici serie *processus* acuti pro-minent. *Cauda* longa, inflexa, quadrangularis, sensim gracilescit, ex continuis constat internodiis, eminentibus utrinque supina parte *aculeis*. *Oculorum* meatus visuntur ad frontis initium. *Branchiæ* nullæ. *Schwenckfeld*.

IV. LUMBRICI aquatici, *Summer-worms*, (vel quia æsta-te tantum comparent, vel quia hyeme pereunt.) *Aquatici* autem dicuntur, quia sicut Lumbrici terrestres in aqua haud diu vivunt; ita etiam Aquatici in arido positi cito intereunt: illi videlicet aeris, hi vero humiditatis penuria laborantes.

V. SETA AQUATICA, vermis aquaticus, Pilus aquaticus; Insectum palustre longum, instar setæ tenuissimum, cubitalis longi-tudinis, pilo caudæ equinæ similis. Ex pilis equinis, positis in aquis stagnantibus, vitam & spiritum concipientibus, nasci quidam cre-diderunt. Horum persimiles nonnunquam ab Hominibus etiam cum ingenti dolore eminguntur. Exemplum notatu dignissimum prodidit *Cl. swenckfeld*. Civis quidam consularis Fridebergæ ad Quadum fluvium, inquit, de colicis & nephriticis doloribus ingen-tissimis conquestus, opera mea usus, tandem filum sesquicubitum longum, instar pili aut setæ, per meatum urinarium extraxit, magno cum dolore: ex eo cessantibus torminibus, paulo post iterum sani-tati pristinae fuit restitutus.

Et tantum de *Insectis*.

AVIUM Differentiæ & Nomina.

TErrestribus cursim lustratis, proxime, observato Hebræorum ordine ex sacra Scriptura desumpto, animalia inspiciamus AEREA; quæ generatim Græcis ὀρνίθες (ὠρνῆς ὁ ὀρνέειν, ἢ ὁ αἰπεῖν; aves enim impetuose se movent, & volando alte extollunt: sed proprius est ὀρνυμι, excito; unde ὀρνιθίας, tempestas,) dicuntur; Latinis *Aves* (ab Hebræo *Aph*, i. e. *volans*, quia in aere liquido volant; Anglis *Birds* (ab Anglo-Saxonico *Breðan*, fovere, incubare, educare; quia ova incubando ac fovendo pullos excludunt, denique diligenter eos educant) & *fowl* (ab Anglo-Saxon. *Fugel*, Dan. *Fugl*. Belg. *Vooghel*, avis: omnia forte à Lat. *volare*) &, ut planius ab Insectis volantibus internoscantur, *feathered-fowl*.

Avis vero est animal *bipes*, *alatum*, & *plumigerum*; à Quadrupede plurimum, & his præsertim *proprietatibus* differens.

1. Si *vivam* spectas, neque pilos habet, neque labia, neque dentes, neque cornua, neque pedes *anteriores*: sed *plumam* pro pilis, *rostrum* pro labiis & dentibus, *alas* pro pedibus anterioribus, & pro cornibus nonnullæ gerunt *cristam* & *calcaria*. Etiam avibus defunt *cilia*, & *supercilia*, & *nares*, & *auriculæ*. Membranam autem *Nictatoriam* habent, in majori oculi cantho conspiciendam, qua oculos suos detergere solent, & dum dormiunt, obvelare.

2. Si *mortuas*, cultroque anatomico apertas; *vesicam urinariam* non habent; ideoque lotium & stercus unico meatu excernuntur. Præterea, quod in pecude *rumen* est, id in ave *ὀρόλογον*, *ingluvies*, Angl. *the Crag* (*Minshæus* noster deflectit à Belgico *Kraeghe*, jugulus) or *Crop* (à Belg. *Krop*, *ingluvies* avis) & in carnivoris, *the Gorge* (à Franco-Gallico *Gorge*, gula; quasi dicas *gorges*; gula enim est præ reliquis corporis partibus helluo.) Quippe aves fere omnes duplicem naturæ sunt ventriculum; quorum alter *ingluvies* proprie nominatur, & apud nostrates *the Gizard* aut *Ghiz-zard* (forte à Franco-Gallico *Gesier*, *Fesier*, ventriculus avium; quod defluxisse videtur à voce *Festi Gigerium*, de quo inusitato vocabulo consule, si placet, *Salmasium exercitat. in Solin. pag. 219*. In *priori*, aves grana integra devorata retinent; indeque, cum epota aqua madefacta, macerata & emollita fuerint, in ventriculum sensim transmittunt, ut ibidem molantur & comminuantur. Cujus rei gratia, Pennata fere omnia arenulas, lapillos, aliaque quædam duriora deglutiant, & in ventriculo una cum cibariis servant (dum interim in *ingluvie* nihil tale reperitur) habentque hunc ventriculum ex duobus crassissimis & robustissimis musculis (in minoribus avibus, carnosus aut ligamentosis) compactum: ut hoc modo, ceu duobus lapidibus molaribus, binis invicem cardinibus colligatis, molere cibaria,

cibaria, & pinere possint: vicemque dentium molarium, quibus carent, calculi suppleant. Hinc aves, cum calculos eligunt, lingua probant; & si nihil asperos senserint, rejiciunt. *Ingluvies* autem extra corpus (ut plurimum) in infima colli parte, ad os jugale (nostratibus, à figura, *the Fork*, q. d. *furca*, dictum) hæret: in qua (ut dixi) cibaria emolliuntur solum, & præparantur; ideoque Pennata quædam cibum ita maceratum pullis suis regurgitant, eosque semiconcocto jam chylo nutriunt; ut videre est in omni *Columbaceo* genere, atque etiam in *Spermologis*. *Aspera* etiam *arteria* in Avibus conficitur ex integris circulis cartilagineis, & à sinistris Gulam in suo descensu comitatur. Forte hoc fit ob longitudinem & gracilitatem colli; quod antè indecore prominere, si aspera arteria gulæ incumberet. At vero in Avibus quoque ipsa larynx orificio gulæ præponitur. Integræ Tracheæ circuli ad suaviorem vocem, magisque canoram facere videntur.

Hepar item in Avibus, suprema loborum cavitate, cor, cum investiente capsula, amplexatur. *Vesicula* autem *fellea*, altero quidem capite exortum trahit à cavo hepatis, à quo bilem recipit: altera vero extremitate oblongum collum promit, quod in Duodenum inferitur, ita ut Cystis in intestina exinaniatur. Et *Porus biliaris* ab hepate exortus, nullo habito cum Cysti fellea commercio immediato, ad intestina excurrit, ut plurimum supra colli Cystis insertionem, Pancreatis substantiam pertransiens: observatore *Malpighio*, de *viscer. structur.* pag. 41.

Liene autem carent; docente *Harvæo*, de *Generatione Animal.* exercit. 6.

Ad hæc, *intestina* in Avibus à parte superiore ventriculi oriuntur, & secundum longitudinem sursum deorsumque (non transversim, ut in nobis) replicantur; cum plurimis membranulis intertextis, aere repletis: quippe in his, asperæ pulmonum arteriæ foraminibus hiulcis aperiuntur. *Cæcum* vero duplex habent, & utrumque valde longum; forte ad supplendum *Coli* defectum, quod pennatis omnibus deest.

Omnibus insuper Avibus hoc commune est; quod *orbita* five cavitas quæ oculum amplectitur, cerebrum ipsum magnitudine exsuperet; ut in ipsarum craniis videre est: fit autem ut earum oculus minor videatur, quia totus præter pupillam, cute & plumis obtegatur. Neque orbiculari figura præditus est (qua promineat) sed depressiore; ut Piscibus contingit, quod scite annotavit *Harvæus*, de *Generat. Animal.* exercitat. 17.

Si reclusis *Calvariæ* claustris, porro tibi visum fuerit, quæ in ejus cavitate recondita sunt, curiosiori scrutinio perlustrare; haud pauca inibi comperies, quibus volucres πολυεδῆς Natura tum ab Homine, tum à Quadrupedibus cunctis ulterius adhuc discrimi-

R

navit.

navit. Nam (1) in volucris, dura cerebri meninx in quatuor *sinus* quasi replicatur; quorum *primus* eo in loco, ubi cerebrum in duo hemisphæria dividitur, in longum, sed nullo falcis interstitio bipartitum, quasi angiporum excurrens; cerebro minus profunde inferitur: *secundus* vero & *tertius* priore paulo inferiores & ad latera, ubi eadem membrana cerebrum à cerebello distinguit, situm obtinent; *quartus* denique aliquanto posterius quam in homine aut quadrupedibus, situs est; in cavitate nimirum, quæ inter membranam striatam & cerebri hemisphærium interjacet. (2) *Pia mater* valde tenuis reperitur; plana etiam & æquabilis, gyrisque & anfractibus omnino destituta; longe secus quam in homine & quadrupedibus. (3.) In ipso *Cerebro*, neque *corpus callosum*, neque *fornicem*, neque *corpora* etiam *striata* reperies: adsunt tamen quibus eorum defectus suppleatur. (4.) Cerebri quoque *figura*, si cum hominis conferatur, plane videtur *inversa*, quippe in homine aliisque perfectioribus animalibus cerebri pars *corticalis* exterior est, eique subternitur *medullaris*: in avibus autem, inferior cerebri compages, quæ substantia constat crassiori & densiori, corticis locum possidet; & membrana extima & superior, ventriculum concamerans, supra quamvis aliam partem *medullaris* apparet. Porro *ventriculi* in hominis & quadrupedum cerebris infra & prope fundum: in volucris, superius & juxta oram exteriorem collocantur. (5.) In *medulla* denique *oblongata* dispar conformatio apparet sc. in prima illius sectione, unde nervi Optici exoriuntur, duæ insignes *protuberantiae* utrinque accrescunt: quæ proportionem majores sunt, quam in perfectioribus animalibus *prominentiæ Orbiculares*; adeo ut *Cerebrum* veluti *alterum* & *succenturiatum* esse videantur. Præter hæc discriminis indicia, quæ volante calamo tantum enumeravi, sunt quidem & *alia* quædam in avium capitibus dextre dissectis observanda: attamen quia oculatiss. noster Collega dicam, an Symmista, D. D. *Willisius* omnia dudum jam in *Anatom. Cerebr. cap. 5.* conjecit; idcirco mihi consultius videtur, aventem plura rescire Lectorem eo candidè remittere, quam iis hic frigide recensendis immorari.

Postremo, si à summa facultatum Animalium arce, ad instrumenta *Pneumatica* Pennatis concessa descendamus, & in iis etiam quidpiam peculiare, ac singulari artificio conformatum percipiemus: *Pulmones* nempe tam numerosis undique foraminulis *perforabiles*, ut inspiratus aer in universam ventris cavitatem liberrime permeans, inde inter expirandum, abdominis musculorum ope, rursum excludatur. Quod sensibus quidem nostris manifestum est: sed si in naturæ primarium isto in opere consilium inquiramus, rationi adeo abstrusum, ut de aeris ita in ventris recessus admissi *usu* disquirentes Anatomix proceres, in varias iverint conjecturas, remque etiamnum haud temere solvendis difficultatibus involutam relinquere sint coacti.

coacti. Quid igitur de tanto Naturæ problemate sentiamus? Certe illa hic nullum habuit respectum ad Avium *cantilenas*; non omnes enim canoræ sunt, omnibus tamen Pulmonum perspiramina communia esse perhibentur: & in ipsis Pulmonum vesiculis tantum aeris contineri posse videtur, quantum ad cantum, & longiorem vocis modulationem requiratur. Neque etiam probabile est, voluisse in omnibus consultissimam Naturam, ut hoc pacto Aves, aere per totum ventrem diffuso, inibique tanquam in vesica arcte concluso, *leviores* reddita, aptiores essent & promptiores ad volandum. Nam sua ipsi etiam aeri gravitas inest, uti experimentis compluribus *Aerostaticis* à *Mersenno*, à nobilissimo *Boylæo* nostro, & ab aliis passim factis, certissime compertum. Ac graviter proinde lapsi sunt, qui hanc opinionem admisere; corpora quævis eo minus ponderare, quo aeris plus in porulos sive loculamenta partibus suis interspersa receperint. An non plane absurdum, rem aliquam sua natura gravem, si alteri magis gravi forte accesserit, eam reddere minus gravem posse? Dices fortasse, *Pisces* pariter, quo in aquis leviores natent, *vesiculas* quasdam semper aere distentas in mediis visceribus circumgestare. *Respondeo* igitur, verissimum esse, compluria Piscium genera huiusmodi folliculis ventosis donari: at sane non ut ab aere in illis concluso ipsi leviores fiant inter natandum; huic enim usui ipsius aeris gravitatio palam repugnat; utpote quæ nec in aquis vim suam amittere, compluribus experimentis certissimis (quorum nonnulla collegit *Physicomathematicorum* subtilissimus, *Marin. Mersennus*, in *Phenom. Pneumatic. propos. 29. & Reflexion. Physicomath. cap. 6.*) deprehensa est. *Cuinam ergo usui vesicula istæ piscium inserviant?* Equidem, ut ignorantiam meam ingenue confitear, plane nescio: quippe novi quantis difficultatibus sepiantur res physicae, quainque sit in illis ardua veritas. Si tamen ut aliis, ita pariter & mihi modeste conjectandi licentia concederetur, quid de hac quæstione sentiam, exponere non vererer. Illud in præsentia dicam, mihi admodum aridum novam illam *Cl. D. Joh. Mayow, LL. D. Hypothesin* (*de fermento ventriculi cap. 5.*) qua inter cætera astruere conatur, aerem in dictas piscium vesiculas inspiratum, potius ad promovendam ciborum concoctionem, quam ad natatum facilitandum conducere. Primum enim rationi consentaneum videtur, tantopere decantatum illud ventriculi *Fermentum*, quo cibaria attenuari, comminui, & digeri (hoc est, *colliquari*) supponuntur, ex particulis *Nitro-aereis* præcipue constare; quæ nervorum ductu in ventriculi membranas illata, ibidemque cum liquore quodam idoneo, à sanguine, membranae ventriculi glandulis referta beneficio, secreto, per minima commixtae sunt. quippe non simplici experientia compertum habemus ab huiusmodi spiritu Nitro-aereo, quamvis acidus non sit, & ferrum tamen ipsum corrodi, & vitriolum confici & salia fixa ad

fluorem perducere, rerumque fere omnium compagem tanquam ab universali menstruo dissolvi: quamadmodum luculenter ostensum est ab eodem ingeniosissimo *Autore* in tractatu suo Medico-physico *de Spir. Nitro-aereo*. Et aereum quoddam ad ciborum in Animalium ventriculis expeditiorem colliquationem requiri, vel hinc divinare licet, quod aer serenus, & purus, tenuiorque haud parum ad appetitum excitandum, digerendamque crapulam conducatur; contra autem crassus, uliginosus, & gravis aer, cum chyli- ficationis opus remoretur, tum ipso ventriculo varias molestias creet. Deinde, ex incorrupto Eruditissimi viri, *D. D. Gualt. Needhami* (in *Disquisit. Anatomic. de Fœtu formato, cap. 6.*) testimonio constat, in hisce piscium vesiculis vulgo quidem, sed forte perperam *Naturalistis* dictis, conspicuum reperiri *canalem* quendam sive ductum, ad ventriculi fundum usque productum, eique insertum, ita ut leviter compressa vesicula, quæ ut plurimum duplex est, aer mox inde in ventriculi cavitatem irruat. Quem autem precor, in *finem*; nisi ut ita immixtus aer spiritu nitroso imprægnatus, concoquenti assumpta alimenta ventriculo usui quadantenus sit, & adjumento? Cum itaque (ut quæ de hoc ænigmate jam diximus, summatim recitemus) aeri & facultas quædam inesse credatur, cibaria in Animalium ventres excepta comminuendi, colliquandique; & aditus è toties hic memorata vesicula in ventriculi fundum pateat; cumque præterea nunc ab omnibus confessæ ejusdem aeris gravitati palam refragetur, ut is in cuiusvis rei conceptacula exceptus, vel minimum de illius pondere detrahat: his inquam æqua rationis statera expensis, quid impedire possit, quo minus suspicemur, ventolum istum folliculum in compluribus piscium generibus repertum, potius *promovendæ ciborum concoctionis* gratia, quam ad illorum corpora in aquis allevianda, ex Naturæ instituto conditum esse? Cæterum ut ad modo propositam, de aeris in *Avium* abdomen per pulmonum perspiracula excepti usu, difficultatem jam revertamur; nil mirum cuivis videri debet, esse inter Anatomicos de hoc zetemate magnam digladiationem. Res enim perdifficilis intellectu est, multæque disquisitionis. Liceat mihi tamen, ne tanti momenti questionem videar prorsus intactam reliquisse, ingenioli mei augurium extispicio caput experiri.

Consideratu dignum sane videtur, quod solertissimus noster *Harvæus* (*de Generat. Animal. exercitat. 3.*) sapienter annotavit; Avem scilicet, præ cæteris animalibus, *facillime respirare*; cum tamen ejus pulmones lateribus & costis adeo affixi sint, ut parum admodum dilatari, assurgere, & contrahi possint. Unde igitur, precor, avibus isthæc respirandi *facilitas*? Certe non aliunde quam à membranis illis, quæ non modo transversim positæ ad cinctum corporis, sed & secundum ventris longitudinem protensæ, & aerem è perforatis pulmonibus

monibus excipiunt, redduntque vicissim; & diaphragmatis vicem subeuntes, ad respirationem conferunt: ita ut in pennatis, pulmones potius *transitus*, & via quædam ad respirationem videantur, quam hujus adæquatum organum. Neque etiam diaphragma ipsum, sine muscutorum abdominis adminiculo, respirandi officium præstat: aliudque ei munus incumbit in iis, quibus carnosum sive musculosum contigit. Nimirum ut ventriculum cibo turgidum, & intestina fæcibus flatuque distenta deprimat; ne cor, & pulmones ab eorum ingressu patiantur angustias, vitæque penetralia opprimantur. Cujus periculi cum in avibus nullus sit metus, septum membraneum iis donatum est, respirandi usibus valde accommodum. Hinc itaque clare liquet, Naturam, in avium organis pneumaticis ad hunc modum fabricandis, *duplicem* sibi proposuisse *sco-pum*: nempe ut & diaphragmatis musculosi defectum suppleret, simulque alias insufficienti pulmonum dilatationi, qua eorum perforatione, qua membranarum satis copiose inspirati aeris capacium supplemento, prospiceret atque auxiliaretur. Quod si verum est, equidem non amplius erit, quod aeris in avium ventres inspirati usum quæramus alium, quam qui sit nobismet etiam ipsis, cæterisque animalibus sanguine præditis indiscriminatim communis; maxime cum dubitare liceat, an non in *homine* etiam, dum vivit, aer per inconspicuos pulmonum meatus, in thoracis cavitatem penetret. Quomodo enim aliter in vulneribus pectoris (illæsis etiam pulmonibus) aer per vulnus foras erumpat? aut liquores in cavitatem pectoris injecti, cum sputo reddantur? ut *Harvæus* nervose argumentatur.

Quæ avibus in genere propria sint & peculiaria, jam vidimus. Proximum est, ut videamus quibus differentiarum indiciis singula earum genera à cæteris omnibus commode internoscantur.

Distinguuntur generalius, loci in quo maxime degunt ratione, in *Terrestres*, & *Aquaticas*. Terrestres vero subdividuntur in (1,) *Carnivoras* (2,) *Insectivoras*, (3,) *Granivoras*, sub quibus comprehenduntur *Pulveratrices*, sylvestres & domesticæ; *Pulveratrices* & *Lotrices* simul: & (4) *Baccivoras*. *Aquaticæ* autem in (1,) *Palmipedes*, & (2) *Fissipedes* dispescuntur: quæ etiam sua sortiuntur genera, inferius proponenda.

Avium Terreſtrium CARNIVORARUM Claſſis.

E Terreſtribus CARNIVORIS ſunt

1. **AQUILA** (vel ab *aquilo*, hoc eſt, fuſco ſive ſubnigro colore, qualis aquæ eſſe ſolet: vel ab *acute volando*; nam avi hac nulla volat vehementior, ut eſt apud *Ciceron. 2. de Divinatione*: ac apud *Cedrenum* legimus, videri veteres, ad ſignificandam raptus celeritatem, finxiſſe, *Ganymedem* aquila à *Jove* raptum eſſe: vel ab *acuto viſu*; quia aquila perhibetur acuti adeo viſus, ut cum in eam altitudinem elata eſt, ut nec humanis pateat oculis, tamen & minutos videat piſciculos in mari natantes, & lepuſculos ſub umbroſo frutice recubantes.) Græce ἀετὶς ὠκυπόδας αἰεὶ ἐπερὶ ἡμῶν, quod ſemper augurium ejus veridicum crederetur: idque fortaliſs, quia miniſtra Jovis, qui eſt ſummus æther, quem ſola illa petit) **the Eagle**, à Latina, *aquila*. Cujus ſpecies ſunt.

1. *Chryſætos* (à fulvo pennarum colore) *Ariſtoteli* γυήαιος, **the Golden Eagle**. Hujus & deſcriptionem & conſecutionem fuſe tradidit *Aldrovandus, Ornitholog. lib. 2. cap. 2.*

2. *Haliæetus*, *Aquila marina*, **the Sea Eagle**, à *Bellonio, de Avibus, l. 2. c. 8.* deſcripta. Quæ pede uno eſt anſerino & natante; altero fiſſo & prædæ captandæ dicato; in *Anglia* noſtra haud raro reperitur.

3. *Melanætos*, *Ariſtoteli* λαυδοθέας, aliis *Hyperionis* avis; **the Black Eagle**, quæ reliquis minor eſt. Viſitat ut plurimum leporeis, quos, ſenſim in terram delapſa, in plana digreſſos opprimit. Sola aquilarum foetus ſuos alit, ſi *Plinio* credimus.

4. *Pygargus Hinnularia* (quia cervorum hinnulos adoritur) *Gazæ Albicilla*; **the Fawn-killing Eagle**; *Turnero*, **an Erne**. Lapidem *Aetitem* in nidum infert, à quo & is nomen habet: ſed in alendo foetu reliquis eſt difficilior.

5. *Morphnos*, πλάγος, χλάγος, & περκνός, *Nævia*, *Clanga*, *Planga*, *Anataria*, à necandis anatibus) **the Fowl-killing Eagle**. *Turnerus* apud *Gefnerum* nomen hoc noſtro **Wald-Buzzard** alcribit. *Bellonius* vero avem Falconem ſecuplo majorem, pedibus cæruleis, digitis oblongis, unguibus patulis, Gallis *Gerfault* dictam, & terreſtri venatui adhibitam, pro *Morphno*, ſed dubius, obtrudit.

5. *Morphno* congener *Aldrovandi*, cujus magnitudo galli gallinae eſt, color ferrugineus; **the Hough-footed Eagle**.

7. *Pernopteros*, *Hypætos*, *Ægyptas*, & *Oripelargus*; **the Short-winged Eagle, with a white head**.

8. *Oſſi-*

8. *Ossifraga*, Aristoteli *φλῶν*, *Harpa*, (ob insignem rapacitatem;) & *Livio* *Avis sangualis*, aliis *Immussulus*; **the Osprey**, aut **Bone-breaker**.

9. *Aquila alba*, seu *Cyanea* (ob candorem niveum) in rupibus circa Rhenum degens; **the white Eagle**.

10. *Heteropus* Gesneri (quia sinistrum crus coeruleum, dextrum fuscum albicans habet,) **the Eagle with one leg blew, the other brown**.

11. *Avis Scythica*, **the Scythian Eagle**, de qua mira narrat ex propria observatione *Ol. Magnus*.

II. **VULTUR** & *Vulturius*, (à tardo volatu, quasi *volitardus*; nam ob amplam corporis molem, utpote Aquilam sesquialtera proportionem excedens, ægre se humo attollit, tardoque per aera motu fertur,) item avis *Titii*, per periphrasin; Græce *ῥῶψ*, **the Vultur**, aut *Βεῖρ*. Avis est rapacissima, *rostro* adunco, *oculis* truculentis, fædis. *Pennulae* seu pili, instar velleris tenuissimi sub mento, veluti barba, prominent. *Crura*, ad extremos usque digitos flaventes tabellis intectos, hirsuta: *ungues* adunci, nigri. Cujus genera Neoterici plura observant. Recensentur nimirum

1. *Albicans* & parvus, in subiectis Septentrioni regionibus frequens; **the whitish Vultur**; qualis hodie in Theriotrophio Regis nostri nutritur. *ἀδινγκέφαλος*, proprie dicitur; quippe caput, collum, alæque interiores, insigni candore nitent: quæ maculis, seu lineolis longiusculis potius, resperguntur, alis exceptis.
2. *Cinereus*, **the ash-coloured Vultur**.
3. *Bæticus*, five castaneus, **the Chestnut Vultur**.
4. *Nigricans*, **the swarthy Vultur**.
5. *Leporarius*, (quia leporibus præcipue insidiatur,) **the Hare-catching Vultur**, *λαγωφόνος*, *Arist.* *Ossifragi* fere est magnitudine: volatque magno & sonoro impetu.
6. *Aureus*, (à fulvo colli, pectoris, ventris, & pedum colore,) **the golden Vultur**. De quibus omnibus optime *Albertus* *M.* 7. *de Animal. cap. 8.*

III. **ACCIPITER**, (ex *ὀξύπτερος*, quia alas habet in acutum definentes & longissimas,) *ἱεραξ*, quasi sacer ales, utpote cujus magna fuit apud veteres veneratio,) **a Hawk**. Cujus diversæ species sunt

1. *Asterias*, *Ætur* (quia punctis & notis quibusdam stellulas representantibus respergitur) **the Star Hawk**, aut **Egret**.

2. *Palumbarius*, *Phasianophonus*, *Columbicida*; **the Goshawk.**
3. *Fringillarius*, **the Muscet.**
4. *Circus*, (forte quod, cum infidiatur, circuitum in aere faciat) Aristoteli *κίρκος*, **the Cyper**; quia semper clamat.
5. *Æsalo*, Turnero *Smerillus*, Isidoro *Merillus*, Alberto *Merle*; **the Merlin.** *Αἰσάλων* Arist. Est rostro adunco coloris Indici; unguibus uncis, nigris. *Crura* subflavent. *Vertex*, *dorsum*, *cauda*, *alæque* fusca sunt, notis & maculis castanei coloris undique distincta. *Venter* subflavet, longiusculis maculis varius. *Gula* albicat. *Caudam* transversim zonæ latiusculæ obscure rubentes distinguunt senæ. Alarum *remiges* notis rubentibus juxta spinam, ut in Cuculo, asperguntur. *Faciem* & *collum* veluti circulus guttulis refertus exornat. *Oculi* *Iris* ex cæruleo nigricat, *pupilla* obscure rubente. Omnium avium velocissima,
6. *Tinnunculus*, *Gazæ Tristunculus*, ut Italis *Tristarellus* & *Canibellus*; **the Wind-manner**, aut **Bestrel.**
7. *Nisus*, *Alandarius*, **the Hobby.**
8. *Merularius*, **the Sparrow-hawk.**
9. *Buteo* (à Syro *Buz*, i. e. *diripere*, quia avis rapax est) *Τερόχνης* (à trinis testiculis, quasi *Tritestiger*) **the Buzzard.**
10. *Sub-buteo*, seu *Hypotriorchis*, **the lesser Buzzard.**
11. *Buteo albus*, **the King-tail.**
12. *Collurio*, **the little Lanar**: *Spinitorquus minor.*
13. *Lanio*, **the Butcher**, aut **Adder-bird**, because in colours resembling the Adder: in **Shropshire** and **Cheshire**, **the Warriangle.** vide **Chaucer in the Assembly of fowls.** *Æstate* *Gryllis* *campestribus* vescitur; eosque lupinos spinis affixos juxta pullorum nidos collocat, ne quando cibi penuria tabescant. Apud nos occurrit etiam *Lanius minor*, tertius nempe *Aldrovandi*, *Agri Eboracensis incolis* **the Flusher**, Turnero **the Shrik.**
14. *Milvus* (nec quasi *mollis avis*, ut *Isidorus* vult: nec quod *milio* vescatur, ut aliis placet: sed à *sono*, quem volans edit; unde dicta *milvina*, genus tibiæ acutissimi soni, ut *Festus* scribit,) *ἰκτὴς*, *ἰκτὴν*, ὡς δὲ *ἰκτὴρ*, à viribus scilicet & volata. **The forked-tayl'd Kite**, aut **Glead** (ab Anglo-Saxon. *Glisa*, à verbo *Glisan*, labi, quia velociter in prædam se dimittit.) *Rostrium* habet aduncum, nigrum, minutissimis pennis juxta nares utrinque rigentibus. Cum vocem edit, *lipire* dicitur. Autumno mures & columbas venatur, quibus ventriculum distentum sæpe reperire licuit.
15. *Milvus regalis* (sic dictus, quod à binis Falconibus sacris in ipsum emissis, intra nubes etiam se condens, summa cum principum

pum voluptate in terram dejiciatur,) the long-winged Kite, aut **Buttock**.

16. *Milvus palustris*, the **Fen-Kite**, aut **Frog-Kite**.

IV. FALCO (à falcato unguium hamo) the **Falcon**. Qui est vel

1. *Peregrinus*, *Ardearius*, the **blew-backt Falcon**, preying chiefly upon **Herons**. Nomen ex eo habet, vel quod semper de regione una in aliam migret: vel quod nidus ejus nullibi gentium inventus fuerit.
2. *Sacer* (vel Græcorum imitatione, quasi *Hierax* Accipiter, per excellentiam, sic dictus: vel à corporis magnitudine, viriumque præstantia vel ab Arabico *Saker* quod quoddam accipitris genus denotat,) qui *Britannicus* appellatur; the **Saker**, aut **tish Falcon**.
3. *Gyrfalco* (forte à circumgyrando in aere,) the **Gyr-falcon**, frequent in **Ireland**.
4. *Falco Montanus*, the **Mountain-falcon**.
5. *Gentilis*, (propter generositatem) the **Tarsel-Gentil**.
6. *Tunetanus*, the **Barbary-falcon**.
7. *Gibbosus albus*, the **white hunch-backt Falcon**.
8. *Lapidarius*, *Lithofalcus* (quia in lapidicinis nidum ponit) the **Stone-falcon**, breeding in **quarries**.
9. *Arborarius*, (quia nidum in arboribus extruit) the **tree-falcon**.
10. *Rubeus* (à guttarum sive macularum, quibus distinguitur, rubro colore) the **Falcon with red spots**.
11. *Cyanopos* (à cyaneo pedum colore) the **blew-legged Falcon**.
12. Falcones promiscuo coitu geniti; **Bastard Falcons**. De quibus omnibus consulat *Aldrovandum in Ornitholog. lib. 7. cap. 8, 9, 10, 11, 12.* & sequentibus, atque etiam *Casp. Schwenckfeld, Theriotroph.* qui plura desiderat.

V. CUCULUS, Κόκκυξ, (à voce κοκκύζαν, cucurire,) the **Cuckow**.

VI. PSITTACI (seu à *Psittace*, urbe juxta Tigrim celebri: seu ἀπὸ τῆς ψιττανίας φύτε) **Parrots**. Παπαγάς, ἀνδρωπάγλωστος. Corporis habitu *Accipitri* quodammodo similis. Corpus enim habet prægrande, rostrum hamatum seu aduncum, durum, instar rapacium; unde frustra ligneis clathris coercetur, cum omnes perfringat, sed ferreis opus est. Lingua ei crassior & latior cæteris avibus, cucurbitini seminis fere figura: unde articulata verba exprimit. Pectus rotundum. Pedes Pico Martio cognati, digiti utrobique ante & re-

T

tro

tro, bini, unguibus aduncis, quibus escam, instar rapacium, completitur, & humano more, ori escas admovet. *Nidificant* in arboribus. *Nidum* pilæ modo rotundum, artificiosè contextum, ramulo tenui pensilem, instar *Orioli*, alligant; foramine ad ingressum & egressum perquam exiguò relicto. *Aloysius Cadamustus*. *Ova* pariunt 2 vel 3, columbinis similia, quæ licet ab homine tacta, *Psittacus* tamen non deferit. *Pullos* excludunt medio Junio & fine; plumati autem pulli inveniuntur apti ad eximendum fine Julii & medietate Augusti. Cum primum excluduntur, *vermes* crassiusculos habent, in quolibet narium foramine unum; ac præterea in summitate capitis tuberculum, in quo itidem vermis crassus latet. Omnes autem vermes brevi sponte excidunt, ac locus per se sanatur. Fiunt varii coloris *Psittaci* à *Tapvyis*; deplumando juniores, & cutim variis coloribus inficiendo. *Marcgrav. in hist. Brasil. Avium lib. 5. c. 11.* Horum species sunt

1. *Psittacus maximus Cyano-croceus*, the great blew and yellow Parrat, called the *Machao*, aut *Cockatoon*, rectius *Caba-toon*, à voce.
2. *Maximus alter vertice capitis compresso*, the great flat-crown'd Parrat.
3. *Albus cristatus*, the white Parrat with a tuft of red feathers on his head, for a Crest. *Talis hodie alitur in Ornithotrophio Regio, St. James's Park vocato.*
4. *Viridis, cum alarum costa superna rubente*, the great green Parrat with red pinion feathers.
5. *Poikilorinchos*, the Parrat with a greenish body, and variously coloured feathers above the beak.
6. *Melanorinchos*, the green Parrat with a black beak.
7. *Leucocephalus*, the white-headed Parrat; powdered with black spots.
8. *Cinereus*, the ash-coloured Parrat.
9. *Erythrolencus*, the red and white Parrat.
10. *Torquatus Macrourus*, the little green Parrat with a red Ring about the neck, and a long tail.
11. *Erythroclorus Macrourus*, the red and green Japan Par-raket, aut *Perroquet*.
12. *Torquatus Macrourus minor*, the lesser long-tail'd Parra-ket, aut *Perroquet*.
13. *Erythroclorus Torquatus cristatus*, the red and green Parra-ket with a red Crest, and red Ring about the neck.
14. *Erythrocyanus*, the red and blew Parrat, called the Rainbow Parrat.
15. *Erythroxanthus*, the red and yellow Parrat:

16. *Pur-*

16. *Purpureus*, the purple *Parrat*, *qualem* unper vidimus in *Aula alba Regia*.

VII. CORVUS (à Græco *κόραξ* inserto *v.* consono, quomodo ab *ὕλη* est *sylva*; ab *λαῖος*, *levis*: *κόραξ* vero est à *κόρος*, *niger*; ut Grammatici censent:) **the Raven**. Sub quo genere recensentur

1. *Corvus minor*, the **Carrión Crow**.
2. *Semicinereus*, the **Royston Crow**.
3. *Cornix*, the **Chough**.
4. *Spermologus*, *Frugivorus*, the **Rook**.
5. *Coracias Aristotelis*, *Pyrrhocorax*, the **Cornish Chough**; (quia in *Cornubia* nostra frequens, ubi etiam vulgo nuncupatur **the Killegrew**.) Est Cornicis magnitudine rostro longiore puniceo. Pedes quoque rubent.
6. *Monedula* (quasi *monetam edens*, quia aurum & argentum asportare & abscondere gaudet) **the Daw**, aut **Jack-Daw**. De cujus furacitate ita *Ovidius*.

*Mutata est in avem, quæ nunc quoque diligit aurum,
Nigra pedes, nigris velata Monedula pennis.*

Graculus etiam dicitur quasi (*garrulus*) & avis est Corvini generis, quæ vocem humanam summa dicacitate imitatur. Cornice minor, tota præter verticem, qui cinereus est, nigra, minime canora. *vescitur* in cibo vermibus, scarabæis, seminibus, & carne. Bis in anno *pullificant*. *Ova* parit ut plurimum quinque, subviridia, maculis fuscis aspersa. Vidi plus semel *candidissimas*, in Ornithotrophio regio cicuratas.

7. *Monedula Torquata*, the **Helvetian Daw**, with a **Ring** about his neck.

VIII. PICA (quasi *picta*, eliso *T.* à colorum varietate) *πίττα*, **the Pie**, aut **Magg-Pie**. Alarum brevitatem cauda longior compensat. *Caput*, collum, cauda, uropygium, femora nigra sunt: *venter*, & alæ superiores, cum dorsi parte, clypei figura, candidæ. *Remiges* majores decem medio tenus ad nervum candidæ sunt, altera parte cum apicibus extremis virent. Reliquæ superiores & inferiores majores, cum cauda, ex fusco virore splendent. *Rostrum* crassum, nigricans. *Pedes* atrii splendent unguibus nigris. *Carnivora* est. *Ova* & pullos gallinarum populatur. Aviculas etiam capit. *Nidum* in arboribus construit altissimis, ex luto, lana, & pilis, extra & supra spinis munit, relinquens tantum in latere foramen

men arctissimum, per quod ingreditur; & hoc eo in loco, quo nidus inaccessibilior est, in opposita ostii parte aliud foramen relinquit, per quod caudam emittat. Ova parit circiter sex, viridia, notulis purpurascens resperfa. Picæ caro calefacit, exiccat, digerit; & venenis resistit; convulsionibus, resolutionibus & contracturis eximium remedium. *Schwenckfeld*, quem consule. Hujus species sunt

1. *Pica caudata Indica*, the Japan pie, with beak and legs red, head and neck blew; brest and belly white.
2. *Pica Glandaria*, (quia glandibus vescitur) the Jay. (Forte à Joy, gaudium, vel à γαίω, glorior, exulto; quia superbire videatur.) Pedes habet leucophæos, quorum digiti multis articulis flectuntur; unguiculis cinereis quodammodo aduncis armati. Cristam in capite erigit ex plumis anterieus albidam, maculis nigris variam, retrorsum versus mixtus est ex cæsis, rufoque color.
3. *Mimus*, five *Picus garrulus Indicus*, the Indian Mock-bird, not much unlike the Jay, but somewhat smaller.
4. *Pica marina*, the Sea-pie.
5. *Garrulus Bohemicus* Gesneri, seu *Ampelides* Aldrovandi, de quo mira scribunt, tam quoad internam viscerum constitutionem, quam quoad ingenium.
6. *Pica Brasiliensis*, *Hipporinchos* (à rostri magnitudine,) the great beakt pie of Brasil, aut pepper-pie, because he eats pepper.
7. *Loxia*, seu *Curvirostra* (rostrum enim habet, contra omnium avium morem, ab utraque parte recurvum, crassum admodum & robustum) in plurimis Germaniæ superioris locis frequens; the Cross-beak, aut shell-apple: in Anglia etiam quandoque invenitur; ideoque iconem ejus hic apposui. Avis hæc dicitur etiam *crucifera*, *cruciata*. Paulo major & longior est *Fringilla sanguinea*. Color ei per totum corpus varius; quem tempore & ætate mutat. Nunc enim ad flavum, nunc ad rubicundum, nunc ad viridem, nunc ad cinereum seu griseum magis declinat. Rostrum cornei coloris, cujus summæ partes ac mucrones in Crucis morem invicem transpositæ ac decussatæ sunt. Caput magnum; crura rubent. Nidificant in cavis arboribus, & pullos excludunt. Voracissima est, & nucleis Pinastri & Abietis in cibo fruitur. Semine Cannabis mire delectatur, ac pinguescit. Caveis inclusa ferreis, (lignas enim confringit) rostro ac pedibus sursum deorsumque, Psittaci instar, reptitat. A potu pocillum rostro, si potest, abjicit. Ingenii est simplicis & stolidi: at suavissime modulatur hyeme ac ætate. *Schwenckfeld*.

8. Rbi-



8. *Rhinoceros, Tragopanda* Plinii, aquila major, capite Phoeniceo, & cornu prope frontem insignita, *Æthiopiæ* familiaris: the **Horned Pie of Ethiopia**. Vide sis *Scaligerum in Exercit.* 231. Sect. 3.

IX. BUBO (à *sono*, quem edit, ut olim docuit *Varro* 4. de L. L. his verbis: *De his* (volucris) *pleræque à vocibus, ut hæ; Upupa, Cuculus, Corvus, Hirundo, Ulula, Bubo, &c.*) *Βύας*, (ob eandem rationem) the **Owl**, aut **Howlet**. Cujus generis numerantur

1. *Bubo Maximus*, Aristoteli ἀσκάλαφος, nec *Aquila minor*, nobis ignotus.

See note 2. *Asio*, seu *Otus* (forte ab *auribus*, unde etiam *Alexandro Myndio* apud *Athenæum* *Lagotia*, quod aures habeat leporinas,) the **great Owl with long feathers standing above his ears**. Ex ferrugineo tota flavescit, sed magis ventre.

3. *Scops* (quod ἐν σκία ὥπα habeat ἐνεργόν, seu noctu maxime cernat)

cernat) **the lesser Owl with the like feathers prickt up.** Turturis est magnitudine, ἄφρων, coloris ex fusco subrufi, punctis albicantibus per intervalla plurimis. Venter albicat. Crura cinerea, plumosa ad digitos usque. Rostrum aduncum, fuscum. Oculorum iris flavens pupillam exornat nigram.

4. *Aluco* (vel ab Italogum *Alochone*; vel à Germanorum *Locken*, quod *allicere* significat; ut *Gaza* & *Lazius* desumunt) ἐλεός, **the Barn-Owl**, aut **White-Owl**.

5. *Ulula* (ἀπὸ τῆς ὀλοῦσεν) Αἰγώλιος, **the whooping Owl, Howlet**, aut **Gilhooter**. Est fere gallinae magnitudine, noctuae cognata. Color partis supinae, capitis, dorso, alarum, caudae cinereus, obscurus, ad ravam inclinans, maculis albicantibus & nigricantibus ubivis varius. Venter albet, maculis majusculis fuscis respersus. Caput obtinet grande, rotundum, admodum plumosum, anteriori parte plumulas exiguas, graciles, candidiusculas, in orbem velut flammeum positas. Oculi grandes, pupilla maxima, ex nigro caerulea, circulo ambiente obscure baetico. In horum ambitu ad palpebrarum oras, Lippientium instar, rubescens circulus conspicitur. Superiori tantum palpebra inter nictandum oculus congregitur, latitante periophthalmio, seu tunica crassa dilute caerulea, à supra deorsum porrecta, integrum oculum operiente. Rostrum aduncum, subvirescens. Nares patulae. Crura habet albicantia, fuscis notis respersa, ad ungues usque leucophæos, aduncos, acutissimos, hirsuta. Digiti quatuor, bini ante, retro, & ad latus singuli. Appendices binæ intestino, qua desinit, hærent.

6. *Noctua*, (quod noctu canat & volet) γλαύξ, Minervæ sacra, **the common grey Owl**, (à glauco oculorum colore.)

7. *Strix*, ἀπὸ τῆς στρίγναι, *stridore*, ut conjicere aliquis possit, propter Ovidii illud in 6. *Fastor*.

*Est illis strigibus nomen, sed nominis hujus
Causa, quod horrenda stridere nocte solent.)*

the Screech-Owl: aliis **Lich**, aut **Leech-Owl**, quasi cadaveripeta, Lich enim Anglo-Saxonice hominis *cadaver* significat; unde *Lichfeldia* urbis nomen & insignia, cadaver scilicet humanum ad coemiterii portam jacens, desumpta sunt.

8. *Caprimulgus*, αἰγρομήλης (ἡ γὰρ ὁ αἰγὸς πεδηλακέναι, quod capras fugere credatur) **the Goat-sucking-Owl**, aut **Night-Jarr**, *even owl* à stridula voce quam vespera potissimum edit: qui reperitur quidem in *Anglia*, sed infrequens, utrum quod sit ex numero advenarum, an quia ἡμέρας ὀλιγάκις φαίνεται, incertum. Quem in agro Suffexiæ maritimo mihi oculis usurpare licuit, cum *Aldrovandi* *Caprimulgo*

primulgo haud omni ex parte convenit. Ejus igitur fidam, & ex recens occiso desumptam descriptionem arbitror cunctis rerum Britannicarum studiosis pergratam fore.

Caprimulgus nostras, *Cuculo* & magnitudine & habitu corporis haud multum dissimilis est: eum tamen longitudine superat, quippe à capitis vertice (qui aliquantulum depressus) ad uropygium, uncias circiter sex; indeque ad extremum caudæ, totidem alias complet, quod huic avium generi inter rapaces proprium videtur: nec ab ullo tamen ex *Zoographis* (quod sciam) hætenus notatum. *Plumarum* & colore, & plusquam byssina mollitie, est *Noctuæ* persimilis. *Caput* enim, *dorsum*, *alas*, & *caudam* habet colore cinereo, maculis quibusdam ad albedinem, aliis ad nigedinem tendentibus, passim interspersis, exornata. *Pectore* autem & *ventre* *Rusticulam* exacte refert, maculis subnigricantibus transversim per intervalla ductis. *Alarum remiges* paulo ultra medium, alba & ad figuram ovalem accedente macula singuli insigniuntur. Et ex *Caudæ* quoque pennis aliquot, ex uropygii lateribus prodeuntes, consimili extremitatum tinctura variegantur. *Oculi* insigniter prominentes, & quam pro ratione capitis grandiores; cum nigerrimis, & Gagatis adinstar, splendentibus pupillis. *Rostro* est vix passerinum excedente, ad extremum modice adunco, nigricante, plumulisque tanquam pilis quibusdam, superne ad nares, & inferne sub mento sparsim ornato. *Rictus* oris ingens; ut murem integrum deglutire posse credatur. *Crura*, tibiæque plumulis circumvestiuntur: *Pedibus* passerinos gracilitate & colore imitantibus; digitisque in semilunares, prædæque retinendæ aptissimos *unguiculos* desinentibus. *Νυκτιγος* est, vitamque agit legregem: non nisi crepusculo lustrum relinquens. Dum vagatur, vocem edit lugubrem, quamque pro omine semper tristi habet superstitiosum vulgus. *Viditac* ut plurimum insectis alatis, vespis nimirum, *Crabronibus*, maxime vero *Cantharis* ac *Scarabæis*, quos inter volandum mira dexteritate intercipere solet, vivosque deglutire. Unde non tam *Caprimulgus*, quam *Accipiter Cantharophagus*, Anglice *the Don-hawk*, audire meretur.

9. *Nycticorax*, *the Night-Raven*. Cujus elegantissimam Iconem videas apud *Johnstonum de Avibus*, tabula 20. Sed ad *Ardeolam* cineream repræsentandam ab eo designatam.

X. *STRUTHIO*, *Struthio-camelus*, *the Estridge*. Non pennas ad volandum commodas gerit, sed pilis similes. Alas quidem erigit, sed volare nescit.

XI. *EMEU*. *the Cassoware*. Hujus admirandi generis aves binas hodie videre licet in *Zootrophio* Regis nostri augustiss. *Caroli* II.

XII. *VE-*

XII. VESPERTILIO (quia *vespere* tantum volat, ut *Ovid.* 4.
Meta: fab. 12.

—————*lucemque perosæ*
Noctæ volant, seroque tenent à vespere nomen.)

the Bat, aut *Flitter-mouse*, *Flutter-mouse*, (i. e. mus volitans) aut *Rearmouse*. Cujus plurimæ observantur differentiæ, omnes tamen innominatæ. In Chinæ provincia *Xensi* dicta, Vespertilio-nes reperiri dicit *Atlas*, quæ corporis mole gallinam aut anserem æquent; unde & à Sinis in singulares mensarum delicias quærentur. Græcis *φιλίσπερος*, *νυκταλωφ*, *νυκτελς* audit *vespertilio*. Est mediæ cujusdam inter avem & murem speciei; corpore instar murium piloso, alis cutaneis, pedibus murinis incurvis. In utraque parte mandibulæ dentes, instar murium, habet. caret cauda, cujus loco quasi uncinulum gerit, quo se parietibus interdum appendet. Pullos parit viventes, quos mox uberibus admotis lactare solet.

—————*minimam pro corpore vocem*
Emittunt, peraguntque levi stridore querelas. Ovid.

*Avium Terrestrium PHYTIVORARUM, sive Plantis
vescentium Classis.*

Absoluto Avium Carnivorarum Catalogo, ad PHYTIVORAS pergendum; inter quas primo occurrunt PULVERATRICES, tam sylvestres, quam domesticæ, viz.

I. PAVO (vel à *sono*, quem edit, ut *Varro* deducit, *lib. 4. de L. L.* vel à Græco *τάως*, Æoles enim, quos sequi solebant Romani, interfere in usu habebant *v* consonum, ut *ῥον*, *ῥFon*, unde *ovum*, & mutare T. in P. similiter igitur pro *τάως*, dixere *τάFws*, unde *pavos*, &, ut postea dixere, *Pavus*; quemadmodum laboriose deducit post *Angelum Caninium Vossius*,) the Peacock. Dicitur vero *τάως*, *Ταών*, à caudæ extensione, *ἀπὸ τῆς τάσεως τῆς πτερῶν*. Pupillat Pavo. Cujus familiæ annumerantur

1. *Pavo albus*, the white Peacock.
2. *Pavo Japonensis*, the Japan Peacock, in vivario serenissimi Domini mei, *Caroli II.* hodie visendus.
3. *Pavo Chinensis sine cauda*, qui idem videtur cum *Grue Balearica*.

II. GAL-

II. GALLOPAVO, Gallus Indicus, Meleagris, the **Turkey Cock**. *Gallina Africana, Numidica.* vid. *Schwenckfeld*.

III. PHASIANUS, *Phasidis ales* (nomen dedit *Phasis* Colchidis amnis, ad cujus ostia frequentes convenire à Græcis proditum est; unde *Martialis* in *Xeniis*, lemmate Phasianus.

*Argiva primum sum transportata carina;
Ante mihi notum nil nisi Phasis erat)*

the **pheasant**. *Rostrum* ei crassum, elevatum, pollicis lati longitudine, coloris cornei. *Vertex* capitis eleganti micat cinereo. Inter aures & rostrum ad latera, macula est *coccinea*, nigris punctulis variegata. Supra hanc & prope rostrum *viridis* color elegantissimus totum collum occupat. *Colli* pars, prope pectus, fusco, aureo, & viridi colore adornatur: hunc alba ovalis macula percurrit. *Alæ* & *dorsum* totum fere ferruginei coloris ad rufum vergentis. *Pectus* & ventriculi regio iisdem cum collo coloribus, sed obscurius coruscant: propè anum, & in femoribus, ex ferrugineo fuscescit. *Phasiani* in supremo honorum lumine semper habiti sunt.

IV. UROGALLUS, *Tetrix* Aristotelis, Germanis **Aurhan**, Angl. the **Cock of the Wood**. Reperiuntur qui libras quatuordecim Germanicas pendant. Hujus duæ dantur species, *Major*, & *Minor*. *Major*, *Tetraon* Plin. *Gallus Alpinus*, & *Uragen* dictus; corporis magnitudine Anserem fere æquat: colore tam atro, ut tanquam Palumbi collum resplendeat. *Rostrum* ei gallinæ, validum, gibberum, fuscum. *Macula* rubra utrinque circa oculos ad tempora insignitur. *Digit*i glauci, utrinque quasi ferrati, seu pectinis instar, tunica aliquatenus junguntur, & unguibus fuscis firmantur. *Femina* ejus Germanis quidem *Grygallus* dicitur: sed male, ut expresse probat, qui eam sæpissime diligenter considerarat, *Schwenckfeld*.

V. GRYGALLUS, the **Birch-Cock**, (because of the colour of **Birch**,) in sylvis Germanicis haud infrequens sed Britanniae ignotus. Est utique Urogalli Fæmina.

VI. GALLINA CORYLORUM, the **Hazel-Pen**.

VII. ATTAGEN, perdix Asclépica, the **Heath-cock** aut **Grouse**. De quo sic *Martial. lib. 13. Epigr. 61*.

*Inter sapes fertur alitum primus
Ionicarum gustus Attagenarum.*

Hujus in Anglia duas habemus species, quarum *Major* vulgo dicitur the **Black Game**, (Mares quippe toto fere corpore nigricant:) *Minor* vero, the **Grey Game**, (quia tam mas, quam fœmina cinereis maximam partem plumis vestiuntur.) Hæc quatuor

avium genera, *Urogallus* nimirum, *Grygallus*, *Gallina Corylorum*, & *Attagen* seu *Perdix Asclepica*, nec recte singulatim describuntur, nec bene inter se discriminantur ab ullo Zoographorum. Nam revera *Urogallus minor*, & *Gallina Corylorum*, non specie, sed sexu tantum differunt: & apud nostrates ille **Black-Heath-Cock** aut **Birch-Cock**, hæc vero **Heath-Hen** nominantur. *Mas* utique collum habet dodrantale, plumis nigricantibus, cinereo diluto colore sparsim interspersis. *Caput* nigrum, *rostrum* breve, gibberum, latum. *Supercilia* & pelliculam circa oculos, in morem Phasiani, pulcherissime rubentia. *Dorsum*, *pectus* & *venter* nigri sunt coloris. *Alarum* remiges candore insigni distinguuntur. *Sub alis* pariter plumis vestitur albissimis: itemque in *cauda* bifurcata. *Crura* ad pedum digitos usque plumis fulcis exornantur. Ex albis in cauda maculis ætatem dignoscere licet: quo majores sunt aves, eo pauciores illas habere feruntur. Degunt ut plurimum in sylvarum betula & corylis abundantium confiniis uliginosis; ut & in ericetis, ubi ex ericæ feminibus pinguescunt. *Fœmina* vero habitu corporis fere Phasianum, plumarum coloribus Rusticulam majorem refert. *Uterque* gallum gallinaceum magnitudine æquat, carnis teneritudine saporeque superat.

Idem de altero etiam pari, *Attagena* scilicet & ejus *fœmina* observandum: quas Nostrates, quo hanc speciem à priori distinguant, **Heath-poults** (quasi dicas, *Grygalli pullos in ericeto natos*, & **Grouse**, nuncupare solent. Sunt enim Urogallo etiam minore nonnihil minores: Perdicum nempe magnitudinem haud multo excedentes. Et mas in omnibus convenire videtur cum Attagine veterum. Ericeta potissimum frequentant: nec nisi rarissime reperiuntur in latibulis sylvestribus. Utriusque speciei caro, ventri gulæque in magnifico ciborum apparatu indulgentibus summopere arridet.

VIII. O T I S, (proculdubio ab auribus patulis,) *Tarda* & *Bistarda*, (tarde nimirum volat, ob magnam corporis molem,) **the Bustard**; tribus tantum insistens digitis, sub quibus talus magnus instar musculi conspicitur. *Erythrontaon* Olao Magno dicitur, *Tetraon* Longolio. *Alarum* pennæ majores candidæ, circa finem nigræ. *Crura* fusca; digiti antrorsum terni, nullus retro; *Ungues* ut in gallina. *Vola* seu pars interior densa torosaque est. *Lingua* serrata utrinque acuta. Arboribus infidet nunquam, nec aquas frequentat. *Nidificat* in terra inter segetes. *Caro* ejus dura, nigricans, concoctu pervicax. In cibo laudatur juvenis, si per dies aliquot post jugulationem reservata fuerit. *Interanea* si spectes, hoc sibi peculiare habet. Intestinis diductis & extensis, id quod à fundo ventriculi ad alvum recta procedit, dodrantum est septem cum dimidio: appendices vero duæ ab alvo retrocedunt. Quarum altera tenuior est tres dodrantes longa; altera amplior duos cum dimidio: tres vero isti

meatus

meatus juxta alvum in unam capacitatem conveniunt. Hæc Avis in mediterraneis *Angliæ* partibus frequens est.

IX. ANAS *Campestris*, Gallis *Canne petiere*, quæ Galliaæ peculiaris esse traditur à *Bellonio*, qui primus eam descripsit, & à rusticis *Oliva* dictam esse asserit, **the Olive.**

X. STELLA, à *Johnstono* descripta, *lib. de Avibus*, pag. 64.

XI. OEDICNEMUS *Bellonii* (ob tiliarum infra genu, propter os, quod valde crassum est, qua nota vel sola agnosci potest, singularem crassitiem, sic vocatus) nobis prorsus ignotus. Cui subjunxere *Bellonius* & *Aldrovandus* unum & alterum *Oedicnemo* congenere; quorum nos pariter nescii sumus, nisi iidem sint cum Pluvialibus cinereis.

XII. PERDIX, *περδίξ* (*ωρδα* ὁ *περδέν*, eum enim sonum edit) **the Partridge.** Quæ est vel

1. *Græca*, nostratibus duplo major.
2. *Ruffa*, (à rostro & pedibus rubentibus) **the Spanish Partridge, with bill and legs red.** Cujus sortis ingentem numerum alit & Insula nostra inter Britanniam & Galliaæ Armoricae littora sita, *Guarnsey* dicta.
3. *Cinerea*, Græcis ignota, sed à *Gesnero* descripta, sub nomine *Minoris*.
4. *Damascena Aldrovandi*, brevitate & crassitie corporis ad *Perdices* nostras accedens, minor tamen & rostrum habens prolixius; pedesque quodammodo luteos.
5. *Alba*, *Lagopus* (à pedibus leporinis, & villosis;) & *Aldrovando* *Perdix Petrofa* (quia in rupibus nidulatur) tanti candoris, ut à venatoribus hoc solo, quod nives superat, visu deprehendatur: **the white and rough-footed partridge**, Germanis *Scheehan*, quasi *Snow-hen* (quia frigore, nive & glacie ita delectatur, ut ubi locis inferioribus liquantur nives, albiora & soli averfa prosequatur loca, in quibus nix perennat.)
6. *Indica* à sono *Tutu* dicta, & descripta à *Joh. de Laet. Ind. Occid. l. 10. c. 5.*
7. *Vulgaris*, **our common partridge.**

XIII. GALLINA *Africana*, sive *Guiniensis*, **the Guiny-Hen.**

XIV. ORTYGOMETRA, *Coturnico-mater Scaligero* (*in Comment. ad lib. 8. Arist. de Hist. Anim. cap. 15.*) *Bellonio Rascele*, sive *Rallus*, & nostratibus **the Raile.** Raro, nec nisi metu coactus volat: est cursus velocissimi. Inter herbas & gramen sese abdit, ut raro appareat.

XV. COTURNIX (vel à sono vocis, teste *Festo*: vel rectius ab ὄρνυξ, quod idem sonat; nempe ab obliquo ὄρνυξ, καὶ μέλας *de Civ.* Nam γ facile abit in C. quomodo deduxit *Servius* in 3. *Aeneid*) **the Quail**, ab Ital. *Quaglia*, Franco-Gall. *Caille*. Ingluviam amplam habet. Veteres eam à mensis amoverunt; quod veneno, Helleboro nempe, alantur. *Plin.*

XVI. CYNCHRAMUS, *le Prurier*; sive *Preyer* Gallorum; alauda cristata paulo major, & *Hortulano* non absimilis. In agro Bononiensi & Florentino ex milii esu vehementer pinguescit; unde magno numero deplumata & scatulis asservata, Romam transmittitur, ibidemque magno pretio divenditur.

XVII. GALLUS GALLINACEUS, ἀλέκτωρ, **the House-Cock**, aut **Roost-Cock**; cum suis Generibus variis,

XVIII. GALLINA LANIGERA Sinensis; cuius lana ovinae simillima est: de qua consule *Martinium in Atlante Sinensi*, & *Kircherum in China illustrata*. p. 196.

Avium, quæ se Pulverant simul & Lavant, Familia.

Secundo *Phytivorarum* loco occurrunt *Avēs*, quæ se *pulverant* simul & *lavant*; nempe,

I. COLUMBÆ, (seu quod in culminibus villarum degere soleant: seu quod *lumbos* frequenter *colant*: seu à Græco κολυμβᾶν, *urinare*, quoniam talis est Columbarum gestus, & bibentes rostrum aquæ diutius immergunt; ut *Gerrard. Joh. Vossio* visum est,) *ωσει-σσειαι*, (ωσει δ' ωσειαςωσ' ἐπ' αὐν, à nimio amoris affectu) **Doves**. Quæ sunt vel

Domesticae, ut,

1. *Liviae*, **common House-Pidgeons**, aut **Culvers**.
2. *Gutturose* (quia lascivientes, fauces & guttur in ingentem tumorem diducunt) *Plinio Campanæ*, (quia tunc temporis frequentes in *Campania*;) **Croppers**.
3. *Cucullatae*, (quia cristam gerunt, Monachorum cucullum referentem,) **Jacobins**.
4. *Gyratrices*, (quia in orbem supra fæmellas obvolitari solent matres, simulque alas tam fortiter concutiunt, ut duorum afferum invicem collisorum sonitum superent, unde) **Clappers**, & **Smitters** (quasi percussores.)
5. *Galeatae*, **Helmets**.

6. *Tur-*

Alchata.

ad pag. 85.





6. *Turcica*, colore toto pullo seu betulino, præter oculos, qui miniacei; & pedes, qui pallide rubent; & rostrum, quod lutescit; **Letter-Carriers**, Turcæ nimirum eis utuntur tanquam tabellionibus.
7. *Tremula*, (quia invicem adblandientes, molliter se commovent, & tremunt,) **Quakers** aut **Shakers**. Quæ sunt vel *Laticauda*, vel *Acuticauda*.
8. *Hirsutis pedibus*, **Rough-footed pidgeons**, δαυ'ποδες, *Hir-tipodes*.
9. *Russica*, **Runts**.
10. *Indica*, rostro anatis, **Duck-bills**. Cum multis aliis, quibus nomina Latina nondum assignata sunt.

Sylvestres, ut

1. *Palumbes Torquatus*, **the King-dove**, aut **Quiest**.
2. *Palumbes Rupicola*, (quæ eadem videtur cum *Oenade* seu *Vinagine*, vel à colore uvarum nigrarum maturarum, quas οἶνωπὸν vocant Græci; vel à vindemiæ tempore, quo & conspicitur & capitur,) **the Rock-pidgeon**. Rostrum cinnabarium, longum, in extremo acuminatum. *Caput* totum, venter, & alarum pennæ sunt cineræ, ad cæruleum vergentes, exceptis remigibus, quæ nigricant. *Cervix* viridis est, intercurrentibus nigris plumis. *Pedes* rubri, *ungues* nigri. φάψ mas, φάσσα & φάττα fæmina.
3. *Cavernalis*, (quia in arborum cavis nidificat, quod huic generi proprium, Πέλαας, **the Stock-dove**, aut **Wood-pidgeon**. Quam nonnulli confundunt cum *Livia*: Sed nostro quidem iudicio, parum scite; nam & corpore minor est; & circa nares aliquid purpurei habet, quo *Livia* caret. Collum primum, & ad latera ex subviridi purpurascit.
4. *Alchata*, seu *Filacotoa* Aldrovandi, (quæ Monspeffulani nomine *Angeli* venit, à plumarum pulcritudine, **a small wild pidgeon, in the colour of his feathers resembling a partridge, frequent about Montpelier in France**. *Alchata* nomen est Arabicum; ubi avis hæc frequens conspicitur.
5. *Turtur*, (à sono, quem gemens edit.

Nec gemere aerea cessabit turtur ab ulmo. Virg.

the Turtle, aut **Turtle-dove**. Cujus quatuor in *Hispaniola* observantur genera: & ex *Alexandria* diversi à nostratibus adferuntur coloris. Turcarum vero Imperator par rari & peculiaris generis Henrico Galliarum regi transmissit; referente *Scaligero Exercit. 19*. In Columbino genere (quæ bina omnino ova uno nido reponunt, & incubant,) observavit *Harvæus* (*de Gen. Anim. Exercit. 3.*) omnia ova in

ovario congesta, uniusmodi esse magnitudinis, præter bina illa cæteris longe maiora, & jam ad descensum in secundum uterum parata. Ut in his numerosi foetus proveniant, non parvus multitudo, sed frequentia; singulis nempe mensibus.

II. PASSERES, (à passim, quia passim volitant; utpote aviculæ vulgares, & ubivis pene se oculis ingerentes,) Σπερδοί, **Sparrows**. Quorum plures ponuntur species, viz.

1. *Domesticus*, vulgaris, **the common House-Sparrow**. Qui nonnunquam, ludente natura, *Albus* invenitur; & interdum, sed rarius, etiam *Flavus*, qualis ad *Aldrovandum* delatus fuit, ut ipse testatur, *Ornithol. lib. 15. cap. 15*. Proprie *Ψαπ*, cuius vox propria Πιπμιζεν, *Pippilat & passer, & dulce canit Philomela*. *Rostrum* habet acutum, breviusculum. *Capitis* vertex castaneus, seu ruber. *Dorsum* totum atque alæ partim flavæ, partim nigræ. *Pectus* albet. *Cauda* longiuscula ex luteo fuscescit. *Tibiæ* & pedes subflavi sunt. *Mentum* atrum, inter quod & verticem color albus est. *Albissimos* cum rubris oculis sæpe vidi.
2. *Maculatus*, flava cauda, *Aldrovandi*, **the speckled Sparrow, with a yellow tail**.
3. *Montanus*, omnium passerum nostratium elegantissimus; **the Mountain Sparrow, with a reddish Crown, a black chin, and white descending from the head to the lower jaw**: unde popularibus nostris dicitur, **the White-Cap**.
4. *Albicilla* (quia caput, cauda, & omnes inferiores partes ex albo lutescunt) **the white tail'd Sparrow living in Woods and Heaths**.
5. *Sylvestris*, verticem capitis habens ferrugineum ad cinnaberinum vergentem, ab *Aldrovando* descriptus *Ornitholog. lib. 15. cap. 16*. nobis vero ignotus.
6. *Torquatus* (à *Bellonio lib. 7. de Avibus, cap. 20*. descriptus) ab albo torque oculos sub supercilio ambiente sic vocatus; à me nunquam visus. Superne fuscus est, sed varius, & lineolis albicantibus intercisus; inferne ad flavedinem vergit: vertice purpureo. Collum ambit circulus albus.
7. *Passer arundinaceus*, (quia inter juncos & arundines degit,) **the Reed-Sparrow**. Σπερδοί ροινικλῶ, *Passer arundinarius*. Felle caret. Ventrículus crassiusculus.
8. *Pusillus*, in juglandibus victum quærens, **the Walnut-sparrow**.
9. *Brachyurus* nostras, (utpote cui cauda admodum brevis,) **the curt-tail'd Sparrow, inclining to yellow all except the**

the breast and belly, which are whitish.

10. *Stultus* Bononiensis *Bellonii*, loco recens citato.

11. *Troglodites*, the *Wren*; τρώχας. *Schwenckfeld*. Adversus calculum renum & vesicæ maximopere commendatur, si integer, evulsis pennis, sale conditus, crudus devoretur. Novi quosdam, qui quotannis unicum comederunt, & ab affectione illa minus fuerunt vexati. *Schwenckfeld*.

12. *Canarius*, the *Canary-bird*.

13. *Indicus*

1. *Macrourus*, Long-tail'd.

2. *Brachyurus*, Curt-tail'd.

3. *Sine Uropygio*, Kumpless.

4. *Porphyromelanus*, red and black. Omnes ab *Aldrovando* descripti, *Ornith. lib. 15. cap. 22, 23, 26, & 27*.

14. *Embryza*, tam alba, quam *pratensis*; utraque *Gesneri*. *Avis merula* congener. Dicitur etiam *Hordeola*, quod in superiori fusci rostri parte, tuberculum hordeacei grani similitudine conspiciatur.

15. *Passer solitarius*, Sturno haud absimilis. De quo consule *Aldrovandum in Ornitholog.*

Granivorarum CANTANTIUM Classis.

INter Aves GRANIVORAS, aliæ sunt CANORÆ ut

I. CARDUELIS, (à *carduo*, cujus seminibus victitat ut plurimum.) *Chrysomitris*, *Aurivittis*, (ab aurea in alis vitta,) ἀργυρῆς, & *Avis Jovis* (propter eximiam venustatem) the *Goldfinch*. Quem *Scaliger* Βιομήγερον, *industrium ad victum* facit.

II. SPINUS, seu *Ligurinus*, (ἀπὸ τῆς λiguρῆς τῆς φωνῆς, à vocis argutie,) the *Siskin*: quem *Gesnerus* eandem avem cum *Serino* quasi *syrene*, à vocis dulcedine, facit. Nec immerito quidem, ut ex simul collatis descriptionibus colligere est. Minus recte autem alii cum *Lutea*, sive *Luteola*, quam nostrates *Powtring*, aut *Yellow-hammer* vocant, confundunt. *Spinus* siquidem est rara avis, in frigidioribus regionibus non nisi rarenter apparens, nec in Anglia plus quam semel vel à *Turnero* visa: *Lutea* vero etiam rusticis probe cognita nostratibus.

III. FRIN.

III. FRINGILLA, (quasi *Frigilla*, seu quod *frigus* cantu præ-
nunciet : seu quod plures in frigore convolent :) Aristoteli *Spiza*,
the Chaffinch ; quasi *palearia*, quia hyeme sæviente, *palea* ex hor-
reis abjecta ut plurimum victitat.

IV. MONTIFRINGILLA, **the Bramble, Brambling**, aut
Brier-finch ; utpote *rubis* sæpe insidens, eorumque fructibus vi-
ctitans.

V. CHLORIS, Fringilla viridis, **the Green-finch**.

VI. LINARIA (quia cibus ipsi est *Lini* semen) **the Linet**, aut
Flax-finch. Ad cujus familiam referuntur

1. *Linaria rubra* (*Gesnero*, à coccineo verticis colore, sic dicta)
the Red-headed Linet. Advolant aliquando turmatim, &
ferè pestilentiam brevi futuram circa *Norimbergam* indicare
putantur

2. *Linaria Marina Aldrovandi*, quæ rostro lutea, vertice minia-
cea, pectore & ventre candicans est : in Septentrionalibus *An-*
glia littoribus haud infrequens, sed uti vulgus affirmat, è Ger-
mania advolans, ubi *Gyntel* nominatur.

VII. CITRINELLA (à colore citrino, serino enim intensius
flavescit) quam Galli *Tarin*, & *Thracipidem* Aristotelis esse opina-
tur *Bellonius* : **the Yellow-Hammer**, aut **yellow Amber**.

VIII. ALAUDA (seu à *Laudando*, i. e. cantando ; seu quasi
Aluda, à ludendo, quia ludunt & canunt in aere) Græcis veteribus
ῥέει, & *ῥορυδαλός*, modernis *πρυλίτις* ; **the Lark**. Alauda adeo
sublime volat, ut fugiat visum : vocem simul cum volatu attollit,
quasi velit exaudiri. Scandit vero non per gyros, sed quasi perpen-
diculo, interpellatis tractibus, ut *Pica* aliquando. Cujus species
sunt

1. *Galerita*, Cassita, Cristata, **the Crested Lark**, aut **Cotswold-
Lark**. *Κορύδων*, ἀπὸ τῆς ῥόρυς, galea.

2. *Arborea*, **the Wood-Lark**.

3. *Pratensis*, **the Tit-Lark**.

4. *Calandra* (ἀπὸ τῆς ῥαλῶς ᾗ δειν, à suavitate cantus) aliis, sed
falso, *Acredula* ; **the Bunting** ; im omnibus fere conveniens
cum Alauda, nisi quod paulo major sit, & calcaribus multo
brevioribus armata. In arboribus & fruticibus summa semper
cacumina petit, quibus diu immobilis insidens, suavissimas
cantilenas modulatur.

IX. FICEDULA, *Συγγαλὶς*, Italica *Beccafico* ; *Avicula* ficubus &
uvis victitans : ut pulcre his versibus testatur *Martialis* ;

Cum

*Cum me ficus alat, & pascor dulcibus Uvis,
Cur potius nomen non dedit Uva mihi?*

Descriptionis defectum supplebit Effigies hic inserta.

Scaluta

ad pag. 89.



BACCIVORARUM Canorum Classis.

E Baccivoris Canoris sunt

I. TURDUS (forte ex *Surdus*, mutato S in T. quod crebro fit; nam usque adeo furdus vulgo perhibetur, ut proverbio locum dederit, καφόπερος αίκλιν, *surdior Turdo*: vel potius quasi *tardus*, A in U abeunte; ut à labor, lubricus, à quatio, concutio. Sic enim *Isidorus lib. 12. cap. 2. Turdi à tarditate dicti: hyemis enim confinio hoc est, in fine autumnii, se referunt*.) **the Thrush, Song-Thrush,** aut **Throssle**, aut **Mavis**. Cujus species sunt

1. Turdus Viscivorus, Aristoteli ἰξοκόρος, **the Mistletoe-Thrush**
Z aut

aut **Shzeitch**. Primarius in suo genere, & reliquis major, paulo infra picam. *Capite*, alis & ventre fulcus; plumis tamen juxta caudam aliquid flavi admixtum est. *Pedes* digitique flavescent praesertim posteriore nervo tiliarum. *Ungues* & rostrum nigricant. *Collum* parte prona, venterque totus nigris punctis in albicantibus plumis & alicubi flavis variant. *Plumæ* sub alis candidæ. In sylvis vivit, visci, aliarumque arborum & fruticum baccas devorans.

2. *Trichas*, *Turdus Pilaris* aliis *Collurio*, **the fieldfare**, aut **fieldfare**. Nunquam aut raro in æstate in *Anglia* visitur; hyeme vero tanta illorum è Norwegia redeuntium multitudo, ut nullius avis major. Volat gregatim, & inter volandum obstreperus est.
3. *Illas*, nonnullis Tyllas, **the wind-Thrush** (because coming in high winds into England, in the beginning of winter.)

II. MERULA (quod *mera*, i. e. sola volitet) *μέρουρα*, *Nigretta* (à nigro colore) **the Black-bird**, aut **Dusse**. Magnitudine est turdi: *rostro* longiusculo, recto, cereo; pedibus aterrimis; colore nigro & splendente. Colorem rostri & plumarum, pro temporum diversitate, mutat. Non nisi anno postquam natæ sunt, rostrum *buxeu*m habent; pulli enim nigrum habent. Non nisi vere ineunte *canunt* mares, alio tempore muti. Hyeme etiam strepit, & tumultuose vocatur. Fæmina pallet. Hujus species sunt

1. *Leucocephalus*, **the white-headed Dusse**, ab *Aldrovando* descript. *Ornithol. Lib. 16. cap. 6.*
2. *Candida*, ab eodem *Aldrovando* notata.
3. *Montana* Germanorum, à nobis nunquam visa.
4. *Saxatilis*, quæ eadem avis videtur cum *Caryocatactæ* Gefneri.
5. *Rosea*, quam in omnibus convenire arbitror cum Italicorum *Sturno Marino*.
6. *Brasiliensis*, à Bellonio *lib. de Avibus, cap. 27.* descripta.
7. *Indica*, *Apos* dicta (à brevitate pedum) quam adumbrat *Aldrovand. Ornith. l. 16. c. 16.*

III. STURNUS (ἀπὸ τῆς στερῆς, quia se magna vi *sternat* humi ex alto,) *στυρνακός*, *βύττα*, **the Starling**, aut **Stare**. Qui nonnunquam reperitur *Cinereus*. Dicitur etiam *βύττα*. *Hesych.* & *Varin.* *φόλμυς*. Avis est Merulæ fere magnitudine, variis coloribus picta: ut plurimum nigra, cum splendore insigni, ut etiam in pectore, ventre, alis, & prope oculos viridescat: emicante juxta collum præcipue, cuprea rubedine, maculis albis distincta, quæ aliquando

quando rubescunt, nonnunquam flavent. *Alarum* pennæ extremitatibus luteæ sunt. *Cauda* brevis & nigra. *Rostrum* robustum, longiusculum, acutum, luteum, in fine fuscum. *Pedes* subrubentes: *ungues* nigri. Voracissimus est. Linguam habet latam, & perfecte loqui discit. Huc spectat *Sturnus Indicus* à *Johnstono* in *Mantissa*, numero 6. descriptus.

IV. COCCOTHRRAUSTES vulgaris, (quod rostro suo, quod durum, robustum, & permagnum est pro corporis proportionem, coccos, & interiora cerasorum grana confringere soleat,) *the Grosbeak*. Avis quidem in Anglia infrequens, & hyemis confinio nobis adveniens, verisque initio se rursus subducens. Hujus generis unam, à meipso sclopeto confectam, & pulvere aromatico conditam, in Pinacotheca inclutiff. *Societatis Regiæ*, inter rariora reponebam haud ita pridem curavi. Cujus Iconem pag. versæ appositam habes. Nostratium nonnullis *Haw-finch* dicitur. Cantus ei peculiaris, cymbalorum fere æmulus, non insuavis. Ut caput magnum, sic etiam ingenium crassum & stolidum obtinet. Caro ejus non improbat, quamvis sit amaricantis saporis. In cibo calculosis proficius. Rostrum ei insigniter magnum, durum, validum, breve, crassum, fuscum, tantillum subrubens. Color capitis ex flavo rufus: in pectore ac ventre ex cinereo rubicundus, cum macula sub gutture nigra. Pennæ alarum superius nigricant, in medio albescent, in imo Indici sunt. Collum primum utrinque ad latera plumis vestitur cinereis. Dorsum ex rufo nigricat. Propius caudam nigrae sunt pennæ, extreme albicant, præter medias duas, quæ totæ cinereæ.

Coccothraustes Vulgaris.

V. COCCOTHRAUSTES Virginiana, Cardinalis (quod gallerum coccineum gestare videtur) **the Virginian Nightingale.** Apud nos in caveis alitur à curiosis: idque tam ob eximium colorum fulgorem in plumis coccineis; quam propter miram cantus dulcedinem.

VI. CARYOCATACTES, Nucifraga, **the Nut-breaker,** aut **Nutjobber**: quæ nobis nihil aut parum differre videtur à *Pico Cinereo*, seu *Sitta*; uti ex utriusque collatione pateat.

INSE-

INSECTIVORARUM non Canorarum

Classis.

INter Aves Insectivoras aliae *Canoræ* sunt, aliae *Non-Canoræ*.
Quales

I. **PICUS MARTIUS**, (quod Marti olim facer: δειδρονος λα-
πίης, ξυλονόπτε, quia arborum truncos rostro perforat: **the great**
wood-pecker. Cujus Anatomen vide apud *Aldrovandum Ornith.*
lib. 12. cap. 30. Hujus species sunt

1. *Picus Varius* minor, **the Piannet**, aut **lesser wood-pecker**,
speckled with black and white on the wings.
2. *Picus Varius* major, quem πίπερα vocat Aristotel. **the French**
Pie; à priori differens, tum quod magnitudine Merulam vin-
cat, tum quod plumæ medio vertice rubicundæ sint, & saturato
cocci colore conspicuæ.
3. *Picus viridis*, Aristoteli κολιός, Virio, **the Hickwall**, **wit-**
wall, aut **Green wood-pecker**.
4. *Picus Murarius*, (quia muris turrium maxime adhæret, & ver-
miculos in eorum rimis venatur,) **the Creeper**, aut **Spí-**
der-catcher. Passere domestico paulo major, hilaris est, &
suavem vocem edit.
5. *Picus Luteus*, *Cyanopus*, ex Persia allatus, **the Persian wood-**
pecker.
6. *Picus Cinerens*, Sitta, eadem avis cum *Caryocatactæ*, ut supra
subindicavimus: **the Nut-hatch**.
7. *Jynx*, *Torquilla*, *Verticilla*, *Verticolla* Scalig. *Collitorques* (à colli
circumactu, reliquo corpore interim quiescente,) κωκιδιον
ὄρνειον, ἰνυξ Hesych. **the Wryneck**, aut **Emmet-hunter**
(quia formicas in victum inquit.) *Varii coloris* volucris, ex
Picorum genere, alaudæ magnitudine æqualis; passerem do-
mesticum colore plumarum fere æmulans. *Pedes* breviusculi,
fusci, in quibus digiti quatuor, ante ac retro bini, subvirides,
geniculis quasi distincti, *unguiculis* latiusculis acutissimis. Vo-
ce τειζεν stridere dicitur. Vivit in sylvis. Rostro ligna tundit,
& strepitum, qualem Picus, tundendo edit: arbores sursum
& deorsum perreptando. Cossis & formicis alitur, quas
magna celeritate aculeo suæ *linguæ* exertæ transfixas vorat, nec
unquam illas rostro suo attingit, ut cæteræ aves suos cibos.
8. *Certhia*, κερδίον, (quasi ad quæstum astuta,) *Scandulaca*

A a

arbo-

arborum, *Δειποφάγος*; **the Dr-eye-creeper**. Est Regulo seu Passere Troglodyte paulo minor. *Rostellum* habet longiusculum, acutum, prædurum. Superius ex fusco rubens, inferius albet. *Linguam* emittit tenuissimam, acutissimam, fere osseam.

9. *Merops*, (ἀμεριμῶ ὀπὸς) *μελισσοφάγος*, **Apiaster, the Bee-eater**. In *Creta* Insula tam vulgaris est, ut nusquam non in ea conspiciatur: reperitur autem & in *Italia*; in *Anglia* autem rarissime aut nunquam. Magnitudine Sturnum paulo superat. Mari rostrum est longum, durum, ad instar falcis messoriæ arcuatum, & quasi triangulum. Oculorum Iris ita rubet, ut aliam omnem rubedinem splendore excedat. Fœminæ color ubicunque minus intensus. Tergus quodammodo virescit. Venter ex albo & cæruleo mistus, cum macula flava sub mento ad aures usque utrinque ascendente. Cæterum, quia Avis est nostratium plerisque invisæ, & quia forma ejus multo facilius, certiusque ex Imagine, quam nuda descriptione concipiatur; En! *Apiastri* maris, quem nobiliss. Vir, *D. Thomas Crew*, Eques Auratus, necnon *Baronis de Crew* filius, hæresque meritisissimus, secum in *Angliam* attulit ex *Italia*, mihi que inspiciendum exhibuit, *Effigiem* hic habes, Sculptoris manu ita solerter delineatam, ut Avis vera esse, non glyptice simulata videatur. Omnibus istis *Picorum* generibus, magnitudine tantum & colore differentibus, *Rostrum* inest longiusculum, durum, robustum: quo arbores pertundant. *Lingua* item longa, acutissima, in extremitate quodammodo cartilaginea; ad lancinandos vermiculos. *Pascuntur* formicis, & cossis. Perreptant arbores, humi raro consistunt; scanduntque in subrectum, felium modo. In cavis arborum *nidificant*; volantque quasi per saltus.

II. CÆRULEO, **the Clot-bird, Smatch**, aut **Stone-check**; de quo videatur *Turnerus, de Avibus*.

Merops

ad pag. 94.





CANORARUM Classis.

Canoræ vero sunt

I. REGULUS, Senator, Tyrannus, Trochilus, seu Passerculus Troglodytes, **the Wren.**

Cujus species sunt

1. *Regulus cristatus*, **the Copped Wren.** *Cristam* quippe gerit in vertice auream, ex pluma latiuscula, pauculis nigricantibus. *Dorsum* citrinum. *Cauda* & alæ fuscæ partim, partim subcitrinæ. *Linea* alba alas medias dirimit transversim. *Venter* ex pallore flavet. *Rostellum* rectum, longiusculum. *Pediculi* flavent.
2. *Regulus Indicus*, avicula miræ sane pulcritudinis, corpore Regulo vulgari multo minori, plumis nigerrimis, quas tamen maculæ saturate rubræ & ad certa intervalla quasi inspersæ exornant. *Rostrum* & pedes purpura fulgent. *Cantillat* suavissime. Hujus generis plures vidimus in *Augustiss.* *Regis* nostri aviario, sed omnes una in cavea inclusos; non solum majoris tutelæ gratia, verum etiam quia aliarum avium consortium fugiunt. Quo nomine apud Indos distinguuntur, nondum discere potui.

II. ASILUS, Aristoteli ὀϊστρον, (quod, more Insecti ejusdem nominis, Equos in pratis pascentes rostro infestet, dum pediculos eorum venatur,) nobis nondum de facie cognitus, sed descriptus à Bellonio.

III. CURRUCULA, Hypolais, Passer sepiarius, **the Hedge Sparrow**, aut **Titling**, in cujus nido Cuculus ova sua deponit.

IV. HIRUNDO (ab hærendo tectis ædium, ubi nidificat) vaga volucris *Ovidio*, Pandione nata, *χελιδὼν*; **the Swallow.** *Hirundo domestica*, est rostro parvo, dorso & alis decenter nigris, cæruleo ad latera per caput & alas refulgente. *Venter* totus albus cum macula rubra, quæ sub pectore & gutture emicat. *Cauda* longa bifurcata; *pedibus* brevibus, nigris & debilibus. Infidiatur muscis & culicibus, nec apibus parcat. *Testa* nostra subit, & *nidum* ex luto & stramine facit figura semicirculari, & plumis floccisque consternit. *Ova* parit quinque, magnitudine olivæ, maculis conspersa ferrugineis, bis in anno. *Pullus* magna solertia fovet & alit. Notabili munditia egerunt parentes excrementa. *Schwenckfeld.* Cum prope est ut avolare queant Hirundinum pulli, illæ garritu invitant ad volandum. Simulant, sese ferre quod edant, neque dant, sed obvolant,

& in proximo confidunt. Ubi illi ausi sunt, & jam possunt; illæ verberant, atque extra ædes exigunt. Foris autem simul cum illis ludunt. *Scaliger*. Dum garrit aut cantillat Hirundo, *trinsare* dicitur. Hujus species sunt Hirundo

1. *Agræstis Rustica*, the rough-footed Swallow.
2. *Riparia* (quia ripas fluminum excavant, & internidificant) *Drepanis*, *Falcula* (à cauda falcata) the Sand, aut Bank Marten, aut Western.
3. *Apos major*, *ωψελος*, the Horse-Marten, aut Swift.
4. *Apos minor*, the Martlet. *Apes*, *Depes* (non quod sit sine pedibus, sed quod iis haud multum utatur) *Hirundo saxatilis*, seu speluncaria.
5. *Marina*, the Sea-swallow.

V. PARUS (quasi parvus Mus) *Ægithalus*, (ab impetu, quo volando utitur,) the Tit-mouse. Cujus species sunt

1. *Parus major*, Carbonarius, ater, the Cole-mouse.
2. *Parus minor*, the Nun, (à vittato capite in morem Monialium.)
3. *Parus Palustris*, Turnero *Schæniclos* Arist. the Black Cap, aut Sen-Titmouse. *Parus fuscus*, *Atricapillus Aldrovandi*.
4. *Parus Caudatus*, *ορεινός*, the long tail'd Mountain-Titmouse, with a white Crown. Colonientes in Germania *Wyntepfer*, i. e. wine-tapper, vocant, quasi vini promum: Gallis vero *Mourier* audit.
5. *Parus Cristatus*, the Crested, aut Juniper Titmouse (quia degit circa Juniperos.) *Avicula* recentissima, tum ex subviridi crista, tum ob odorem juniperinum quem exhalat, insignis.

VI. MOTACILLA, *Σεισπογίς*, *μύμυξ*, Cauda tremula, (à motitatione caudæ, the washer, aut water-wagtail. Cujus species sunt Motacilla

1. *Alba*, *Albicula*, Aristoteli *Cnipologus*, the white bellied wagtail, aut common Dish-washer.
2. *Flava*, the yellow wagtail.
3. *Sipolæ Bononienses* ab Aldrovando *Ornith. lib. 18. cap. 26, 27.* descriptæ. White-throats.
4. *Stoparola*, *aviculæ* pariter *Italica* ab eodem ibidem descriptæ. Nomen à *stipulis* est; quod Autumno, demessa segete, inter stipulas frequens gregatim volet. Capitur nocturno tempore cum alaüdīs, retibus tractoriis.

5. *Mu.*

5. *Muscicapæ*, **Gnat-snappers**, quarum quatuor genera depingit *Aldrovand. Ornith. l. 18. c. 28.*

VII. RUBETRA, Rubicola (quia rubos incolit.) *Melanocephalus* (à capite nigro,) **the Stone-chatter**, **Blackberry-eater**, **Mortetter**, aut **Black-Cap**.

VIII. RUBECULA, Erithacus (à rubro pectoris colore) **the Red-breast**, **Robin-red-breast**, aut **Ruddock**. Hoc sibi peculiare habet, quod nunquam fere in eodem saltu nisi una reperitur; unde *Phavorino* ὄρνις μονήρης, ἡ μονότερος, Avis solitaria dicitur, & solitarie pascens: & natum illud proverbium, Una arbor non capit duos Erithacos. In cavea cum aliis avibus inclusa, cum iis strenue pugnat. Parem enim non facile admittit, & continuo inter se pugnare solent ad cædem usque: est *dorso*, capite, superiori alarum parte, & cauda, cinereo obscure flavente. *Pectus* totum exornat color aurantius, ad ferrugineum accedens. *Venter* albus totus. *Caudam* 12. pennis instructam sæpe motitat. *Alarum* remiges nigricant. *Pedunculi* fusci, lingua fissa. *Rostello* armatur nigro, gracili, acutissimo, ac proinde ad vulnerandum aptissimo.

IX. RUBICILLA, Pyrrhula, **the Woodpecker**, aut **Bullfinch**.

X. RUTICILLA, Phoenicurus, **the Redstart**, aut **Redtail**. Quæ tota æstate nobiscum degit, appetente vero hyeme aut avolat, aut in murium cavernulis se abscondit, & usque ad æstatis reditum dormit. *Cauda* ei ex luteo phoenicea, pennis duabus exterioribus nigricantibus. *Pedes* graciles nigricant.

XI. ANTHUS, Florus, Gallorum *Bruant* Bellonio, hinnitum equorum imitans; **the Neighing bird**. *Aldrovandus* confundit cum *Spipola*; cum & pulcra sit, & omnia fere ea, quæ *Antho Aristoteles* adscribit, admittat.

XII. CANNEVAROLA Bononienfium (quod in viridi crescenteque cannabe & niduletur, & degat) Germanis **Grasmusch**; Angl. **the Titling**. Quæ Lusciniam tam exacte corporis figura exprimit, ut nisi paulo esset minor, nec tam rufesceret, prorsus eadem videretur.

XIII. OENANTHE Aristotelis, vitiflora seu vitifera, (vel à colore simili uvis germinantibus: quod vini tempore appareat: vel quod uvis delectetur) Gallis *Cul-blanch*, Italis *Culo bianco*, **the Wheat Ear**, **white-tail**, **horse-mate**. In montanis plerisque locis, maxime vero in comitatu *Suffexiæ* frequens reperitur; & circa mensis Junii medium vehementer pinguescit; sub Septembris finem aufugit, nec uspiam in *Anglia* totam hyemem comparet. In agro *Warwicensi* dicitur **Fallow-Smiter**.

XIV. LUSCINIA (quod luctuose canere existimatur, atque esse ex Attica Progne in luctu nata; quod in lucis canat; seu quod

ante lucem) Philomela (quasi φιλέ(α) μέλ(α)) Ales Pandionia ; **the Nightingal**. Græcis Ἀηδών, ab αἰδέν, vel αἰεῖ αἰδέν, quod sine intermissione fere *canat*. Huic *crura* oblonga, *ungues* subtiles, aliquantulum incurvi : *Lingula* brevissima. *Oculi* ampli, parum protuberantes nigricant. Cujus speciei est & *Luscinola Bellonii*, Italogorum forte *Giarola* ; avis non obvia, quamque mihi videre nondum contigit : dici tamen commodissime potest, **the lesser Nightingal**. Nominatur etiam *Luscinia montana*. Amænis ut plurimum, & fruticosis montium locis degit & nidificat.

XV. UPUPA, Græce ἔποψ, vernacule **an Hoopoop** (proculdubio à *sono*, quem volatura edere solet,) Germanis (quibus frequens est) **ein Wiedehopff**. Avis est magnitudine Turdi ; alis per intervalla fuscis, albis & nigris pennis interstinctis : Cristam habens, ab ea parte rostri, qua capiti committitur, ad extremum usque occiput porrectam per longitudinem ; quam pro affectibus suis aut contrahit, aut dilatat, eodem prorsus modo quo Equus aures arrigit aut demittit. Tibiis est valde brevibus, alis obtusioribus, & lentiori volatu. In *Angliam* raro venit. Hyeme tamen superiori, Vir quidam Generosus, mihiq; veteri amicitia conjunctus, unam decimo circiter lapide à Londino interfecit, & mihi mox dono misit : cujus *effigiem*, à peritissimo Sculptore descriptam, paginae huic, raritatis causa, adjunxi. Avis est haud magis plumarum varietate ornata, quam spurcitie ac morum foeditate infamis. *Nidum* enim ex stercore humano fingit in arboribus excavatis, & circumliniit, ut faetore suo homines à nido arceat : unde proculdubio est, quod vulgo **the Dung-bird** dicatur. Et *Pollux* πομπίζεν scribit : certe insuavem edit vocem, *Cuculi* non absimilem. Unde fortassis alio nomine, **the Hooper** insignitur quasi *incondite exclamaret*.

Vpupa.



Avium AQUATICARUM Palmipedum Classis.

Sequuntur nunc Aves AQUATICÆ quas supra dividimus in
Palmipedes, & Fissipedes.

Bb 2

E PAL-

E PALMIPEDIBUS sunt

I. ONOCROTALUS (ab ὄντος, *asinus*, & κρόταλον, *crepitaculum*; nempe quod collum in aquam immergens, & spirans, rostri crepitu asini ruditum quodammodo imitatur) *Pellicanus*, **the Pellican**. *Sabaudi* vocant *gutturiosam*, i. e. strumofam, ab *ingluvie*, quæ in gutture strumæ instar prominet: & Arabes *Alhausfal*, i. e. *ingluviem*, ac si tota avis sit ingluviens: *Romanis* vero *Truo* dicitur; nempe quod *trua* sit vasis genus, de quo consule *Bochartum* in *Hierozoic. part. II. lib. 2. cap. 20.* Plures hujus generis visuntur in *Serenis. Regis* nostri Vivario, ab *Imperatore Muscovitico* dono transmissi.

II. Avis *Diomedea* (ab insulis *Diomedis* sic dicta, licet *Aldrovandus* *Artennam* hodie nuncupari, & nullibi nisi in insula sanctæ Mariæ de *Tremiti* reperiri, expresse affirmet.) à *Salmasio* in *Exercit. Plinian. & ad Solin. cap. 2.* descripta.

III. LARUS (vel à garrulitate, quia λάλος; est enim avis clamosa: vel quasi λάλεος, à vorandi impetu vel à *Laris* pisciculis, quos comedit,) **the Gull**, aut **Sea-Cobb**. Cujus species sunt

1. *Larus Cinereus Major*, *Gallis Grison*, *Anglis* *Cornubiensibus*, apud quos frequentissimus est, **the Ganet**, reliquis vero **the great grey Gull**, aut **Herring-Gull**.
2. *Larus Cinereus Minor*, **the lesser grey Gull**.
3. *Larus Piscator*, **the fisherling**, aut **plunging Gull**: in flumine *Sabrina* dicto, prope *Bristoliam*, turmatim volans, & pisciculis captandis inhians, colore subnigricante.
4. *Niger*, (quia capite, rostro, collo & pectore nigricat) **the black-headed Gull**. Quales ipsemet sæpe & vidi, & inter volandum sclopeto transfixi, in flumine *Thamisi*: à quibusdam **the Shear-water** vocatur.
5. *Gavia*, **the Sea-Mew**.
6. *Catarracta*, (quod cum impetu ad capiendam prædam ex alto se præcipitem dare soleat,) **the Plungeon**.
7. *Cepphus*, **the Puet**; Avis patim obvia.

IV. ANSER BASSANUS (ab insula quadam in *Scotia*, *Bass* dicta, non procul *Edinburgo*, ubi & nidificat, & degit: **the Solan Goose**. Corporis *magnitudine* anserem minorem, colore plumarum sturnum proxime accedit. At rostro armatur tres circiter digitos longo, nigricante, duro, acuto, ad transfigendos pisces, pærfertim *halices*, quibus infidiatur, aptissimo. *Alis* longissimis diu se in aere librans prædæ inhiat.

V. PHALACROCORAX (ex φαλακρός, *calvus*, & κέρως, *corvus*)

corvus) the Cormorant, in Cornubia the Shagg.

VI. GRACULUS PALMIPES, Corvus marinus, Mergus magnus niger, the Coot, aut Sea-Crow.

VII. MERGUS (quia aqua se mergit) the Diver, aut Douker. Cujus varia genera sunt,

1. *Mergus Rhenanus*, quibusdam Monialis alba; the white Nun-diver. Magnitudo ei *anatis* fere, longitudinis cubitalis. *Rostrum* obtinet subrubens, canaliculatum, in acutum desinens, tres digitos longum. *Cristata pluma* circa verticem & collum supremum eminent, superius nigræ, ad latera rufæ, instar pilorum vulpis. *Dorsum* & alarum majores pennæ fuscæ, minores albæ sunt. Parte *prona*, pectore & ventre candicat, plumis fere niveis. *Crura* juxta alvum fere retrorsum porriguntur, glauci coloris, natationi potius quam ingressui apta, femoribus in ventre conditis. *Digiti* pedum terni, lati, adhærentibus membranis, sed aliquousque divisi; non, ut in cæteris aquaticis, conjuncti; *unguibus* omnino latiusculis, præsertim medio, fuscis. *Cauda* caret.
2. *Glacialis*, (quod per summa frigora in aquis nondum glaciatis facile capiatur,) Norwegiæ & Islandis frequens, apud nos rarissime visus. Historiam ejus petas ex *Olai Wormii Museo*, pag. 304.
3. *Longirostrus*, the lesser Cormorant.
4. *Ruber*, the Red-headed Diver.
5. *Cirrhatus*, seu *Cristatus*, (à duplicata crista, eminente ad utrumque capitis latus una, auris instar :) Bellonio *Uria*, the Rasse.
6. *Merganser*, cui caput cum tertia colli parte ex viridi nigricat, collum reliquum cum aliquo pallore album est, inferior colli pars, & dorsum nigrescit; plumæ ventris & supinæ caudæ gilvæ sunt: crura & pedes, cum membranis inter digitos & rostro, minii colorem habent. Ansere paulo major est, & pondere interdum ad libras duodecim accedit. In *Islandia* frequentem esse à Mercatoribus audiui; sed in *Anglia* rarissime visitur. Contigit tamen, ut, dum anno superiori, nempe 1664. in agro *Norfolciensi*, non procul à mari commorabar, medicinam Nobili cuidam faciens; Merganserem unum in piscina natantem interficerem. Cujus exuvias, pulvere aromatico refertas, in hodiernum usque diem servat Musæum *Societatis Regiæ Londinensis*, ubi cuivis eas contemplari liceat.
7. *Colymbus*,

1. *Major*, the great Arsefoot, aut Didapper, aut Douker.
2. *Minor*,

2. *Minor*, the **Dab-Chick**, & Cornubiensibus the diving **Killegrew**.

8. *Morfex*, tota nigra, rostro ferrato & valido: quæ sub aqua mergens, anguillas capit: the **lesser Puffin** ab incolis insulæ *Vestis* dicta.

9. *Harle*, Scheladrachus, the **black Diver**, & Norfolciæ incolis the **Shell-drake**.

10. *Mergus Americanus*, quem luculenter depingit *Nieremberg*. *Hist. Exot. lib. 10. cap. 27.*

11. *Mergus Arcticus*, seu *Farrensis*; cujus historiam reliquit *C. Clusius*, lib. 5. *Exot. cap. 5.*

12. *Jomuvia*, the **Guillam**, quam semel vidi in Ornithotrophio regio prope Londinum; eo, raritatis ergo, ab una ex insulis Hebridibus occiduo Scotiæ lateri adjacentibus, delatam. Avis erat marina, palmipes, ex genere *Mergorum*: corporis habitu minorem *Colymbum*, magnitudine *Fulicam*, plumarum ornatu *Picam* vulgarem repræsentans. *Caput* quippe, *dorsum*, & *alas* (quas perexiguas gerebat, nec ad volandum comparatas) plumæ nigræ contegebant, adeo molles & æquales, ut *Holosericum* nigrum æmulerentur. *Venter* autem eximio erat candore insignitus. Cujus ex parte posteriore, ad ipsum prope podicem prodibant *pedes* nigricantes, breviculi, adeoque imbelles, ut avis ad terram ex alto inuenta, non nisi erecto cælum versus pectore, ac vacillantibus alternatim vestigiis, incedere valeret; quasi fuisset ad natatum duntaxat destinata. *Oculos* habuit ex atro resplendentes. *Rostrum* quoque nigricans, rectum, longiusculum, in extremo acutum, pisciculis quibus victitabat, transfigendis accommodatum. *Caudam* adeo curtam, ut nullam habuisse juraret quis perfunctorie aspiciens. In aquæ fluentis canali pisculento servata, haud diu tamen captivitatem suam supervixit.

VIII. AVOSETTA, Italarum *Spinzago d'acqua*, *Recurvirostra*; the **Scooper**, (because his long narrow beak, arched upward, resembles the long crooked scoop, with which Dutch Mariners throw up water to wet their sails.) Sub hyemem gregatim convolant in Occidentalia *Angliæ* litora, & post mensem unum aut alterum discedunt, in oras forsan frigori minus obnoxias. De eis haud paucas olim, dum adhuc juvenis essem, globulis plumbeis confodi, in margine fluminis *Sabrinae*.

IX. TROCHILUS (*τὸ τὸ κέρχεν*, quia semper currit) *Corriva*, seu *Tabellaria* Aldrovandi, the **Trochilus**, aut fin-footed **Kummer**. Hoc me ante biennium ditavit doctissimus Collega meus,

meus, D. Dr. Merret, sagacissimus rerum naturæ indagator.

X. CYGNUS (à Græco Κύκνῳ, mutato C. in G. unde quidam Cynus malunt: vel à κυμαίνω, turbare, fodere; quod cænum turbare soleat, dum cibum quærit.) Olor (quasi ὅλος ὁραῖν, totus candidus) Homero δελιχόδερος, (quia collum habet longissimum, viginti octo vertebrais constans) **the Swan**; & si pullus adhuc, **the Cygnet**; si ferus, **the Elk**. De Canione suavissima Cygnorum quæ tradita sunt à veteribus, non prorsus vana esse, vel nuperis experimentis comprobant *Ol. Wormius in Musæi sui pag. 299. & Thom. Bartholin. in obser. medic. Arteriam asperam habet singularis & admirandæ plane structuræ. Nam Oesophagum subiectum comitata, ad jugulum descendens cum pervenit, non recta, ut in cæteris animalibus, ad pulmones tendit, sed supra claviculas elevata, in costam ossis pectoris seu sterni, quæ ex duobus lateralibus ossibus, & tertio superno his pro operculo incumbente fabricata, vaginæ seu thecæ figuram & usum præbet. Ad hujus finem postquam arteria pervenit, inferne in se instar serpentis reflectitur, & S. literam exprimit; moxque sub priore jam dicta portione ipsi superposita, hanc capsulam denuo egreditur, & claviculis mediis conscensis, harum jugo tanquam fulcro innititur: & ita sustentata denuo in morem tubæ revolvitur, thoracisque cavum subiens, antequam ad pulmones fertur, prius quasi alteram Laryngem efformat. Sub qua arteria in duos canales divaricatur; quorum singuli in medio ampliori capacitate protuberantes, recta in pulmones exiguos, costis retro totos affixos, abeuntes, distribuuntur. Talem structuram & cantus, & respiratio poscebat. Ne enim, dum aliquando horæ dimidiæ spatio toto capite & collo pronis, vado alimoniam hausturus immergitur, periculum suffocationis incurrat; ex ea arteriæ, quæ pectoris dictæ vaginæ reclusa est, portione spiritus quantum satis suppeditatur. Et Cantum quod attinet; duplex ille flexus in eum finem factus videtur, ut vox in ipso revolutæ arteriæ angulo reperiçssa, majori cum clangore erumperet, ac veluti morulæ exiguæ in eo anfractu quiete recreata, vires acquirat eundo.*

XI. ANSER (nomen à sôno factum docet Varro lib. 4. de L. L.) Græcis veteribus χλῷ, hodiernis χίνα, **the Goose**. Cujus ad Familiam spectant.

1. *Ferus, the wild Goose.*
2. *Vulpanser* (quia in cuniculorum foveis, & rupium cavernis, more vulpis, nidulatur) *Chenalopex, the Bergander*, aut **Burrow-duck**.
3. *Branta, the Brand-goose.*
4. *Bernicla, the Barnacle*, aut **Scotch-goose**, aut **Clake-guse**.
Quæ eadem forte est cum *Branta*, seu *Brentho*.

5. *Anser Magellanicus*, à *Clusio lib. 5. Exot. cap. 5. & ab Ol. Wormio Musæi sui pag. 300.* fuscus descriptus, **the Penguin.** i. e. lingua Cambro-Britannica, **White-head.**
6. *Capricalea*, Scotis **Capricalee**, & eadem forte *Anserum* species, quam *Cl. D. Dr. Merret* se vidisse affirmat (*in pinace rerum natural. Britannicar. pag. 163.*) in *Cimelio Tradescanti* sub nomine **Squeed**, ex insula Scotica *Basse* dicta, delatam. Quamque descripsisse videtur *Georgius Buchananus*, *Rerum Scotticarum l. 1.* his verbis. In hac Insula (de *Leogo* loquitur) rarum & aliis regionibus ignotum genus *Avis* conspicitur. *Colcam* vocant, magnitudine paulo infra anserem. Ea vere singulis annis eo adventat, pullosque exclusos eousque educat, dum ipsi sibi prospicere possint. Ad id fere tempus plumæ sponte defluentes è toto corpore, nudam destituunt: ac tum demum ad mare se recipit, nec ante proximum ver usquam conspicitur. Illud quoque eis est singulare, quod earum pennæ caulem non habent, sed levi & cui nihil prorsus duri adest, pluma totum corpus velut lanugine vestiunt.

XII. **ANAS**, (à *nando*, ex sententia *Varronis*: qua ratione & Græcis *ἄναξ*, seu *ἄντρα*, dicitur, à *νέω*) **the Duck.** Quæ est vel

1. <i>Domestica</i> , a Tame	} Duck. Quæ omnes vivendæ sunt in vivario Regio, St. James's Park dicto.
2. <i>Indica</i> , an Indian	
3. <i>Lybica</i> , an African	
4. <i>Muscovitica</i> , a Muscobian	
5. <i>Cairina</i> , an Egyptian	
6. <i>Fera</i> , a wild	

7. *Anas Platyrinchos Gesneri*, Germanis **Lepelgangs** (quod rostrum cochleare figura referat,) **the spoon-bill'd Duck.** Quam ad vivum depinxit *Ol. Wormius*, *Musæi sui, pag. 301.*
8. *Islandica*, *Havellda* ipsis dicta, & ab eodem *Wormio* ibidem descripta. Huic plane congenerem ego nuperrime vidi, meumque in usum comparavi anatem quandam, ornithopolis nostris Londinensibus, ob eximiam colorum, quibus undique ornatur, elegantiam ac varietatem *Phasian marini* nomine insignitam, & in multis à *Gesneri Wormique* *Platyrincho* discrepantem; adeo ut hic loci à me accurate describi mereatur. Corporis quidem habitu & magnitudine, anatem domesticam exacte refert: sed cruribus aliquanto altioribus & gracilioribus incedit. Rostrum habet anthracino nigrore opacum, uncias circiter quatuor longum, ad extremitatem ad instar cochlearis expansum compressumque: sed in apice partis superioris

perioris, apophysi quadam incurva, inque acumen desinente donatum, ac longa denticulorum quasi corneorum serie utrinque armatum. *Caput* & superior pars *colli* nigredinem inter & viriditatem mire splendentem ambigit. *Oculi* lapidis Gaggatis politissimi nitorem æmulantur; iride aurea circumabiente. *Pectus* obscure rufescit, sed albedine quadam subter lucente; quemadmodum in Vulpanfere nostro. *Dorsum, venter & latera* cum *cauda* cinerum pallorem nonnihil obfuscata gerunt. *Ala* maximam partem cyaneo oculis amænissimo resplendent: reliquo ad ferrugineum divergunt. *Palmipes* est, ut anser: sed *crura & pedes* colore coccineo rutilant. Non admodum in Britannia nostræ litoribus frequens est; capi tamen hic interdum, præsertim ubi sævit hyems, fertur. Certe in universa volucrum palmipedum classe, nullam reperiens, huic elegantia formæ, plumarumque pulcritudine comparandam. Quocirca meam avem (indubie sexu marem) ad vivum depingi, oculisque tuis hic usurpandam imaginem objici curavi.

Phasianus marinus

ad pag.



9. *Fusca* (à colore,) quibusdam *Media* (à magnitudine inter *Anatem* & *Querquedulam media*,) quam *Gesnerus* eandem facit cum *Rothalsa*, unde *Erythrocephali* quoque nomen meruit: the Red-headed Widgeon.

D d

10. Cau-

10. *Candacuta*, **the Cracker** (à strepitu quem rostro vehementer colliso facit) quæ in paludibus Crowlandiensibus, ut & aliis locis Angliæ maritimis frequenter capitur. Ornithopolis Londinensibus dicitur a **Gaddel**.

Ex Anatibus feris nonnullæ adeo familiares reddi solent, ut alias è longinquo alliciant, (unde *Aleſatrices*, **Decoy-Ducks** dicuntur) & Aucupes ad congeneres capiendas adjuvent. De quibus *Alciatus* hoc lufit Epigrammate.

*Altilis alleſtator Anas, & cærulea pennas
Affueta ad dominos ire redire suos:
Congeneres cernens volitare per æra turmas,
Garrit, in illarum se recipitque gregem;
Incantans donec prætenſa in retia ducat:
Obſtrépitant aliæ, conſcia at ipſa ſilet.
Perſida frudatrix cognati ſanguinis ales,
Officioſa aliis, inſidioſa ſuis.*

Præter has Anatum ſpecies, repeririſunt apud Cornubiensēſes binæ etiam aliæ; una ſcilicet tota nigricans, **the Scoter** dicta; altera *Sancti Cuthberti* nomine inſignita, quam oculis nondum uſurpavi.

XIII. **BOSCAS** (à βόσκω *paſco*, quia paſtui avidiſſime indulget: unde & *Paſcula* Jul. Cæſ. Scaligero audit) **the Whinder**. Ad quam referri debent

1. *Boscas Mergens*, **the Diving Widgeon**; in Norfolcia, **the Smee**. Hæc avis diu urinando ſpiritum continere poteſt, & ea nulla alia pernicious ſe ſubmergit. Id quod ipſemet ſclopeto eam petens, multoties expertus ſum. Viſa enim pulveris pyrii flamma, aquis ſe condit, antequam grando plumbea eo pervenire poſſit.
2. *Boscas*, aliis *Anas Fiſtularis*, à ſono acutiore, quem fiſtulæ modo emittit, ſic denominata: unde & popularibus noſtris **the whewer**, aut **whiſtling Widgeon**.
3. *Penelope*, **the common grey Widgeon**.
4. *Glaucius* (ab oculorum colore) Gallis *Morillo*. Quænam avis ſit, nondum compertum habeo; niſi eadem cum illa, quam vulgo *Pochard* vocant.

XIV. **QUERQUEDULA** (forte à κέρκω *δαίμονι*, à caudâ viſcenti) nonnullis *Boscas Minor*, **the Teal**. Ad cujus familiam referuntur

1. *Anas*

1. *Anas Circia*, quæ mergulo paulo major est, corpore fusco, roitro latiusculo.
2. *Querquedula Cristata*, quam Bellonius *Colymbim* vocat; paludibus agri Somersetensis frequens, & ab aucupibus dicta **the Summer-Teal**.
3. *Kernell* circa Argentoratum dicta, quam nunquam nos vidisse fatemur.

XV. **PUFFINUS**, Gallis *Macareux*, **the Puffin**, avis maritima, colore fusca, plumis tantum ceu lanugine quadam vestita: Itaque subvolare non potest. Alga & Cochleis victitat. Sale & muria condita, tempore quadragesimæ, vel à Monachis comeditur.

XVI. **FULICA** (à fuligineo colore) Alberto magno *Mergus niger*, aliis *Pullus aquaticus* nostratibus *Cotta*, **the Coot**. Cujus species est

1. *Cotta major*, sive *calva*, **the Bald-Coot**; Magnitudine est Gallinæ, colore nigro per totum corpus, in collo quidem & capite atro. *Rostrum* acutum & molle; *siniput* glabrum, figura ovali, alba pellicula tectum, calvitiei specie; toto capite Gallinam referens. *Alarum* (quæ brevissimæ) ambitus per angustam lineam albicat. *Digitis* pedum membranæ nigræ latæ adhærent; divulsæ, ut in *Colymbo*.
2. *Rallus Italorum*, in eo à Fulica differens, quod rostrum habeat nigrum, plus albi in alis & circa oculos coloris, crura subviridia, calvitium nullum, membranas inter digitos non ita dissectas.
3. *Avis* quædam anate paulo major, mergendo victum quærens; agri *Cestrensis* incolis (ubi frequens est) a **Cargoes** dicta. Est ex *Mergorum* genere, anate paulo major; *rostro* longiusculo, nigricante, duro, acuto. *Dorsum*, *caput*, *alasque* superiores color fere nigricans occupat. *Venter* totus albet. *Caudam* desiderat. *Pedes* retrorsum quasi ex alvo prodeunt. Semper in lacubus & piscinis amplioribus natando, ac urinando versatur; ubi etiam quiescit, rarissime ripas accedens, volans nunquam.

*Aquaticarum FISSIPEDUM Piscivorarum
Classis.*

E FISSIPEDIBUS *Carnivoris* numerantur

I. CICONIA (forte quasi *Cicania*, à sono quem quatiente rostro faciunt; ut *Isodoro*, lib. 12. cap. 6. videtur: vel à *Cicur*, puta ob benignam naturam) *πελαργός*, **the Stork**. Hæc avis, quam sancta pietatis cultrix sit, erga parentes suas senectute jam marcescentes, notum est ex *lege Ciconiarum*, apud *Aristophanem* sæpius celebrata; quæ inde nomen traxit: quamque flagranti amore foetus prosequatur, patet ex incendio Delphenfi, quod dum describit *Hadrian. Junius in Batavia histor. cap. 17.* observatum fuit, inquit, “Ciconiam à pabulatione reducem, cum flammæ nido suo immittentes videret, conatam omnibus modis pullos grandiusculos, involucres tamen, eripere mediis ex ignibus; tandem desperata omni ope & quasi conclamata, passis alis in nidum se præcipitem dedisse, pullisque toto corpore obtectis incumbere visam fuisse, veluti deposita vitæ spe, ultro cum charissimis pignoribus mortem appetituram.

II. IBIS, Ægypto peculiaris. Dicuntur tamen & circa *Licham* in extrema *Aphrica*, ubi lacus quidam dulcis est, conspici. In duplici autem sunt apud Ægyptios differentia; *Candidæ* scilicet, quæ ad *Pelusium* tantum non sunt, cum in tota habeantur Ægypto; & *Nigræ*, quas *Pelusium* duntaxat alit.

III. PHOENICOPTERUS, Gallis *le Flammant* (à coccineo alarum colore **the Phœnicopter**. Hujus exuvias rite conditas infertaque mihi dono dedit prænobilis juvenis, *D. Thom. Crew*, Eques auratus, *Baronis Crew* filius natu maximus, ex Academia Montpelienfi in patriam redux. Hic nobis candide notandus occurrit error quidam *Scaligeri* egregius. Is nimirum (*in Exercit. in Arist. histor. Animal.*) peculiares *Phœnicopteri* notas, quibus facillime à cæteris ex *Ardearum* genere volucribus distinguatur, satis prolixè describens; *crura* ei *brevissima*, curtosque pedes attribuit, his verbis. “*Crura* pedesque alis habet concolores, sed adeo breves, ut, cum in homine *Galenus* agnoverit longissimos, huic omnium quæ nota sunt nobis, *Animalium* brevissimos attribuere potuerit. Atqui *Avcin* hanc & cruribus & furis gradi *longissimis*, omnium quotquot seu vivam seu mortuam contemplati sunt, oculi confirmant. Et quis precor, ullam aliam ex *aquaticarum fissipedum & piscivorarum* classe volucrem unquam conspexit brevibus pedibus instructam? Certe nemo. Neque consentaneum est, ut quas Naturæ consilium

ad

ad pisces in stagnis & fluviorum vadis, non natando, sed grallatoriis veluti gradibus vadando, captandos destinaverit, eis crura concederentur tam necessario ad victum quærendum officio imparia. Adhæc, non aliunde fuit quam à proceritate crurum & colli, quod Phœnicopterus olim à *Juvenale ingens* diceretur, *satyra* II. Ad-dam quæ de eadem Ave refert *Gassendus in vitæ Pierescii lib. 3.* “*Va-*
“*rio* fartum obtulit ex linguis Phœnicopterorum; tametsi id per
“hyemem, quoniam ea sola tempestate aves illæ maritimæ ad Are-
“latenses paludes capiuntur. Parum aberat, quia eæ linguæ exæ-
“quarentur hœdinis: & quia tamen esca videbatur suavior, nihil
“pronunciavit *Varius*, neque divinavit, quousque *Peireskius* illud
“*Martialis* extulit,

Dat mihi penna rubens nomen, sed Lingua gulosis

Nostra sapit:—

“Rogatus subinde fuit de sapore carnis Phœnicopteri: excepit au-
“tem mirari se, cur illam *Apicius* apud *Plinium*, & Imperatores
“*Caligula*, ac *Vitellius* apud *Suetonium*, *Heliogabalus* apud *Lam-*
“*pridum*, & nonnulli alii tantis in deliciis habuissent. Esse enim
“eam injucundam, aut saporis certe non exquisiti, aquaticarum
“aliarum instar, cum etiam piscem oleat; unde à Provincialibus ut
“plurimum abjicitur, exuviæque solum sunt usui, in fastuosis con-
“viviis; carnibus aliarum avium obtegendis. Phœnicoptero mo-
“bilem esse mandibulam superiorem, primus adnotasse videtur *Car-*
“*danus*, idque verum esse comperit *Ol. Wormius in Musæo pag. 309.* ubi
capitis & rostri examen legere licet accuratissimum.

IV. ARDEA (ab arduo altoque volatu) ἑρῶδις. (quasi ἑρῶνιδος,
avis amoris & veneri propria) the Heron, aut Heronshaw. Quæ
est vel

1. *Cinerea major, the common, aut Ash-coloured Heron.* Est
etiam *Cinerea minor*, ab Hollandis, apud quos frequens visitur,
& nidulatur, *Quack* vocata, à voce obstrepera; & à Germanis
Nycticorax, i. e. *Night-raven*, quod nocte præsertim clamet
voce absona & tanquam vomituriensis, ut bene observavit cu-
riosissimus *D. Ray, in Itinerar. suo, pag. 38.* Avis hæc, prout à
Bellonio describitur, rostrum habet nigrum, concavum, oblon-
giusculum; lineam in fronte ab uno oculo ad alterum candi-
dum; in capite & dorso pennas versicoloreas; alas vero cine-
reas. Inter plumas verticem exornantes exoriuntur candidæ
quædam, longiores multo cæteris, exiles, aspectu jucundis-
simæ.

2. *Alba, Cochlearia, Plateola, the white, and spoon-bill'd He-*
E c ron,

- ron, aut *Shobeler*, aut *Whire-drumbel*. Est & alia *alba*, Italica *Garzetta bianca*, rostro longo, gracili, acutissimo.
3. *Garzetta* Italorum, *the Crvall*.
 4. *Egretta* Gallorum, *the Egret*, aut *red-legg'd Heron*.
 5. *Stellaris*, *Asterias*, *the Bittorn*. Quæ hoc sibi peculiare habet, quod *Aspera Arteria* in ea tota continua est, *Larynx* nulla. Unde vox ejus incondita, cui similes illi soni dicuntur, quos *βρυχὸς* vocat *Arist.* in *Problem. Sect. x.*
 6. *Squaiotta Italorum*, cauda brevi, pedibus viridibus, rostro luteo, in extremo nigricante. Apex capitis triginta plumis constat, quarum mediæ albæ sunt, extremæ nigricantes, in tergo pinnæ elegantes, coloris rubicundi, in suis radicibus albæ.
 7. *Falcinellus*, five *Falcata*, *the Scythe-bill'd Heron*. Avis magnitudine & tota corporis specie *Ardeam* referens, eleganti colore, viridi fere, alicubi puniceo admixto, capite & collo fusco, superior pars colli antè albicat, maculis nigris intercurrentibus. Rostrum ei oblongum, tenue, & antè falcatum; unde nomen obtinuit.
 8. *Nigra* Aldrovandi (à colore per totum nigro, collo unice excepto, quod albo torque circumdatur.)

V. AVIS PUGNAX (quia inter mares tanta observatur contentio, ut continuo pugnent, & sese mutuo occidant, donec cum foeminis numero pares evaserint: unde *Belgicis* vocantur *Keniperkens*, i. e. Angl. *the Duellists*,) *the Ruff*, si Mas sit (because in fighting they raise up their feathers on the neck, like a double Ruff) & *Keebe*, si foemina. Quotannis immenso numero ex Septentrione in paludes agri *Lincolniensis* advolant, & post tres menses discedunt, nescio quo. Octo ipsorum genera, seu formas potius, descripsit & depingi curavit *Aldrovandus*.

VI. PORPHYRION, (à colore ita dicta) avis galli magnitudine, colore cæruleo, rostro ad caput vehementius obstricto, phœniceo, longis cruribus, fissis pedibus; in quibus quinque digitos habet, & maximum illum, qui medius. Apud *Aldrovandum* duplex ejus exhibetur Icon.

VII. HORION, priori cognata, amatorio affectu flagrans, magnitudine *Herodii*, cruribus rubris, oculis cæruleis; sic à Musica instructa, ut naturæ munere suavissime cantet; sed nostris regionibus prorsus ignota.

VIII. HELORIUS, avis *Creci* persimilis, & forte eadem.

IX. LIMOSA Venetorum, quæ ad lacum *Verbanum Giralde*, circa *Neapolim Leverfina*, Germanis *ein Meer-han* dicitur. Arquata majori per dorsum est similis, maculis varia, tota parte pronæ, capite & collo præsertim.

X. BAR-

X. BARGE Gallorum, quam *Ægocephalum* facit *Bellonius*; the Goat-head. Avis *Helorio* minor, colore vero non abfimilis, rostro breviori, & recto.

XI. HÆMATOPUS, (à rubro crurum pedumque colore,) the Red-shank: in *Britannicis* littoribus admodum frequens.

XII. ALCYON, *Alcedo* (ὄρνις ἡ ἐν ἁλὶ κίεν) κίον, the Halcyon. Paucissimis, inter mediterraneos præsertim, nota est. Omnium rarissimum est, inquit *Aristoteles*, (*Hist. Animal. lib. 9. cap. 14. apud Scaliger. cap. 21.*) vidisse Alcyonem. Descriptionem ejus petere licet ex *Johnstons, de Avib. pag. 156*,

XIII. ISPIDA, Alcyon fluviatilis, vulgo Piscator Regis, the Kings-fisher. Cujus generis videtur

1. *Ispida* ex *India* allata, Regulum magnitudine vix superans: ut &
2. *Rousserolle*, seu *Roucherole* Gallorum, *Bellonio Alcyon Vocalis* (quia dies noctesque cantu absumit; tam seria, ut vacillet, totoque corpore tremat.) Inter reliquas voces has imprimis præferre videtur; *Toro tret, fuis, buy, tret.*

Fissipedes INSECTIVORÆ sunt

I. MORINELLUS, the Dotterel, (quasi *delirus*, ob delirantem stultitiam ita dictus. Hæ enim Aves imitatrices ad lumen candelæ pro aucupis gestu capiuntur; si is brachium extenderit, expandunt & illæ alam; si is tibiam, & illæ itidem: breviter, quicquid agit auceps, idem facit & avicula, donec reti obvelatur: ut scribit *Camdenus* noster in descriptione agri *Lincolniensis*.) Quæ stato tempore quotannis ingenti copia abundant in pluribus Angliæ locis; maxime vero in paludibus modo dicti agri *Lincolniensis*.

II. ARQUATA, Arcuata (ab arcuato rostro,) Numenius veterum (forte à *Neomenia*; quod rostri figura arcum Lunæ recens à novilunio crescentis in cornua repræsentet.) *Curlinus*, the Curlew. Cui inferior est

Arquata Congener, seu Minor, the Stone Curlew.

III. CREX, *Κρηγς* (à voce *Crex*, quam ingeminat.) *Turnero* nostro the Daker-Hen: Sed an recte, merito dubitari potest. Nam quænam avis sit, vix à recentioribus observatum est. Et *Bellonius* avem quandam circa Nilum visam, cruribus longis, rostro longo & nigro, nigris quoque tibiis & capite; collo, tergore, & pectore candidis; quæ è terra victum petit, & in mûscas debacchatur;

tur; & cum volat, magnum edit strepitum, *Cresem* veterum esse opinatur. Quod si verum sit, nullam talem habemus avem in *Anglia*.

IV. TOTANUS, *the pool-snipe*.

V. CHALIDRIS Bellonii, Fedoa, *the Godwitt*. Avis columbæ magnitudine, cruribus proceris adeo, ut equo insidere videatur; unde *Chevalier*, id est, Equitem, nominarunt Galli.

Hujus generis est

1. *Chalidris Cinerea*, *the Knot*; Italis *Gambetta* dicta; quæ in eunte jam hyeme adeo pinguescit, ut summis in deliciis habeatur eis, qui abdomini nati censum gulæ demergere gaudent. Nomen autem illud Anglicum *Knots*, deducit *Camdenus* noster à *Canuto*, Dano, Angliæ olim Rege; quasi *Cnute*, vel *Knut*: & deinde *Knot*: è Dania enim huc advolare creduntur.
2. *Chalidris nigra*, à *Bellonio* pariter descripta, nobis vero ignota; quamque proinde non eloqui est ore Anglico.
3. *Himantopus* (à flexilitate crurum) quæ eadem nobis videtur ex *Gesneri* descriptione, cum *Hæmatopode*, *the Red Shank*.

VI. GALLINULÆ AQUATICÆ, Glareolæ (quæ hoc commune habent, quod eis sit corpus gracile & adductum) viz.

1. *Chloropus*, Fulicæ corporis figura, & colore persimilis, *the Moor-hen*.
2. *Erythropus*, Ralla Aquatica, *the Runner*; *Redscanca* Turneri.
3. *Ochropus* (à colore totius fere corporis subviridi, sed fordido & obscuro sic dicta.) *Ardeola arenalis*.
4. *Holosericea*, (quod color ater in ea holoserici instar splendeat) *the Velvet Runner*, in agro Somersetenfi quondam, ad stagni ichthyophylatici marginem, à me occisa.
5. *Porzana* Italorum, à *Girardin*.

VII. SCOLOPAX (à rostri figura, quod instar *pali* longum & rectum habet; nam *palum* Græce *σκόλοπα* dicunt) *Rusticula major*, plerisque populis *Beccassa*, *the Woodcock*.

VIII. GALLINAGO, *Scolopax minor*, *molliceps* Aristotelis, *the Snipe*.

IX. TRYNGA, *Gesnero* Turdus Aquaticus, *the Water Thrush*: quam juxta rivulorum margines in agro *Warwicensi*, visam fuisse affirmat D. Dr. Merret, in *pinace rerum natural. Britan. pag. 183*. Trynga minor, *the Sand-piper*.

X. JUNCO,

ad pag.



Grus Japonica

3. *Grus Crispa*, the Curled feathered Crane, *Ardea stellari* perfimilis.

EXOTICÆ Rariores.

AD calcem jam perducto Avium in orbe veteri maxima ex parte .
degentium catalogo; istis subnectere visum est nonnullas ex
ingenti illarum numero, quas ceu rariores, & quamvis appellationi-
bus Latinis destitutas, scitu tamen nec indignas, nec injucundas,
F f 2 in

transposed pp 113/4
115/6

in *Novo* repertas describunt, qui de *rebus naturalibus Americanis*, seu propria, seu aliorum fide tractarunt. Hocque duplici quidem de causa. Primo, ne quid, quod ad *Onomastici* hujus nostri augmentum, aut *Tyronum* curiositatem aliquatenus facere censeatur, incuria segnitieve omisisse videamur. *Deinde*, quod ipsemet felicitatis eatenus particeps fuerim, ut haud paucas ex Avibus in hac quasi *Mantissa* mox nominandis, mihi vel in Augustissimi *Monarchæ* nostri, Serenissimique Domini mei CAROLI II. Ornithotrophis instructissimis, vel in Mercatorum, aliorumque è nostratibus, ex *America* in patriam denuo receptorum, *καμηλιόταμείοις* dudum cernere licuit.

Inter Exoticas TERRESTRES censentur

I. MANUCODIATA, *Apos Indica*, (non quod pedibus prorsus destituatur; nam nulla absq; pedibus in rerum natura datur avis, & nos hujusmodi aves vidimus cum pedibus fere palmum longis: Sed quod perpetuum volatum exercere eam falso creditum sit ab imperitis:) *Avis Dei Moluccanis*, & communiter *Avis Paradisi*, *the Bird of Paradise* (seu ob colorum venustatem, corporisque speciem: seu quod ubi locorum nascatur, unde veniat, quo se recipiat, ignoretur.) Cujus *quinque species* diversas tradunt depinguntque *Aldrovandus* & *Johnstonus*. Quibus omnibus id peculiare est; quod in cauda veluti fila quædam vel nervos obtineant, quibus facile arborum ramis se annexere & suspendere creduntur. Magni à *Moluccarum* Regulis fiunt, qui se, si illarum pennas portent, in prælio vulnerari non posse, etiamsi in prima acie steterint, somniant.

II. DAIE, (forte ab Hebr. *Dala*, milvus; quod a *Daa*, volavit) Avis magnitudine Columbam vix excedens, ova tamen anserinis majora excludens, (unde pulli citra incubantis parentis opem atque teporem nati statim avolant, sibi que prospiciunt) & esui expetita.

III. GUIT GUIT, avicula minima, Regulo similis, viridicolore, & suavi nutrimento. Nierembergio *Corvipeta* dicitur; quia ea est naturæ rerum vis, ut hæc tantula, & fere nulla avis audeat persequi Corvorum examina, eosque cogat ubilibet latitare.

IV. MAJA, cujus in colli postica parte caput, ventriculus, primumque nutrimenti receptaculum est. Gregatim in *Cuba* volant, & *Oryzæ* fata devastant. Extant avis hujus admirandæ exuviæ, integro cum capite, inter *rariora SOCIETATIS REGIÆ* Londinensis.

V. XOCHITENACATL, avis Columbæ par, in *America* arborum floridarum mellagine victitans.

VI. TUPUTA, avis insolentis fane naturæ. Nam viva tota vermibus

X. JUNCO, (quod in juncis libenter degat.) Gallis *Alouette de Mer*, i. e. Alauda Marina, **the Stint**, aut **Spar**, aut **Perr**.

XI. CINCLUS, *κύκλος*, & *βενόλιον* (quod armenta sequatur) Bellonio *Gallinago minima*, Belgis **Half Schnepf**, nostratibus **the long bill'd Wagtail**, & **Half Snipe**, aliis **Water Swallow**. Aliquibus in Gallia *Deux pour un* appellatur. Duæ enim hujus generis pretio unius majoris veneunt. Huic congenere duas ponit *Aldrovandus*, earumque Icones exhibet *Ornitholog. lib. 20. cap. 56*.

XII. MERULA AQUATICA, quam volantem in Cumberlandia à nobili Viro, Domino *Willoughby*, in dignoscendis avium differentiis in primis curioso, aliquando visam fuisse tradidit *D. D. Merret*, *pinace rerum natural. Britan. pag. 183*.

XIII. VANNELLUS, (quod alis, instar vanni seu ventilabri, commotis concussisque strepitum edat,) Germanis **Piwip**, Gallis *Dixhuiet* (utrisque à voce) nuncupatur: **the Lapwing**, aut **Bastard Plover**. Est columbæ magnitudine; *rostrum* longo, nigro. *Color* per totum dorsum viret, maculis quibusdam purpureis utrinque partim viridibus, partim cæruleis. *Extremæ* vero & longiores *alarum* pennæ nigræ; quæ inversæ atro splendent colore. *Venter* & *alarum* interior pars plumas habent albas. In *capite* crista plumacea nigra, oblonga, retrorsum tensa conspicitur. *Gula* ex nigrore splendet, ut & *caput* summum, cujus partes laterales sub oculis candidæ sunt, tantillum rubentes. *Cauda* sesquipalmum longa, candida, extreme nigricat. *Pedes* rubent, unguibus nigris, digitisque nulla membrana conjunctis, sed terrestrium more divisis. In *Essexia* est Insula quædam haud magni circuitus, quæ ab ingenti avium harum copia, eo præcise ad diem *Divo Georgio* sacrum advolante, nomen suum, **Soulness** nempe, hoc est *Avium promontorium*, sortita est: uti ex *Fullero* nostro notavit supra laudatus *D. Dr. Merret*. Huic Vannello Congener est

Capella, *αἴξ* *Arist.* (quod *capræ* similem vocem edat) vannello paulo procerior, sed corporis magnitudine inferior, pennis cæruleis, & altiori crista: in Cornubia nostra à Domino *Gunthorp* observata.

XIV. PLUVIALIS, Pluviarius (quia loca imbribus madida, & paludes frequentat) Gallis *Pluvier*, Germanis **Pluer**, Angl. **the Plover**. Quæ est vel

1. *Cinerea*, *Italica Montana*, **the grey Plover**, aut **stone-Plover**. Quam *Aristotelis Pardalium* esse credit *Aldrovandus* (*Ornitholog. lib. 20. cap. 65.*) tum quod tota fere sit *cinerea*; quod de *Pardalio* prodidit *Aristoteles*: tum quod maculata, unde *Pardalio* nomen.

2. *Flavo-virescens*, **the green Plover**, & **whistling Plover**,
F f (à voce)

(à voce *Huit, Huit*, sibilo, qui porrectis labiis edi solet, confimili;) quæ *migratoria* est: Æstate enim nulla apud nos cernitur, vere perpauca.

3. Huc refer illam, quæ *Pluvialis major* Aldrovando dicitur.

XV. CHARADRIUS, Hiatula, (quod circa fluminum alveos, & rivorum *hiatus* versetur.) Quænam avis sit ignoratur. Ictericos solo aspectu sanare multi produnt. Ponitur à D. Ray pro Alauda marina.

XVI. CERCIO, avis Indica, ad sturni magnitudinem accedens, variis coloribus picta, humanam vocem effingens, & Psittacis vocalior, & majori docilitate ac ingenio. Nomen habet ex eo, quod similiter caudam motitet, atque *Cinclus*. Forte an *Indian Mock-bird*, sed specie differens à *Mimo*, seu *Garrulo Indico*, supra inter Picas memorato.

XVII. PICA MARINA, avis Curlinum & corporis magnitudine, crurumque proceritate æquans, sed rostro prælongo ac flavo, ut & cruribus rubentibus, atque in tres tantum digitos sine calcaneo desinentibus pulcherrime insignita. Plumis pennisque Picam exactissime refert, unde apud nostrates vocatur, *the Sea-pye*.

Fissipedum HERBIVORARUM Classem complent.

I. GRUS (ab incondita voce, quam edit) Poetæ *Palamedis* avis (quod is, Trojano bello, quatuor literas, *φ. ξ. χ. ϑ.* ordinem aciei, & tesseras, à Gruibus didicisse dicatur) Græcis communiter *γέρανος*, (quod colore cinereo, & quasi cano, tanquam *γέρων*, appareat.) *the Crane*. Ejusque affines

1. *Grus Balearica*, Cirrhos in capite, more Pavonis, gerens. Qualis hodie solitaria spatiatur in *Vivario Regio*, Aulæ albæ vicino.

2. *Grus Japonensis*, quæ tota fere candicat, rostro, collo inferiori, pedibus & alis internis exceptis. Vertex capitis insigniter rubet, ac nigris maculis respergitur. Hodie visenda in Ornithotrophio Regio.

3. *Grus*

mibus farcitur. Hos (fædum nec minus mirum dictu) pro carne habet; his singula membra imbuta; præter hos & pellem nihil car-
neum. Cutim non perforant densis exornatam pennis. Uti ab *Hernando* habuit *Nierembergius Hist. nat. Exotic. lib. 10. cap. 14.*

VII. QUAPACHTOTOTL, quæ risum humanum æmulatur, indeque *Ridibunda* vocatur.

VIII. TENTZON TOTOTL, avicula Passere minor, colore fusco, pilis quibusdam ad rostri radicem circumcirca propendentibus, barbæ instar. Unde haud incongrue appellari potest idiomate nostro, **the bearded Sparrow of America.**

IX. TRITONUS Hispaniolæ (quasi *tribus vocibus* cantans) avis pulcherrima, & mirifico colorum ornatu variegata.

X. HOACTZIN, magnitudine Gallinæ, cristam gestans ex plumis è candido in pallidum colorem vergentibus, sed dorsum earum nigrum est. Anguibus maximam partem vescitur: unde à Nautis nostris nominatur, **the Snake-eater of America.**

XI. XOCHITOTOTL, quæ forma æmulatur Passerem vulgarem. Multicolor est penna, pallet, nigrescit, candet; partim quoque fusca est. Ex arboribus nidum construit pendulum, ubi incubat ovis. Unde, **the Hang-Nest of America** dicitur. Nidum hujus habet inclytiss. SOCIETAS REGIA, in Gazophylacio suo.

XII. AURA, aliis *Gallinassa*, aut *Gallinasso* (forte à magnitudine gallinarum pari) Peruanis *Suguntus*, Mexicanis *Tropillotl*: **the Parrat-beakt Crow of New Spain.**

XIII. GARAGAY, **the Mexican Kite, devouring the Crocodiles eggs.**

XIV. QUETZALTOTOTL, avis cristata, Columbæ magnitudine, Pavonis maxima ex parte vestita plumis: quæ maximi sane pretii apud indigenas habentur, & auri valorem superant. Unde Reginam plumarum dixeris, **the Queen of Tecolotle**, quæ una est è provinciis Mexicanis.

XV. DODO Lusitanorum, *Cygnus Cucullatus* (caput enim habet magnum, membrana cucillum referente tectum) rostro crasso, oblongo, parte capiti proxima subflavo, extremo mucrone nigro. Magnitudine Cygnum æquat, **the Dodo**, aut **Monk-swan of S. Maurice's Island.** Caput hujus cum rostro & cucullo cernere est inter rariora SOCIETATIS REGIÆ Londin.

XVI. CEOAN, seu *Avis Nivea*, Turdo viscivoro paulo major, & sermonem humanum æmulans, veluti irridens transeuntes.

XVII. POLYGLOTTA (quia omnes aves suavitate & arbitrio gutturi vincit, nullius non imitatur vocem, nullius non superat,) **the American Mock-bird.** Hujus generis duas nos *Regi* nostro *Augustiss.* dono transmissas ante quadriennium vidimus; quas A-

viarius ejus diu in una cavea, ad blanditias auditus, ac naturæ ostentum servabat; quovis cibo contentas.

XVIII. TOMINEIUS, Oviedo *Passer Mosquitus*, (quia omnium avicularum minima est. Cantharum cinereum magnitudine vix superans,) **the Humming-Bird** (à sono *Hur, Hur, Hur*, quem alis inter volandum perniciter vibratis concussisque edit.) Qui tantilli ponderis est, ut *Acosta* unum à se visum fuisse testetur, grana 24 tantum pendentem. Invenitur in montibus *Peruanis*, *Brasilia*, & *Nova Scotia*: melle, rore, & florum succo victitans, rosæ tamen nunquam infiltens. *Gomara* exspirare mense Octobri, pedibus ex aliquo ramo appensum aprico loco, renasci autem Aprili, scribit. Generis hujus quatuor me donavit Nobilis Vir, D. **Thom. Temple**, Eques Auratus, & hodie Regius *Novæ Scotiæ* Præfectus. Avicularum harum octo species diversas in *Brasilia* existentes recenset & describit *Georg. Marcgravius*, *Hist. Brasil. lib. 5. c. 4.* Aiunt pulverem ejus intra corpus sumptum *Epilepsiæ* mederi. Pennæ, præsertim quæ in collo & pectore sunt, aureis staminibus à Phrygionibus intexuntur, & maximo pretio venduntur.

XIX. CUNTUR, avis vasta mole, & quæ alis expansis 15 aut 16 pedes occupet; rostroque instuitur tam duro, ut eo vaccinum tergus perforet. Plumis albis nigrisque mixtis ornatur. Cristam parilem instar novaculæ, & non ferratam instar gallinacæ, gerit. Duæ illarum vaccam occidere & comedere valent; nec ab hominibus abstinere. Pauciores sunt. Plures si reperirentur, pecus universum in *Peruvia* destruerent. Species quatuor in *Insula Maragnana* occurrere scribunt *De Laet. Hist. Ind. Occident. lib. 16. cap. 13.* & *Lerius in Hist. Brasil.*

XX. JANDOU; *Struthiocamelorum* species, quæ proceritate staturam humanam superat: **the great Estridge of the Island Maragnana.**

XXI. TUCANA, *Thevetto Toucan*; avis magnitudine Picæ, flavo pectore, reliquo corpore nigro, rostro ingenti ad minimum palmum longo, extus flavo, intus læte rubente. Hujus caput & rostrum extat in *Soc. Reg. Londin. repositorio*. Cicurari ita aiunt, ut sub tecto pullos suos excludat.

XXII. PASSER STULTUS, (ex eo, quod manus apprehendentium nec fugiat, nec timeat; sed admiratur solum aut stupet) **the foolish Sparrow of Brasil.** Est tamen palmipes, & pisciculis vescitur.

XXIII. FUM HOAM, avis admirandæ pulcritudinis, quam ad Pavonum familiam proinde refert *Athan. Kircherus, in Chinæ suæ illustratæ p. 196.*

Inter EXOTICAS AQUATICAS feligantur


I. ANSER CHILENSIS, seu *Caput Nocturnum*, avis admirandi sane opificii. Assurgit enim illi à rostri exortu corona quædam, aut orbis in tres culpides divisus, superiori parte mediocriter crassus, & è luteo rubescens: ab anteriori alarum bini aculei contorti exeruntur. His armis avicula imbellis adversus fortiores defenditur. Nostratibus dicitur **the Spur-wing'd Goose of America**. Hujusmodi unus admodum cicur, & hominibus familiaris hodie degit in Vivario Regio, **St. James's Park** dicto: quem, quia dono accepit *Rex invictissimus*, à magnanimo illo Navarcho, & Equite Aurato D. *Roberto Homes*, ejus nomine insignivit.

II. TLAUQUECHUL, specie similis *Plateæ* aut *Pellicano*: sed coccineo pulcherrimoque universi fere corporis colore, aut ex albo rubescente, lato atque obrotundo circa finem rostro: **the scarlet spoon-bill'd Bird of America**. Vives duntaxat piscibus vescitur, mortuos non attingit. Circa littora maris, aut fluminum versatur.

III. GUARA *Brasilianis* dicta, quæ cum *Arquata* nostra figura & magnitudine plane convenit, sed colore prorsus differt. Tota quippe avis vestitur pennis elegantis coloris coccinei; remiges tantum alarum nigras habent extremitates. Colorem quotannis mutare dicitur. Nam primum exclusa coloris est nigricantis. Hiuc evadit cinerei, deinceps albi: Sensim autem rubescere incipit, & tertio ætatis anno coloris est in totum, quem *Columbin* vocant; quoque magis senescit, eo magis elegantissimum colorem coccineum acquirit. Victitat pisciculis, fluctibus maris in littus ejectis. *Brasiliani* è plumis hujus avis varia componunt corporis ornamenta, eaque magni æstimant. Hujus generis unam, quam **the scarlet Curlew of Brasil** vocavi, dono meo nunc possidet inclytis. SOCIETAS REGIA Londinensis: in cujus Musæo locupletissimo illam cuivis ex Curiosis contemplari liceat.

Præter pauculas has, quas ob supra dictas rationes *Catalogo* huic nostro inferendas selegimus, restant adhuc aliæ *Exoticæ* quamplurimæ; quarum nomina, descriptiones, & icones studiosus harum rerum Lector videre poterit in *Marcgravii Hist. Natur. Brasil. lib. 5. in Musæi Wormiani lib. 3. & in Johnstoni de Avibus lib. 6.* Dum nos ad *Quarti* ultimique *Generis Animalia*; *Pisces* nimirum, ex methodo in principio proposita, progredimur.

PISCES



P I S C E S.

P I S C I U M Differentiæ & Nomina.

Generalis AQUATICUM Divisio.

OMnia Animalia AQUATICA, sive in aquis degentia, sunt vel *Sanguinea*, vel *Exsanguia*.

SANGUINEA, Græce Νήκτα ἐν αἵματι (quod *natare* sit proprium Aquaticum sanguine præditorum,) *Pisces* Latine strictim dicta; varias sortiuntur differentias. Illustriores tamen ex nobis videntur, quæ desumuntur vel à *locis*, in quibus vivunt: vel à corporis *integumento*.

Pro *Aquarum* in quibus degunt *varietate*, *Pisces* sunt vel (1,) Θαλάττιοι, *Marini*, qui in aqua Marina, seu Salsa vivunt; (2,) Ποτάμιοι, *Fluviatiles*, qui in fluminibus; (3,) Λιμναῖοι, *Lacusæ*, qui in lacubus; (4,) *Marini simul & Fluviatiles*, qui in aquis tum falsis, tum dulcibus alternatim versantur; (5,) *Piscinarii*, qui in divitum piscinis potissimum aluntur; (6,) Τελματῆες, *Palustres*, qui in aquis desidibus, præsertim palustribus reperiuntur.

Tegumentorum ratione, quidam *Squamosi* sunt; quidam *Cute tecti*, eaque vel *Aspera*, vel *Levi*.

Præterea *Piscium* alii sunt ἀγλαῖοι, qui *gregatim* semper incedunt, ut Haleces, Sombri &c. Alii Σποράδιοι, qui *Solitarii* natant.

EXSANGUIA generalius dispescuntur in (1,) *Mollia*, seu *Molluscula*; (2,) *Crustacea*; (3,) *Testacea*.

Quoad Differentias minus generales; **MARINI** seu *Pelagii*, ut ab iis initium capiamus, sunt vel (1,) περσῆες, *Saxatiles*, qui inter saxa & promontoria vivunt; sive semper ibidem stabulentur; sive maxima ex parte, quandoque nempe excurrentes in alia loca, ut alimenta quærant: (2,) Αἰγιαλῶδες, *Littorales*, qui non in aquis profundis, sed circa Littora versantur: (3,) Πελάγιοι, *Pelagii*, in alto mari degentes.

Deinde *Pelagii*, habita tegumenti ratione, subdividuntur in *Squamosos*, & *Læves*. Cujus Divisionis habito respectu Pisces omnes, quos jam enumerare suscepimus, in suas distributos classes breviter percurramus: à *Pelagiis Squamosis* exordientes.

Modernorum Anatomicorum nonnullis constitit, in genere Piscium, in oculis humorem Aqueum vel nullum esse, vel certe per exiguum, (in *Thynno* certe, ac *Pelamide*, *Mustella*, & quibusdam aliis, nullus unquam inventus est,) vitreum vero copiosum. Contra autem in genere Avium, & Quadrupedum, nocturna illa animalia, veluti Bubones ac Feles, plurimum aqueo abundare, paucissimum vitreo. Item in Piscibus, humor Chrystallinus non lenticularis est, sed magis accedit ad globosam figuram; in volucribus vero minus.

Constitit etiam piscibus sanguine præditis rostrum superiori parte multis undique foraminibus pertusum esse; quæ compressa viscidum quendam & oleaginosum effundunt humorem. Unde in conspicuum se dat Naturæ solertia, quæ superficiem piscium quasi unxit, quo facilius obstantes aquas findant: in rostro vero copiosos esse voluit istius unctuosi humoris fontes, ut ipsa resistentis aquæ vis, cutim premendo, humorem unctuosum inde exprimat. De hac re videatur solertiss. *Nich. Steno*, in historiis *Canis Carchariae*, & *Centerinae* dissectarum.

Piscium Pelagiorum S Q U A M O S O R U M
Classis.

E *Pelagiorum Squamosorum* numero sunt

I. **A S E L L I** (ab asinino forte colore) ὄνοι & ὀνίσχοι. Quorum species sunt

1. *Asellus Major*, Hollandis Cabellian, Merlucius, quasi Maris Lucius; the Cod-Fish, aut Cod; in partibus Angliæ Borealibus, a Belling; in Occidentalibus, a Melwell vocatur. Exsiccatus osseam fermè duritiem contrahit, nec nisi fustibus prius verberatus coquitur: unde piscis *Fustiarius*, a Stock-fish dicitur. Sale autem inveteratus, & salugine abluta, & nova aqua elixus, *Laberdanus* nominatur, Haberdine, & Barrel-Cod. Folliculus

liculus ejus glutinosus Ithyopolis nostris appellatur the Sound.

2. *Asellus Minor* & *Mellis*, Romanis *Ficus*, Gallis *Merlang*, & nostratibus (ex argenteo colore) a *Whiting*; & si sole exsiccatus sit, a *Buck-thorn*.
3. *Asellus Niger*, sive *Mellis nigricans*, the *Coal-fish*, *Coal-Whiting*, (quasi *Carbonarius*:.) & Cornubiensibus a *Pollock*.
4. *Callarias*, *Galerida*, & *Galaxia*, piscis capitosus, Hollandis *Schel-fish*, Gallis *Merlucius*, the *Haddock*, aliis *Haak*, & *Poor-John*.
5. *Asellus Barbatus*, Ithyopolis Londinensibus a *Pout*.
6. *Molva Major*, Rondeletio *Asinus varius*, quia dorsum habet cinereum multis maculis nigris conspersum: aliis *Lingua*, fortè quia linguæ formam exprimit, the *Ling*.
7. *Molva Minor*, seu *Morhua*, the *Bozchuel*, cujus caro coctione propter humoris tenuioris consumptionem, glutinosior evadit, ut butyro immersa adeo digitis adhærescat, ut vix inde avelli possit. Intestina & folliculi *Ithyocollæ* conficiendæ inserviunt.
8. *Gobergus*, qui duorum cubitorum magnitudinem superat, & colore est cinereo, ventre falcato squamis tecto, ore medio ocri sine dentibus, oculis magnis, cauda in unicam pinnam desinente.
9. *Asellus Fuscus*, Merreto a *Hake*.
10. *Mustela*, Illyricis *Pegorella*, Bellonio Aristotelis & Galeni *Callaria*, Rondeletio *Asellus veterum*. Trium interdum palmorum est longitudinis, cruris humani crassitie, colore ex livido in opacum abeunte. Piscis est ex *Anguillarum* genere, longiusculus, crassus, capitosus. *Pelle* obscura aliquando subflavente, maculis & punctis innumeris, seu asteriscis, nigris & lutescentibus respersa. *Venter* albus est. *Pinnis* donatur senis, lividis, maculosis: 4 ad branchias sitæ sunt, & quidem majores duæ ad latera, reliquæ minores in imo ventre: duæ solitariae, una dorsi, altera ventris; ambæ à media fere parte ad caudam perpetuè excurrentes. *Podex* in medio fere ventre situs. A *Mento* apophyses pendent longiusculæ ternæ; binæ aliæ minutissimæ ad latus utrumque mandibulæ superioris, ceu vermiculi quidam, visuntur. *Oculi* cærulei, iride emicante aurei coloris. *Hepar* pallet maximum; cui jungitur *Fel* longiusculum, transparens, & instar smaragdi virens. *Lien* obscure rubet, triquetra fere figura, longiusculus.
11. *Tinca Marina*, (propter corporis cum palustri similitudinem sic dicta:) Italis *Pesce Fico*, (quod passus ficus instar mollis sit:) the *Sea-Tench*.

II. *HALEC*, (ab ἁλῆς, i. e. ἁλμυρὸς, *salsus*; quia pisciculus est ad liquorem falsamentariorum idoneus, ut *Isid. lib. 12. cap. 6.*) τάριχος, Germanis *Harengus*, Angl. the *Herring*. Qui hoc sibi peculiare habet, quod aqua extractus citissime moriatur; quia peramplam, pro ratione corporis, *Branchiarum* sortitur fissuram. *Britanniam* nostram immensis exercitibus circumnātant. Circa solstitium æstivum ex alto *Scotia* littora petunt: inde *Anglica* littora adeunt, & ab Augusto medio ad Novembrem à castro *Scarborough* ad *Thamesin* capiuntur. Postea aliqua vehementiori procella in Britannicum mare deferuntur, & in eo ad *Christi Natalitiæ* piscantibus se offerunt. Hinc *Hiberniam* utrinque pernatantes, in Septentrionalem oceanum, circumnavigata quasi *Britannia*, se transferunt: & ibi ad Junium usque occultantur. Postquam foetificavere, redeunt. *Haleci* est intestinulum rectum, & excrementis vacuum. *Harengus* infumatus, *Ruburnus*, a *Red-Herring* dicitur, à rubente ob fumum colore. *Haleces* muriatos crudos nonnulli pedibus *Podagra* infestatis imponunt, non infelici successu; præsertim si ortum habuerit ex pituita crassa seu congelata. Glutinosum enim humorem incidunt & attenuant, ac sua siccitate absument; congelatum vero dissolvunt, & dissolutum discutiunt.

Littora nostra, Autumno præsertim, frequentat & aliud *Halecum* dicam, an *Leucomenidarum*, an *Alosarum* genus, priori haud multum dissimile. Latinorum aliis quidem *Harengi* minores dicuntur, *Alosæ* minores aliis: nostratibus vero nomine *Pylchards* semper innotuerunt; nescio an ab Anglo-Saxonico *Pylce*, toga pellicea, & Belgico æræ, natura, à *cutis* scilicet *levitate*. De his *Camdenus* *nostrer* in *Britannia* suæ in folio editæ pag. 135. his verbis egit. “Uber-
“rimus etiam quæstus his (de *Danmoniis* seu *Cornwalliæ* incolis lo-
“quitur,) existit è pisciculis illis quos *Pylchardes* vocant, qui ma-
“gnis quasi examinibus littora à Julio ad Novembrem circumfusi
“capiuntur, exenterantur, saliantur, infumantur, conduntur,
“premuntur, & in Galliam, Hispaniam, Italiamque infinita mul-
“titudine exportantur, quibus sunt gratissimæ merces, & *Fumados* appellantur.

III. *LIPARIS*, (à pinguedine nomen invenit, quasi λιπαρὸς, quia sub cute pinguedinem loco carnis habet; & asservatus, totus in oleum abit: Germanis *Schmalz-fisch*. Hic *Capite* terrestrem cuniculum refert; ore est parvo quidem & edentulo, sed maxillis asperis munito. *Virgam* habet satis latam à capite ad caudam usque. Squamis contegitur exiguis. *Pinnas* ad branchias, & in ventre binas habet; aliam à podice ad caudam, aliam à cervicis loco ad eandem continuam, sine aculeis. *Cauda* in duas desinit. *Rondeletius lib. 9. c. 8.*

IV. *APER*

IV. *APER Rondeletii*, piscis squamosus, fere Rotundus, compressus, corpore præduro, & aspera veluti ac villosa cute prædita; rostro suis instar oblongo & obtuso, sine dentibus; aculeis præacutis, duris, longis & rectis. Cauda in unam pinnam definit. Iconem ejus tradit *Salvianus tabul. 31. The Sea Boar.*

V. *SCOLOPAX* (à rostro oblongo & rigido: Gesnero *Serra* Plinii, quod radium versus caudam ferratum habeat. the Snipe-Fish, or Trumpet-Fish.

VI. *Monoceros Clusii*, the little Unicorn; or Saw-Fish.

VII. *GLAUCUS*, (à colore cæruleo seu cyaneo: & ἰπὸλευκός: Hollandis *Meer Stichling*, Ang. the Sea-Stichling. Cujus apud *Rondeletium* tres species reperias; viz.

1. *Majorem*, Provincialibus *Cabrolle*, *Bicha*, & *Damo* dictum, tricubitalis quandoque longitudinis. Statim à capite aculeos habet; quorum duo, qui juxta caudam sunt, velut in vagina reconduntur. Ad branchias pinnæ aurei sunt coloris, & pro podice rimam potius quam foramen fortitus est. *Salv. Amiam* veterum esse credit.
2. *Minorem*, unde *Glaucidion* dicitur, qui septem aculeos in dorso, ad caudam spectantes, habet. A superiori branchiarum parte ad medium corpus linea tortuosa admodum dimittitur, hinc recta ad caudam protenditur. Provinciales *Liche* vocant, *Monspelienses Palamide* vel *Vadigo*.
3. *Sinuosum*, (sic dictum, quod linea à branchiis ducta, serpentum corporibus flexuosis gradientium instar, tortuosa sit,) cujus dentes sunt acuti, dorsum ex cæruleo nigrescit.

VIII. *HIPPURUS*, (seu a similitudine caudæ equinæ: seu quod equi more feratur & saliat:) ἵπποφάιν, à pinna, quæ à vertice incipit, in eoque veluti crista erigitur: *Gazæ Equilis*, Hispanis *Lampugo*; the Horse-tail-Fish.

IX. *REVERSUS Indicus Squamosus*, the Jagg-Fish with reverse prickles. Nomen inde accepit, quod *retractatus* venetur. Magnam Indis in venandis piscibus præstat operam. Tenui, sed valido funiculo alligatus, ad mare deferitur; blandis animatus verbis, in piscem conspectum, etiam magnum, emittitur, ejusdemque lateri seu ventri sese affigit. Sic extrahitur cum præda.

Pelagiorum LÆVIUM Classis.

E Pelagiorum *Lævium* numero sunt

I. THUNNUS, (ἀπὸ τῆς θύνης, quod est, magno impetu moveri, quia velocissimè natat: seu ab Hebræorum *Thannin*, quo Cetaceum piscem intelligunt: the Tunny-Fish. Cujus & varia nomina, pro diversitate ætatum; & historiam admirandam petas velim è *Johnstoni lib. de Piscibus, cap. 2.*

II. POMPILUS, (seu ὡς τῆς πομπῆς, à transvehendo. Fabulantur enim, *Pompilum*, hominem πορθμέα, portitorem, ab *Apol-line*, quod *Ocyrrhoen* puellam trajecisset, in sui nominis piscem transmutatum: seu quod navigantes in alto mari ad continentem usque comitetur:) aliis *Sacer Piscis*; quem *Rondeletius Pelamidi* similem, sed varium, squamisque carentem facit.

III. XIPHIAS, (à figura rostri ensiformi) *Gladius*; Alberto *Miles*, (quia gladio armatur:) the *Sword-Fish*. Ad decem nonnunquam cubitos accedere scribit *Rondeletius*. Victitat piscibus, quos rostri incursum interficit; nec prius comedit, quam spiculo prædam transfixerit. In Musæo Regio hodie asservatur *Gladius* hujus piscis tres fere cubitos longus, quem ego Regi Augustis. Dono obtuli.

IV. REMORA, *Echineis*, *Remeligo*, *Naucrates*, (quia naves in medio cursu remorari vulgo, sed falso creditur,) the *Remora*, aut *Ship-Walter*. De quo nihil certi occurrit, adeo Authores in diversa scinduntur, de ejus forma, magnitudine, & causa facultatis navigia retinendi.

V. CETORUM DUX, ἡγούμενος, ἡγέμων, ὁδηγός, nonnullis *Mysticetus*, aliis *Musculus*, the *Whales-guide*. Credunt enim Cetos hunc piscem in ducem habere, tum quod mole corporis oppressi tarde moveantur, & facilè in coenum, brevia, & angustias impingant: tum quod parum acute cernant.

VI. SERPENS MARINUS, *Aristoteli* ὄφις θαλάσσιος, *Hydrus*; the *Sea-Serpent*. Notabilis ipsorum quibusdam in locis magnitudo. Ejus ab *Æliano* traduntur in *Africa*, ut boves insectentur, & triremes apprehensas evertant. Circa *Norwegiam* 200 pedum longi visi sunt, tantas aliquando supra mare spinas erigentes, ut navis per unam transire possit; si *Ol. Magno* credimus.

VII. CONGER, ὀγγύς, (forte à γρῶ, quod est voro: piscis quippe vorax est:) *Rittershusio* ad lib. 1. *Halieuticor. Oppiani*, *Gryllus*,

lus; quibusdam (à corporis & coloris similitudine) *Anguilla Marina*; the *Conger*, & *Cornubiæ* incolis, the *Wiltel*.

VIII. OPHIDION, (quem *Salvianus* & *Bellonius* cum *Serpente Marino* confundunt,) *Oppiano* *Tragus*: Qui duorum est apud *Rondeletium* generum. Unum *Barbatum*, (quod gemina barba à maxilla inferiore propendente instructum sit:) Alterum *imberbe* & *flavum*, de cætero superiori simile.

IX. MURÆNA, (ὀφθαλμοὶ τὸ μύρειν, μύρεσθαι, quod præ pinguedine in summa aqua fluitent,) the *Murena*, Germanis *Mural* *Manlein*, si mas sit; *Mural* *Weiblein*, si foemina; item *Murenen*, *Morenen*. In tanto honore à *Romanis* fuerunt habitæ, ut iis magno sumptu Vivaria ædificarent, magno implerint, & tandem magno aluerint.

X. MYRUS, μύριον, a great Sea-eel, more like a Serpent, than the *Murena*.

XI. REVERSUS INDICUS ANGUILLIFORMIS, the *Eel-like* *Jagg* fish of *India*. Cujus usus est, sicut prioris; in piscibus capiendis. Modus piscationis describitur à *Petr. Martyre* lib. 3. *decad. Ocean.*

XII. TÆNIA, (à similitudine fasciæ & vittæ:) *Gallis* *Flambaux*, (quia flammæ modo, cum natat, movetur:) the *Swath-fish*: Cujus tres species recenset *Johnston. lib. de Piscibus. pag. 23.*

Pelagiorum CARTILAGINEORUM Classis.

CARTILAGINEI Pisces ii dicuntur, qui pro dorfi spina *Cartilaginem* habent. Græci χορδράγγα & χορδῆτυπα olim dixerunt. *Aristoteles* σελάχη & σελάχια primus, à splendore cutis, qua noctu lucent, vocavit. Nos autem communiter *Griffes*, *fishes* vocamus. Horum vero duo Genera constituuntur: Alterum *Longum* & *rotundum*: Alterum *Planum*.

Genetis PRIORIS sunt

I. CANIS CARCHARIAS, *Oppiano* ἀρπακτῆρ, (quia carne, & humana potissimum delectatur:) the *Shark*, or *Sea-hound*. Qui magnitudine Galeos omnes excedit. Inventus in quodam loricatus homo est. Alter currui impositus, vix à duobus equis trahi potuit. Hujus piscis caput accuratissimè dissectuit *Nich. Stenō*, & ad-

miranda in eo quam plurima notata descripsit in tractatulo singulari; qui proinde perlegi meretur à curiosis. Idem in inferiori ejusdem piscis mandibula tredecim dentium ordines observavit: quorum interiores inferiora versus recurvati, gingivarum sub molli & fungosa carne ita delitescabant, ut non nisi resectis gingivis in conspectum prodirent. Reperit etiam, Sclerodem oculi tunicam inter & interiorem ejus orbitam, *Cylindrum* quendam *Cortilagineum*, cui Musculi recti proxime incumbebant & affixi erant, quemadmodum in aliis Animalibus ipsum solent nervum opticum circumvestire: hocque fortassis eo solertissimæ Naturæ consilio factum, ne oculus non magnus in tam grandi orbita situs, nisi firmiori quodam fulcro substineretur, sine certa lege fluctuaret. Ad hæc pluribus experienciis, indeque deductis rationum momentis ostendit, eos à vero haud multum aberrare, qui *Glossopetras* illas, quæ pro lapidibus in terræ gremio sponte concretis vulgo exhibentur, revera non lapides, sed majores *Canis Carchariae dentes*, olim sepultos, esse arbitrantur. Id quod ipsa dentium horum forma suadere videtur; utpote quæ in omnibus cum *Glossopetrarum* figura convenit; ut utrinque plana planis, latera lateribus, basis basi quam simillima sint.

II. *Galeus*, (ἀπὸ τῆς γαλῆς, id est *Mustella* terrestri; seu quod corporis similitudine eam referat: seu quod quædam cum *Mustela* Pisce communia habeat, inter quæ jecur adiposum, in oleum resolubile:) *Mustelus* the Dog, or *Dogger-fish*. Corpore est oblongo & rotundo, cinereo; & à podice ad extremam usque caudam gracilescit. *Catuli* ejus *Aristoteli* τὰ σκύμνια dicuntur; *Hinnulos* vertunt nonnulli. *Species* ejus sunt

1. *Galeus Lævis*, (à cutis lævore sic dictus:) Romæ *Pesce Columbo*, the smooth-skinned Dog-fish, Cornubiensibus a *Plusher*. Vix ad 20 libras pervenit.
2. *Galeus Asterias*, sive *Stellaris*, (quia dorsi maculæ stellarum speciem referunt:) *Pardalus Marinus* (quia maculatus:) the Sea Panther.
3. *Glaucis*, (à colore dorsi, qui cæruleus est:) the blew-back Dog-fish. Qui est quatuor aut quinque cubitorum magnitudine; rostro acuto; ore in supina parte posito.
4. *Maliba*, bellua Marina, à *Cane Galeo* nihil differens, nisi quod alba oculorum macula destituatur; & rostro brevi sit, dentibus latis & acutis.
5. *Galeus Acanthias*, *Mustelus Spinax*, Scaligero *Mustelus Spinus*, (quia aculeis præditus est.) *Æliano* *Centrine*; the prickly Hound-fish. Nunquam 20 libras implet. Nonnullis dicitur *Dog-fish*.
6. *Vulpecula Marina*, (vel à caudæ longitudine, vel insuavi ingratoque

gratoque gustu, vel ab astu ingenioque nomen sortitur,) *the Sea-Foxhound*. Piscis est aliquando ad centenas libras ex-
crescens.

7. *Simia Marina*, (quia Simiæ terrestri tum colore, tum facie
similis: in hoc tamen differens, quod varie distinguatur,
cervicemque & branchias ruffas habeat:) *the Sea-Ape*. Reperitur
in mari rubro, & Oceano Germanico.

III. *ZYGÆNA*, (à capitis figura, qua τὸ ζυγὸν imitatur, quo
transversum librile, ex quo lances dependent, significatur, no-
men obtinet:) *the Balance-Fish*. Massilienses *Piscem Judæum*, à
similitudine tegumenti capitis, quo olim Judæi in Provincia ute-
bantur, dicunt. Pisces obvios & homines natantes frontis suæ acie
subvertit; & Leoni, quoad vires, ab *Oppiano* opponitur. Occur-
sus ejus olim navigantibus habebatur infaustus.

IV. *MOLA*, (seu quod informem molam repræsentet; seu quod
rotunditate corporis molæ molendinariæ similis sit, ut *Rondeletio*
placet;) apud Massilienses *Luna* (vel quod extrema corporis
parte, quæ pinnis subest, crescentis figuram referat: vel quod
demptis pinnis toto corpore plenæ instar sit.) *the Molebut*. Piscem
hunc admirabilem *Rondeletius* exhibet pro illo quem veteres *Ορθα-
ροίσκον* vocarunt, (forte ob similitudinem quandam *Porci*: nam *La-
cedæmonii* lactentem porculum, *Ορθαροίσκον* nuncupabant, quod
mane prostarent in foro vanales: & hic piscis, cum capiatur, *grun-
nirè* etiam, Porcorum more, solet:) & hunc in modum describit.
Piscis est maximus, longus, latusque, ovali prope figura. *Cute* in-
tegitur aspera, argentei coloris. *Ore* est parvo, *dentibus* latis, con-
tinuisque. *Oculis* parvis & rotundis. Pro *branchiarum* scissura fora-
men est in medio circuli, veluti centrum. Ad *branchiarum* fora-
mina *pinnae* sitæ sunt breves, rotundæ ac latæ; ad sursum deorsum-
que impellendum corpus: & prope caudam aliæ duæ, altera in
dorso, altera prope anum; quibus corpus dextrorsum sinistrorsum-
ve movetur. *Cauda* crescentis *Lunæ* figura est, superiore inferiore-
que parte articulata est, ut tum in dextrum, tum in sinistrum latus
moveatur, iterque dirigat. *Caro* hujus cocta, glutinum ex tergo-
ribus Boum confectum refert. In Cornubia *the Sun-fish* nomina-
tur.

Posterioris sunt

I. *TORPEDO*, *νάρκη θαλάσσια* (quasi stupefaciens) *the Torpedo*, aut
Cramp-fish. *Venetis*, ne in foro piscario vendatur, Præfecti sani-
tatis auctoritate cautum est: *Genuæ* tamen, *Massiliæ*, & alibi, à te-
nuioris fortunæ plebe esui expetitur.

c *

II. *PASTI-*

II. PASTINACA Marina, (quod radio suo, ceu pastino, instrumento fossorio, fodiat & pungat:) veteribus *Aquila Piscis*; the *poysen Fish*, the *Fire or fierce Flaw*, (quia radii ejus venenum ignis instar ictos adurit:) & the *Cat-Fish*.

III. RAIJA, (forte à *radendo*, spinas quippe gerit, maxime in dorso; Βάτος & Βάτις (à *rubi* quem βάτον vocant Græci, similitudine:) the *Thorn-back*. Genus est piscis *plani & cartilaginei*, in tergo & cauda longas *Spinas* habentis. *Carnivora* est, & in locis victitat cænosis, nec longe à littore. *Genitale* fæminæ, simile muliebri est. *Coeunt*, non solum admotis mutuo partibus Supinis, sed etiam tergo fæminarum supinis marium suppositis. His t. fæceum ovum unicum tribuit *Arist.* quale revera habent. *Fætum* igitur unum, aut ad summum duos uno partu edant; quod verum est: sed præter unicum illud ovum testaceum, aut duo, quæ jam perfecta in inferiore vulvæ parte cernuntur, ex dissectione comperit *Rondeletius* permulta alia, & fere infinita in Superiore vulvæ parte (in *Ovario* nempe) haberi, quæ tempore perficiuntur, ex quibus sæpius iteratis partibus, fætus excluduntur; *ἑὶς καὶ ἑνὰ*, unus & deinde unus, suo quique tempore. Atque hæc miræ *fæcunditatis* causa est eadem quæ in *Gallinis*, ut quotidie experimur, quæ unicum ovum unico partu ponunt, cum plurima alia in utero gestant, quorum singula deinceps, ut prius absoluta fuerint, ita prius eduntur. Ova primum sine testa concipiuntur, in superiore uteri parte; quorum alia Gallinæ Ovorum magnitudinem æquant; alia his minora sunt, quædam vix ciceris sunt magnitudine. Affirmat *Rondelet.* se plura centenis aliquando in Raiis singulis numerasse. Et sane tale est in testa sua Raiarum ovum, quale Gallinarum, & avium omnium initio.

Hujus Species sunt

- I. *Raia Lævis*, λειόβατος, *Læviraja*, (quia cutem habet ab aculeis nudam:) *Mucosa*, (quia muco scatet:) & (à lata fascia, qua mucus, seu potius Coryza in laborantibus excipi solet:) *Bavosa Romanis*: the *Scate*, or *Homelyn*, & obsceno nomine *White-Cunt*, & *Flare*. Sunt qui *Rasam* vocent, à cute undique (excepta media dorsi linea, & cauda) glabra. *Ventriculus* huic generi parvus est, *ecphysis* gracilis & dura. *Intestina* brevia quidem, sed crassa. *Hepar* rubescit, in quo *fel* latet. *Rima* pro podice est, pudendo muliebri non absimilis. *Raiæ* omnes odorem ferinum, & marinum quendam fætorem exhalant, qui in diutius servatis fere evanescit. Unde fit, ut longa vectura tenerescant, & suaviores efficiantur. Hyeme etiam minus insuaviter olent, observante *Rondeletio*.

2. *Undu-*

2. *Undulata*, (à maculis undarum more flexuosis) the waded Scate.
3. *Oculata*, Gallis *Miralet*, (à speculorum parvorum similitudine; maculas quippe habet rotundas, & ad oculorum formam aliquatenus accedentes:) the Scate with spots like eyes.
4. *Oxyrinchus*, (à rostri acumine,) the sharp-snouted Scate. Quæ est *Major* & *Minor*.
5. *Asterias*, *Stellaris*, (à maculis stellatim dispositis:) *Aspera* (quia tota horret aculeis:) the starry Scate full of prickles.
6. *Clavata*, Gallis *Raje Bouclier*; Massiliensibus *Clavade*; the Scate with large pricks like nails.
7. *Spinosa*, Gallis *Cardaire*, (quasi *Lanifica*, à spinis seu aculeis, quorum multi infixi sunt instrumentis, quibus lana carminatur:) the Card-scate.
8. *Fullonica*, (quod in toto corpore frequentissimis aculeis conspersa sit, ad modum instrumenti illius, quo *Fullones* pannos poliunt:) the Fuller-Scate.
9. *Asperrima*, à præcedente eo tantum differens, quod in supina etiam parte tota aculeis peracutis ita horret, ut manu tolli non possit, nisi pinnulis cauda apprehensis.

IV. RANA PISCATRIX, βατραχὸς θαλάσσιος, the Monk, Toad, Bass, or Devil-Fish, or Fishing-Frog. *Rana* nomen ex eo forte meruit, quod *Gyrinos* sive ranulas recens ex ovis exclusas & imperfectas (oculis quidem & cauda notabiles, sed quibus postea demum accessuri sunt pedes & caudæ fissura) referat; à venandi autem solertia *Piscatrix* dicitur. Quippe inter saxa se recondens, aperto immani rictu, mentitum in Musculi cujusdam, ceu Cirri instar fili subtilissimi, ex nasi ejus pinna deducti extremo vermiculum in fauces suas conjicit. Quo viso, pisciculi ceu ad escam accurrunt, rictumque cavitatem alicujus saxi reputantes, subintrant. *Piscatrix* vero, retracto qui vellicatur hamo, orisque rictu clauso, totum pisciculorum gregem devorat. Internam ejus constitutionem si spectes, nihil non admirandum videbis. Omnia quippe viscera singulari quodam, & à cæterorum non solum planorum Cartilagineorum, verum & Animantium omnium aliorum more recedente artificio fabricata sunt: quemadmodum egregie ante biennium publice demonstravit Excellentiss. Vir, D. Georgius Entius, M. D. & Eques Auratus, in *Prælectionibus* suis *Anatomicis*, coram Augustissimo Rege nostro, in Celeberrimi Medicorum Londinensium Collegii Theatro, non sine summa Auditorum admiratione, habitis. Quas nimia Auctoris modestia hætenus suppressit, haud exiguo Artis Apollinæ (quam tamen scriptis suis eruditissimis alias plurimum auxit ornavitque) detrimento. Sed sperandum est, eam

Literatorum continuo iteratis precibus aliquando iri superatum. Interim observatu dignum est, hunc piscem adeo *venenatum* esse, ut nisi à folliculo fellis probe liberetur, ejus particula vel ciceris magnitudine assumpta, tam horrenda symptomata inferat, ut mox ægro caligent oculi, mens vacillet, lingua tardescat, membrorum tremor, sudorque frigidus subsequatur, facultates omnes resolvantur & fileant, moxque veneno extinguantur. Sed benigna mater natura, præsens ac facile remedium huic pesti opposuit; *Cancros* nempe marinos: quorum unus contusus, & cum vino propinatus, malo medetur.

V. SQUATINA, *Squatus*, (à squamis acutis:) *ῥῖν*, (à nasi acumine:) *Lima*, (quia cutis ejus aspredine lignum & ebur poliuntur.) Germanis *Beer Engel*; Ang. *the King Stone, & File Fish*. Massilienses, Galli, Ligures *Angelum* vocant, (à similitudine *Angeli* cum alis expansis picti:) Veneti *Squaquam*; alii *Squaia*, alii *Squadram*; Burdegalenses *Creac de buch*. Media inter Mustelos & Planos à *Rondeletio* ponitur. *Magnitudine* ad centum sexaginta libras nonnunquam excrescit. *Coloris* est prope cinerei ad fuscum vergentis: cute asperrima; supine alba & lævis. *Os* prima parte positum, brevibus sed acutissimis, iisque aliter quam in aliis piscibus dispositis dentibus munitum. *Maxillarum* ossa in angulum obtusum desinentia: in *lingua* extrema carneum tuberculum. Ex superioris maxillæ extremo, quod cute non contegitur, *Apophyses* duæ, in alias divisæ demittuntur. Post oculos, qui in superiore capitis parte, ad latera parvi, *foramina* ad os usque patentia visuntur. *Pinne* utrinque binæ sunt, & utraque in lateribus. *Cauda* longiuscula in aliam pinnam lunatam definit. Bis in anno *parit*, Vere nimirum & Autumno: singulis fœturis septena aut octona ova excludens. *Ova* exsiccata sistendo alvi profluvio profunt: & oleum ex hepate ad hepatis duritiem confert.

VI. SQUATINO-RAIA, *ῥινόβατος*; piscis ex *Squatina* & *Raia* promiscue coeuntibus procreari creditus: parteque priore *Raiam*, posteriore *Squatina* referens.

VII. LAMIA, *ῥῶδ' τῷ λίμῳ*, à gula, seu à voracitate insigni:) quæ, judice *Rondeletio*, eadem est cum *Cane Carcharia*.

VIII. LUMPUS Anglorum, (quasi massa informis,) *the Lump*. Piscis est marinus, littoralis, pedalem mensuram paulo excedens, ubique fere subrubens, sine squamis, crassus; dorso fere triangulari, tuberculis cutaneis sparsim quasi asperatus; in nostris iethyopoliis frequens, sed à divitibus raro emptus. Pleniorē hujus descriptionem tradidit *Turnerus* noster, ad quem proinde curiosiores remitto.

IX. GIBBOSUS Piscis, *νωτίδα*, *Hoger Lump* Germanis, the *Bunch-back Lump* Angl. In hisce Cartilagineis, ut Raia, Pastinaca, Canicula &c. in Ovario bina duntaxat ova simul maturantur, & utrinque à dextro & sinistro cornu descendencia, in utero inferiore foventur, excluduntque fœtus vitales, ut viviparis contigit: in Ovario tamen infinitus pene ovorum numerus, diversarumque magnitudinum reperitur; observante *Harvæo*, de *gen. Anim. exercitat.* 3.

Marinorum Saxatiliū S Q U A M O S O R U M
Classis.

Absolute Pelagiorum Elencho, sequuntur *Saxatiles*, & primo *SQUAMOSI*. *viz.*

I. *SCARUS*, (quod inclusus nassis, crebris caudæ ictibus, qui *σκάριμοι* seu *σκάρισμοι* vocantur, aversus fores laxat, & ita retrorsum erumpat:) *Meyrix* quoque seu *Ruminax*, ut *Scaliger* vertit, (quia latis utriusque maxillæ dentibus solus è piscibus *ruminat*;) the *Cud* aut *Chewing-Fish*. Cujus duo sunt genera. *Unum*, quod *ὄνις*, (quod asino concolor sit,) Germanis *Peer Brachsman*, dictum est. *Alterum*, *Ἰόλ*, (quod varii coloris sit:) Utrumque à *Bellonio* & *Johnstono* fuscè descriptum.

II. *TURDUS*, (quia macularum varietate Turdum avem æmulator,) the *Sea-Carp*. Cujus duodecim genera ab *Aldrovando* notantur: quorum nonnulla apud nos reperiuntur, inquam plurimis *Cambro-britanniæ* locis, & prope Insulam *Anglesey* dictam; ut scribit doctiss. *Merretus* noster, ex observatione vere generosi Viri, *D. Willoughby*. Cornubiensibus *Old-wives* dicuntur, & *Wasses*.

III. *PAVO Salviani*, (quia Pavonis avis more, variis coloribus depictus est, & corpus ejus fere totum inæquali varietate virescit.) Romæ *Papagalo*, à Lusitanis *Budia*, Germanis *Peer Pfaw*, Angl. the *Peacock-Fish*. Solitarius est, & sæpe singuli capiuntur: verno inprimis & autumnali tempore. Forte quod æstate ob caloris hyeme, ob frigoris impatientiam in alto mari lateant. Ignobilis inter cibos censetur. In Cornubia nostra *Cuckow-Fish* dicitur.

IV. *LEPRAS*, seu *Psorus*, (quod iisdem tectus sit fugillationibus, quibus, qui lepra & psora laborant, deformantur:) the *Leaper-Fish*, aut *Cunner*. Qui ex *Turdorum* genere videtur.

d *

V. M E

V. MERULA, ὡσιφ & ὡττυφ (à colore ejus ex Indico & Caruleo in nigrum tendente) Bellonio piscis *Aspratilis*; Venetis *Tinca Marina*; a sort of Sea-Tench, distinguished from the rest by his deep blew colour. Hoc unum in ejus *Anatome* dignum memoratu occurrit; quod cum hepar habeat album, in duos lobos grandes divisum, *Fel* tamen exerat tenui vasculo inclusum, & revolutionibus duplicatum; cujus longitudo est sesquipedalis. Piscis *Merula* meminit *Merretus* noster, olim à *Turnero* visi in littore Angliæ occiduo, & à Piscatoribus illic vocati, a *Cook* Fish.

VI. JULIS, *Synesio* ἰελός, aliis *Jurella*, & *Jura*; the Sea-Hunkerlin, aut Rainbow-Fish, (quia tanta in tergore colorum varietate insignis, ut in eo iridem utrinque depictam videas.) *Rondeletio* digiti non excedit magnitudinem. Os *veneno* refertum habere, & in piscatu Urinatores & Piscatores pertinacissimè persequi, eorumque sanguinem appetere; clare ab *Oppiano* & *Æliano* affirmatur. Aegris tamen in albo jure elixari, sanis in sartagine frigi & asfari, prodidit *Salvianus*; forte amputato prius capite.

VII. PHYCIS, (quod in Musco marino, φύκ & βρύον ἐρυθρὸν θαλάσσιον *Neophyto* & aliis nidificet:) *Salviano* *Percia* (ob magnam cum *Perca* marina similitudinem.) Cujus non unum genus esse ostendit *Bellonius*. Vidisse enim se fuscis, rubentes, virides, πολύχρους testatur. Idem esse videtur cum pisce *Ficu Romæ* (quod passim ficus instar, carnis sit mollissimæ & succi plenæ,) vocato. *Hippocrates* 2. de vict. rat. inter pisces raram & levem carnem habentes recenset; eumque viri mulierosi, seu ἀνδρὸς δηλύφρον & ἐπωθυμίαν & cognomentum à piscatoribus ferre innuit.

VIII. PERCA marina, (nomen à *Colore*, quem Græci περὴν dicunt, sortita est:) γραμματοίχιλ *Aristoteli*, (quod transversis per tergus lineis conspergatur; quæ nota est ipsi cum paucissimis piscibus communis.) the Sea-Perch.

IX. CHANNE, *Hiatula* (quod mandibulas ita constitutas habeat, ut perpetuo, nedum moriens *hiare* videatur: unde *Epicharmus* μεγαλοχάμμονας vocavit.) the Gaper, aut Gilt-Fish. Huic tantam cum *Perca* similitudinem tribuit *Bellonius*, ut pisces pene eosdem esse credas, & pro iisdem vendantur. Hoc unicum in hujusmodi piscium historia memorabile occurrit; quod nullum *sexus discrimen* in eis deprehensum sit. Omnes enim Vulvas habere traduntur, & omnes ovis capiuntur gravidæ. Rem ita se habere, ex plurimarum sectione *Rondeletius* didicit; inusitatumque hunc conceptum ingenti horum piscium fecunditati causam assignat.

X. HEPATUS. (à colore & magnitudine Hepatis,) the Liver-Fish; Germanis Leber Brasmen: piscis *Pagro* persimilis.

XI. MELANURUS, (quasi *Nigricauda*, à caudæ nigredine:) *Athenæo* Μελανόγραμμο, (quod nigræ lineæ latera ejus pingant.) *the Black-Tail*. Palmi magnitudinem aliquando superat; nec amplius quam unam vel sesquilibram pendit. Quem *Aldrovandus* depingit, totus ex cæruleo amethystinoque nigricat, præter squamarum extremitates, caudæque initium; quæ auro resplendent; pinnae nigricant. Uropygium supinum caudicat, pronum intense violaceum, & velut nigram maculam constituit. Germani *Brand Blasmen* vocant.

XII. ALPHESTES, (ab inveniendo, nescio quare, dictus:) *Cynædus*, (quasi præposteræ libidinis studiosus. Ferunt nempe, semper binos capi, & alterum alteri ad caudam comitem videri.) *Belgis* *Stein-Fish*, id est *Angl. Stone-Fish*. Similis est *Pischi*, quem *Lusitani* *Salmonetam* vocant: Sed pedalem magnitudinem raro excedens.

XIII. CORACINUS, *Corvulus* & *Graculus* *Gazæ*: *Salviano* *Corvinus*, (seu à colore nigro; seu quod τὰς ὀφθαλμοὺς, pupillas moveat,) Germanis *Meer Rapp*, & *See Rapp*; *Angl. the Crow-fish*. *Salvianus* duplicem dedit; *Unum*, qui *Romæ* simpliciter *Corvo* & *Corveto* dicitur: *Alterum*, qui *Corvo de Fortiera* ibidem nominatur, & *Niger* jure merito, ut prior *Albus* (quia multo minus nigricat) censendus est.

XIV. EXOCÆTUS, (quod in littore, seu sicco dormiat; nam in littore *Monspelim* stertentem sæpissime vidit *Rondeletius*;) *Adonis*; *Angl. the Sleeper*. De quo vide sis *Scaligerum Exercit.* 73.

XV. SCIÆNA, *Umbra*, (seu à colore umbroso: seu à lineis quibusdam obliquis, à dorso descendentibus aureis & obscuris, quæ aliarum apparent umbræ.) Germanis *Meer Schatten*. *Piscis* est *Cetaceus*, 60 plerumque librarum, quatuor plus minus cubitos longus.

XVI. GLAUCUS *Bellonii*, *Genuensibus*, apud quos frequens est, *Fegarus*; *Venetis* *Corbettus*: idem fotte, quem piscatores nostri *Sea-Blewling* vocant, à cæruleo dorso colore. In *Cornubia* *Blew-Shark* appellatur.

XVII. ANTHIÆ, *Callionymi*, (à pulcritudine:) quorum ab *Oppiano*, *Rondeletio*, & *Aldrovando* quatuor ponuntur genera.

XVIII. GOBIUS, *Gobio*, & *Cobio* marinus, *the Sea-Gudgeon*, aut *Pink*; & *Cornubiensibus* *Rock-Fish*.

XIX. SPHYRÆNA, (à σφύρα, quod stimulum, aut stylum, item teli quoddam genus bello Persico inventum significat:) Latinis *Sudis*, Romanis *Lucius Marinus*, *the Sea-Pike*, aut *Spitt-Fish*.

XX. *Acus*, the Needle-Fish, Horn-Fish, Gar-Fish, & *Cornubia* incolis, an Old Wife (forte ob summam corporis gracilitatem, rostrumque longum & acuminatum.) Duplex est, *Major*, & *Minor*. *Major* a *Girrock* vocatur: *Minor* a *Skipper*.

XXI. *Faber*, (seu exinde, quod omnia instrumenta Fabrilia in eo reperiuntur, teste *Salviano*: seu propter multiformes dorsi ac ventris aculeos, atque varia capitis ossa, quibus Fabrilia instrumenta repræsentantur:) Romæ *Citula*, Liguribus *Rotula*, Hollandis *Gallus Marinus*, & *Meer Schmidt*; Angl. the *Dozee*, aut *Dozy*. Credunt nonnulli illum ipsum esse piscem, cujus ex ore *Div. Petrus*, jussu *Domini*, desumpsit monetam ad solvendum *Cæsaris* tributum.

XXII. *Petimbubba*, Tobacco-Pipe-Fish.

Saxatilium LÆVIUM Classis.

SAxatiles LÆVES sunt

I. ALAUDÆ	{ Cristata	} Germanis Meer Lerch.
	{ Non-Cristata	

Angl. *Sea-Larks*, ob macularum cuti earum, confimili pene modo inspersarum ac *Alaudæ* avis pennis, similitudinem ita dictæ. Ad quas pertinere videntur (1,) *Piscis Gutturatus* (à magno gutture) dictus, Germanorum *Dick-hals*, id est Angl. *Thick-neck*: (2,) *Pholis*, (à muco, quem emittit, sic nominatus:) Germanis *Schleim-Lerch*, id est Angl. *Slimy-Lark*: & (3,) *Scorpoidea Rondeletii*, (quod capitis forma Scorpioni marino similis sit:) Gallicis *Lepus Marinus*, (quia rostrum terreni leporis περιτομήν sive fissuræ admodum simile habeat.) Quos omnes clare describit *Johnston. lib. de Piscibus* 1. cap. de *Alaudis*. Quæ omnes indiscriminatum à *Cornubiensibus* *Pulgroncks* vocitantur.

Littoralium Squamosorum NON-PLANORUM
Classis.

Piscium, qui circa *Littora* versantur, alii *Squamosi* sunt, alii *Læves*: Squamosi rursus *Non-Plani*, & *Plani*.

E NON-PLANORUM censu numerantur

I. **MULLUS**, (seu à mollitie; est enim carnis teneræ: seu à colore Mulleorum calceamentorum, quibus priores Albanorum Reges, postea Patricii usi sunt:) *τριγλη* (quod ter pariat foemina uno in anno:) qui est vel

1. *Mullus barbatus major*, Romanis (servatō fere ad literam Græco nomine, *τριγλη*) *Trigilia*, Massiliensibus *Triga*, Venetis *Barbone*, Burdigalensibus *Barbeau*; Gallis *Rouget*, *Barbet*, & *Surmullet*; Germanis *Grosser Kottbarr*, id est Anglice *Greater Redbeard*; Anglis *True Bullet*, & *Surmullet*. Piscis squamosus, omni ab ævo, & ubique fere gentium in Europa summi honoris. Os parvum habet, & edentulum. Duo *cirri* cutanei, molles, rotundi, longi, barbæque similitudinem ferentes ex inferiori labro dependent. *Capite* est repando, & rostro fere carente. *Oculos* habet mediocres; *branchias* utrinque quaternas; ac binas utrinque pinnas, ad *branchias* scilicet utrinque unam; & alteram unam utrinque etiam in ventre: in dorso itidem duas, priorem cervici, posteriorem caudæ proximam: & rursus aliam unam à podice imo ventri affixam. *Cauda* vero in lunatam pinnam degenerat. Totius piscis figura oblongiuscula est, venter satis planus, & dorsum repandum. *Ventre* præterea est albo, reliquo corpore purpureo. *Ventriculum* rotundum habet & parvum, cum quamplurimis appendicibus: *intestina* mediocria, *hepar* subrubrum, *fellis* vesicam admodum exiguum, *Splenem* quoque exiguum & subatrum. *Ova* ter in anno parit; cuius rei eo argumento utuntur Piscatores, quod ejus partus ter quotannis in locis quibusdam parvus videatur; idemque testantur *Ælian.* & *Oppian.*

Accipiunt Trigla terno cognomina partu.

Piscis *Gregalis* est, *carnivorus*, vorax, omnia sibi obvia promiscue invadens, comedensque; neque etiam Lepori marino, cujus caro cæteris omnibus piscium generibus lethalis esse perhibetur, parcens. *Nutrit* certe, cum probe confectus fuerit, omnibus aliis piscibus copiosius. *Salvianus*. Percussis à *Pastinaca* marina *Mullus* medetur, si recens divulsus imponatur. *Dioscorid. lib. 2. c. 23.*

2. *Mullus barbatus minor*, Germanis *Kleiner Hotbart*, id est Anglice *Smaller Red beard*, aut *Lesser Mullet*. Qui à priori tum colore, tum magnitudine manifeste adeo distinguitur, ut duo esse Mullorum genera apertissime constet. *Major* enim rubro, *Minor* vero purpureo colore pingitur: & ut ille à capite ad caudam usque aureis lineis insignitur; sic *iste* hujusmodi lineis carens, lituris quibusdam flavis atque liventibus notatur. Deinde cum *hic* nunquam palmum excedat, *ille* ad pedalem magnitudinem excrescit. Quoad *Interanea*, in omnibus cum priore convenit.

3. *Mullus imberbis*, Occitanis (à rubore quo ebriosorum facies inficitur,) *Imbriago* dictus. Hic piscis est marinus, rarus, *Hirundini* & *Cuculo* corporis figura similis, sed colore saturatius rubro. *Capite* magno, stellulis cæato; *Oculis* magnis; *ore* parvo, cujus pars interna cinnabaris colore est, ut in *Hirundine*, sine dentibus. Os branchias operiens in aculeos terminatur ad caudam spectantes. Ad branchias *pinnae* sunt duæ rubrae, cum appendicibus aliquot: in ventre duæ aliæ. *Cute* aspera contegitur & rubra in dorso & lateribus: nam *ventre* est candido, ad quem à dorso *lineæ* multæ ductæ cernuntur. A capite ad caudam dorso medio duo sunt acutissimorum ossiculorum ordines, cavum efficientes, à cujus medio *pinna* rubra aculeis constans erigitur, cujus *pinnae* aculei parum serrati videntur; id quod in nullo alio pisce, præterquam in eo qui *Sagittarius* vocatur, comperi. Sequitur alia *pinna*, veluti ex mollioribus pilis constans. *Cauda* rubra est, *Scorpionis* caudæ similis. Partibus omnibus *internis* cum *Mullo barbato* convenit. Carne est dura, siccaque, *Rondel*.

4. *Mullus Asper*, (à Squamarum asperitate:) Occitanis *Cavillone*, (à clavi lignei, qui *Caville* iis dicitur similitudine) Angl. *Rough Mullet*: in nostris littoribus hospes. Est corpore brevi, tereti, digiti magnitudine, colore insigniter purpureo. *Capite*, branchiis, pinnis *Mullo* proxime descripto persimilis: sed *Squamas* habet exiguas, ferratas, oblique sitas. A capite

capite ad caudam *lineam* ex squamis contextam. *Ventriculo* est parvo, cum appendicibus paucis. *Hepar* habet candidum, sine felle; longius quam in aliis hujusmodi piscibus: *Splenem* parvum, ex rubro nigricantem. *Branchias* quaternas duplices. *Carne* est dura, siccaque, à *Cuculi* carne non discrepante. *Rondel.*

II. *HIRUNDO*, *χελιδών*, perquam similis volūcri *Hirundini*; unde idem nomen ab omnibus fere gentibus servatum est. Nam Romæ *Pesce Rondine* audit: in Occitania *Aronnelle*: maris Adriatici accolæ *Rondela* & *Rondola* vocant: Massilienses *Rondole*: Hispani *Volador*, *Bonito*: Gallorum nonnulli *Volant*, (quod avis instar, ad jactum lapidis aquam supervolet:) alii *Papilionem*; alii *Vespertilionem*, (quod colore, alarum magnitudine maculisque vespertilionem aliquo usque æmuletur. Angl. *The Swallow Fish*, aut *great headed Flying-Fish*. Marinus piscis est, *capite* rotundiusculo; *rostro* acuto; *ore* parvo, ac prorsus edentulo; inferiore *maxilla* paulo quam superior prominentiore; *oculis* rotundis, & maximis, & *branchiis* utrinque quaternis. Prope quas binas *pinnas*, utrinque scilicet unam, latissimas atque longissimas habet; ita ut corpus totum longitudine æquent: aliasque binas his multo minores, magnas tamen, in ventre. In dorso unica pinna brevis est, nullis munita aculeis, & caudæ satis vicina: è cujus fere regione altera paulo minor imo ventri statim ab ano subest. *Caudæ* etiam pinna magna lunata est, cujus inferior pars superiore latior atque major extat. *Linea* à pinnis ventris orta, per imum ventrem ad caudam fertur. *Squamis* tegitur latis. *Venter* albicat: dorsum ex cæruleo nigricat. *Fellis* vesiculam habet seorsum à jecore intestinis commissam. Corporis *color* ut plurimum ex nigro rubescit. *Oris* partes internæ rubræ sunt, coloris jucunditate & splendore *Sandaracham* vel *Cinnabarim* superantes: Quibus noctu lucet, videturque candentes carbones in ore continere. Unde à veteribus etiam *Lucerna* nominatus est. *Ova* parit rubra. *Volat*, quoties cavet sibi, extra aquam, ne piscium majorum præda fiat: inter volandum stridens, aëre forsan per angustas branchiarum scissuras celerrimè emisso, & sonum quendam inconditum stridori similem efficiente. *Carne* constat duriuscula, ac propterea concoctu difficili: quæ elixa magis commendatur. *Salvian.* & *Rondelet.*

III. *MILVUS*, *ἰεραξ* Oppian. *ἰρνξ* Plin. *Milvago*, & *Lucerna*, (à *volatu* scilicet, & ab oris *fulgore*; volat quippe nonnunquam, & pinnis caudaque expansis *Milvum* avem quodammodo refert.) Angl. *the Kite-Fish*. Qui sesquipedalem mensuram vel maxime auctus non excedit. *Rostrum* est perbreve & recurvo, *ore* item parvo & edentulo, in inferiore rostri parte sito; *labiis* crassis; *oculis*

lis rotundis, magnis, & splendentibus; *capite osseo*, non lævi, sed cæato, quadrangulari fere figura, posteriore parte duobus *aculeis* magnis & robustissimis ad caudam spectantibus armato. *Branchias* utrinque quaternas, osseo operculo in longum, robustum & acutissimum aculeum desinente contactas habet, prope quas binæ sunt *pinnae*, utrinque scilicet una, Hirundinis instar, longissimæ & latissimæ, quibus volat. Aliis pinnis cum Hirundine convenit, ut & cauda. *Corpus* oblongum est & rotundum. *Squamis* osseis & triangularibus, inter se Serpentium more commissis munitur. *Ventre* est subalbido, capite & lateribus subrubris, *dorso* ex rubro nigricante. *Maculis* insuper ex cæruleo virentibus dorsum & grandiores *pinnae* insigniuntur. *Lingua* ignea (inquit *Plin.*) per os exerta tranquillis noctibus relucet. *Ventriculum* habet mediocre, multis munitum appendicibus: *Hepar* pallidum, cui fellis vesica commissa est: *Lienem* oblongum & subrubrum: *Uterum* rubentibus ovis refertum. Piscis est *carnivorus*, & *gregalis*; quippe per altum mare magno agmine volantes visi sunt. Ingratus palato existimatur: sed spectatu mirabilis. Si comedendus sit, elixari debet. *Salvian.*

IV. *CUCULUS* marinus, *κόκκυξ*, Gallis *Morrude* (ab *ore*, quia *morre* vocant os cum prominentibus labris:) Neapolitanis Græci nominis vestigia servantibus, *Coucchou*; Danis *Kur*, (à *Sono* quem pinnis longioribus, dum capitur aut læditur, edit:) nostratibus *the gray Gurnard*. (à Gallic. *Gourneau*; quod ambigit doctis. noster *Skinnerus*, an deducere liceat à Lat. *Cornulum*, *Corniculum*, *Cornu*: quandoquidem piscis his *corniculis* quasi armatur.) Toto corpore *glaber* apparèt, quamvis quidam minutissimis squamulis ad latera præditum putent. *Capite* est magno; osseo, cæato, anguloso, quibusdam in locis *aculeis* munito. Nam præter id, quod *rostrum* in duos arcus semicirculum constituentes terminetur, super utrumque oculum, superciliis loco, duo acutissimi extant aculei; posterior capitis pars duobus consimilibus horret; utrumque branchiarum operculum item, sed longiori armatur; statimque à branchiis alius omnium longissimus, utrinque prominet: aliquibus alioquin capitis partibus argentum æmulatur. In utroque latere à branchiis, sub majore illo aculeo, *pinna* est subrubra, magna; ex cujus regione in ventre altera minor utrinque & minus rubra exoritur. Ante has utrinque terni cartilaginei *Cirri* dependent. A capite per dorsum, fere ad caudam usque, duo acutissimorum aculeorum ordines deducuntur; in quorum medio duæ *pinnae* conspiciuntur, una capiti proxima, brevior, sed latior; altera longior, sed strictior. *Ventre* est plano & candido: orificium excrementorum in medio ventre est; à quo alia exorta *pinna* fere ad caudam usque excurrit. Capite, dorso, lateribus & pinnis rubet,

rubet, dum recens est. Totus piscis rotundus, carnosus. *Branchias* habet utrinque quaternas & duplices. *Sonus* quem edit, indubie pinnarum concussu efficitur: vocalis alioquin nullus est piscis. Gustui haud insuavis ejus *caro*, utpote *Milvo* tenerior: unde inter salubres pisces à multis recensetur. *Monspelienses* elixos in aqua & vino, ex aceto vel oxalidis succo edendos apponunt.

V. *HIRUNDO Plinii*, quem eum piscem *Aldrovandus* esse judicat, qui Romæ *Pesce Rondine*; Agathensibus *Falco Marinus*; Massiliensibus *Landola* dicitur; quique, si alas auferas ad *Mugilis Cestrii* inprimis accedit figuram; unde *Mugil alatus Rondeletio*. Cubiti magnitudinem attingit. Linea, quæ in cæteris piscibus à branchiis vel à capite per latera ad caudam ducitur, in hoc pisce à pinnis ventris orta, per imum ventrem ad caudam fertur. Qua nota ab aliis facile distinguitur.

VI. *LYRA*, λύρα *Arist.* Romæ *Pesce forca*, (utrumque à cornibus è rostro protensis, quibus veterum *Lyrae* similitudinem exprimit;) Liguribus vero & Massiliensibus *Malarmat*, & *Organo*, (ob sonum nescio quem surdum, attritu branchiarum, quas horridiusculas habet, aut partibus ventrem inter & fauces contentis editum:.) Occitanis *Gronau* vel *Grougnaut*, (quod *grunniat*, more suis:.) Germanis inferioribus *Lechan*, quasi gallus marinus: Anglis the red *Goynard* aut *Piper*. Piscis est marinus, teres, ruber. Caput habet osseum, angulosum, aculeis & eminentiis multis asperum: cujus anterior pars in duo longa, lata, & retusa *cornua* definit. Sub quorum exortu *os* est satis amplum, rotundum & edentulum. Inferiori maxillæ *cirri* quidam breves & cutanei hærent. *Oculi* magni sunt, superiore parte *aculeis* multis muniti. *Branchias* utrinque quaternas habet, quarum ossea *opercula*, non solum media sui parte, longa & aspera eminentia armantur; sed etiam posteriore, marini *Draconis* instar, aculeis muniuntur. Ceteris tam externis quam internis partibus haud multum discrepat à modo descriptis piscibus. Plus ossium quam carnis habet, quæ dura est, siccaque, non insuavis tamen, si elixa ex aceto, aut muria condita edatur.

In *Cornubia* nostra frequens est & alia *Lyrarum* species, quam à capite majore, brevior, ac depressior, a *Tubb* vocant, & *Tubb-Fish*, quod semidolioli figuram quodammodo repræsentet.

VII. *PHAGRUS*, seu *Pagrus*, (ὡς τὸ φαγεῖν, quia vorax est:) Germanis, *Kote Meer Brasmen*. Angl. the Sea-Bream aut Chab. Superior ejus *Maxilla* in tubi modum cervici veluti infarcta est, neque cranio inhæret: ideoque cum piscis oscitat, exseritur; postea contrahitur. Quo signo distinguitur ab *Erythryno*.

VIII. ERYTHRYNUS, Ἐρυθρύππερος, (à rubro pinnarum colore:) Græcis modernis λέδρινος, Germ. Rother Meer Brasmen, forte the Sea-Koch. Ruber est, ut Mullus, dilutior tamen; unde ξανδόν Oppianus dixit: latus, ut Aurata. Palmi mensuram raro excedit. Minor est Rubellione; squamisque contegitur crassis, grossis, latiusculis; pinnis rubentibus, non oculis. Caro arilis referta, & minus proba.

IX. ACARNANES, seu *Acarne*, (forte quasi *excarnis*, quia in æstate admodum extenuatur & gracilescit.) *Erythrino* adeo similis, ut pro eo vendatur: another sort of Sea-Koch.

X. ORPHUS, Gazæ *Cernua*. Quis apud veteres piscis fuerit, difficile est conjicere; variant adeo Authores in ejus descriptione. Ex nomine *Cernua* tamen eum the Sea-Kough haud incongrue reddi posse crederem.

XI. SYNODON (ὄζυς τὸς ὀδόντας, quia magnis dentibus caninis instruitur: vel, si prima syllaba per *Iota* scribitur, ὄζυς τὸ σίνεσθαι καὶ βλάπτειν τοῖς ὀδόντιν, quod dentibus noceat.) *Dentix*, *Dentatus*, *Dentalis*, the Sea-Kough, aut ut vulgo, sed minus recte scribitur *Kuff*, with Dogs Teeth. Vulgarium pondustrium aut quatuor librarum esse solet: decem librarum pondere observavit *Salvianus*.

XII. SYNAGRIS, Germanis Zin Brasin, Synodonti adeo similis, ut vix discerni queant; & *Rondeletius* sola ætate distinguere judicet.

XIII. CHROMIS, & *Crémis*, (à grunnitu, quem captus edit, sic dictus:) the Gunter. Vilem suam *Chromin* *Rondeletius* facit: *Bellonio* vero inter laudatissimos cibos censetur.

XIV. AURATA, χρύσοππος (quod iis in locis, ubi cæteris animantibus supercilia esse solent, aureo colore resplendat:) Germanis, Gold Brasmen; Angl. the Gilt-Head, aut Sea Bream. Quæ ad denas libras, cum maxime adolevit, vix unquam pervenit.

XV. SARGUS, aliis σάρκος (à multa carne; nam ad insignem magnitudinem excrescere assolet.) the Wase. Rostro est acutius, lato corpore, dorso repando, ventre prominentiore, dentibus latis humanisque simillimis. Lineis quibusdam, unde πολύγραμμα, & macula juxta caudam nigra, unde μελανόγραμμα, & ὀρθοπυγίσκη. *Aristoteli* dicitur, exornatur. Pinnæ, quæ ad branchias sunt, rubescunt. Hujus generis binos exhibet *Aldrovandus*, de Piscib. lib. 2. c. 16. & 17. illisque adjungit piscem quem pro *Melanerino* *Athenæi* *Rondeletius* depinxit. Qui *Melanuro* similis est; toto corpore nigricat, circa caput ex nigro purpurascit.

XVI. SPARUS, (forte ἀπὸ τῆς σπαίρειν à palpitando, nescio quamobrem:) German. Sparbrasin. Qui haud parvam cum *Aurata* & *Sargo* habet similitudinem; ut ex descriptione ejus apud *Johnston. de Piscibus, pag. 72. legenda, constet.*

XVII. MORMYRUS, Ovidio *Mormyr*. Piscis corpore quam *Aurata*, *Sparus*, *Sargus* & *Melanurus* longiore, & ad latera minus compresso, capite item tenuiore & cæato, rostroque acutiori; ex descriptione *Aldrovandi de Pisc. lib. 2. cap. 19.* Germani vocant *Marind Brasmen*.

XVIII. CANTHARUS, *Gazæ Scarabæus*; (forte à coloris bætici & ferruginei similitudine:) Germanis *Braun Meer Brasmen*; nec nonis incommode *the Beetle-Fish*. Squamis enim integitur parvis, ex indico splendentibus, ut alæ *Canthari Insecti*: & maxime versatur in cœnosis littoribus ac portubus, in quæ loca maris sordes fluctibus pelluntur.

XIX. SALPA, σάλπη, *Phavorino βῆς*, *Bos*, & *Johnstono Chrysopleuros* (ab aureo, quo per latera resplendet, colore:) Germanis *Goldstein*; Angl. *the Goldfin*. Nam à cervice in caudam, per argentea latera, aureis rubentibusque lineis, certis intervallis distinctis, decentissime pingitur: unde in Gallia Narbonensi *Virgadelle*, id est, virgis seu lineis distinctum, nominatur.

XX. STROMATHEUS, *Salpæ* similis, & universo corpore aureis lineis productis distinctus; unde nomen invenit. Peculiaris esse traditur Mari rubro. *Rondeletius* pro hoc depinxit Piscem, qui *Romæ*, ubi frequensest, *FIATOLA* dicitur; quique linguam habet carnosam, *Delphini* modo, ad humanam accedentem, suisque partibus omnino absolutam; quod inter cæteros branchiis præditos solus habere videtur.

XXI. SCORPIO, (quia, ut aculeo Scorpio terrestris, quem habet in cauda; ita hic piscis spinis quibusdam in tergore & capite armatus est, venenum vulnerando infligit.) *the Scorpion-Fish*.

XXII. SCORPIDES, seu *Scorpena*, (nam utrumque pro eodem pisce sumit *Aldrovandus*,) *Scorpiæ* per omnia similis, nisi quod & multo minor sit, & venenum sui generis non habeat.

XXIII. BLENNUS, (contracte à βέλεν:) *Athenæo βαίων* (quod præ corporis crassitie brevis sit; βαίς quippe idem quod *minutus*:) *Plinio Bulbus*; & *Zacynthiis Cepola*; (utrumque à *Cepæ* similitudine, propter turgidum ventrem: Germanis *Meer Gopp*. Anglice dici potest, *the Dwyon-Fish*. Raro *Gobium* magnitudine superat.

XXIV. PECTEN Romanorum, *Plinii Novacula* (quod dorso sit cultellato:) *the Razor*, aut *Razer-Fish*. Piscis latus est, & *Fabri* instar compressus.

XXV. *APUA*, ἀφύη (forte ὡς ἀν' ἀφύεισ' ἵσται, quasi non nata, quia ex spuma mari oriri vulgo creduntur:) the Spiriting, Smy, aut Sea-Dace. Cujus non una species est, viz.

1. *Apuia vera*, quam Græci proprie ἀφρόν, aliqui ἀφρόνιν, à spuma nuncupant. Pisciculus est auricularis digiti longitudinem adæquans, oculis nigricantibus. Cujus duo genera; *Album*, in Hollandia frequentius; *Rubicundum*, à Bellonio descriptum.
2. *Phalerica*, (ἀπὸ τῶν φαληρῶν, quia hæc quoque alba est, & spumea,) adeo mollis ac pinguis, ut si aliquandiu digitis tractetur, liquefiat.
3. *Membras*, Gallis *Celeria*, corpore admodum candido, capite auri colorem æmulante, *Sardino* valde similis.
4. *Gobites*, *Gobionaria*, Gallis *Logis de Mer*, Angl. the Sea-Loch: ad Gobiorum magnitudinem nunquam accedens.
5. *Hephetus*, Gallis *Jovil*; digiti magnitudine, argentei coloris, corpore pellucido. Os ita scissum, ut inferior maxilla superiori sit prætensa.

XXVI. *TRACHURUS*, seu, ut *Oppianus* & *Galenus* scribunt, Τραχῦρος, (proculdubio ab asperitate spinarum, quæ prope caudam eminentiores sunt quam in aliis partibus:) *Hesychio*, σκιθακός: Romæ, *Friçtura*, quod plures simul in sartagine frigrantur: Gallis *Gascanet*, & *Maquereau bastard*, id est *Scombrus* spurius; Santonibus *Cicharou*; Anglis the Mother of Anchovies, (quia muria conditus, eundem cum *Encrasicholis* saporem & teneritudinem obtinet.) Qui dodrantalis longitudinis est, Haleculæ figuræ: sed utrinque laterum à capite ad caudam ferrata spina armatur dorsum spectantibus uncinulis; ita ut à summo ad imum inoffenso manus cursu tractare possis; contrario vero modo, non nisi læsione maxima. Iconem ejus, sub nomine *Sauri*, videas apud *Salvianum*.

XXVII. *ENCRASICHOLUS*, quod χολήν ἐν τῷ κρατὶ, ἢ κεφαλῇ, bilis folliculum in capite gerere credatur, propter ejus amaritudinem: the Anchovy: ab oris forma, λυκόσομος; Pisciculus est digiti longitudine, aliquando paulo majore, sine squamis, rostro acuto; ore maximo. *Dentibus* quidem caret, sed maxilla utraque ferræ modo aspera est. *Branchias* parvas habet, & duplices; *pinnas* totidem. *Venter* est mollissimus, quam ob causam statim absumitur. *Ovis* scatent rubentibus: Pro corpusculi magnitudine, sanguine abundant, & carnosissimi sunt: unde fit, ut delicatiores, molliores, suavioreque sint. *Spinæ* carent, excepta dorsi spina, quæ
tenuis

tenuis admodum est; ut dentibus negotium vix faceffat. Sale *conditi* asservantur, & in garum vertuntur; quod ne corrumpantur, non nisi truncato capite condiuntur, quo cum fel, una cum hepate, cæterisque visceribus & intestinis tollitur & abjicitur. Magna istorum pisciculorum copia in *Provincia* capitur, noctu igne in naviculis accenso: magna item *Baiona*; sed *hi* majores sunt, *illi* suaviores & molliores. *Rondelet.*

XXVIII. *ATHERINA*, ἀθερίνη, (ab *aristis*, i. e. *spinis*, quas multas habet, & *Sardinis* duriores:) *Monspelio Melet*; *Massiliæ Sanclez*, dicta; *Angl. the Prickle Fish.*

XXIX. *LAVARONUS* Bellonii, *Massiliensibus Cabassonus*, *Genuensibus Capassonus*, (à capitis magnitudine,) maximam habens cum *Atherina* affinitatem; sed grandiori capite, & corpore ad ventrem compressiori, nec spinis armatus.

XXX. *SARDA*, seu *Sardina*, & cum nondum adolevit, *Sardella*, (à *Sardinia*, unde olim in alias regiones magna copia evehebantur: seu, ad conjecturam *Marbodei* in *dactylothea*,

Sardius à *Sardis* est, à quibus ante repertus.) *The Sprat. Rondeletius* τριχίδα & τριχία *Aristotelis* pro eodem pisce accipit, qui *Sardine* vulgo dicitur, nisi magnitudine & ætate differant; quæ differentia duplex nobis nomen peperit, ut *Sarda* dicatur, quæ major fit; *Sardina* quæ minor. Pisciculus est (inquit) marinus; *Aphyæ Phalericæ* omnino similis, nisi paulo major & spissior esset; à parva *Alosa* ore, branchiis, oculis, pinnarum numero, situ, squamis, cauda minime discrepans, excepto tantum quod *Alosa* sit latior. *Sardina* igitur squamas magnas, sed tenues habet; colore est varius, nimirum capite aureo, ventre albo, dorso cum viridi cæruleo, utroque splendido rutilanteque, dum viva è mari extrahitur, una cum vita viridis evanescit, cæruleo manente. *Intestina* habet parva & recta, *Alosarum* intestinis similia. *Felle* caret; ideoque non exenterata in craticula vel sartagine coquitur. Sale conditæ *Sardinæ* in annos duos servantur; fitque ex his *Garum*, sed minus laudandum ob squamarum copiam.

XXXI. *MÆNA*, Μαῖνις, the Cackerel (à cacando) because it is lapative to the eater, and purgeth the belly. Germani *Bizling* vocant. A Liguribus, ac Romanis, servatis Latini nominis vestigiis, *Menola* hodie vocatur; à *Massiliensibus Mendole*; in *Gallia Narbonensi Jusde*; ab iis qui *Adriaticum* sinum incolunt, *Sclave*. *Mæna* piscis est, marinus, ex squamosorum genere, vix palmum attingens. *Rostrum* est acuto, capite compresso, oculis minoribus quam *Boops*, dentibus parvis: maculis cæruleis toto corpore, & potissimum in capite & dorso sparsis. Cum foetu femina impleri incipit, maris color in varietatem quandam, & nigrorem mutatur, & pessima carne effi-

citur, vocaturque hoc tempore *τεῖχος*, ob factorem.

XXXII. *S M A R I S*, & *Maris*; *Leucomanides*, (quia semper albæ sunt, cum Mænæ colorem mutant:) Gallis & Hispanis *Picarel*, the white Cackrel: Venetis *Giroli* & *Gerruli*.

XXXIII. *B O O P S*, *βώξ*, (quod *βοὸς ὀφθαλμοὺς ἔχει*, oculos bubulos seu magnos habeat:) the Drey-eyed Cackrel. Cujus tres species exhibet *Rondeletius*.

Squamosorum P L A N O R U M
Classis.

IN P L A N O R U M numero scribuntur

I. *S O L E A* (à figura, quæ solo pedis ita subjicitur) *γλωττα*, *Lingulaca*; *βέγλωττα*, (non tam ob bubulæ linguæ figuram; quam ob longitudinem.) the Sole. Sex ipsius species ponit *Rondeletius*; *Soleam* nempe (1,) *Vulgarem*, (2,) *Oculatam*, (quod in prona parte magnas habeat maculas, oculorum effigiem cum iride & pupilla referentes:) (3,) *Cynoglossum*, the Sole, quæ ferini plane saporis est, inluaveq; quid & grave olet: (4,) *Arnoglossum*, seu *Arnoglossum lævem*, (quod quemadmodum Plantagini herbæ, à figura vel foliorum lævitate, *Arnoglossi*, id est Agninæ linguæ nomen impositum est: ita species isthæc Soleæ *Arnoglossus*, à lævitate vel figura, recte nominari possit.) (5,) *Ligulam*, (quod sit in hoc genere omnium minima:) (6,) *Hippoglossum*, (quod cæteras Soleas magnitudine vincat:) Gallis *Flettam* dictam, quod fluitando natet.

II. *C I T H A R U S*, *Gazæ Fidicula* (à lineis quibusdam, à summo capitis vertice ad caudam usque, instar chordarum *Citharæ*, productis.) the Dab.

III. *R H O M B U S* squamosus, *Rhomboides Rondeletii* (à figura) the Turbut, *Bret-Cock*, *Bret*, aut *Wyll*.

IV. *P A S S E R* niger, *Flesus fluviatilis* Bellonii, *Fletuletus* Aldrovandi, Gallis *Flez*, Angl. the Flounder, aut Flook.

V. *P A S S E R* squamosus, Gallorum *Limanda*, qui idem videtur cum *Rhomboide*, in Norfolcia a *Bret* dictus.

VI. *P a s s e r* Britannicus, the Halbut, Helbut, aut Welbut.

Littorali-

Littoraliū LÆVIUM Non-Planorū
Classis.

Sicut Littorales *Squamosi* (quorum varia genera jam recensuimus) ita & LÆVRES (qui proxime sequuntur) pariter distribuuntur in *Non-Planos*, & *Planos*.

In NON-PLANORUM classe ponuntur

I. ANGUILLA DE ARENA, Gesnero *Ammodytes*, (tum quod longo gracilique corpore sit, ut Anguilla; tum quod sese occultura, sub arenam se citissime mergat.) the *Sand-Eel*. Quæ frequentissime in littoribus nostris capitur: ubi, quibusdam anni temporibus, seu majorum piscium injurias fugiens, seu occulto naturæ impulsu, aqua derelicta, sub arenam penetrat: indeque pedibus & pectinatim incisus lignis, ab incolis copiose extrahitur, pauperumque necessitatibus inservit.

II. DRACO, Græcis veteribus *Δράκων θαλάσσιος*, modernis *δράκων*, the sea-Dragon (quia post *Pastinacam marinam* summe exitiosus est, quod piscatorum aculeis ipsius ictorum lugubri experientia sæpius compertum.) Cujus duo ponit genera *Salvianus*, viz.

1. *Oblongum*, Gallis *Poignastre*, (quia pugionis formam æmuletur:) the *Dagger-fish*.
2. *Minorem*, sive *Dracunculum* Plinii; nam, cum Major crebro ad libræ unius, & duarum etiam aliquando magnitudinem excrescat; hic ne dimidiam quidem libram implet. His alia duo genera adjunxit *Aldrovandus*, qui proinde legendus est.

III. URANOSCOPUS, seu *Cæli speculator*, *ὑπερνοῦς* *Opiano* (quod interdum dormiat, noctuque vigilet.) Cujus historiam lectu dignissimam fusc tradit *Aldrovandus*, de *Piscibus*, lib. 2. cap. 51.

IV. SCOMBER, *Scombrus*, Horatio *Piscis Iberus*; Gallis *Maquereau* (quasi *Leno*; quod verno tempore parvas *Alaufas*, quas *Virgines* vocant, subinde insequi soleat:) the *Hackerel*. Hoc loco forsitan nec intempestivum erit, nec ingratum, si ἐν παρόδῳ monuero, à veteribus Romanis laudatum in primis maximeque nobilitatum fuisse id *Gari* genus, quod ex intestinis branchiisque

Scom.

Scombrorum, cruenta illorum fanie eliquata, in hunc modum præparabatur. *Scombrorum* scilicet intestina cum embrochiis, eorum cruore & fale conspersa, in vase fictili menses ut plurimum duos sinebant tabescere; deinde, fundo vasis pertuso, id agebant, ut liquor iste in aliud vas illi substratum distillaret. Qui *Apitio* illo, artis culinariæ ad omnem luxum archimagiro, aliisque ætatis ejus *Asotis* tanti erat pretii, ut nullus eo liquor, præter unguenta, pluris constiterit; singulis millibus aureorum permutantibus congios Gari pene binos. Hinc liquamen istud fastuoso & superbo satis titulo appellatum fuit *Garum Sociorum*, vel (ut *Langio* magis aridet, *lib. 1. Epist. Medicin. Ep. 59.*) *Associorum*. Unde *Martialis* in *Xeniis*;

*Expirantis adhuc Scombri de sanguine primo
Accipe fastosum, munera chara, Garum.*

Fastosum enim pro *fæcoso* (ut vulgo habetur) recte legi, ex manuscripto probat *Hadrian Junius*, *lib. 6. Animadvers. cap. 17.* Hocque erat celebre illud Græcorum Romanorumque luxus obsonium: cui hodie *Botarge* (quasi dicas *ωατάρινα*, hoc est *Mugilum Ova Salita*) & *Caviaro*, ex *Sturionum* ovis ad littus Ponti Euxini præparatum, successisse videntur in crapulæ lenocinium. *Diæ boni, quantum hominum unus venter exercet!* Gari hujus, five liquaminis multiplex in usu fuit compositio: quod nomina declarant *Hydrogari*, *Eleogari*, *Oenogari*, *Oxygari* &c. inter veterum cupedias hæc fuisse sciunt omnes, qui in Græcis & Romanis scriptoribus non hospites versantur.

Quid? illud *sociorum garum*, præciosam malorum piscium sanienem; non credis urere salsa tabe procordia? *Senec. Epist. 95.*

V. *COLIAS*, *χιλίας* & *κοχλίας* *Aristoteli* (seu à *Pica* varia, quam *χιλιέν* aut *κοχλίαν* dici, nescio quo Auctore, credit *Bellonius*, quod latera habeat variegata; seu aliam ob causam:) Latinis *Lacertus*, (quia laterum dorsique maculis *Lacertam* terrestrem quodammoda refert.) the *Wastard Mackerel*, spotted like a Lizard.

VI. *SAURUS*, nonnullis *Lacertus*, (nam non solum ore, rostro, capite, atque reliqua corporis figura; sed colorum etiam varietate proxime adeo ad terrestris *Lacerti* accedit similitudinem, ut ei simillimus, si pedes exceperis, videri possit.) the *Lizard-fish*, aut *Wardack*. Cujus duo genera tradit *Ælianus*, *Nōstras* scilicet, quod *Acui* simile existit, si *Acus* illam rostri dempseris tenuitatem, & *Hollandis* *Peer Wadck* dicitur: & *Peregrinum* rubri maris, ab eodem *Æliano Hist. Animal. lib. 11. cap. 49. descriptum*. A Græcis *Σαῦρος* vel *Σαυρίς* nominatur, à *Gaza Lacertus*, à Gallis quibusdam

dam *Aiguille*, acus (ob corporis gracilitatem:) ab aliis *Becasse* (à rostro oblongo & acuto.) Piscis est marinus, nullibi ad flumina adnatans pedalem mensuram nunquam excedens, admodum rarus, solivagus, carne vescens, nec à putridis abstinens. Posteriore corporis parte *Scombrum* refert, anteriore vero *Acum*; ideoque à *Rondeletio* *Acubus* subjungitur.

VII. *CORAX* *Rondeletii*, Romæ, nomine cum *Lyræ* communi, *Capone* (à capitis magnitudine) dictus, Germanis *Heer Kapp*; the *Crow*, aut *Kaben-Fish*. Quem *Aldrovandus* clare describit, de *Pisc.* lib. 2. cap. 56.

VIII. *MILVUS* ejusdem *Rondeletii*, Gallis *Lucerna* (quia noctu lucet) Germanis *Koltsch*, Angl. the *Fly-gander*, *Kitefish*; quasi *Anser* volans. Cujus duas icones videas apud *Aldrovand.* de *Pisc.* lib. 2. cap. 58.

IX. *ARANEUS*, *Scorpius* *Aldrovandi*, the *Weaver*, aut *Wiver*. à Gallico *Viver*: Græcis *Δράκων θαλάσσιος*, *Draco marinus*, Siculis & Neapolitanis *Tragina*, corrupta voce pro *Dracæna*. Piscis in arena & littoribus degens, & gregalis: in mari Mediterraneo palnum majorem raro excedens, in Oceano nonnunquam cubiti magnitudinem attingens. Falcato est *ventre*, dorso recto, colore vario: dorso enim fusco est, ventre candido, lateribus lineis aureis transversim ductis pulcre distinctis. *Capite* *Percam* marinam æmulatur, *ore* aperto & hiantes, *dentibus* parvis densisque. *Oculis* est sursum spectantibus, & adeo splendide virescentibus, ut smaragdum pulcherrima viriditate superent. *Branchiarum* opercula in aculeos terminantur, ad caudam spectantes. In *cervice* quinque aculeos habet nigros, tenues, præacutos, membranula nigra conjunctos: quibus venenatum vulnus infligit; unde *nomen* suum sortitus est.

Littoralium Lævium P L A N O R U M Classis.

EPLANORUM numero sunt

I. *PASSER LÆVIS*, (à colore passerum) *Ψήλλα*, Ausonio *Plateſſa*, aliis *Pecten* (quod ejus pinnæ rectæ & parallelæ *pectinis* speciem præ se ferant:) Hollandis *Scholle*, Angl. the *Plais*. Bina eorum genera sunt apud Gallos: *Unum*, quod communiter *Plya* vocatur,
h * catur,

catur, & magnitudine excellit: *Alterum*, quod alibi *Cariet*, alibi à quadrata corporis figura, *Quarrelet*, *Quadratuli* nomen sortitum est. Utrumque à *Rhombis* differt. Si *hos* ita in latas componas, ut oculi in cœlum suspiciant & mentum deorsum versus spectet; pars supina erit dextra: sin *Passerem* similiter constituas, supina pars erit sinistra. Supina parte albicat, prona infumatus seu fuscus est, & terrei coloris. *Pinnae* totum fere corpus ambiunt. *Cauda* in unicam latamque desinit.

II. *R H O M B U S*, (à figura quadrata, cujus latera sunt omnia æqualia, anguli vero obliqui:) *the Turbut*. Qui est vel *Aculeatus*, *the Thorn-But*: vel *Lævis*, & sine Aculeis, *the Common Turbut*. Utrumque genus, Galli nunc *Lozange*, nunc *Turbot* vocant; Normanni *Bertoneau*; Itali omnes & Massilienses, *Rhombo*. *Aculeatus*, pisces est planus, litoralis, parte prona fuscus, in qua multi extant *aculei*, maxime circa caput, & à capite caudam versus. *Os* magnum habet, hiansque, sine dentibus; sed horum vice maxillas asperas obtinuit. Ab inferiore maxilla propendent *appendices* duæ, tenues, barbæ instar. Non procul hinc *podicem* habet. E regione *pinna* incipit magna, ad caudam usque continua. Huic similis *alia* statim à capite. Hæ totum fere corpus ambiunt, in medio ampliores, ut *rhombi* figuram efficiant. *Branchias* quatuor habet, duplices. *Cor* compressum; *ventriculum* magnum, oblongum, in superiore parte complicatum, dorso annexum: quem *intestinum* excipit, duas *apophyses* magnas habens, sed breves. Quæ ventriculi cum intestinis conjunctio, in hoc *Rhomborum*, & *Passerum* genere tantum reperitur. *Ova* rubra sunt, & ventriculi modo replicata: facit enim ventris brevitās, ut omnia fere interna replicata sint. *Carne* vescitur, maxime *Canceris*; vorax est, piscesque multos ingerit. Rhombum inter delicatissimos cibos habuit veterum luxus. *Lævis* est Aculeato cum figura, tum partibus & externis & internis omnino par; *dentis* tantum *aculeis*, quos nullos habet.

Marinorum simul & Fluviatilium
S Q U A M O S O R U M
 Classis.

Tertij generis Piscium, eorum scilicet, qui in Mari aque ac Fluminibus post certa temporis intervalla degunt, & ad fluviorum usque origines quasi peregrinantur; alii sunt Squamosi, alij Leves.

S Q U A M O S O R U M classem sibi vendicant

I. **S A L M O**, (cujus apud Græcos nullum invenio nomen; & piscis hujus solus inter veteres etiam Latinos *Plinius* mentionem facit.) the Salmon. Qui in omnibus Britanniae fluminibus quotannis copiose capitur. Dicitur etiam Σάλαγξ. Dorsum ejus purpurascit obscurius supinum, ad latera dilutius & suavius cum splendore, punctis nigricantibus passim conspersum. Venter totus albet. Branchiæ quaternæ utrinque, coloris sanguinei. Pinnae videntur in dorso quatuor, quinæ in ventre. Oris rictus est parvus. Lingua alba, ossea, spinosa. Oculi iris subrubra papillam claudit nigram.

II. **L U P U S Marinus**, (à voracitate:) λάβραξ (ὡς τὴν λαβρότητα, ab ipsa vehementia:) Germanis *Heer Wolf*, Angli. the Wolf-Fish. Nam mire vorax mordaxque animal est, & dentibus suis terribile. Anchoram enim siprehendat mordicus, sonum edit & strepitum, ac vestigia conspicua relinquit. Ex dentibus ejus molaribus fingere solent Gemmarii fraudulentis *Lapides Bufonios*, & magno pretio divendere.

III. **L A T U S**, piscis grandis, 200 sæpe librarum magnitudine, Nilo proprius.

IV. **A L O S A**, ὀρίσα & ὀρίσα, (forte quod aculeis aliquando soleat inhorrescere: *Aristotus*, quia spinis sive aristis scatet innumeris, & vescentibus admodum molestis: Gallis *Alose*. Quæ duplicis Generis est, Major, the Shad; Minor, the Pilchard, nostro idiomate dictæ. Uberrima est minorum captura in littore nostro Cornubiensi; unde sale conditæ in Italiam & Hispaniam vehuntur.

V. **Z I G A**, piscis quidam Albi Fluvio proprius, ubi à Piscatoribus (ab aureo circa caput colore) *Goldt Fisch* dicitur; & capitur ut plurimum à Festo Pentecostes usque ad D. Johannis diem; quo tempore *Sturio* migrat.

VI. MUGIL, (à *Mucus*; Græci nempe *μύζων* dixere, quasi *mucosum* seu *muconem*: siquidem *βόσκειται τὴν μύζαν ἀφ' αὐτῆς*, *mucosuo vescitur*, ut caussam Etymi explicat *Arist. in Hist. Animal. lib. 8. cap. 2.*) Cujus quinque sunt species apud eundem *Arist.* Scilicet (1,) *Cestreus* proprie dictus: (2,) *Cephalus*, cognomento *Chelon* seu *Labeo*: (3,) *Cephalus Percas*, sive *Translitoranus*. (4,) *Sargus*, sive *Sargo*; & (5,) *Myxo* seu *Meuco*.

VII. MUGIL IMBERBIS, the English Bulet.

VIII. CAPITO *Anadromus* Gelneri, *Albinus Nasus* (quia & albicat, & nasutus est:) *Misenis Zerta*, Germanis *Ebnasen*, & *Deenafen*, Angl. the *Sea-Chub*, aut *Hollard*. Quem accurate descriptum videre est ab *Aldrovando*, de *Pisc. b. lib. 4. cap. 7.*

IX. CARPUS seu *Capriiscus*, (ex eo, quod acul os duos post caput gerat, cornua *Caprina* haud male referentes:) Romæ *Pesce Balestra*; Angl. the *Saw-Fish*, quia in dorso fere medio tres, membrana inter se juncti, reperiuntur aculei robustissimi & magni, quorum prior reliquorum duorum triplus est, quosque omnes non solum, ubi vult, deprimat, sed in sulcum etiam osseum, in dorso ob id sculptum, recondit. Depressi autem & reconditi uti quam facillime simul eriguntur: ita eorum unus duntaxat erigi nequit. Plura & majore digna admiratione, de *Serræ* hujus, sive aculeorum fabrica, loquitur *Johnston. de Pisc. pag. 110.*

X. STURIO; (quasi *Στεργίων*, quod rostro suo proræ puppis rostratæ speciem gerat:) *Acipenser*, Germanis *Stoer*; Angl. the *Sturgeon*. *Sturio* nomen Gothicum esse, asserit *Jul. Cas. Scaliger*; & ab ea gente in reliquam Europam translatum; quod facile sibi persuasit *Olaus Wormius*; quia *Stur* vel *Steer* magnum notat in lingua *Danica*. At de nominis hujus origine, recentiores haud minus inter se pugnant *Critici*, quam veteres de natalitio *Homeri*: adeoque variant eorum conjecturæ, ut nonnulli non solum cæteris censeantur, verum sibimet etiam ipsis, repugnare. Exemplo enim præsto est ipse *Salmasius*, criticorum facile princeps. Hic enim (*Plinian. Exercit. pag. 1316.*) nodum istum solvere, simulque insignem *Plinij* errorem detegere aggressus; animo nunc huc, nunc fluctuat illuc. Primo *Sturionis* nomen existimat à *Thursione* *διεφθαρμένως* deductum; his verbis: *nomen hoc ipsum videtur corruptum ex Thursione*: licet aliud sit *Thursio* (frustum scilicet salitum caniculæ piscis, quam Græci *καρχαρίαν* vocant.) paulo post tamen ab ista sua sententia ultro recedens, aliam, eamque ipsam quam diu ante protulerat *Jul. Scalig.* amplexatur; sed melius *Sturionem* inquit, ex *Gottico* esse *Stur*. Quod equidem hic *ἐν παρόδῳ* adnotandum duxi, non ut tantum, & sine termino eruditum virum inconstantiam insimularem, (absit, à me procul absit tam stolidi calami

calami procacitas:) ast ut illustri quodam exemplo subiinuērem; quanta sint caligine vetustatis obducta nomina quorundam, olim Animantibus inter se discriminandis accommodatorum, primordia. Sed unde digressus sum, eo revertor. *Ova* piscis hujus sale condita & in massam coacta, *CAVEARE* vocant Itali, Saponem nostrum viridem plane colore & substantia referentia. A quamplurimis in delitiis habentur: sed in iis nihil ego, quod delicate sapiat, deprehendi. Piscis est *anadromus*, *cartilagineus*, *solitarius*, ex *Galeorum* genere, tegumento aspero armatus, Delphino non multum dissimilis, demta integumentum asperitate. Teres est, trianguli seu prismatis fere figura, coloris obscuri, *μακρορυγχόπρος*, rostro longo; *branchiis* utrinque quaternis, *operculo* osseo scabro contextis. *Oculi* parvi. *Os* in prona parte rotundum, semper hians, absque dentibus, magis ad sugendum, quam masticandum accommodatum; ante quod propendent *appendices* carnosæ quatuor. *Venter* planus. *Ventriculus* ei crassior, ut avium. *Hepar* magnum, dulce. *Cor* ut ovis. *Pinnæ* subalbidæ; quarum binæ ad branchias, totidem ad ventrem sitæ sunt, unica dorso, non procul à cauda, inest. A capite per dorsum ad caudam usque, instar medullæ, *funis* seu nervus, digiti crassitudine, excurrit, integrum piscem roborans & firmans: coqui, dum mactare volunt, eum extrahere solent. In mari degit, ubi parit, & educatur: tandem aquæ dulcedine allectus, in flumina excurrit, & capitur. Aere & vento puro eum nutriri asserunt: quidam limo & arena: alii pisciculis. Verum quoties secus, in ejus secus ventriculo nihil præter spumam & mucum deprehendi. Piscis in primis nobilis, pinguedine flava abundans, palato Apiciorum gratissimus. Apud veteres Romanos Piscis fuit maximi pretii, & summæ nobilitatis; adeo ut eum à coronatis ministris, cum tibiis, quasi quædam non deliciarum sed Numinis pompa, in convivium inferri consueverit. Unde *Martialis lib. 13.*

Ad Palatinas Acipensera mittito mensas,

Ambrosias ornent munera rara dapes.

Plura qui cupit, *Schwenckfeldum* consulat, & *Rondeletium*.

Hujus species videntur.

1. *Galeus Rhodius*, sive *Vulpes Rondeletii*; qui frequens reperitur in *Pado* & *Rhodano*, & pro Sturione venditur: nec ab eo distinguitur, nisi ab exquisiti gustatus hominibus.
2. *Cataphractus Schonveldij*, Germanis *Galber* dictus; qui piscis est palmorum duorum longitudinis ad summum; de cætero Sturioni non multum absimilis. Frequenter & per totum annum,

num, in ostio *Albis* & *Edera* capitur. Incolis *Steinbicker*, *Pul-*
ler, & *Wurfbul* vocatur.

L Æ V I U M Classis.

AD L Æ V I U M classem pertinent

I. *Huso*, (à *domo*, quasi *Hauso*, Germanis dictus; forte ab ingenti magnitudine; nam tantæ molis est, ut vix biga à tribus vel quatuor equis trahi possit.) the *Hausen*, aut *Lax* (ob spinæ dor- si cartilagineæ laxitatem) Idem piscis videtur cum *Antaceo* *Æli-*
ani.

II. *EPERLANUS*, *Perla* (à nitido splendidoque colore) *Viola* (quia violæ odorem expirat, & gratissime redolet.) the *Smelt* (because of his sweet smell.) Optima & frequentissima capitur in multis *Angliæ* fluviis: major tamen proventus circa vindemia- rum tempus, quando delicatissima est.

III. *LAMPETRA* (vel à *fulgore*, quasi lampas petreæ; vel à lambendis petris: vel ab *Alabeta* Plinij, quæ ἀλαβῆς dicitur, quod manu propter lubricitatem capi non possit.) the *Lamprey*. Piscis est marinus & fluviatilis, veteribus (nisi forte sub *Muræne* nomine, quod opinatur *Rondelet*.) incognitus; lubricus, colo- re cæruleo subnigro; septem parvis *fistulis* seu foraminibus, mira- bili ordine distinctis, aquam reddens. Os ei patulum figura fere orbiculari, sine dentibus: suctioni quam masticationi accommo- datius. Veris initio fluvios ingreditur, ut illic ova pariat, in mare deinde rediturus. Verisimile est, hunc piscem vilem fuisse olim, nec mensis lautioribus apponi solitum; cum nulla ejus mentio à quoquam veterum facta fuerit. Hodie in delitiis habentur à Ma- gnatibus. Apud nos in *Sabrina* flumine, circa vernum tempus, in- genti copia capitur: esui mire expetitus. Hujus non unum Genus est. Sunt quæ è mari flumina subeunt: sunt quæ à falsis aquis omnino abstinent. *Marinarum* tres species recenset *Johnstonus*, de *Piscibus*, pag. 118. *Fluviatiles* sunt (1,) *Major*, the *Lampren*: (2,) *Minor*, apud *Herefordienfes* the *stone-trigg*.

IV. *ANGUILLA*, (ab *Anguis* similitudine:) Græcis vete- ribus ἐγγέλυς (ἀπὸ τῆς ἐλύς, quod commoto cœno facilius ca- piatur:) modernis ἀγγεῖλον the *eel*. Ortum earum quod attinet; quanquam *Aristoteles* (*Hist. Animal. lib. 6. cap. 15. edit. Scaliger*.) expresse affirmet, in dissectionis neutrum sexum, nec ova vel semen deprehendi

deprehendi posse: nonnullas tamen ex iis, majores potissimum; *viviparas* esse, nos plusquam una dissectione edocti sumus. Et memini, me semel ex Anguillæ prægnantis utero undecim Anguillulas exsecuisse, singulas suis secundinis inclusas. In *Anguilla*, retro caput circa initium Spinæ dorsi, *cavitas* quædam reperitur in ipsa cute; unde utrinque ad latera descendit *meatus* quidam, qui ubi ad locum ventrem inter & spinam fere medium pervenit, recta inde ad caudam usque per media piscis latera decurrit, quo loco *linea* conspicitur exterius à capite ad caudam usque extensa. In hoc meatu utrinque ad cavitatis magnæ latera, *tres aliæ cavitates* existunt, ad aliquod intervallum à se invicem distantes: pars *meatus* inter singulas cavitates intercepta, cartilaginea substantia est incrustata, quo modo ductus totus ejusdem meatus utrinque ad caudam usque ex plurimis *tubulis* durissculis compositus est; quos inter tubulos certæ *papillæ* eminent, eo modo perforatæ, ut flatui pateat exitus facilis; stilus autem introitum difficulter inveniat. Inflata media cavitate, quæ pone caput est, intumescunt cavitates, quæ illam inter & mediam laterum lineam intercipiuntur: sed nullum aër exitum invenire potest, nisi in papillis descriptis. Cui autem *usui* tot foraminibus pertusus meatus inservire possit, determinare non ausus est accuratissimis Anatomicus, *Nich. Steno*, qui ipsum primus observavit: quandoquidem vacuum illum invenerit, nullo pituitosi humoris ne vestigio quidem apparente. *Mari* caput est majus, rostrumque obtusius: fæminæ minus, acutiusque rostrum.

V. ORBIS (quia rotundus est, & sine squamis, totusque capite constat.) *Peer Taube*, *Peer Flatsch*, *Kugel-Fisch* Germanis; the *Globe* aut *Scull-Fish*, Angl. (quod ad cranii humani formam magnitudine, rotunditate, & dentibus similibus accedat:) qui est vel

1. *Vulgaris*, figura, si caudam demseris, sphaericus, squamis prorsus destitutus; cuteque admodum dura, & aculeis multis aspera tectus. Os habet parvum, dentes vero magnos & largos, utrinque binos.
2. *Scutatus*, sive *Scutifer*; piscis rarus, nec edulis.
3. *Echinatus*, (quia aculeis totus riget, ut manu tollere non possis, nisi cauda extrema apprehensa,) & *Muricatus*, the *Hedgehog-Globe-Fish*. Idem forte cum Plinii *Sagittario*.
4. *Stellatus*, sive *Asterias*, (quod totus conspersus sit asteriscis:) the *Starry Globe-Fish*.

Hicce annumeravit Gesnerus *Orbem Britannicum*, sive *Muconem*, à muco, quem, cæterorum Orbium more, ore emittit: unde nostris etiam dicitur the *Snot-Fish*.

VI. HOLOSTREBUS Bellonii (quasi *totus osseus*) seu *Ostracion* Gesneri (ex corii duritie, qua testam fere Ostraceorum imitatur:) qui forma ad pentagonum accedit, & penicillum in cauda habet. Duo ejus genera exhibet *Johnstonus* (*de Piscibus*, pag. 124.) *Americanum*, & *Niloticum*.

Fluviatium S Q U A M O S O R U M
Classis.

HActenus de Piscibus ἀναδρόμοις & καταδρόμοις: sequuntur ποτάμιοι, FLUVIATILES; qui in Squamosos, & Læves dividuntur.

Inter *Fluviatiles* S Q A M O S O S sunt

I. TRUTTA, seu *Trocta*, (à trudendo, quoniam semper in adversum & impetuosum flumen nitatur, adversas undas superare:) Italis *Torrentina* (quod in torrentibus & rivis montanis abundet.) the Trout. Varius admodum est piscis, *Squamulis* minutissimis contextus, purpureis seu rubentibus *maculis* totum corpus pingentibus, *carne* intus rubra; quemadmodum in Salmone. *Lingua* ossea & spinosa. *Ventriculus* longiusculus, cui parte inferiore ac intestino *Appendices* longiores adnascuntur, quarum superiores ventriculum ipsum attingunt. Extra aquam citissime expirat; indubie ob amplam branchiarum scissuram. *Pinguedo* Mariscis & anifissuris utiliter illinitur. Hujus species sunt

1. *Trutta Fluvialis Vulgaris*, χρυσόψαρος.
2. *Taurina* (ab insigni magnitudine) apud nos in Northumbria, a Bull-Trout; & in aliis Provinciis, a Grey-Trout; in aliis a Skurf.
3. *Minor*, Cornubiensibus a Shote dicta, agri Lincolnensis incolis, a Shard.
4. *Salmoneta*, parvus Salmo, a Salmon-Trout. Reliquæ differentiæ à coloribus duntaxat desumptæ videntur.

II. THYMALLUS, (à *Thymo*, quem olet; unde Bellonius *Thymum* vocavit.) χρυσόψαρος, Aurivorus, (seu quod minutula auri

auri fragmenta propter splendorem appetant : seu quod ; cum majori pretio veneant ; obsophagorum aurum absument , & loculos exhauriant.) Aesch Germanis , a kind of Trout , smelling like Thyme , a Grayling. Piscis est spectatu dignissimus , squamis durissimis argentei coloris tectus ; ad latera juxta caudam æris rubedine splendens. Pinnis donatur subcæruleis , notis rubentibus maculatis. *Lien* sanguineus. *Ventriculus* longior crassiorque , rugosus intus , foris candidus , cartilaginis instar durus , appendiculis plurimis , ceu lumbricis , donatus.

III. UMBRA Fluvialis , (à colore umbroso :) the Amber. Idem piscis Gesnero cum *Trutta fluviali* ; & certe ex Truttarum genere.

IV. BARBUS , (à cirris qui ex utroque ipsius labro dependent ; & ob eandem rationem *Mysticatus* , the Barbel. *τριγλη* Arist. *μυζός* , *μυσακός*. Barbatulus Ciceroni. Barbatulus Varroni. Est capite parvo , acutiusculo. Color dorsi fuscus , latera ex fusco flavent , ventre candidus. *Pinnas* habet senas , singulas in dorso & ad podicem ; in ventre medio , & ad branchias duplices , ex rubro liventes , maculis nigris coloratas. *Oculi* centrum nigro-cæruleum , iris angustâ aureo micat fulgore. *Appendices* ori adnatæ quatuor : binæ superiori , totidem inferiori labro carnosæ , lividæ. *Jecur* est pallide rubens , inhærente vesicula fellis rotunda , cærulea. *Splen* exiguus , sanguinei coloris. *Cor* triangulare , latiusculum. Muscis , vermiculis , mucos & pane vescitur. *Ova* venenata creduntur , adeo ut si largius comedantur , eos qui hauserunt , in magnum vitæ periculum adducant. *Schwenckfeld* , ex *Rondeletio*.

V. CAPITO Fluvialis , (à magnitudine capitis :) *Squalus* veteribus : Gallis *un Villain* , (quia coeno & sordibus vescitur.) the Chub , Chevin , aut Pollard. Qui est vel *Major* , vel *Minor* , vel *Rapax* Gesneri.

VI. ORFUS Germanorum , seu *Capito ruber* Gesneri , a kind of Chub , with a reddish back , frequent about Aispurgh in Germany and there called an Orff.

VII. LEUCISCUS , modernis Græcis λευγεῖν ; Bellonio *Albicella* ; the Dar , aut Dart , apud nos in Fluvio Trent dicto satis frequens.

VIII. OXYRINCHUS *Rondeletij* , Gallis *Beccassa* , utrumque nomen à nasi longitudine venit :) Antuerpiensibus Hautin , the Spitnose.

IX. CORVUS NILOTICUS ejusdem *Rondeletii* , corporis figura *Mugilibus* per similis ; sed caput , pro corporis proportionem (longum enim dodrantes duos) parvum habens , & maxillam inferiorem superiori brevior. Hujus descriptionem & iconem exhibet *Aldrovandus* , de *Piscibus* , lib. 5. cap. 25.

X. **N A : u s** *Alberti magni*, (ab oris figura, seu *Naso* valde crasso:) Germanis joculari nomine *Scriba* (quia venter ejus intrinsecus *nigerrima* membrana ambitur,) dictus, & *Leuciscis fluviatilibus* jure merito adscribendus. Nominatur etiam *Σίμος* Gesneri, *Platyrinchos*, *Labeo*, *Chelon fluviatilis*, *Naso*, *Nasutus*. Capiti fluviatili non dissimilis est. *Latera* & *Venter* argentei sunt candoris. *Dorsum* ad cæruleum tendit; circa *caput* subflavet. *Oculi* iris aurea. *Pinnas* habet miniati coloris sex; singulas in dorso, & juxta podicem; duas ad branchias, & totidem in ventre medio. *Cauda* ejusdem coloris, sinuata. A capite utrinque per medium piscem excurrit *linea* fusca ad caudam usque. *Os* ejus veluti labra habere videtur. *Labrum* seu rostrum superius crassum, sinum, obtusius. *Nares* patulae sunt. *Branchiae* octo, utrinque quatuor. *Viscera* tunica *nigerrima* involvuntur. *Intestina* replicantur, quibus adjacet *hepar* longiusculum, sine felle.

XI. **G O B I O** Fluviatilis, *Fundulus* (quia degit in fundo:) the Gudgeon, aut Pink.

XII. **C O B I O** non Capitatus, Germanis *Kressling*, aliis *Leutesser*, (quod cadaveribus submersis vescatur:) the Greyling.

XIII. **G O B I O** Capitatus, (à Capite pro corporis ratione maximo:) the Bull-head, Cull, aut *Millers thumb*. Apud nos sub saxis in rivulis plerumque stabulatur. Carnivori creduntur, & à se mutuo devorari certum est.

XIV. **G O B I T E S** Barbatus, Gallis *Lota*, the Loch.

XV. **A S P E R** *Pisciculus*, (à maxillarum squamarumque asperitate, *Rondeletio* ita dictus:) the Sharpling.

XVI. **A S P E R** major Danubianus, Germanis *Zindel* dictus. Quem *Gesnerus* optime describit.

XVII. **C O B I T E S** Fluviatilis *Rondeletii*, Gallis *Loche Franche* (vel quod totus lævis sit, & aculeis careat: vel quod mollior sit, & salubrior: the Groundel. *κωβίς*, *κίχλη*. *Pisciculus* est spithamam longus, ut plurimum lævis, cirris tenuibus rostro, barbæ modo, pendentibus. Ventriculus longiusculus, Phaeoli fere magnitudine & forma. Hujus species sunt

1. *Cobites Aculeata*, (duos enim habet in branchiis aculeos, utrinque unum, ad caudam spectantes, dentium *Cerastis Serpentis* longitudine; quibus se impellit, ut minima inter lapides foraminula subeat:) Germanis *Steinbeis*, & *Schmerlein*, Angl. the *Smerlin*. *Pisciculus* priori cognatus, rostro acutior: coloris ex fusco viridantis, maculis & lineis nigricantibus varius; non autem rotundus, sed quasi columnalis compressus. In branchiarum operculis *aculeum* utrinque habet. Non solum *Loche*, sed etiam *Perce* à Gallis nominatur. *Rondel*.

2. *Cobites*

2. *Cobites Barbatula*, (à cirris tenuibus è rostro, barbæ modo, dependentibus.) the bearded Grounel.

XVIII. *PHOXINUS* squamosus *Aristotelis*, quem *Rondeletius* sub nomine Gallico *Rosiere* describit. Piscis nobis invisus. Itali *Bambelam* vocant.

XIX. *BUBULCA* Bellonij; fordidus admodum & vilis pisciculus, Gallico vulgo è re ipsa *Bouviera* dictus; aliis *Peteuse*, etymologia à bombis obscœnis tracta. Est *Sequanæ* fluminis alumnus, non tamen usquequaque frequens.

XX. *RUTILUS*, seu *Rubellus Fluvialis*, (à rubro pinnarum colore:) the Rösch.

XXI. *CERNUA* Fluvialis, aliis *Perca minor*, the Rough; vel (sicut vulgo, sed minus recte scribitur) *Ruff*. Nomen quippe ab aculeis asperrimis desumptum videtur.

XXII. Pisciculus *VARIUS* *Rondeletii*, the Menolo (quasi dicas Franco-gallice, *le poisson menu*, piscis minutus vel minimus.) *Veron* Galli vocant, quasi *varium*, à variis coloribus quibus depictus est: eandem ob causam, *Pardilla* ab Italis: ab aliis *Sanguineros*, à rubore: à Romanis *Morella*, à nigrore dicitur. Græci quidam, ab oculorum colore rubro, *ἐρυθρόφθαλμοι* nominant. Est ex *Phoxinorum* genere. *Parit* enim circa littora fluviorum & rivorum, & quantumvis parvus capiatur, ovis plenus reperitur. *Dorsum* aurei coloris est cum splendore; *venter* argentei, *latera* purpurascunt. *Cauda* in pinnam auream & latiusculam deficit. *Pinnas* in dorso, & in ventre totidem habet, quot reliqui *Phoxini*. *Fellis* multum habet, quare non nisi evisceratus coquendus. Longitudinem digitalem excedit nunquam.

Fluviatilium LÆVIUM Classis.

Inter LÆVES censentur

I. *ARTILUS* Padi, Piscis grandis, & Cartilagineus; & *Sturioni* magna ex parte respondens: in *Pado* inertia pinguescens, ad mille aliquando libras catenato captus hamo, nec nisi boum jugis extractus, ut *Plinii* verbis utar. Describitur ab *Aldrovando*, de *Piscibus*, lib. 5. cap. 1.

II ANTACÆUS Stellaris, Piscis etiam cartilagineus, asteriscis quibusdam pallidi coloris in dorso insignitus; de cætero *Sturioni* non absimilis, rostro tantum excepto, quod longius & gracilius. Accedit ut plurimum ad 25 libras. Huic cognatus est

Antacæus Borysthensis Rondeletii (à flumine *Borysthene*, in quo nascitur & vivit) qui *Sturionem* pariter tam internis, quam externis partibus refert; hoc dempto, quod pro eminentioribus ac callosis tuberculis, quibus *Sturio* præditus est, hic stigmatis tantum lividis, fessilibusque maculis in cute minus aspera, ad latera sit distinctus. Præterea unicam duntaxat pinnam ab ano ad caudam gerit: *Sturio* autem duas habet.

III. ICTHYOCOLLA (quia glutinosum habet corium, ex quo gluten illud *Icthyocolla*, *Isinglass* dictum, conficitur) *Tanaïs* fluminis, ubi frequens est, accolis *Barbota* dicta, (quia è superiori maxilla quatuor apophyses carnosas, *barbæ* instar dependentes habet.) the *Glew-fish*. Quem diligenter describit *Bellonius*, lib. 2. de *Piscibus*.

IV. GLANIS, Glanus & Glanius *Aristoteli*, (à *Glanide Italia*, & *Cunæ* fluvio, ubi crebro capitur:) *Æliano Silurus*. Piscis immoderate magnitudinis. Nam non solum 200 librarum, sed major etiam nonnunquam capitur, *Gesneri* testimonio. Descriptionem qui desiderat, adeat *Schonfeld. Ichthyologia*, pag. 69. Unde hoc unicum exscribere mihi visum est. *Cornua*, quæ supra & infra os habet, quotannis decidunt, & rursus nova succrescunt, sicuti *Cervis*. Anglis dicitur *Sheat-fish*, & *River-whale*.

V. BARBOTA Gallorum (non à barbis, inquit *Bellonius*, aut à runco; sed ex hoc, quod Galli *barborare*, coenum & lutum rostro, anserum modo, commovere dicunt,) quæ cum *Lota Lugdunensium* convenire videtur. Vide sis *Bellonium de Aquatilibus*, lib. 1.

VI. MUSTELA Fluvialis, Mediolanensibus *Botta* (seu quod utri similis sit, ut *Cardanus* deduxit: seu quod capite ranas referat.) the *Gel-pout*.

VII. LAMPETRA Fluvialis, the *Lampern*. Tholosanis *Chatillou* (à titillatione, quod cum manu tenetur, quasi titillationis sensu, variis flexibus videatur contorquere se & elabi) dicitur.

VIII. PHOXINUS lævis, seu *varius*, Romanis *Morella* (quod nigris punctis & tenuissimis lituris sugilletur:) Insubribus *Sanguinerol* (à rubore) the *Menow*, aut *Menoe*.

IX. SALMERINUS, seu *Salmero*, (nomen à Salmone detortum est, quo cum carnis rubedine, & forte genere quoque convenit.) the *Salmon Deal*. Horum in nonnullis *Cambro-Britannia* fluvii

viis tanta reperitur copia, ut nullius ferme pretii habeantur, & Piscatores quos vendere nequeunt porcis nonnunquam projiciant.

X. *ALOSA* Fluvialis, seu *Clupea*, the *Shad*.

Piscium, qui præter fluvios, alias quoque
aquas dulces incolunt,
Classis.

INTER *λιμναῖες*, sive *LACUSTRES*, hoc est non solum in fluviiis, verum in lacubus etiam, stagnis, piscinis, aliisque aquis dulcibus degentes, numerantur

I. *PISCICULUS* aculeatus, (ut à pisciculorum omnium minimo exordiamur,) *Pungitius* Alberto Magno dictus (à lanceolis sive aculeis, quibus horret:) Germanis *Statelfish*, aliis *Spinochia*, the *Wanstickle*, aut *Prickling*. Rivuli, lacus, imo & fossæ aquis stagnantibus irriguæ, horum pisciculorum copia abundant. Generis autem duplicis sunt; *Majoris* nimirum, & *Minoris*.

II. *PERCA* major, *περὴν*, *περὴς* (vel à *περὴν*, id est *variari*, quod variis coloribus depicta sit; vel quasi *Porca*, à spinis quibus in dorso, instar setarum suillarum, munitur.) Gallis & Anglis *Perch*. Piscis & amni & lacui communis, toto corpore squamosus & argenteus, virgulis lineisque, seu potius maculis ex cæruleo subnigricantibus, à dorso ad ventrem descendentibus quasi undulatus. *Pinnæ* & *Cauda* rubescunt. *Branchias* habet utrinque quaternas, easque duplices, novissima excepta. *Pinnæ* duæ in dorso erectæ sunt; quarum prior major est; duæ sunt ad branchias altiores quam in reliquis fluvialibus; duæ in ventre, unica est post anum aculeo innixa. Os ei parvum est, dentibus armatum minutioribus. *Podex* in medio fere corpore situs. In dorso impares eriguntur *aculei*, tenui inter se membrana conjuncti. *Ventriculus* amplior longiusculus, sub cujus medio enascitur *intestinum*, tribus *apophysis* donatum. *ἰχθυοφάγος* est; omnis generis pisciculos devorans, nec suo generi parcens. Lapillos (vulgo quidem, sed perperam (nam osseæ substantiæ sunt, craniique partes) sic dictos in capite gerit binos & rotundos, juxta spinæ dorsi initium; qui contra *Lithiasin* commendantur.

III. *PERCA* minor, quibusdam *Cernua*, Trago *Aurata* (quod extra aquameducta, ac suo humore viscido liberata, aureo fulgore in cæruleum abeunte insignis sit:) Cato nostro *Aspredo*, (quia

asper est pinnis spinosis.) the *Wough*. Ob uberrimum horum piscium proventum, apud nos percelebris est fluvius quidam, *Ware* dictus, non procul *Norwico* in *Norfolcia* fluens; ut à *Camdeno* nostro (in *Hist. Norfolciae*) olim notatum.

IV. SCROLLUS Danubianus, Germanis *Schrollen*, ab *Aldrovando*, de piscibus, lib. 5. cap. 35. & 36. descriptus.

V. ALBURNUS *Ausonii*, ἐρυθρόφθαλμος (ab oculis magnis rubescentibus) circa *Vercellas*, inquit *Bellonius*, in amne *Lagogna* Ticinum influente, à piscatoribus *Scavardin* dictus; the *Bleik*, aut *Bleis*, aut *Bleak*. (forte à Græco *Βλάξ*, qui piscis quidem inutilis exponitur, & certe hic pisciculus oppido vilis est.) Gallis *Able*; Græcis *λευκίσκος*, ab albido & pallido colore. Latiusculus est piscis, *Brama* fere similis, at tenuior; cujus pinnae posteriores, cum cauda ex rubro livent, superiores fuscae. Capite parvo, squamis mediocribus, albicantibus: unde *Alburni* nomen sortitus est. Caro spinis referta, non admodum improbi succi. De hoc observatu dignissimum piscatores memorant, confirmante *Schwenckfeldi* αὐτοψία, quod nimirum *Alburnus*, non solum sui generis pisciculos pariat, verum etiam *Anguillas* procreet. Aprili mense (inquit idem *Schwenckfeld*) branchiis ipsius innascuntur minutissima quaedam animalcula 4, 5, vermium specie, fili candidi instar contorta seu convoluta; quæ, cum moveri incipiunt, in aquas abscedunt, celeriter vivunt, & adolescunt, & *Anguillarum* formam nanciscuntur. Hujus apud nos observantur duæ species, quarum prior tergore fere ad castaneæ colorem vergit: altera ad cæruleum. Utrisque vero pinnae & cauda etiam ad castaneum inclinant. Cætera argenteo colore resplendent.

VI. EPERLANUS *Bellonii*, qui *Sequantum* cognominat, à *Sequana* fluvio, ubi abundat; additque sic vocari, quasi *Excellentus*, à præstantia, qua cæteros sui generis pisciculos excedit. Ego quidem crederem eundem esse cum *Eperlano*, the *Smelt*: tum quia & odore & colore nil ab invicem discrepant; tum quod ovis semper prægnans sit uterque.

VII. LUCIUS, (vel à Græco nomine τὸ λύκος quod *Lupum* significat; quia hic inter fluviatiles sit voracissimus & edacissimus, quemadmodum inter marinos *Lupus*, cui Græci à voracitate λαβησκος nomen dederunt: vel à lucendo:) Gallis *Brochet*, vel ab aliis *Bequet* seu *Bechet*, à rostro prominente. Angl. the *Pyke* (vel ob similitudinem rostri cum hasta, vel quod se instar *hasta projectæ*, in aqua promoveat: unde Franco-gallice etiam *Lanceron*, à lancea appellatur:) & dum adhuc parvus est, *Pickarel*. Branchias habet fenas, utrinque ternas. Oculi coloris aurei sunt æmuli, maxime ad *Iridem*. Palato ejus natura duos dentium ordines infixit, quoniam in superiore maxilla nulli sunt: inferior maxilla dentibus acutissimis, impari-

imparibus, & duplici, interdum triplici serie extantibus, in os recurvis armatur, ut in *Cane Carcharia*. Cor sub branchiis minutum sature rubet. *Hepar* longiusculum, simplex, pallet: cui anteriore parte *Fel* jungitur majus, cæruleum. *Vada* petunt, cum parturiunt: ac sæpenumero singulas fæminas mares 12, 13, aut 14, sequuntur.

VIII. CYPRINUS, *Oppiano* κυπρίανος, (forte à *Cypride*, quod foecundissimus sit:) aliis *Carpa* & *Carpio*, *Athenæo* λεπιδώτις (à squamis seu latissimis & maximis, seu ita firmiter vallatis, ut lapidis ictus ab iis facile repellatur.) the *Carp*.

IX. ABRAMUS, *Cyprinus latus*, Italis *Scarda* seu *Scardula*; the *Wream*, aliis *Barn*, & ubi in majorem molem excreverit, *Cor-nabientibus* a *Wass*.

X. PALLERUS *Aristotelis*; *Hollandis*, apud quos cum ob copiam, tum quod per se insipidus sit, vilissimus habetur, cœn *Wlepe* dictus. Qui *Cyprino lato* tam similis est, inquit *Rondeletius*, ut parum cautis pro eo sæpe vendatur: sed ab eodem magnitudine corporis & squamarum differt, & pinnarum caudæque colore. Consulte *Aldrovandum*, de *Piscibus*, l. b. 5. cap. 44.

XI. TINCA, *Merula fluviatilis* *Scaligero*, the *Tench*. *Martinius* dictam putat quasi *tineta*, sc. subviridi & nigricante colore. *Piscis* latiusculus, utrinque quasi compressus, squamosus, tactu lubricus, ad nigredinem tendens, pinnis cæruleis. Celeriter ad justam magnitudinem accrescit. Tinca umbilico imposita *Ictericam* sanat, vulgi experimento. Plantis pedum per medium secta, supposita, in peste venenum divertit; nec non calorem febri-lem. *Fel* aurium affectibus, flatibus, & vermibus efficax medela.

XII. LOTA Gallorum, quam ex descriptione *Rondeletii* eandem esse conjicio cum *Gobite Barbata*, the *Loch*.

LACUSTRIVM, proprie sic dictorum, Classis.

I. UMBLA, (quasi *umbra*, seu quod haud exiguum cum Umbra pisce fluviatili similitudinem habeat: seu quod tergus præ multo livore opacum & veluti umbrosum appareat:) *Rondeletio* *Salmo Lacus Lemani*, (quod corporis specie, pinnarum numero situque, & partibus internis Salmonem referat.) *Helvetiis* *Rotele* (à colore circa ventrem rubicundo.) a *Salmon Trout*. Quæ est

vel *Major*, vel *Minor*. Utraque à *Bellonio*, de *Aquatil. lib. 2.* descripta. *Rondeletius* tertiam addit speciem, quam *Lemani* lacus accolæ *Umble Chevaliere* vocant, forte ob magnitudinem, præstantiam & robur.

II. *TRUTTA* lacustris, the *Lake-Trout*. Cui affinem judico Piscem illum apud nos, a

III. *CHARB* dictum, à *Camdeno* nostro (in descriptione agri *Lancastriensis*) his verbis celebratum. “Inter hos montes lacus totius Angliæ maximus, nunc *Winander Beer*, à tortuoso forsitan meatu, per decem plus minus milliaria, fundo quasi continuo laxo constricto, ripas incurvat, immensæ alicubi, ut accolæ ferunt, profunditatis; pisce sibi peculiari, quem accolæ *Charè* vocant, foecundus. Est enim *Truttis* per omnia similis, excepta tantum magnitudine, quæ pedalem raro excedit. Idem piscis esse videtur, cum *Carpione Rondeletij*; quem tanti faciunt Itali, ut vix ullum alium vel marinum, vel fluviatilem cum eo conferendum putent. Hoc tantum à *Truttis* differt (inquit *Rondelet.*) quod ventre sit paulo prominentiore, & rostro longiore. Cæterum partibus internis, carnis suavitate & substantia *Truttas* optimas refert.

IV. *LAVARETUS Allobrogum*, (à munditie & candore; quod nunquam sordidus sit:) quem *Bellonius* ad *Truttarum* familiam refert. Nunquam pedem excedit, neque crassior est eo quod pollex & index capere possunt.

V. *BEZOLA*, *Bisula*, *Lavareto* non admodum dissimilis, nisi quod colore minus est candido, ad cæruleum inclinante, rostro acutius, capite minore, ventre latiori, & prominentiori. Nullum piscem reperiās, cum quo melius comparari possit, quam cum *Harengo*, quem in marinis descripsimus.

VI. *CARPIO*, qui piscis sit, apud veteres ignoratur: Moderni quidam in solo *Benaco* lacu reperiri, & à carpendo auro dici aiunt. *Lacustris* potissimum *Trutta* congener statuitur ab *Aldrovando*, de *Piscibus*, lib. 5. cap. 50. unde descriptionem petas. Anglis, a *Chare*, de quo supra.

VII. *ALBULA Parva & Minima* *Gesneri*, Germanis *Heglings* & *Gang-fishes*: accurate delineatæ ab *Aldrovando*, de *piscibus*, lib. 5. cap. 35.

VIII. *ALBUS Salviani*, piscis *Alburno* magna parte persimilis, sed majoris longitudinis, & squamis amplioribus contextus.

IX. *FARRA*, *Fora* & *Pala* quoque dicta, *Lavareto* à *Rondeletio* assimilata, & descripta ab *Aldrovando*, lib. de *Pisc.* 5. cap. 56. Apud nos capitur & in lacu quodam *Cambrobritannico* *Bala* dicto, ubi ab eximio candore *Guiniad* vocatur; & prope oppidum *Pereth* in *Cumberlandia* situm, ab incolis *Schellep* nominatus: observante *D. Ray*, *Itinerar. pag. 430.*

X. *PI-*

X. *Picus*, *Pici*, *Pigi*, & *Pisqui* Verbani lacus accolis dictus, (quod clavis suis seu aculeis pungat.) Rondeletio *Cyprinus Clavatus*, Alberto *Vergiliades*, (quod Vergiliarum ortu apparent,) quem lingua nostro appellare liceat, *the Prickly Carp*. Nam *Cypri- no*, describente *Rondeletio*, ita similis est, ut, dentis quibus horret aculeis, *Cyprinum* esse affirmes.

XI. *Schilus*, *Nagemulus*, Germanis *Magmaul*, piscis forma non dissimilis *Lucio*; sed squamarum magnitudine, ordine & asperitate *Percam* referens. Reperitur in *Ambronis* lacu *Bavariae*; sed raro capitur, quoniam raro altius natando evehitur. Lege *Aldrovand. de Pisc. lib. 5. cap. 59.*

XII. *Sarachus*, *Sarachinus*, Bellonio *Aco* (ab ossiculis sine dubio illis acutis, quæ asperam spinosamque in ejus ventre lineam constituunt, & veluti acus sunt:) alicubi forte *Sárdanella*, vulgari *Mediolanensium* idiomate *Agonus*. Quem cum generibus suis descriptum videre est apud *Bellonium de Aquatilibus, lib. 2.*

Hucusque Pisces enumeravimus *Oviparos*; quibus, præter *Ovarium*, nulla alia pars generationi dicata est. Horum enim ova foris incrementum sumunt; nec utero ad hanc rem opus est. Videnturque ovarium hoc testiculis, aut vesiculis seminalibus anologon: non solum quod in eo loco reperiatur, in quo maribus testiculi nasci solent, (nempe prope cinctum corporis, juxta ingressum arteriæ *Coeliacæ*, in *Pennatis*;) sed etiam, quia in utroque piscium sexu, generationis tempore, duo folliculi per totum ventrem ducti, situ, figura & magnitudine pares insunt: qui simul adaucti, replentur; in mare quidem materia similari, spermatica, lactea (unde *Lac Piscium* dicitur, nostratibus vero, *the soft Rowe*;) in foemina vero, granulis innumeris, præ exiguitate visum effugientibus; adeo ut in conceptionis initio (propter arctam eorum compagem) corpus simile, & tanquam maris lac regulate coagulatum appareant; posteaque tanquam minutæ arenulæ invicem intra folliculum cohærentes videantur, ut *Harvæus, de gener. Animal. Exercit. 3.*

Piscium C E T A C E O R U M
Classis.

Aquatilia Sanguinea ab *Aristotele* in *Pisces* & *Cetos* optime distinguuntur; non quod *Ceti* e *Piscium* numero excludi debeant, utpote qui in aquis pariter degunt; nec quod magnitudine excellant, siquidem in genere *Piscium* adeo magni reperiuntur quandoque, ut quosdam *Cetos* mole superent: sed & quia *Organahabent Respirationi dicata*, quibus carent *Pisces*, pulmones nempe, arteriam asperam, collum, aliasque partes cum *Quadrupedibus* communes, ut renes, vesicam, testes, penem, mammas; & quia *vivos pariunt fetus*. Cum igitur de illis jam dictum; *hosc* ut nunc contemplemur necesse est.

Inter *P I S C E S C E T A C E O S* numerantur

I. *BALÆNA*, *Balæna*, φαλαινα, (vel ὡς τὸ βάλλειν, hoc est, *ejicere*, *emittere*, nempe quia altius aliis belluis marinis undas jacit: vel, ἀ φάλον, quo vocabulo Græci meatum in galeis militaribus, cui plumas olim inferebant, indigitant.) the *Whale*.

Cetorum quamplurima esse *Genera* videntur, & ut ego cum *Ol. Wormio* existimo, omnia nobis nondum satis sunt explorata. Extat enim, inquit idem *Wormius*, *Musæi sui pag. 279.* liber manuscriptus, prisca nostra *Danica* nempe lingua exaratus, quem *Speculum Regale* vocant; cujus autorem fuisse Regem *Suenonem* multi putant; in quo supra viginti species *Cetorum* enumerantur, in mari Norwegico observatorum. Quorum Catalogum exscripsit *Wormius*.

E notioribus autem sunt

1. *Balæna vulgaris*, the common *Whale*. Cujus generis plurimæ circa Islandiam, Gronlandiam, & vicina Septentrioni loca, à Biscainis, Anglis, Hollandis, circa solstitium æstivum, quo tempore sinus recessusque maris pacatiores quærunt, capiuntur. Referunt quidam, qui harum belluarum capturæ in mari Aquitanico interfuerant, oculos ipsarum vix esse humanis majores; gutturque adeo angustum, ut vix potuisset capere simul duos scombros.

2. *Phy-*

2. *Physeter*, & *Physalus*, (αἰσὶ τὸ φυσᾶν ab *efflando*, quod copiosiore aquarum eluvie præ cæteris efflare dicatur,) *the puffing*, aut *spouting Whale*. *Turnerus* noster ingentis & fere portentosæ magnitudinis hunc facit, & singulos se eorum tantum aquæ è fistulis, quas in capite habent, ejaculantes vidisse adjicit, ut singuli singulas naves onerarias aquarum copia in profundum submergerent.
3. *Cetus Dentatus*, à *Carolo Clusio* (*Exot. lib. 6. cap. 17.*) descriptus; in cujus capite reperitur liquor ille pretiosus, qui vulgo *Sperma Ceti* vocatur; Hollandis *Walscot* dictus, *the Sperma Ceti Whale*. Talis fuit bellua illa, quæ ante annos circiter viginti, in littus nostrum, non longe à *Norwico* in *Norfolcia*, magna maris tempestate appulit. Nam in capite ejus *Spermatis Ceti* tantum repertum fuisse audivimus, quantum dimidium dolii, in quo asservari solent *Haleces* saliti, replet.
4. *Pustes*, (à *secando*, quod perniciosissime natet, undasque quasi sciat,) *the swift Whale*, quam *Carol. Clus.* (*Exotic. lib. 6. cap. 19.*) optime descripsisse videtur. Reperitur plerumque in Oceano Occiduo, & *Canem Garchariam Aristotelis* formam æmulatur.
5. *Orca*, (à vasis olearii aut vinarii similitudine,) *the Ork*; nautis in mediterraneo Oceano haud infrequenter obvia. Hujusmodi belluam olim in portu *Ostiensis* visam fuisse, & oppugnatam à *Claudio Principe*, retulit *Plinius*; qui eam plene describit.
6. *Monoceros, Unicornu Marinum*, Septentrionalibus *Narhual*; cujus dens hætenus pro vero Unicornu à Magnatibus & aliis habitus fuit; *the Unicorn Whale*. In freto *Davis* hæc animalia haud rara esse retulerunt nautæ, qui ea ibidem viderunt. Capitur etiam interdum circa *Groenlandiam*. Ceti hujus iconem exhibet *Ol. Wormius*, in *Musæi sui pag. 282.*

II. *PRISTIS*, *Serra*, (quia rostrum ejus & longum est, & ferræ in modum utrinque dentatum.) *the great Saw-fish*. Quæ *Delphinum* magnitudine superat.

III. *DELPHINUS*, Græcis *δελφίς* & *δελφίν*, & si minutus, *δελφινισκός*, (à *δελφάξ*, *Porcellus*, & similiter) plerisque Europæ nationibus *Porcus Marinus*, (quia dorso repando porcum terrestrem refert;) & nautis nostris *Harengivorus* (quia *Harengos* persequitur;) *the Dolphin*, aut *Grampus*. Omnium tum terrestrium, tum aquatiliū velocissimos recte dixit *Aristoteles*; ocyores volucre, ocyorestelo. Nam cum fame concitati, & fugientem in ima vada piscem insequuti, diutius spiritum continuere; ut arcu emissi ad respirandum emicant. Dentibus centum & sexaginta, post

rostri cuspidem, os communium habet. Fistulam inter oculos gerit, per quam & aërem trahit, & aquam rejicit. Præter communem piscium modum, palpebras habet, & meatus auditorios.

IV. PHOCÆNA, the Porpus, aut Porpes; Delphini species, brevior tamen crassioreque corpore. Præter istas duas Delphinorum species, quæ sola magnitudine videntur inter se discrepare, est & alia quidem eodem nomine insignita, sed branchiis utrinque instructa amplissimis, ideoque ad Cetaceorum classem neutiquam referenda. *Dorada* mare esse asserit *Marcgravius* (in *pisc. Brasiliens. Hist. lib. 4. c. 11.*) qui scite depingit. "Piscis est compresso corpore, & latus, licet non ita crassus; capite in figuram fere quadratam desinente, fronteque ita in aciemeducta, ut facilius fluctus maris natando secare posset. In sex aut septem pedum longitudinem excrescit: latitudo, ubi maxima, nimirum versus anteriora & pone caput, sesquipedalis. Os habet haud ita amplum, pro magnitudine corporis; mandibulas compressissimas, denticulos acutos. Oculos habet magnos, rotundos, pupilla chrysellina; sitos autem paulo supra os, & inferiori loco; forsan ne in aquis imperiose ageret, qui alias Linceus. Pinnae septem, unam scilicet insignem à summitate capitis per totum dorsum extendimusque ad caudæ exortum, latam in medio 7. aut 8. digitos, quæ sensim minuitur, constans membrana ad tactum coriacea, & spinis mollibus sustentata: hanc natans in æquore erectam tenet. A medietate infimi ventris ad caudæ initium item pinna protenditur, sed vix unum digitum lata. Post utramque branchiam, pinnam habet oblongum 8. vel 9. digitos: sub his in infimo ventre duas alias paulo longiores. Cauda circiter sesquipedem longa, in duo cornua ampla distenditur. Squamulis minimis vestitur totus, quæque ad tactum vix sentiuntur: ita ut glaber videatur. Color in capite, dorso, lateribus ex viridi & argenteo mixtus, uti & in pinnis; in ventre vero albicat. Per totum autem corpus maculis est variegatus cæruleis. Velocitate natandi *Porcos marinos* sive *Phocenas* superat, & eodem modo saliendo progreditur. Vescitur ut plurimum pisce longo, quem Brasiliani *Petumbo* vocant. Carnem habet siccam, boni saporis. Cæterum isthæc descriptio *Marcgraviana*, cum illa *Aurata* sive *Dorada* veræ à *Rondeletio* (lib. 5. de piscibus cap. 11.) tradita diligenter collata, minime convenit.

V. SCOLOPENDRA CETACEA, cujus *Ælianus* solus meminit *Histor. Animal. lib. 13. cap. 13.* Effigiem unius exprimit *Johnstonus*, de piscibus, pag. 221. Tab. 44.

VI. PHOCA, Græcis φώκη, (forte ex βώκη, boatu quem edit: unde *Servius* apud *Virgilium*, *Phocas*, *Boves Marinos* interpretatus est, & rectissime, siquidem & *Plinio* dicitur *Bos vel vitulus*

lus marinus.) quibusdam *Canis*, vel *Lupus Marinus*; Danis *See-hundt*; Nostratibus *the Seal*, aut *Sea-Calf*. Corio tegitur duro, solido, piloso; colore nigricante & cinereo, quandoque maculoso; capite brevi & parvo, pro corporis ratione; dentibus serratis & versicoloribus. Nautæ & Piscatores nostri haud raro hoc amphibium capiunt, in arenosis Insulæ *Vectis* littoribus somno sopitum, & deinde cicur reddunt, ut lucrum faciant ex spectaculo. In Cornubia Phocæ majores *Soils*, minores *Siels* vocantur.

VII. *WALRUS*, aliis *Mors*, Danis & Islandis *Rosmarus*, (quod in Septentrionali oceano saltem reperiatur, ut credit *Ol. Wormius*, in *Musæo*;) nonnullis *Vacca Marina*, nobis *the Mors*, aut *Sea-Horse*. (quia monstrosus animal est & amphibium, bobus nostratibus, ubi adolevit, interdum majus.) Cute tegitur pilosa, nec à Vitulo Marino multum abhorrente. Dentes duos habet, è superiori maxilla propendentes, & ante recurvos; cubiti nonnunquam longitudine: quorum usus ac pretium Ebori comparatur. Ex iis enim varia conficiunt, annulos contra spasmodum (*Cramp Kings*;) manubria gladiatorum, framearum & cultrorum, & *Islandi* Icunculas, quibus in ludo *Scacchico* utuntur. Hos dentes esse arbitror, qui vulgo pro dentibus *Hippopotami* venduntur. Animalis hujus accuratissimam Iconem delineari curavit *D. Joh. de Laet*, *Descript. Ind. Occid. lib. 2. cap. 6.*

VIII. *MANATI* (Piscis Cetaceus, ab Hispanis in *Hispaniola* sic nuncupatus; quod pinnas ad caput, & veluti binas manus habeat, quibus natat,) Belgis *Vacca Marina* (cum quod capite terrestrem Bovem referat; tum quod ejusdem more herbis in terra pascatur,) *the Manati*. Adeo magnus est, ut jugo boum opus sit, ad unum vehendum. Animal hoc gemino in terris & aquis victu est, & amicum hominis; ut tali historia patuit. *Caramataxius*, *Cacicus*, id est *Regulus*, quidam in provincia *Nicaragua*, parvulum *Manati* quondam captum viginti sex annos in Guainabo lacu, ædibus suis vicino, velut in vivario, panis fragmentis aluit. His allectus piscis adeo cicur evasit, ut Delphinos veterum scriptis celebratos mansuetudine vinceret. Nam quocunque diei tempore inclamatus ab Reguli domesticis, *Matto*, *Matto* (ea vox Indis *magnificum* aut *generosum* sonat) velut ad familiare signum, ex imo advolabat; pastusque è manu, præbebat conscensuro dorsum: adeo ut egressus in ripam, pastum in ædes ventitaret, & cum pueris colluderet. Si qui forte animi gratia lacum transmittere vellent, decem nonnunquam exceptos dorso indefessus transvehebat: referente *Petro Martyre*, *Ocean. dec. 3. lib. 8.* Hic Piscis Lutræ prope formam referens, XXXV. pedes longus, XII. crassus est: capite & cauda bovem referens; exiguis oculis; pelle dura & pilosa, coloris Veneti; pedes duos Elephantinis similis habet. Fœminæ

ejus generis, ut vaccæ, catulos pariunt, eosque gemino ubere alunt; ut *Hieronym. Benzoni. Hist. Novi Orbis lib. 2. cap. 14.* scribit. Lapidēs seu ossa in cerebro bina gerit, parvæ pilæ palmariæ magnitudine, & orbicularia; quæ Colicæ passioni & doloribus *Nephriticis* valide adversantur, si primo adusta, contrita & per cribrum transmissa, in vino, drachmæ unius quantitate, assumpta fuerint.

IX. HIPPOPOTAMUS, *Equus Niloticus*, (quia *Nili* fluminis alumnus, & *Equo* cum specie situque partium, tum vastitate similis.) the *River-Horse*. Quem verum *Jobi* ΒΗΗΜΟΤΗ esse, longa rationum serie non ita pridem probavit mirabilis ille Linguarum Orientalium thesaurus, *D. Samuel Bochartus, Hierozoici part. post. lib. 5. cap. 15.* Monstruosum Piscem hunc nemo minorem facit *Aristotele*, qui tribuit illi μέγας ἢ ἄλκιον ὄνυ, asini magnitudinem. At in *Herodoto* Hippopotami statura est ὅσον τε βῆς ὁ μέγας, quanta maximi bovis. Neque de nihilo est, quod bovi comparatur; quem non solum pastu & cibo, sed & mole refert corporis, & forma capitis & pedum. Unde Itali *Bomarin*, id est *Bovem Marinum* appellant. Qua de re legendi sunt ex veteribus, *Herodotus* & *Diodorus*; ex recentioribus *Gesnerus*, *Bellonius*, *Aloisius Cadamastus*, *Leo Africanus*.

P I S C I U M M O L L I U M

Classis.

ENumeratis jam Sanguineis Piscibus, succedunt in ordine *EX-ANGUIA AQUATILIA*. Quæ ut supra innuimus, dividuntur in tria genera; viz. *Mollia*, seu *Molliuscula*. (2,) *Crustata*. (3,) *Testacea*.

MOLLIA, seu μαλάκια ab *Aristotele* dicta, 4. de *Hist. Animal. cap. 1.* sunt sanguine carentia *Animalia*, foris carne obducta, solidum quid intus continentia. Huc spectant

I. *POLYPUS* (qui nomine gaudet Græco, cum Latino destituitur, nisi cum *Alberto Multipedem* reddere placuerit; à multitudine pedum & flagellorum sic dictus:) nonnullis *Octapodus* (quia, ut cætera ejus generis, octo habet pedes seu flagella, seu brachia, quibus quoties tempestates urgent, ad saxa aliqua adhæret, & se velut

lut anchoris jactis stabilit; quin & tanquam manibus & pedibus utitur:) Germanis *Pol-Kuttel*, nobis *the Pour Coutrel*, & insulæ *Vectis* incolis *Poor Cuttle*, aut *Pyeke*. Datur & alia Polypi species, *Aldrovando* *Boliræna* dicta; & *Wilkinsio* nostro *the Sweet Polypus*.

II. *SEPIA*, (quod atramento, veluti putrida quadam sanie, quam Græci *Σηπιδόνα* vocant, abundet:) *the Black Cuttle*, aut *Cuttle-fish*, aut *Cull*. Cui hoc proprium est; præter fistulam inter caput & alvum prominentem, quod atramenti copia luxuriet, & vel ideo quam in cæteris reperiatur majori, quod vitam littoralem traducat, & nihil aliud quo sibi auxilietur habeat; cum *Polypis* & brachia, & mutatio coloris inserviat: Unde fit, ut attramentum illud, siue cruorem suum atrum per aquam effundat, cum se peti animadvertit, & piscatoribus iter veluti præsepiat. Habet & *Σήπιον* in dorso, robustum & latum, inter spinam & os mediam præ se ferens naturam, spongiosam inter se complectens corpulentiam: quod Aurifabri nostrates, qui eo præcipue utuntur, *Cuttle bone* vocant; *Pharmacopolis* vero *Os Sepiæ* dicitur. Apud *Rondeletium* reperiatur & *minorem* speciem, quam *Sepiolam* vocat.

III. *LOLIGO* (quasi *Voligo*, à *volatu*: quia efferre sese ab aquis, intervallaque haud parva transmittere volatu solet; teste *Scaligero*, in *Hist. Animal. Arist. lib. 1. cap. 44.*) Græcis *Τένιδον*, ab Italis & maris Adriatici accolis *Calamar* (à thecæ scriptoriæ similitudine.) Quæ duabus quasi partibus constat. Una instar thecæ est, in quam se recipit, in extremitate plane triquetra, duabus quasi alis prædita, reliqua parte concava, in quam reliquum corporis recondit. Hanc tubam, intervallo unius pollicis, mox excipit caput oblongum; cui utrinque oculi clari & chrySTALLINI insident: rostrum vero durum & nigrum habet, simile *Psittaci*; quod cirri seu flagella ambiunt octo, utrinque quatuor. Præter attramentum *Sepiæ* quoque commune, & aliud quendam suum *purpureum* habet; quo tanquam proprio signo ab aliis *Mollusculis* internoscatur. Male itaque à quibusdam cum *Sepia* confunditur. Est autem duplicis generis; *Major* scilicet & *Minor*. Hæc simpliciter *Slebe* dicitur, illa vero à colore subrubro; *Red-Slebe*, & in *Cornubia* *Cuttle-fish*.

IV. *LEPUS Marinus*, (à colore Leporis terrestris, quem *ἐμπέριον* vocant:) *Monspeliensibus* *Ebrius*; (quod vivus colore ex rubro nigricante sit, quali plerumque ebrii conspiciuntur.) *the Sea-Hare*. Cujus tria genera descripsit *Rondeletius*. *Ælianus* addit & *Indicum*, quod ex omni parte ad terreni Leporis similitudinem accedit, præter pilos, qui spinosi & erecti. Omnia veneno suo exitia esse, certissimum est. Iconem videas apud *Johnstonum*, de *Pisc. Tab. Mollibus dicata*.

C R U S T A T O R U M

Classis.

CRUSTATA seu Crustacea, *Philosopho Μαλακόεσσα*, id est *crustis tenuibus* contexta; quæ nempe tegumentum non æque durum ac densum habent ac *ὀστέα κόδερμα* (quæ *ὀστέα κω*, hoc est, testa dura & silicea integuntur) neque molle, veluti squamosi pisces, vel ij qui Molles nominantur; sed medii inter utrumque temperamenti, *durius* Mollibus, & *tenuius* Ostracodermis. Hoc Aquatiliū genus quidem varium admodum est & multiplex, multas sub se comprehendens species, non solum figura, asperitate, lævitate, magnitudine, &c. sed locorum etiam, vitæque genere diversas: omnibus tamen illud commune est, quod partem solidam *foris*, mollem vero & carnosam *intus* habeant; contra naturæ morem in plerisque aliis animalibus observatum, in quibus ossa vel cartilagine, firmamenti loco, carnibus substernuntur.

Commune etiam illud est, quod omnes Pisces Crustacei, licet ex numero *τῶν ἀναιμῶν*, five sanguinis expertium sint, *Branchiis* tamen donentur multiplicibus ac amplis, Pulmonum munere defungentibus: ad quas cum *vitalis* humor, repetitis perpetuo circuitibus afferri commode possit, idcirco eæ non ut in lumbricis, aliisque terrestribus Insectis, per universum corpus disperguntur, sed *extra* corpus in utroque latere, sub tunica loricatæ margine constituntur. Et quoniam ad harum Branchiarum motus reciprocos seu expansiones & contractiones alternatim perficiendas, in Crustaceis costæ laterales, musculi pectoris, alique aut plane desunt, aut ob partium vicinarum rigiditatem sunt inepti: ideo mechanica admiranda effectum est, ut dum Branchiæ, maximam partem solutæ, facileque mobiles relinquuntur, singulis earum fasciculis, circa bases pedunculi ossei cum musculis intra ipsorum cavitates inclusis, veluti totidem costæ pensiles, ultra corporis truncum longe productæ, affigantur: quæ tanquam tot distincta *pendula*, musculorum quos inclundunt ope, fere perpetuo vibrata, continuas branchiarum quoque *Oscillationes*, hoc est, ad aerem inspirandum *diastolas*, & ad eundem mox expirandum *systolas* præstant. Id quod in locusta marina, & in Astaco maxime conspicuum est; non ita pridem demonstrante solertissimo Naturæ indagatore, *Willisio*, de anima Brutor. cap. 3. Nam in piscibus non Cetaceis Branchiæ, quæ sunt veluti pulmones vicarii, seu potius inversi, extra thoracis cavitatem ita collocantur, ut vasorum ductus omnes, & oscula,

oscula exterius constituta, dum branchiæ dilatantur, ex aere undis permixto nitrosum quoddam excipiant, atque in sanguinem ipsum deferant; idemque mox effœtum, per branchiarum contractionem foras amandent: ut hoc pacto sanguinis vita sive flammula perpetim renovetur. Ac idem etiam in Crustaceis pariter atque Testaceis, à branchiis ipsorum pensilibus fieri, vel ex eo patet, quod in singulis Astaci branchiis, tres reperiantur sinus seu canales, quorum bini humorem vitalem circumferunt, & tertius aquas affluentes excipit egeritque: quem autem in finem, nisi ut interim spiritus Nitro-aereus per aquam diffusus, & branchiarum ministerio inspiratus, humori vitali inspiretur, ut, ad continuandam vitæ flammam, pabulum necessarium? De harum Branchiarum in Crustaceis pensilium fabrica & usu, plura qui scire cupit, consulat *Willisium* modo laudatum. Interim nobis cum *Clariss.* illo naturæ interprete, ad hujusmodi Crustaceorum respirationem in transitu respicientibus, inde inferre liceat; suas his etiam exanguibus, ideoque frigidioribus aquarum incolis *Animulas* inesse, aut plane *igneas*, aut saltem ad ignis, in secreto leniter micantis, naturam quam proxime accedentes: utpote quæ ex Atomorum subtilium, suaque natura maxime mobilium moleculis sive systematibus conflata, & accensione, hoc est, motu rapidissimo agitata, duplex alimentum ad suam subsistentiam necessario requirunt; alterum scilicet *Sulphureum*, è succo vitali jugiter suppeditatum; alterum vero *Nitrosum*, ex aquis per respirationem prolectum. Horum enim utrovis forte deficiente, *Animulæ* istæ etiam simul deficiunt, & in auram disperguntur.

Præterea, quandoquidem omnibus planè constat, Naturæ *πρόνοιαν* in eo præsertim elucere, quod, ut non omnia Animantium genera in unam mundi hujus adspectabilis regionem congeffit, sed alia in terris, in aere alia, aliaque rursum in aquis degere voluit, prout uniuscujusque peculiari temperamento ac genio convenientissimum esset; ita & singulorum *Animas* effecerit loco, cui assignantur, certo quodam modo analogas sive convenientes: cumque experientia compertum habemus, ex ignibus *Græcis*, vulgo sic dictis, dari nonnullos, qui ex *Sulphure Nitroque* debita proportionem commistis confecti, atque accensi, mediis etiam in undis exardescant: his inquam concessis, quid obstat, quin arbitrari liceat, *Piscium* quoque *Animas* ex consimili *Sulphurearum* particularum, cum *Nitrosi* certa quadam proportionem commistarum, systemate conflare? maxime quum evidentissime appareat, *Piscium* omnia genera & cito putredinem concipere, & putrescentia, cum gravissimum naribus humanis emittere odorem, tum in tenebris nonnunquam insigniter lucere: quæ omnia non aliunde videntur provenire, quam à *Sulphure*, quod eorum succo vitali copiose inest, & per

putredinem resolutum, effluviis suis nares oculosque ferit. Et quantum ad *Nitrum* attinet; illud etiam ad constituendas Piscium Animas concurrere, vel hinc suspicari licet, quod omnes aut Branchiis, aut aliis Pulmonum vicariis organis præditi sunt; ut eorum spiritus vitalis (in cujus accensione singulis momentis renovata, ipsius vitæ, hoc est, Animæ sensitivæ actus primarii tenor consistit) perpetuo spiritus Nitro-aerei affluxu recreetur. Unde contingit, ut Pisces in aquis vel gelu constrictis, vel intensiore solis ardore incalescentibus, vel ad putredinem quomodocunque dispositis inclusi, cito intereant: idque non alia forsitan de causa, nisi quod spiritus Nitro-aerii aut satis copiosi, aut puri, & ad vitæ sustentandæ usum commodi, affluxu depriventur.

Cæterum rationi videtur consentaneum, Piscium Exanguium, maxime qui crusta vel testa conteguntur, Animulas ex sulphuris crassi ac terrei multo, cum modico Nitri commisto accensoque constare. Ita enim compositæ, mediis in undis, pacatiori, & per consequens diuturniori flammula micare possunt; quemadmodum ignes quidam Græci, ex copioso sulphure, Nitrique exiguo contemperati, subter aquas diutius exardent vivuntque. Plura hujus rei argumenta in unum congefist Doctiss. noster *Willisus*, de *Anim. Brutor.* cap. 3. quo curiosiorem lectorem candide remitto; ne latius expatiari videar, quam instituti mei angustia patiantur. Absoluta itaque hac digressionem, ad varia Crustatorum genera breviter describenda revertor. Horum quatuor sunt summa genera, viz.

I. *L O C U S T A* marina, (quasi *longa hasta*, si fides *Isidoro lib. 12. cap. ult.* quod pedibus sit longis: seu verisimilius, uti *Perottus* conjicit, quod tactu multa urat, morsu vero omnia erodat:.) Græcis nunc *κάραβος* (παρά τὸ τῇ κάρᾳ βαίνειν quod capite incedat multum prominente;) nunc *γραφαῖος* (ab aculeis, πρὸς τὸ γράφειν καὶ χαράττειν, ad scribendum & sculpendum idoneis;) Germanis *Meer-stoffel*, Liguribus *Lanchrina*, Monipeliensibus *Languosse*, indeque Ichthyopolis nostris *Long-Difter* dicta. Astaco marino per omnia similis est, nisi quod hirto asperoque corpore sit, & *cornua* habeat majora, initio aspera & aculeata, deinde rotunditate præpilata, & quæ in tenuissimum cirrum desinunt. *Pedes* habet utrinque quinos, annumeratis extremis *Chelis*, quas *Gaza* modo forcipes denticulatos, modo brachia forcipata interpretatur; nostrates vero *Claws*, sed incongrue vocant. Nam *χηλή* proprie est ὁ ὄνυξ, *ungula*, & dicitur ἐπὶ τῶν διονύχων ζώων, de animalibus quibus bifida est *ungula*, quasi *χηλή*, ἀπὸ τῆ διέσδαυ, ὡς ὀπλή, ἐπὶ τῶν μονονύχων. Inde igitur accepta significatione, *Chelas* dixerunt in *Crustatis*, non unico aculeo constantes,

tes, sed duplici & articulado veluti in forcipe. Differt *mas* à femina, quod feminae primus pes duplex, mari simplex: & quod in caudæ supina parte femina appendices pinnis similes, duplices habeat, ad contegenda & conservanda ova; *mas* vero simplices & parvas. *Coerunt* juxta terram; ova gerunt tribus mensibus, Maio, Junio, Julio: deinde ova appendicibus illis in supina Caudæ parte dependentibus (quomodo, adhuc inquirendum restat; dorsum enim omnino rigidum est & incurvabile) affigunt; quæ progressu temporis animata, vermium more augentur. Locustis omnibus *vita* diuturnior est; *crustæ*que quotannis exuuntur, quemadmodum angues senectute: quod consulto à Natura factum. Crusta enim densior facta motum impedit, eique velut graviori oneri succumbentes Locustæ, longe segriores ad motum redduntur. Ea igitur succi alibilis parte quæ in crustam veterem impendebatur; in aliam gignendam subter affluente, formaque à superiore accepta; illa nutrimento sensim destituta, siccior efficitur, facillimeque duris affricando colliditur. *Testaceis* autem idem non evenit; quia locum non mutant, sed stabili in sede vivunt. Locustæ denique *carnivora* sunt, Murænas interimunt & vorant: contra à Polypis vincuntur.

II. *Astacus* marinus (quasi *ἀστᾶκος* non destillans, sed abunde fluens; quod tubercula plurima, tum alba, tum purpurea, guttarum sive lacrymarum specie, forcipibus inspersa habeat) quibusdam *Gammarus* marinus, sed *Rondeletii* judicio improprie, nam *Gammarus Squillarum* species erat veteribus Romanis. A Gallis & Normannis *Homar*; à Romanis hodiernis *Gammora*, vel *Cambro di mare*; à Venetis *Astase*; à Genuensibus *Lumbardo*; ab Occitanis, *Langrout* vel *Escrevice de mer*; à Danis *Hummer*; ab Anglis *Lobster* (ab Anglo-Saxon. *Loppeþpe*, *Astacus*) nominatur. *Crustaceum* est animal, colore, dum vivit, *nigricante* & ad cæruleum tendente; dum coquitur, in *rubicundissimum* transit, sed paulatim, ubi exsiccatur, ad *albedinem* vergit; *pedibus* præditum octonis, quos excipiunt *Chela* seu forcipes majores, utrinque unus dentatus. *Pedum* autem quidam bifurcantur in extremitatibus; quatuor nempe superiores caput versus, reliqui in acutum desinunt. *Cornua* seu flagella ante oculos duo tenuia, longa, sectionibus multis distincta, quibus viam prætentat; super quæ alia minora, oculos parvos, prominentes, duriusculos defendentia. E media fronte existit aliud parvum, utrinque ferratum, tam ad propulsandas, quam ad inferendas injurias idoneum. *Cauda*, ut in *Locusta*, ex senis tabellis contexta, in quinque pinnas desinit, sed duriores. *Dentes* duos habet ad oris latera sitos; carunculam pro *lingua*, quam sequitur *gula* brevissima. Hanc *ventriculus* membraneus excipit, cujus ostio tres infixi sunt denticuli, duo adversi,

fi, reliquus infra. Piscis hic Crustaceus (ut & alii affines) uti *retroratilis* est, ita & viscera fere omnia, aliorum respectu animalium, aut *inversa* habet, aut præpostera. Nam ejus ossa carne non conteguntur, sed contra ossibus carnes. Pedum nempe, brachiorum, capitis, dorfi, caudæ, aliarumque partium Musculi fere omnes, (exceptis tantum Temporalibus) integumentis undique crustaceis includuntur: forte ut Animal inter Scopulos & aspera saxa degens, armatura sua protegatur. Porro ne munimentum illud crustaceum, partes subjectas duritie aut compressione lædat; concavum ejus ubique *muco* crasso, purpureo, tanquam panno subdititio, obducitur. Cætera in admirandi hujus Piscis extispicio notanda, petas velim ex *Cl. Willisi lib. de Brut. anima cap. 3.*

Ad hujus generis differentias pertinent

1. *Astacus major*, à quo non multum discrepat
2. *Astacus fluviatilis*, *Gammarus*, Athenæo καμυαῖος, the Crey-fish, à Gallico *Escrevise*, ideoque scribere nos quoque debemus, Crevice. Media æstate *crusta* exuuntur, quemadmodum Angues senectute: quod consulto à natura factum est. Crusta enim densior ætate reddita motum impedit. Quo tempore crustam deponunt, in capite duos gerunt *lapillos*, albos, rotundosque, lenticulari figura, singulari Naturæ providentia, ad crustæ substitutionem; qui dein, exuto integumento veteri, rursus paulatim absumuntur, & in crustam abeunt. Exempti, riteque servati ad usus Medicos, *Oculi Cancrorum* appellantur.
3. *Astacus medius*, seu mediæ magnitudinis, *Aldrovandi*, *Literatus Wormio* dictus: quod in crustis caudam tegentibus literarum quarundam grandium & quasi Hieroglyphicarum notas ostendet. De quo *Ol. Wormius, in Museo*.
- III. SQUILLÆ, Græce καρίδες, Πράawns. Quarum quatuor diversa genera sunt, viz. (1,) Squilla *lata*, sive *Ursa* (porrecta enim Ursi corium quodammodo representat:) the *Broad* aut *Bear-Prawn*. (2,) *Gibba* (propter gibbum, quem habere videtur, dum se incurvat:) the *Bunch-backed Prawn*. (3,) *Mantis* (à similitudine bestiolæ cujusdam è Locustarum genere:) the *Sea-Grasshopper*. (4,) *Parva*, seu fluviatilis, quam nos a *Shrimp* vocamus; forsan à Teut. *Schrump*, ruga, à *rugis* in dorso.
- IV. CANCER, καρκῖν (quasi καρκίνος, quod κόρος id est pupillas & oculos mobiles habeat, the *Crab*. Horum alii extra Conchas alienas in aquis salis degunt: alii in alienis Conchis, ideoque *Wrong-heirs* nominati. Pri-

Prioris ordinis sunt

1. *Cancer marinus* vulgaris, the Common Sea-Crab.
2. *Maia* (à magnitudine; nam *μαῖα*, quæ amitam & nutricem significat, aliquando etiam pro natu grandiore sumitur) *Hippocarcinus*, the great Crab, aut *Hoise-Crab*; Cornubiensibus vero the Spanish Crab.
3. *Pagurus* (ὡς τὸ εἶναι καὶ φυλάττειν ἐν πάροις, id est, κρημνώδει τόποις, quod in locis præruptis versetur) Italis *Granciporro*; Ithyopolis nostris, the *Punger*. Crusta ejus in gyrum novem crenis, imbricis modo, incisa est. Adolefcit quandoque in calvæ humanæ magnitudinem, sed non æque orbicularis evadit: Cancris reliquis longe major. Apud nos enim visus, qui decem libras penderet. In Cornubia *White Crab* nominatur.
4. *Eques*, *δρομών*, *Cursor* (à velocitate cursus) the swift Crab. Hi Amphibii sunt, & in maximis ardoribus meridiano tempore è mari egrediuntur, diemque sub sole transigunt; circa vesperam mare repetunt. Tanta velocitate ferri vidit *Belonius*, ut ne unum quidem unquam cursu consequi potuerit. Hujus generis esse videtur *Cancer latipes*, quem *Ol. Wormius* describit, *Musæi sui* pag. 250.
5. *Flavus undulatus*, (à colore & lineis, quæ in prona parte sunt sinuosæ undarum modo, non aliter quam in Cameloto vulgo nuncupato, nomen sortitus est.) the *Chamelot Crab*. Capitur circa Antipolium, & Lerinum lacum.
6. *Marmoratus*, sive *Varius* (quod testa tegitur lævi ac perpolita, & maculis viridibus, cæruleis, albis, nigris, cinereis, Iaspidis instar & Marmoris, conspersa.) the *Parble Crab*. In faxis Agathensis littoris degunt.
7. *Cancer cordis figura*, qui in majorum Asellorum ventriculis sæpe reperitur.
8. *Cancri fluviatiles*, qui eo à Marinis differunt, quod testa sint durior & crassior; tibiis asperioribus, & ex ruffo nigrescant. Præterea multas crenas in gyrum circa chelas habent.
9. *Cancer Heracleoticus* (ab urbibus *Heracleis*, quarum una *Ponto*, altera *Propontidi* adjacet, ubi frequens est, à *Bellonio* sic dictus) nonnullis *Gallus Marinus* (quod brachia ejus in cristæ galli modum tornata videantur) qui dorso tuberculis exasperatur, & coloris est miniacei. *Sea Cock*.

10. *Cancer Pilosus* (pilorum nempe densitate Urſi corium refert) qui in mari *Tyrrheno* & *Adriatico* reperitur, ſed in *Oceano* maximus.

Sunt & aliæ Cancrorum horum *Differentiæ*, à varia *Chelarum longitudine* deſumptæ; de quibus videatur *Johnſtonus de Piſcibus*, pag. 29. part. de *Exanguib. Aquatic.* Interim illud hoc in loco notatu digniſſimum occurrit, quod curioſiſſimus noſter *Gliffonius* in immortalis ſuo de *Ventriculo & inteſtinis*, cap. 23. tractatu, obſervavit; nempe in huiusmodi exſanguibus, ſuccum vitalem qui iis loco ſanguinis eſt, ſpiritibus ejus ſopitis, ſubito coagulari. Hocque evidentiffimum eſſe in *Cancris* & *Aſtacis*. Si enim extremitatem cujuſvis branchiarum eorum tranſverſim præcideris, copioſus mox effluit vitalis ſuccus, primo tenuis & pellucidus, ſed ſimul ac refrigeratur, inſtar gelatinæ concreſcit, ita ut in fruſta ſcindi queat. Conſtat itaque, ſpiritum vitalem, ejusque calorem eſſe, qui ſanguinem fluidum ſibiſque ipſi unitum conſervat. Alioquin enim habet in ſe partes ſatis pronas ad ſeceſſum ab invicem moliendum: nec mirandum, ſi, exhalatis ſpiritibus, eæ mox ab invicem actu ſecedant.

Posterioris cenſentur

I. *CANCELLUS*, quibuſdam *Bernhardus Eremita* dictus; *πιννέφυλαξ* (quaſi ὁ τῆς πίννης φύλαξ, quia pinnis & conchis inſidet) the little Souldier-Crab. Nam à Conchis nudi naſcuntur, ſed *Purpuras* & *Turbines* è ſuis pellunt conchis, iſſque veſcuntur, ut eorum occupent domicilia. Cum in amplitudinem majorem excreverunt, quam ut primis teſtis capi queant; in teſtam ampliorem, tanquam domum novam migrant.

II. *CANCELLUS* in *Buccino* degens, the bigger Souldier-Crab dwelling in the Sea-Trumpet, the Hermit-fiſh.

III. *SCYLLARUS*, ſive *Cancellus*, in *Nerite* Concha degens.

IV. *CANCER PARVUS*, qui pinnis innafcitur; eſtque longo corpore, *Locuſtis*, non *Cancris* ſimili. Hujus generis ſunt, qui in *Oſtreis* interdum reperiuntur, & cruſta ſuperna faciem humanam repræſentant.

TESTACEORUM Turbinatorum
Classis.

INter Exsanguia *tertium* locum sibi vendicant TESTACEA, Aristoteli ὀστρακόδερμα, quæ testis duris & fragilibus muniuntur. Distinguuntur in (1,) *Turbinata*. (2.) *Univalvia*, μονόδυνα, & (3,) *Bivalvia*, διδυνα.

TURBINATA, Græce Στρομβώδη & ἐλικοειδῆ, sunt illa, quæ in volutas & anfractus seu spiras, quales in prælis & torcularibus visuntur, testas suas quoquo modo reflectunt. Horum autem *duo Genera* constituuntur. Vel enim *Helicem* in testa habent: vel sunt σφαιροειδῆ, *Sphærica*, seu in globum circumacta.

Prioris Generis sunt

I. NAUTILUS, Græcis veteribus ναυτικός, modernis ναυτίλος, (quod navis effigiem referat) the Nautilus, aut Sailer. Quippe, in summa æquorum pervenit, ita se paulatim subrigens ut emissâ omni per fistulam aqua, velut exoneratus sentina, facile naviget. Postea prima duo brachia attollens, membranâ inter illa miræ tenuitatis extendit. Quâ velificante in aura, cæteris subremigans brachiis, media caudâ, ut gubernaculo, se regit. Ita vadit alto, Liburnicarum ludens imagine, & si quid pavoris interveniat, hausta se aqua submergens. *Duo* ipsius genera sunt; *Unum*, cujus testa Pectunculo similis est, cavâ, neque ei connexa; ideoque is nonnunquam è concha sua delapsus, nudus capitur in arena: *Alterum*, quod in testa tanquam Limax est, nec ex ea unquam egreditur, sed interdum brachia exerit. Est & *tertia* species, *Cochlea Margaritis Æmula*, *Wormio* dicta (quod sit Unionum colore & splendore) ex *India* & sinu *Persico* nobis allata. Quæ glabra omnino & lævis est, parte interna infinitis prædita interstitiis. Superficies externa mira colorum varietate splendens, subinde circumagentibus se in purpuram candoremque maculis. Qui exterior Cortex ubi detractus fuerit, plane substantia Margaritas refert. Ex ea in frustra dissecta, imagunculæ, globuli ad numerandas preces, monilia & alia ejus generis nonnulla conficiuntur: Vasa quoque potatoria eleganti artificio.

II. PURPURA, Græcis πορφύρα, *Politiano Concha Herculeâ* (quod tincturæ auctor *Hercules* credatur) the Purple-fish. Cujus Concha

Concha, parte turbinata pluribus mucronibus seu extuberantiis horrida est, superficie exteriori modo candicans, modo flavescentes, interiore modo violacei, modo rubicundi coloris; in anfractus in mucronem desinentes contorta. Animal cornua duo Limacum modo attollit, atque eodem ritu serpit, iisdemque cornibus viam prætentat. Aquam marinam haustam asservat, qua pluribus diebus fovetur & sustentatur. Hepar habet viscidum tenaci lentore præditum, quod *Arist. Papaver* vocat, alii *Cor*; ad cuius latus existit *mucus Purpureus*, in recentibus Purpuris illico extorquendus, cum totus in demortuis pereat. Hoc succo olim tingebantur lanæ. *Differunt Purpuræ* magnitudine & aliis circumstantiis. Præcipuæ autem species sunt

1. *Magnæ*, quæ ad *Sigæum* & *Loftum Ida* promontoria gignuntur.
2. *Parvæ*, quas *Euripus* fert & *Caria*.
3. *Pelagiæ*, quæ magnæ & scabræ sunt, quarumque *Flos* magna ex parte niger, sed nonnullis pusillum rubidus.
4. *Littorales*, quæ parvæ & flore rubro sunt.
5. *Echinatæ*, quæ vel pluribus spinis maxime in postica parte horrent, vel rarioribus, minoribus & brevioribus.
6. *Rubræ*, ut in Austrinis partibus.
7. *Nigræ*, in Aquiloniis.
8. *Lividæ*, in Occidentalibus & Orientalibus.
9. *Marmoreæ*, quæ longis undique tuberibus, at minime acutis, sed obtusis plenæ.
10. *Pentedaetyle*, qualem *Gesnerus* descripsit, ex *Adriatico* mari acceptam.

III. BUCCINUM (à similitudine buccini, quo sonus editur, rotunditate oris in margine incisa, ut *Plinio* visum.) Græcis φήκιον, & τρύβος, & κήρυξ (forte à cera, quam mucro similem mutuo attritu salivant; quod Græcis est κηρίαζειν) the Trumpet. Variat magnitudine. *Buccina* enim

1. *Major* in tantam quandoque excrescit magnitudinem, ut ad *Cartejam*, teste *Bellonio*, decem capiat Cotylos.
2. *Minor* ut plurimum ovi magnitudinem non superat. Strias quandoque quinas aut plures in tergore habet, plerumque in gyrum tuberculis obtusis & brevibus obsepta, frequentioribus quam in *Purpura*.

IV. MUREX (ab asperitate murorum quibus includitur; longos enim firmosque aculeos habet, per intervalla eminentes) Qui est (1,) *Marmo-*

(1.) *Marmoreus*, à candore & duritie sic dictus, cujus testā gravis est, densa, solida, aculeis multis horrens, figura inter Buccinam & Conchylum media. (2.) *Triangularis*, altera parte planus, altera fere rotundus, sed ita ut utrinque sint duo latera. Aculeos habet breves & firmos (3.) *Lacteus*, à lacteo colore nomen sortitus. (4.) *Orthocentrus*, qui totus forinsecus & intrinsecus rubet; turbine candicat. (5.) *Coracoides*, *Rondeletio* ab infirmis, & rostris Corvorum similibus, aculeis dictus. (6.) *Aporrhaides*, quos quidam inter *Lepades*, quod ut istæ saxi adhæreant, ponunt; sed male: faciunt enim & *Neritæ* idem, quæ tamen toto genere ab iisdem differunt.

V. CONCHYLIIUM, cujus operculum est *Blatta Byzantia* Serapionis. Est autem ea parte latius, qua in turbinem dedit, sine aculeis tuberculisve ullis.

Posterioris sunt

I. TURBO, qui ex amplo & lato paulatim in mucronem definit, multis voluminibus constans pro corporis proportionem, variorum colorum, foramen rotundum habens, & rimam per quam excrementa excernuntur. Est (1.) *Magnus*, qui multis volutis constat, margine spisso & aspero, testa alba, lineis tuberculisque aspera. (2.) *Auritus*. (3.) *Tuberosus*. (4.) *Angulosus*, quod testæ volumina ita à se discreta sint, ut in medio angulos efficiant, sic dictus. (5.) *Muricatus*, quia testa est intus purpurea, foris alba & quasi calce illita, sic nominatus. (6.) *Pentadactylus*, quia quinque appendices longas & acutas, si extremum Turbinis annumeres, habet. (7.) *Qui spongiis delectantur*. Quorum omnium *Icones* videantur apud *Aldrovandum*. Adde Turbines *notis Musicalibus insignitos*, ab Ol. Wormio, *Mus. pag. 259.* descriptos.

II. TROCUS (ita dictus, quod similis sit instrumento ligneo, quod pueri scutica in orbem agitant: unde merito in Turbinorum classem refertur) qui distinguitur in (1.) *Magnum*. (2.) *Pyramidalem*. (3.) *Niloticum*. (4.) *Indicum*. (5.) *Album*. (6.) *Maculosum*. Omnes vero læves sunt & varii.

III. NERITES (à *Nereo*, Deo Marino; quod is forte tali concha, tanquam elegantiore buccina, usus esse fingatur) the *Nereids Trumpet*. Cujus concha rotunda est, in spiram desinens exigua, lineis frequentibus per universum corpus perreptantibus; quarum vestigia etiam in ore apparent, quod altera parte striatum, altera exiguis punctis horridum conspicitur.

IV. COCHLEÆ, *Sea Snails*, *Whilks*, aut *Porwinckles*, & *Perwinckles*. Quarum tanta ubique varietas est, ut singulas expli-

care & exprimere operosum foret. Præcipue vero sunt (1,) *Calatæ*. (2,) *Echinophoræ*. (3,) *Cylindroides*. (4,) *Depressæ*. (5,) *Rugosæ*. (6,) *Umbilicatæ*. (7,) *Sarimaticæ*. (8,) *Oleariæ*, quod iis oleum decapularent veteres Romani, sic dictæ. Quas omnes accurate descriptas invenies ab Ol. Wormio in *Musæi sui* pag. 260, & 261.

V. ECHINUS (vel κατ' ἀντίφρασιν, ἀπὸ τῆς μὴ δύνασθαι ἔχειν διὰ τὰς ἀκάνθας, quod manu retineri non possit, propter aculeos: vel, ut *Vossio* satius videtur, ἀπὸ τῆς ἔχειν ἑαυτὸν, ἀφανῶν τῶν σαρκῶν ἐσῶν, quod ita se cohibeat, ut nullæ carnes appareant.) aliis *Erinaceus Marinus*, the *Sea-Urchin*, aut *Sea-Hedge-hogg*. Quibusdam *Aurantium Marinum*, quod spinis ablatis pomum Aurantii quodammodo referat. Hujus tota testa aculeis forinsecus, intrinsecus foraminibus parvis plena est; per quæ movendi facultas aculeis communicatur. Hujus species præcipuæ sunt

1. *Echinus Spatagus & Brissus*, nostratibus, ob pudendi muliebris similitudinem, inhonesto nomine, a *Cunt*; & maritimis *Cambrobritannia* partibus, *Peere-Wais Head* dictus. Qui, ut, à *Rondeletio* describitur, vix à cordis figura recedit, aculeis parvis & raris obsitus.
2. *Echinometra*, quam *Rondeletius* tantæ magnitudinis exhibet, ut ambabus manibus quaquaversum extensis vix capi possit.
3. *Echinus minimus* pelagijs, Italis *Un Judeo* vocatus (quod perpetuo nigrescat & sordescat) spinis grandibus, longis & præduris. Testam juglande majorem non promit: estque reliquis omnibus vividior. Nam si supinum ponas, mox suas spinas deprimit, & se in pronam partem convertit. Hic spinis spoliatus, & exsiccatus, vernacule dicitur the *Sea-but-ton*. Omnes in Cornubia *Shorrs* audiunt. In Echinis nihil est quod cibum præbeat, præterquam ova, quæ in iis reperiuntur quinque-partita, subruffa, ad stellæ imaginem formata; quæ interdum eduntur, sapore non injucundo, licet ad amaritiem accedant. Testæ crematæ sordida ulcera purgant, carnem luxuriantem reprimunt, strumas discutunt. Ad expellendas secundas sumit *Hippocrates* tres Echinus marinos tenuiter tritos, & in vino odorato exhibet. Ol. Wormius in *Musæo*, pag. 261.

U N I V A L V I U M

Classis.

E Conchiliis UNIVALVIBUS sunt

I. LEPADES (quasi *Squamae*, quia petris, aliisque corporibus adhærent, instar squamarum) Patellæ, Lymipins, Lymipets, *Aristophan*, in Pluto. τὸ γράϊδιον, ὡς περ λεπὰς, τῷ μερακίῳ προσίεται; anicula, tanquam concha, adolescenti adhæret.

II. CONCHA Veneris (ob communem cum *Venere* originem è mari: vel à pulcritudine; vel quod pudendum muliebri figura exprimat) aliis *Concha Porcellanica* & *Lævigatoria* (quia ad chartas & alia læviganda iis utuntur Itali) Cujus varia sunt genera, colore & magnitudine differentia.

III. CONCHA PERSICA, quæ à loco nomen sumsit, estque majore sui parte rubicunda, cætera candida. Margaritas proferre proditur: ac proinde *Mother of Pearl* dicta.

IV. PENICILLI, *Tubuli Testacei*, in quibus vermes latent; *Worm-shells*. Sunt & qui molli quadam & laxa substantia saxi allicantur, ita ut aquarum undis cedat & agitetur. Reperiuntur nonnunquam in *Ostræ* vulgaris & *Gæderopodis* testis.

V. BALANI, Latinis *Glandes* (ob similitudinem glandium arborearum; nam ut glandis pars altera lævis est, in acutum desinens; quædam aspera: sic hæc, quæ saxi adhæret, partim lævis est, partim aspera.) *Center-shells*.

VI. CONCHÆ ANATIFERÆ, vulgo *Barnicles*, aut *Barnacles*: in *Scotiæ* littoribus frequentes, & navibus ex *India Orientali* reducibus sæpe adhærentes. De generatione Avium ex his, lege *Ol. Worm. in Musæi sui pag. 257*.

VII. DENTALIA, *Tubuli* quidam candidi, teretes, striati in acutum desinentes, una aut altera linea transversa inæquali cincti. *Tellinis* adnasci solent quandoque ut *Balani* aliis crustaceis.

VIII. ENTALIA, quibusdam *Antalia*; conchulæ nimirum parvulæ, ejusdem substantiæ cum *Venereis*, aut potius *Cylindricis*, niveæ, læves, rimulam habentes. Ingrediuntur compositionem *Unguenti Citrini*; quod vi abstergendi sine acrimonia & caliditate polleant præclara. Hisce affines sunt *Conchulæ Striatæ*, cum *Venereis*, quoad figuram, affinitatem quandam habentes; ex quibus monilia conficere solent.

IX. AURIS Marina (quia aurem exacte refert) ab *Aristotele*

λεπὰς

λεπὰς ἀγρία dicta, Bellonii *Patella major*. Cum Lepade confunditur ab *Hippocrate*; λεπὰς ἀγρία, ἣν καλεῖσι θαλάττιον ὄν. *Patella* fera, quam vocant aurem marinam.

B I V A L V I U M

Classis.

BIVALVIA, Græcis διδυρά, Conchæ sunt duabus præditæ testis, iisque vel *asperis*, vel *lævibus*.

Inter Conchas **ASPERAS** sunt

I. **MARGARITIFERA**, Mater *Perlarum*, & *Indica* (quod apud *Indos* reperiatur potissimum) the Pearl-Dyster, aut Mother of Pearl. Hujus Conchæ licet multa sint genera, eam tamen hic intelligimus, quæ grandis est, modice cava, spissa, figura Pectinibus æmula, una saltem parte aurem habens & parva foramina, quæ non penetrant; interius Margaritæ aut Unionis instar splendens. Hæc interdum tam grandis in India invenitur, ut ferant in mari Borneo inventam pondo septem & quadraginta librarum. Testa ad varia Utenfilia accommodatur; nam capsas, pocula, cochlearia, mensas, scipiones hisce exornant; imo cochlearia integra, manubria, icunculas inde conficiunt: quorum exempla haud pauca in REGIÆ SOCIETATIS Musæo asservantur.

II. **IMBRICATA**, seu *imbricatim undulata* (sic dicta, quod testis ad undarum sese attollentium similitudinem distincta est) *Tri-dachne* (quod tantam habeat carnem, ut non nisi tribus vicibus deglutiri possit) quæ haud raro longitudinem attingit pedalem.

III. **STRIATA**, cui striæ testam percurrentes nomen dedere. Hujus varia genera fideliter descripsit *Ol. Wormius*, Musæi sui pag. 253.

IV. **ECHINATA** (quia forinsecus hirsuta est Echinorum modo) quæ Pectini similis est; testis admodum concavis, striatis, in ambitu incis. Uniones in ea reperiri testatur *Plinius*, *H. N. lib. 9. cap. 35.*

SQUAMOSA, quæ lineis semicircularibus, squamarum in morem, est exornata.

VI. **LONGA**, cujus duas species exhibet *Rondeletius*: *Unam* colore vario, in medio albescente, intus cum lævitate candido: *Alteram*

Alteram testā alba, alpera, lineis multis distincta, quam *Plinij* longam esse putat.

VII. PICTORUM (quod testæ ejus olim pro conficiendis coloribus raderentur.) quæ crassitudine cæteras omnes multum excedit, & florem foris habet. *Aldrovandus* unam attulit colore Cinnabaris, figura minorum Ostreorum.

VIII. CORALLINA (quod Corallium colore imitetur) quæ externa testarum parte Pectinem refert; sed lineis est aspera; tuberculis rubris inæqualis, intus lævissima, candidi Marmoris colore. Post diutinos Austri flatus, & Caniculæ exortum in littus ejici solet.

IX. RUGATA, non ab imo ad summum, sed transversim multas rugas ductas habens. Veneti *Biveronem* vocant.

X. RHOMBOIDES, *Rondeletio Musculus striatus*; quæ elegans est, oblonga, qua testæ cohæret recta ferme, altera parte sinuata: Caput vero testæ in angulum prominet, ut tota Rhombum haud ineleganter referat.

Inter LÆVES ponuntur Conchæ

I. GALADES, omnium maximæ & lævissimæ, intus vero candidissimæ, non admodum concavæ; Nostratibus *Long Disters* dictæ.

II. NIGRA, prioribus similis, nisi quod intus & foris nigricat.

III. FASCIATA (quod quinque veluti fascias latas à latere in latus ductas habeat) cujus testa est admodum lævis, dura & marmorea. Harum plures depinxit *Aldrovandus*, de *Piscibus*, lib. 3. cap. 55.

IV. CRASSÆ testæ, quæ fasciis & rarioribus, & latioribus insigniuntur.

V. TENUIS testæ, quæ extra sunt colore fædo, lutulento, cinereo; intus argenti modo resplendent.

Huc referuntur etiam

VI. CHAMÆ (à Græco verbo χαῖ, seu quod hient; unde quibusdam *Hiatulæ* dicuntur, & *Plinius* Conchas quasdam pandere se dixit quadam oscitatione: seu quod earum conchæ admodum concavæ sint, & capaces) Gallis *Flammæ* & *Flammæ*; Italis *Peverazæ* (quod pipere condiantur) a fort. of *Cockles*. Quarum aliæ *Asperæ* sunt, aliæ *Læves*.

VII. OSTREA (vel ὀστρεὶ τῆ ὀστράκῃ, vel quasi ὀστρεῖα, quod testa veluti ossea tegantur.) *Differs.* Quorum differentiae, à loco & colore desumptae, variae sunt. Ratione Loci, celebrantur.

1. *Pelagia*, quae in alto mari nascuntur, parva & rara.
2. *Λιμνόστρεα*, ut *Aristoteles* vocat, quae in stagnis marinis degunt. Cujus sortis sunt apud nos *Colcestriensis* dicta, quae puteis & stagnis, quae mare singulis aestibus inundat, aluntur; indeque pinguiora, & falsedine gratiora evadunt.
3. *Littoralia*, quae in littoribus inveniuntur; nec non inter saxa, limi & aquae dulcis expertia. Parva sunt, dura & acria.
4. *Britannica*, quae omnibus praeferruntur.
5. *Santonica*, quae magis salta & acria judicantur.
6. *Burdegalsia*, inter quae *Medokina* (ab oppido vicino *Medoe*, dicta) suavitate praecellunt.
7. *Circaea*, quae ab *Horatio Satyr.* 4. commendantur.
8. *Abydena*, quae olim à ganeonibus celebrari solita *Clemens Alexandrinus in Pædagogo* prodidit.
9. *Lucrina* (à *Lucrino Campaniae* lacu, in sinu *Bajano*, prope *Puteolos*, ita dicta) quae à *Plinio* celebrantur.
10. *Brundusina*, de quibus ita *Plin.* "Gaudent peregrinatione, transferrique in ignotas regiones. Atque ita Brundusina in *Averno* compasta, & suum retinere succum, & à *Lucrino* adoptari creduntur.
11. *Cumana*, quae *Strabo* praestantissima facit.

Quid? Ostrea illa, inertissimam carnem cœno saginatam, nihil existimas limosae gravitatis inferre? *Senec. Epist.* 95.

Quoad Colores; *Ruffa* sunt in Hispania; *Fusca* in Illyrico; *Nigra* & carne & testa sunt *Circaea*, quibus palma mensarum diu tributa est; in mari *Rubro* flammeis illustrantur zonis. Hisce demum subjunguntur.

Gaideropoda (quasi *pes Asini*, apud Græcos, qui *Gaideron* hodie asinum vocant) apud nos *Worse* *Differs.*

VIII. PECTINES (à rugis seu imbricaturis illis, quibus insigniti sunt; si *Gillium* sequimur.) *Scollops.* Græci κτέρες nominant, ob manuum & pedum similitudinem. In *Hibernia* admodum frequentes sunt; ubi in arenosis & limosis littoribus sponte proveniunt, & stridore sentiuntur, quoties per summa humoris in arena stagnantis nitibundi feruntur. Differunt magnitudine, & rugarum varietate: Pectunculus, a *Cockle*.

IX. MUSCULI, seu *Mytuli* (nam non nisi magnitudine & rotunditate

tunditate eos differre recte statuit *Rondeletius*, & *Aldrovandus* (ut hi sint majores, illi minores) *Muscles*, & ubi grandiores sunt, *Hoise-Muscles*. Ex *Norvegia* magnitudinis stupendæ adferuntur *Mytuli*; sed eorum caro palato minus grata & delicata. in *Scotiæ* littoribus qui capiuntur, *Margaritis* scatent, sed impuris, immaturis, nulliusque pretii.

X. *TELLINÆ* (ita nominatæ, ὅτι τάχιστα πλείων γίνονται, quod ocyssime perficiantur, sponteque proveniant.) Venetis *Capparazole*, seu *Capporole* (à *Capparis* similitudine) quæ testis constant lævibus, candidis, nequaquam striatis, quandoque crenulis & denticulis, in longitudine diffusis, mediocriter fortibus, intus cavis, exterius ex albo & flavo purpurascens, exiguo sunt corpore, nec facile aperiuntur. Edulium præbent ori gratum; unde Romæ & alibi bellariorum vices subeunt; alvum tamen resolvunt.

XI. *SOLEN*, Græcis Σολή (à canalis sive tubi similitudine) quibusdam, juxta *Plinium*, *Aulus*, *Donax*, *Dactylos*, *Onyx* (quod cum his figura conveniat) Venetis *Cappa longa*, the *Sheath*, aut *Kazor-fish*. Est ex *Concharum* longarum genere, duplici constans testa, lævi, tenui, altera tantum nigro vinculo membraneo colligata; altera soluta, dodrantali longitudine, pollicis crassitie, arundinis modo cava, extremis duobus semper apertis. Commendantur *Calculosis*, & *Urinæ* difficultate laborantibus.

XII. *PHOLADES* ἀπὸ τῆ φωλεῖν, quod in cavernis & latibulis condantur: & recte quidem; nam ita inter saxa, imo & in saxis ipsis latent, ut iisdem undique contegantur, per foramen vero exiguum & sensui vix patens aqua nutriuntur.

XIII. *PINNÆ*, Græcis Πίννη & πίννα, numero singulari (quod semper sordibus obductæ sint) Neapolitanis *Pernæ*; Venetis *Asturæ*; à *Mytulorum* figura non multum recedentes. *Cancris* etiam in illis hospitantur. *Rondeletius* tantam Romæ se vidisse scribit, ut ad cubiti magnitudinem accederet. Plurium specierum *Icones* depinxit *Aldrovandus*, de *Piscibus* lib. 3. cap. 76. Harum aliæ *Majores* sunt, aliæ *Minores*: Anglis *Sea-Patze* dictæ.

Restant adhuc quamplurimi *Pisces Exotici*, *Novi Orbis* duntaxat alumni; quos, quia perpauca ex eis nobis hætenus vidisse contigit, & quia nominibus *Latinis* nondum donati sunt; idcirco prorsus intactos relinquere consultum duximus. Ne vero *Lectoris* curiositati in hac parte omnino defuisse videamur; eum officiose remittimus ad *Job. Johnstoni* Lib. 4. de *Pisc.* ubi ingentem istorum numerum inveniet, ex *Marcgravio*, *Pisone*, *De Laet*, *Benzone*, *Petro Martyre*, aliisque rerum Naturalium Indicarum *Historicis* diligenter collectum, & in debitas *Classes* redactum.

ZOOPHYTORUM five Plant-animantium
Classis.

QUoniam *Zoophyta* (à ξῶον, hoc est, *Animal*, & φυτὸν, hoc est, *Planta*; ut ad verbum *Plant-animantes* vel *Plant-animalia* dici possint) in Exanguium Aquaticorum genere à nonnullis constituuntur; utpote τὰ ἐπαμφοπριζόντα φύτῳ καὶ ζῳῳ, ut *Aristoteles* loquitur: ideo & nobis necesse videtur, hic eadem breviter recensere. Istiusmodi sunt

I. *URTICÆ marinæ* (ab urendo Latinis sic dictæ; eo quod manum urere videantur, si ea tangantur) Græcis ἀκαλίφαι (quasi ἀπολέσαι τὴν ἀφῶν, id est sensum corrumpentes) Italis *Flammæ Maris*; nobis *Sea-petles*, & in Cornubia *Blubber*. Harum Differentias varias apud Auctores invenias: sed duo præcipua genera sic describit *Rondeletius*. Primi generis pars una est veluti fungosa quædam massa, rotunda, cava, in medio perforata, purpurea veluti fasciola ambiente, ita ut pileum plane referat: altera Polyporum pedibus similis est. Octo enim pedes habet crassiusculos, extremis quadratos, in acutum desinentes. Nullas partes interiores habet distinctas. Corpore est adeo pellucido & splendido, ut oculos perstringat. Ad eam haud raro magnitudinem excrescunt, ut pileos, quibus viatores uti solent, superent.

Alterum quatuor duntaxat pedes seu frondes habet, qui foliis Acanthi comparari possunt. Corpore est quasi cartilagineo, ac Chrystalli in morem pellucido; quod in mucorem facile resolvitur. Gibbam habet, instar dimidiatæ sphaeræ, figuram, glabram, pollicis crassitudine: cujus pars interna nervis rectis à medio incipientibus, quasi striis fulvi coloris, in gyrum radiatur, quibus se diffundit & constringit: qua corporis commotione aquam concutit, & nunc in prorum, nunc in supinum effertur, &c. Ab his diversum genus exhibetur à *Meretto nostro*, *Pinace rerum Natural. Britannicar. pag. 194.*

II. *PULMO marinus*, (vel à pulmonum nostrorum figura: vel ab eorundem substantia laxa, molli, & foraminulis plena) qui intuentibus apparet corpus quoddam rotundum, pilæ marinæ modo, virescens, foris substantia filtro simile, intus totum fistulosum & spongiosum. In mari aqua plenum est, & grave: extra aquam in se concidit & flaccescit. In saxorum rimis delitescit, & inter algas. Nostratibus *Blubber* dicitur.

III. *HOLOTHURIUS*, (unde nomen veniat, nescimus) quod altero extremo obtusum est & planum, in quo Rosæ sculptam imaginem

ginem dicas, circa quam apparent acetabula; inde parva appendix & mollis dependet: altero tenuius. Intus partes omnes sunt indiscretæ. Aliud genus descriptum invenies apud *Aldrovandum*, lib. de *Piscib.* 4. cap. 4. Belgæ *Quallem* vocant. De exurente huius qualitate videatur *Jacobus Bontius*, de *Medicin. Ind. lib. 2. cap. 4.* Ubi affirmat, Chineses potum istum ardentissimum, quem *Arac* vocant, ex *Oryza* cum *Holothuriis*, in mari fluctuantibus, conficere: indeque alvi profluvium ac dysenteriam, Batavis Javam in India orientali incolentibus adeo infestam deducit.

IV. TETHYIA, seu, ut *Plinius* vult, *Tetheæ*; Græcis τήδεα & τήδρα; modernis *Spherdocles* (forte à sphæra,) Adriatici sinus accolis *Spongiæ* (quia, cum premuntur, Spongiarum instar, aquam è foraminulis reddunt,) aliis *Tubera* (à colore & tumore; seu quod nullis fibris, ut *Tubera* terrena, niti crediderint.) Quæ describuntur ab *Arist. Hist. Animal. lib. 4. cap. 2.*

V. *Malum Granatum Marinum.*

VI. *Fungus Marinus.*

VII. *Pyrus Marinus.*

VIII. *Mentula Marina.*


IX. *Penna Marina.*

X. *Malum Insanum Marinum.*

XI. *Manus Marina.*

XII. *Cucumis Marinus.*

XIII. *Uvæ Marinae.* Quæ omnia appellationes suas à rebus, quas repræsentant, mutuuntur. ¶



MANTISSA ANATOMICA

A D

*Piscium Pelagiorum Cartilagineorum Planorum
Classem spectans.*

LECTORI Admonitio.

IN præcedenti Piscium Pelagiorum Cartilagineorum Classe, ubi in RANÆ PISCATRICIS mentionem & descriptionem instituti ductu incidissem, me dixisse memini; Piscem istum tanta, & in reliqua Animantium aquis degentium grege tam insolenti Naturæ solertia fabricatum esse, ut nihil in eo occurrat non admirandum. Huic igitur dicto ut clarior constaret fides; adii magnum illum Virum, summumque Artis Apollineæ, quin & puritatis Linguae Romanæ arbitrum, D. GEORGIUM ENTIUM, M. D. Equitem Auratum, &c. obnixè eum obtestans, ut quæ in dissecto Pisce memorato à se olim observata, chartisque exarata fuissent, nunc demum, pro insigni sua in Anotamiæ Comparativæ augmentum benevolentia, quam æternitate dignissimis scriptis toties testatam fecerat, mecum communicare dignaretur. Nec disparem votis Candorem experiebar in Animo Humanitati tantopere addicto. Is enim, superatâ illâ, quam cum publicæ Utilitatis inductione in pectore suo niveo diu colluctantem sensisset, Modestiam, sui que diffidentia; haud gravatim exorari se tandem passus est; apertoque

que confestim Observationum Anatomicarum Thesauro (quem avidissime exoptant omnes, quibus cum literis aliquid commercij intercesserit) inde quæ desiderio meo satisfacerent, mihi & depromendi, & in lucem emittendi liberam potestatem fecit lubentissime. Quæ vero in commodum Tuum, LECTOR Curiose, disertissimis Elegantissimi Auctoris verbis exscripsi, ita se habent.

RANÆ PISCATRICIS Anatome.

GRæci Βάρπαρον vocant: Istri piscem *Rospum*; Rospus enim ipsis Bufo: Taurinis *Bora*; Lombardis *Zatto*, Scallig. in *Arist. Hist. Animal.*

Est Gyrino similis. Nempe anterior ejus pars, five venter, Ranam vel Bufonem æmulatur; posterior autem in longam & mucronatam caudam definit: cujus pars extima, five *pinna*, carnosæ est; &, palmipedorum animalium ad instar, intercurrentibus in longum cartilaginibus, late expanditur; estque spithamam longa: indeque ad capitis initium, in ea, quam dissecuri, sex spithamæ numerabantur.

Palmi spatium à dicta pinna, altera pinna in superiore caudæ parte, inferne amplior & transparens, nascitur. Subter caudam, è regione hujus pinnae, altera pinna conspicitur, carnosæ etiam, & caudæ pinnae similis. Ab hac pinna, quatuor digitorum latitudine versus caput, *podex* situs est; pauloque infra eum *apertura alia* conspicitur; in quam Vesica Urinaria, & Uteri cornua terminantur. In medio fere ventris, utrinque à lateribus, ampla & carnosæ pinna enascitur, spithamam circiter lata, parisque ferme longitudinis. In medio dorso, duo *cincinni* five *cirri* exurgunt, digiti longitudine, duobus palmis à caudæ superiore pinna: hinc palmi spatium alter item *cincinnus*, pauloque longior exoritur.

Oculi quatuor digitis ab hac pinna remoti, sex digitorum intercapedine à se invicem distabant: interque illos (sed antè multo, nempe prope labii superioris confinium) duo *cornicula* enascuntur, in extremo sui rotundis filamentis præpilata: quorum mobilitate creditur pisciculos in oris sui rictum, ceu nasam, allicere, quod ne *Ciceroni* quidem ignotum fuisse videtur. Is enim (*de nat. "Deor. lib. 2."*) hanc ranæ marinæ solertiam describens; "Ranæ marinæ dicuntur, inquit, obruere sese arena solere, & moveri prope aquam: ad quas, quasi ad escam, pisces cum accesserint, confici à ranis, atque consumi.

Paulo subtus diaphragma, in supinâ ejus partem, duæ amplæ pinnae, ad figuram manus, in quinque digitos divisæ (quales in *Mantati* pisce prædicantur) adfunt.

Circum oris ambitum, & juxta latera, ad caudam usque exiguae pinnulae five *cirruli*, trium fere digitorum à se invicem distantia, reperiuntur.

Rictus oris ingens, totoque circum ambitu dentibus uncis retrorsumque spectantibus plenus. Dentium horum ordo duplex,

t *

triplexve

triplexve: estque id illis singulare, quod interiores (qui etiam cæteris longiores sunt) intro vorsum mobiles sint, ac deprimi possint; extrorsum vero à motu prohibeantur, quod exteriores & minores denticuli illis ad id impedimento sint. Omnes, ut dictum est, retroversi gulam spectant. Dentes illi majores, cute seu vagina, ad medium sui integuntur; quæ mobilis est: quemadmodum in Felium unguiculis conspiciamus.

Prope interiores fauces, duo veluti *pulvinaria* visuntur; quæ à lateribus utrinque dentata sunt, & in cuspidem acuminantur: Postica vero sui parte dentibus carent. In maxilla superiore duæ pariter *protuberantia* sunt, pulvillis istis respondentes; & dentium longiorum duplici ordine armatae, transversim sitæ sunt; & pone illas duo dentes molares unciali amplitudine proxime fauces adjacent. Dentes hi officio suo funguntur ope musculi tendinosi, qui spinæ medio adalligatur, indeque sursum latus, statim bifariam ad dictos dentes fertur.

Branchia utrinque ternæ. Aperiantur fauces subtus pinnas majores in latere sitas.

Hic sit mihi liberum, precor, gradum parumper sistere, abruptoque descriptionis *Entianæ* filo, *Tabulam* intertexere, quæ hætenus dicta oculis tuis evidentius exhibeat, deinceps sigillatim contemplanda.

Tabula primæ, ejusque Characterum Index.

- a. *Pinna superiori caudæ parti insidens.*
- b b. *Duo Cincinni sive Cirri in medio dorso existentes.*
- c. *Alter Cincinnus, prioribus paulo longior.*
- d d. *Duo Cornicula inter oculos enata, quorum filamenta in oris ritum, sili piscatoris ad modum, arcuatim protenduntur.*
- e e. *Duæ pinnae ampliores, in quinque quasi digitos divaricatae.*
- f f. *Dentium ordo duplex.*
- g g g g. *Pinnulae sive Cirruli circum oris ambitum, & ad latera; Bellonio, appendiculæ carnosæ vocati; qui, natante Rana, supernatant.*

Quoad *Internam* constitutionem;

Cor haud adeo magnum (si Piscis amplitudinem spectes) nempe circiter ovi Gallinacei magnitudine. Non desinit in conum, sed æquali fere ductu ad imum fertur, ubi etiam aliquanto latius conspicitur.

Aorta,

RANA PISCATRIX
The Toad-Fish or Fishing Frogg


Fig. 1. da pag



Aorta, ex summa ejus parte enata, albida est, & prægrandis: prope exortum tamen è corde angustatur aliquantulum, & quasi annulum efficit. Est in medio grandior; desinitque in sex ramos; quorum singuli ad totidem branchias feruntur.

Auricula ingens est (nempe corde fere triplo major) rubicunda valde, & pulmonum instar, spongiosa: tunica molli & laxa donatur, & in ambitu sui (galli cristæ instar) incisa sive fimbriata cernitur. *Capsula* robusta hæc circumambit.

Harum partium formam & constructionem præsens *Icon* in prospectum adducit.



Figuræ secundæ, ac literarum ejus explanatio.

aaa. Cor in summo angustius, inferne latius.
 bbb. Auricula ejus, in ambitu crenata.

c. Aortæ

c. *Aortæ exortus.*

dd. *Ejusdem amplificatio:*

eeeeee. *Et divaricatio in sex ramos.*

f. *Ingressus venæ cavæ in Auriculam.*

Septum transversum exoritur prope cartilaginem pinnæ maniformi continuam; eandemque *claviculam* haud male dixeris.

Cor densum, & cavernulis repletum. Ubi *aortæ* jungitur, duabus *valvulis* semilunaribus, sanguinis inde recursum prohibet. In *Auricula* confimiles *valvule* (sed quaternæ, ut puto) sanguinem à regressu in cavam arcent.

Venæ Cavæ duo majores trunci (ex duobus *Hepatis* lobis oriundi) postquam *Pericardium* penetrarunt, uniuntur, ferunturque in *Auriculam*. Iisdem etiam commiscetur *Vena Emulgens*, aliæque complures, à *Cordi* vicinis locis sanguinem è capite refluxum advectantes.

Aorta densa crassaque, intus innumeris fibrulis in longum protensis roboratur. *Tunica* ejus exterior venulis conspicuis irrigatur.

Fecur peramplum, ex pallido flavescebat, & in lobos duos prægrandes dirimitur. In superiore parte prope cor, ubi tenue est, deorsum flectitur, & complicatur: quod etiam alicubi in lateribus contingit. Passim fissuris hiulcum est. In exteriori loborum parte (præcipue in sinistra) magna vasa, fluminum instar, conspicua sunt.

Ex *Hepatis cavo*, ejusque medio, complures *ductus hepatici* manifeste prodeunt: qui, postquam extra hepar, quinque fere digitorum spatio, delati sunt; desinunt in *sinum amplum* & tres digitos transversos longum: qui postea angustior redditus, in *Duodenum* terminatur, uncia spatii à *Pyloro*; videturque esse quasi *Cystis* minor & succenturiata; est autem ductus *communis*. Illorum ductuum tres medii uniuntur, duorum digitorum spatio, antequam in dictum sinum desinant. Proximus ramus ingreditur initium illius vasis, quod ad *Cystim felleam* abit, & *Meatus Cysticus* appellatur: estque hic *Meatus* longitudinis octo digitorum transversorum, atque amplitudinis calami scriptorii. Cuncta hæc oculis subjiciuntur.

Fig. III.

ad pag. 78



Figurae tertiae, Characterumque ejusdem expositio.

aa a. Hepar in lobos duos diremptum.
bbb. Ejusdem complicationes.

cccc. Du-

- cccc. *Ductus hepatici in ductum communem se exonerantes.*
 dd. *Alii ex ductibus hepaticis, bilem in Forum Cysticum deferentes.*
 e. *Ductus cysticus.*
 f. *Vesicula fellea.*
 g. *Ductus communis.*
 h. *Duodenum.*

Vasa fellea jam dicta, toto tractu *Mesenterio* firmantur; in quo *glans* majuscula, & minores aliquot reperiuntur. *Fel*, pari facilitate, deorsum versus vesiculam felleam, sursumque ad finem sive ductum communem fertur. Idque ita fieri oportuit; quoniam non, nisi per *Forum Cysticum*, bilis ad vesiculam felleam decurrit. Consimilem huic vesiculæ felleæ constructionem, in *Xiphia* observat *Thom. Bartholinus Hist. med. centur. 2. hist. 16.* & in *Tursione, cent. ejusdem cap. 25.*

Bilis in vesicula quadrantem minimum pependisset; non enim appendebam. Erat fere dulcamara; &, cerevisiæ veteris instar, translucida.

Mesenterium, pinguedine passim interspersum, amplissimis vasis donabatur.

Oesophagus duplicatus, erat decem uncias latus; constat eadem cum ventriculo substantia; nempe alba, crassa, firma & densa admodum. *Fibræ* transversim incedunt.

Ventriculus passim, & præsertim sub medium sui, plurimis nodis cartilagineis scatebat, qui introrsum hiabant; & in medietate eorum, sanguinis vestigia conspiciebantur. Ad illos *Nodos* vasa forinsecus adveniunt. In earum *Cartilaginum* nodosarum una exigui *Vermiculi*, decem numero, reperiuntur: erant oblongi & tenues admodum. Alii item in aliis nidulabantur.

Intestinorum longitudo trium circiter ulnarum. In intestini *Recti* summo evidens *valvula* est. *Cæci* autem ne vestigium quidem. *Rectum* intestinum, columnulis carneis, *Abomasum* in bove æmulatur.

Pylorus per pusillo foramine (quod vix digiti minimi extremum admiserit) in *Duodenum* aperitur: quod in illo tractu, *Reticulum* in bovino ventriculo æmulatur.

Duodenum, statim ab exortu, in duas *appendices*, sive processus dirimitur: quorum superior altero fere triplo major est.

Quatuor circiter à ventriculo digitis, *Ductus Communis* pertenui foramine in papillam definit, & in *Duodenum* exinanitur.

Horum pars maxima haud incongrue adumbratur

Figuræ




Figura quarta *epunveia*.

- aa. Oesophagus, decem uncias latus.
 b. Ventriculus, latitudinis unciarum 16½
 c. Appendix, cæci vicem supplens.
 d. Appendicula.
 e. Ductus communis Duodenum ingrediens.
 f. Nodorum Cartilagineorum ventriculo inspersorum vestigia.

Lien, in dextro latere situs, renis figuræ haud multum dissimilis, & magnitudine minori reni humano par, è membrana sua facillime exuebatur; imo facta incisura sat ampla, sponte sua elabebatur.

Arteria, Vena & Nervus, interiorē concavamque illius partem ingrediuntur; factoque ad medium fere ipsius itinere, vasa illa omnia quoquoeversum in ramulos disperguntur.

A Liene nervus conspicuus, postquam novem digitorum spatium decurrit, finitur in *plexum* nervosum, in quem alii quoque nervorum rami, à costis atque etiam à renibus derivati, concurrunt. Tribus indedigitis, non longe à dorso, alter *plexus* est: & remote ab illo (fere subtus claviculam) tertius.

Renēs

Renes ampli & rubicundi, phaseoli majoris facie, venam *Emulgentem* prægrandem in summo emittunt: per quam sanguis regrediens, postquam septum transiit, *Cavam* ingreditur, indeque in *Auriculam* effunditur. Vena *Emulgens*, postquam renem ingressa est, variis ostiis in eundem dehiscit.

Ureter ex imo prodit, habetque valvulas regressum feri præpedientes.

Venæ etiam aliæ in gibbo renis, variis in locis eundem perforant. Quemadmodum & *Arteria Emulgens*, in ramulos complures diremta, diversis locis illum ingreditur.

Vesica Urinaria ampla, & humana major; liquorisque facile, qui libram pendeat, capax.

Uteri cornua, mesometri opera, spinæ dorsi adalligantur; estque alterutrum eorum duarum ulnarum longitudinis.


In summo spinæ, *Cerebri* sedes est; quod tamen non, nisi in interiore parte, cerebri substantiam referebat: in reliquo enim tractu, erat solum aqua limpida & viscida. Mira est venarum per hanc lympham textura.

Nervi Optici prope originem suam sese decussant. *Auditorii* item sunt conspicui: & in laterum ibidem confinio, vesiculæ tenuissimæ sunt, in quibus ossicula duo auditoria, talparum pedibus confimilia reperiuntur. Ejusmodi quoque ossicula in capite *Manati* piscis reperiuntur, calculo (ut aiunt) proficua: necnon in *Asellis* piscibus.

Quæ ad *Cerebrum* spectant, ut promptius faciliusque deprehendas, sequens *Schema* patefacit.

x *

Figure



Figuræ quintæ Interpretatio.

aaaa. Cranium per medium dissectum.

bb. Cerebri vestigium.

ccc. Cisterna cerebialis, aqua limpida & viscida repleta.

dd. Vesiculæ aquosæ, in quibus ossicula auditoria latent.

ee. Nervi Optici, prope exortum se invicem decussantes.

ff. Nervi Auditorii.

Humor Crystallinus est rotundus, & globulo luforio par.
Nullum hæcenus vidi animal, in quo plura miranda repere-
rim. ¶

G A L E U S piscis, Mas, dissectus.

GALEUS non est nomen proprium; sed genus, ad omnes
Cartilagineos longos spectans: ut *Vulpeculam*, Franc. Massarins in 9. Plinii.
Caniculam, *Hinnulum*, *Stellarem*, *Spinacem*, & reliqua
generis ejusdem.

Vagus est, vitamque agit segetem. Totus piscis virosi atque
ingrati odoris est.

Longus erat pedes quatuor, à summo rostri ad caudæ pinnam
superiorem: unde ad caudæ extremum, pedis unius spatium supe-
rerat. Pinna caudæ inferior, lunam falcata præ se fert. *Linea*,
in utroque latere, à capite ad caudam decurrit. Ambitus in medio
ventre

ventre bipedalis. *Cutis* tota, manum à cauda versus caput deducta, hispida valde persenscitur.

Rostri pars extrema inferius, ad trium pollicum latitudinem translucet: & superius eadem pelluciditas ad quatuor digitorum longitudinem extenditur. *Nares*, purgando cerebro destinatae, inferius positae sunt; & ab ore selqui pollicis latitudine absunt. *Oris* rictus ad semicirculi formam circinnatur, atque ad capitis fere latitudinem patescit. In ejus ambitu, duplex dentium series conspicitur, & alicubi triplex. Est certe *καρχαρόδους*, habetque dentes asperos, teretes, & alternatim positos. Superius, inter palatum & dentes, *papillae carnae* toto ambitu enascuntur. *Linguam* habet crassam, & teretem.

In colli latere utrinque *quinæ aperturæ* sunt, branchiarum spiracula. Occluduntur, quando opus, ipsius cutis tegmine, cœu operculo. Juxta infimum foramen, pinna utrinque enascitur, septem uncias longa, lataque.

Oculus membranam in imo absconditam nactus est, crassam, firmam, mobilem, totique oculo tegendo parem. Eadem compluribus avibus quoque contigit: nempe *Monedule*, *Pico Martio*, aliisque.

Proxime supra anum, duæ pinnae minores invicem conjunctae; quibus geminae apophyses cartilagineae, senos digitos longae, interiore parte annectuntur: quæ anum intermedium, juxta basin, occludunt. Inter jam dictas ventris pinnas, alia in dorso exurgit, lata digitos quinos cum semisse, & pari fere longitudine. Versus caudam binæ pinnulae sunt; in dorso una, altera in ventre, invicem oppositae.

Resupinato pisce, ventreque à capite ad anum aperto, *hepar* non in medio solum, sed & utrinque in latere situm apparuit; tenerum valde ac friabile, viridis coloris, & Gagatis more variegatum. Uterque ejus lobus à diaphragmate ad anum protenditur: totoque sui ductu (fasciae instar) paris fere latitudinis, nempe unciarum quinque; nisi quod in imo aliquantulum angustetur. Parenchyma ejus ex glandulosis quasi acinis innumeris, figura trifolium æmulantibus, constare vidit *Malpighius*, de *Structura viscerum* pag. 6.

Inter utrumque hepatis lobum, *Ventriculus*, amplis venis transversim irriguus, positus est; & ad podicem fere excurrit, ubi in mucronem obtusum desinit.

Oesophagus constat membrana robustissima; eratque in illo pisciculus plane emarcidus: argumento, *vim pepticam etiam illic exerceri*, salivæ fortean beneficio. Nam Fermentalis ejus Aciditas rudimentariam Oris & Oesophagi in alimenta actionem promovet. Uti vel exinde colligas licet, quod saliva cum pane masticato farinaceæ massæ cuiquam immixta, eam tumefaciat ac fermentet. Imo halitus

oris

oris excavata eadem massa exceptus, obturatusque idem facit. Huic consimile affert experimentum *Bettius noster*, lib. de ortu & natura sanguinis pag. 22. Incolas nempe *Guianæ* vidimus, inquit, potum ei genti peculiarem conficientes, ex *Cassavi* radicibus aqua maceratis. Quibus alias earundem à mulieribus puerisque bene masticas, & cum saliva probe commixtas eidem vasi indunt. Quo facto, æstuat ebullitque mixtura ista, haud secus ac *Zythus*, spumeo illo *Cerevisiæ* flore, fermentescere solet. Unde constare videtur, salivam tum spirituosius partibus foetam esse, tum ad chyli in ventriculo elaborationem, aliqua ex parte fermentando, conferre.

Cordis figura bursam pastoritiam æmulatur.

Ad fundum ventriculi, versus dorsum, *Lien* exoritur; latus initio fere duos pollices, eandemque propemodum latitudinem servat sex digitorum spatio, quo ventriculi imum amplectitur: deinde appendicem quandam, *Cæci* instar, à latere emittit, & continuatus ejus ductus subito gracilescit, nec supra tertiam pollicis partem latus est. Totus hic gracilis ductus est digitorum quindecim: tandemque pancreati adnectitur. Toto hoc tractu plurima & prægrandia vasa, à ventriculo & intestinis, per mesenterium in lienem transferuntur.

Lien variis in locis (*coli* instar) contractior est; & coloris ex fusco nigricantis.


Pylorus juxta fundum ventriculi exoritur.

Duodenum inter ventriculum & lienem toto illo tractu excurrit: eidemque, ubi lien desinit, *pancreas* adnectitur; quod postea in partes duas crassiores veluti bifurcatur: quarum superioris extremum ductum in intestini bursam immittit, ex adverso illius loci, ubi ductus bilarius ingreditur. Inferioris autem extremitas, septem digitorum longitudine ab intestino, mesenterio adhæret.

Duodenum desinit in bursam crassam, carnosam, & robustam valde; in quam exiguo solum foramine aperitur; adeo ut digiti minimi apicem non admittat. In hanc bursam, ut jam diximus, ductus bilarius & pancreaticus exinaniuntur.

Quæ hætenus dicta sunt, de admiranda viscerum in hoc pisce constructione, ut illustriora reddantur; en! figuram hic habes, iisdem ad vivum delineandis consecratam.

Figura



FIGURÆ, cum Characteribus insculptis,
Explanatio.

- a a. Oesophagi pars infima.
- bbb. Ventriculus, spiritu inflatus.
- ccc. Vasa ventriculum decussantia.
- d. Pylorus.
- e. Duodenum.
- f. Foramen ex duodeno in bursam patefscens.
- g. Bursa duodeni.
- h. Lien.

y *

iii. Lienis

iii. *Lienis appendicula, ad pancreas usque producta.*

kkk. *Ejusdem appendicula contractiones.*

lll. *Pancreas.*

m. *Pars ejus triangularis.*

n. *Ductus pancreaticus,*

o. *Ductus Bilarius, uterque in duodeni bursam exinanitus.*

pp. *Vasa in lienem per mesenterium delata.*

q. *Mesenterium.*

Vesicula fellea nulla adest.

Ventriculus passeribus sive rhombis scatebat, quos in victum prædatus erat.

In exteriori infimaque ani parte, *papilla* est conspicua; quæ *penis* (ut opinor) vicem præstat: namque ex illa (facto compressu) semen & urina, prout vasa feminaria, aut vesica comprimebantur, profluebant.

Parastata, trium digitorum intervallo à diaphragmate exorfi, capsulis membranis firmissimis involvuntur, & octo digitorum spatio miris mæandris huc illuc (digiti circiter latitudine) parastatarum aliorum more, torquentur; tandemque in truncum amplum uterque definit: qui membranæ involventi firmiter annexus, & aliquantulum progressus, reflectitur, denuoque descendens, in *vesicam seminariam* peramplam & femine refertam terminatur.

Testiculus ipse exiguus est, & pollicis articulum vix æquans: reliquum vero in spiras contortum, est parastata; qui reni subjacenti incumbit, eidemque vestigium sui imprimit. Inter utroque hos parastatarum ductus *vena cava* ampla interjacet, iisdem calefaciendis idonea.

Renes paulo subtus diaphragma exorfi, ad anum fere descendunt. Superne quidem angusti sunt & pallidi, parastatisque succumbunt: inferius autem ampli, carnosique, & rubicundi evadunt.

Arteria in dorso venæ cavæ sinistro lateri accumbit.

Cerebrum habet exiguum, & distinctum valde; quod humor aqueus circumfluit. Sed piscibus id familiare videtur, ut permagna corporis moles à cerebro animetur exiguo. Exemplo sit dissectum à *Cl. Nichol. Steno*. *Canis Carchariæ* cerebrum; quod vix tres uncias æquabat in pisce, cujus pondus ter mille libras superavit.

Oculi prægrandes, tunica admodum dura vestiti, musculisque insignibus donati. *Humor Crystallinus* rotundus est.

RANÆ fluviatilis ANATOMIE.

Vivax admodum est animal: adeo ut dentis omnibus intera-
neis, ipsoque unâ corde; valide tamen huc illuc profiliat.
Abscisso autem capite (etiamsi cor pulsus suum usque perpetuet)
immobilis jacet.

Cutis, raris nexibus, maxime circa medii pectoris cartilagineam
apophysin, & ad articulos, corpori adhærens, nullo negotio de-
glubitur.

Oculos habet nitidos & venuste prominentes: quibus pupilla
inest ampla & nigricans, quam iris aurea circumambit. *Palpebram*
inferiorem, avium more, oculis applicant; sed tam tenuem ut
perluceat.

Ante oculos *foramina* duo conspiciuntur, ad aërem attrahendum
forteque etiam ad odorandum, tenui membrana obteſta, non a-
liter quam auris tympanum. Sub his latet utrinque *sinus*, confi-
mili membranula pariter obteſtus; quæ dum urinantur & aerem
sub aqua retinent, inflatur & foras prominet, vesiculæ aere plenæ
modo.

Spinæ dorſi, toto thoracis ductu, *maculæ albæ* longiusculæ ac-
cumbunt; totidem numero,) quot sunt costæ. Sunt illæ in non-
nullis triangulæ: ac apertæ lac manifeste effundunt.

Spina dorſi non ultra thoracis regionem protenditur: ubi in os
coccygis, pariscum illa longitudinis, desinit. *Ossa Ischii* utrin-
que ad ossis coccygis exortum ascendunt.

Linguam ab aliis animalibus diversam habet. Mucro namque,
(qui in cæteris absolutus est, ipsis cohæret, piscium more: quod
autem affine est, & solutum & superexplicatum; qua suam vocem,
sive ὀλολυγῶνα, sive ῥάξ, semper solent edere. Recte igitur de
hac particula sic loquitur *Aristoteles*; Hist. animal. l. 4. c. 9. ὁ δὲ
βάτραχος ἰδίαν ἔχει τὴν γλῶτταν. ὃ μὲν γὰρ ἐμπεροσθεν περσπέφυ-
κεν ἰχθυωδῶς, ὁ τοῖς ἄλλοις ἀπολέλυται. τὰ δὲ πρὸς τὴν φάρυγγα ἀ-
πολέλυται, καὶ ἐπέπτυχται ὡς τὴν ἰδίαν ἀφίησι φωνὴν αἰεῖ. Ubi *Scaliger*:
“nam neque ut pisces, totam habet cohærentem; neque, ut Ser-
pentes, totam solutam.

Prope linguæ radicem, *tuberculum* rubrum extat; quod rana pro
arbitrio vel aperit, uel claudit: ambitur enim musculo sphinctere.
Est illud veluti caput *asperæ arteriæ*, quæ descendit ad cordis con-
finia; illicque bifariam divisa, in utrumque pulmonis lobum, dex-
trum & sinistrum, aperitur. Pulmonum quidem nomine, cum
vulgo,

vulgo, indigitavi: sunt tamen revera duntaxat *folliculi ventosi*, quales in multis piscibus fluviatilibus reperiuntur; & à quibus pariter ductus five canalis, aerem transferens, ad fauces pertendit. Dum enim rana ore clauso spiritum ducit per nares, quas à singulis inspirationibus constringit, parique rhythmo fauces & latera contrahit; *folliculi hi* interea perstant immobiles: præterquam quod, ad faucium motum, sursum ac deorsum aliquantulum cieantur.

Folliculi isti, aperto peritonæo, subito prorumpunt foras; *diaphragmatis* enim nullum vestigium adest. Constant tunica tenui ac pellucida; dactyli fere magnitudinem æquant: & ubi maxime inflati sunt, ad imum abdomen protenduntur. Sunt ut plurimum pyramidiformes: contigit tamen videre ranam fæminam, cujus folliculi haud continuo tractu à lata basi in acutum desinebant; sed tuberoso fundo exurgentes, circa medium sui, paulatim in gracilem conum tenuabantur. Et (quod mirere) uterque complures *Vermiculos* five galbas (circiter viginti) in sinu complectebantur, quarum capita albescebant, reliquo corpore nigricante.

Oesophagus sat amplo hiato descendit; moxque paulum dilatatus, *Ventriculum* constituit; indeque dextrorsum latus, *ilion* efformat; quod variis gyris intortum, tenui meatu *colon* (sacculum referens) subit; tandemque in *rectum* desinit.

Cor pyramidale à sinistro latere visum est impleri, & dextrorsum depleri. In ipsa tamen systole mera subsidencia apparuit, citra ullam coni ad basin accessionem. *Conus* hic, mediante pericardio, tenui ligamine sterni adnectitur.

Præciso cordis cono, illud tamen continuo pulsabat; licet post decem vel duodecim systolas, vix guttula sanguinis proflueret: nec minus diu micabat exentum è corpore, quam integrum cor exectum in aliis solet.

Folliculi jam dicti excipiunt sanguinem è corde per arteriam pulmonalem, quem per venam pulmonalem mox transferunt in axillarem.

Hepar insignis magnitudinis in tres æquales lobos dividitur: in dextro sita est *vesicula fellea*, rotunda, cæruleique coloris.

Inde ortus *ductus choledochus*, pollicem transversum longus, ampliusque, proxime subter ventriculum, *ilion* ingreditur.

Lien rotundus, floridique coloris, medio mesenterio adnascitur; magnitudine fere seminis coriandri.

Renes, circiter digitum transversum longi, inter spinam dorfi atque os coccygis sedem habent: & uterque, mediante exili *uretere*, in *vesiculam* nigrescentem desinit; quæ ambæ in intestinum *rectum* evacuantur.

In mare, *Testiculi* renibus accumbunt: iidemque aliquanto post coitum

coitum tempore, indies mirum in modum augentur; ut tandem ad phaseoli amplitudinem pertingant. Illis parte superna *processus* vari, albi, ac semine pleni (ad modum cæcorum, juxta Pylo-
rum in piscibus, quæ *Aristoteli ἀποκράδες ἄνω* dicuntur) adnectun-
tur: quorum medii reliquis longitudine pariter atque amplitudine
præcellunt; suntque numero seni. Arbitror, *parastatarum* sive
epididymidis munus obire: indeque exortum *vas deferens*, variis gy-
ris tortuosum, ad fauces pertendit; qua, tempore commodo, se-
men emittitur.

In imo thoracis, binæ *protuberantiæ* albidæ, spongiosæ & fere
orbiculares recto intestino incumbunt: iisdemque binæ majores sub-
ter intestinum adjacent. Estque, quod existimem esse *vesiculas se-
minales*. Molles quippe sunt, instar gelatinæ; earumque exteri-
or facies è vesiculis minimis conflare videtur.

Rana *femina* processus eosdem habet, quos marium testiculi ad
instar diximus. Conspiciuntur etiam utrinque *vasa albæ* (nempe
seminaria, sive *lactes*) innumerabilibus gyris plurimum intorta, &
quantum videre licuit, è propinquo nervorum plexu oriunda. De-
finunt in pelvim sive receptaculum iisdem vasis cum *ovario* com-
mune: illisque *ovaria* fulca & ampla substernuntur.

Mensis Martii 24^o *uterus*, ejusque gyri valde increverant, li-
quoreque albuminoso turgidi apparere: cui ova nigra grandi-
uscula passim commiscebantur; pariendi tempore (ut mihi vide-
tur) per fauces, aut linguæ aperturam excludenda.

RANÆ femina dissecta εικώ.

Tab. 1.

ad pag. 90



Εικ. 1.

Εἰκὼν ♂ ἐρμηνεία.

In hoc Schemate, Ranæ palustris *femina*, ovis partui jam tum prope maturis gravidæ, interanea repræsentante, curioso rerum naturæ indagatori contemplanda ostenduntur per

a a. *Folliculi* duo *ventosi* (vulgo, sed perperam pro pulmonibus habiti) inflato aere distenti, suisque sedibus, ne subjacentes partes tenebris involverent, summoti.

b b b. *Intestina* itidem extra abdomen sinistrorsum evoluta.

c. *Cor* pyramidale; retinente locum suam basi, sed cono à nobis propemodum erecto, ut subjecta in conspectum venirent.

d. *Hepatis* lobus sinister nonnihil elevatus.

e. *Renis* dextri sua in sede (inter spinam dorsi atque os coccygis) relictæ pars inferior.

f. *Dexter ureter* inde in vesiculam descendens.

g. *Vesicula urinaria* intestino recto incumbens, & in idem se demum exonerans.

h. *Uterus* sive *ovarium* duplex, ovis nigricantibus; grandiusculis, humoreque albuminoso coloris ex cæruleo virescentis involutis refertum; suæque sede, quo substratus vasorum alborum ova deferentium exortus conspiceretur, paululum detrusum.

ii. *Ductuum* (uti nobis videtur) in mare, semen; in fæmina, ova deferentium, origines.

k k. Eorundem varii *anfractus* sive, obliqui flexus in se recurrentes.

l. Processus sive *oviductus* dextri *finis* ad fauces pertingens; qua ova suspicor pariendi tempore successive excludi.

m. *Lien* rotundus è medio mesenterio exemptus.

FIGURA

FIGURA II.

Ranæ maris renes, testiculosque, & processus feminales potissimum referens.

Tab. II.

ad pag. 92.



Explicatio Figuræ.

Hæc ranæ masculini generis Σπλαγχνοσκηπιά seu extispicium in lucem producit, ad *a a*. *Renes* utrinque inter spinam dorsi & ossis coccygis apophyses constitutos: ad *b b*. *Ureteres* inde deorsum tendentes: ad *c c*. *Testiculos* renum jugo incumbentes, coloris

ris albidis, sed circa medium sui punctulis aliquot subnigricantibus elegantissime interstinctos: ad *dd.* *Processus seminales*, utrinque numero senos, albos, cæcorum juxta pylorum in piscibus repertorum speciem referentes: ad *ee.* Inde exorta *vasa deferentia*, tractu tortuoso ad fauces pertendentia; qua (uti jam diximus) coeundi tempore, semen emitti conjectamus. Id enim & vasorum istorum inspectio, & in iisdem contenti seminis copia, & aliarum viarum excretioni seminis accommodarum in ranis sæpissime quidem, sed semper frustra tentata inquisitio; mihi persuadere videntur. Attamen si quis, qui tam cernit acutum, quam aquila aut serpens Epidaurius, certiora mihi demonstraverit; nunquam adeo perfrictæ frontis fuero & duræ cervicis, quin meliora docenti sim promte, imo grato etiam animo, auscultaturus. Neque enim ex eorum sum numero, qui suas opiniones adeo pertinaciter defendunt, ut refelli, turpe; vinci, nefas esse putent: aut qui de vita, quam de proposita semel susceptaque sententia malint decedere: sed contra iis percipio accenseri, quibus nil antiquius est, quam, ubi per omnibus communem ingenii humani fragilitatem, cum ipsarum quas inquisitum iverant, rerum obscuritate conjunctam, se rescierint à recto sciendi tramite aberrasse; rectiora doceri, in sacramque veritatis viam reduci ab eruditis. Et in omnibus scriptis meis, quæ hætenus de naturæ operibus in lucem emisi, sum libere professus, veritatem non scire me, sed quærere; nec contumaciter quærere, sed modeste & dubitanter, ut Philosophum decet. Adhæc, quæ hic de ranarum genitalibus tradidi, ejus esse generis vides, ut non fidem tuam mendicent; sed manus, cultellumque, & autopsiam, ut quæstioni subjiciantur, exposcant, imo expectent. Tuo itaque examini omnia relinquo: de oculorum meorum, qui nondum caligare cæperunt, fide securus; certusque eadem & tuis phænomena, si modo cauta manu, & commodo anni tempore, scilicet necdum adulto vere, ranas dissecueris, objectum iri. Interim persuasissimum habeas rogo, me trabali (quod aiunt) clavo memoriæ infixum conservare aureum illud Hippocratis (περὶ εὐχρημοσύνης artis. 2.) monitum; Boni medici est, πᾶν τὸ ὑποδείχθην ἐκτέρειν.

Μικρά Προδίκη

S I V E

A P P E N D I C U L A ,

Vocum naturalium ab Animalibus quibusdam ratione carentibus editarum, differentias & nomina propria stricte explicans.

Vocem ad placitum exprimendi facultatem Brutorum plerisque provida Naturæ indulgentia, nullo alio fine, nisi ad passionum quibus commoventur suggestiones, animæque affectus libere indicandos, concessam fuisse; profecto nemini mortalium rationis auriumque usu gaudentium, dubium esse potest. Nec minus perspicue liquet, non quemvis sonum incondite ab animali editum, vocem appellari debere; sed eum duntaxat, qui à Glottide aliisque Laryngis partibus quasi *articulatus* emittitur, cum intentione aliquid significandi. Hinc sequi necessario videtur, in animantibus vocalibus tot esse vocum differentias, quot sunt ipsorum (exceptis tantum Piscibus, & insectis quibusdam) species: & unamquamque speciem sibi propriam ac peculiarem obtinere loquelam; nulli alii in universo Naturæ theatro consimilem. Optima ratione summo id agente omnium Conditor, ut quæ ejusdem sunt speciei, se invicem exaudiant, intelligant, advocent, auxilia mutua ferant, noxia fugiant, veneris inçant fœdera, seque ipsa tueantur. Etenim si monophona esset omnium loquela, mutuo quidem diversæ confunderentur species; facileque agnus & ovis ad lupum, lepusque ad canem, & aviculæ ad accipitrem acurrerent, vocis similitudine deceptæ. Adhæc ut singulis Animantium generibus, ita & variis uniuscujusque *af-fectibus* æque varia est vocis differentia. Est enim, exempli gratia, Felis alia vox, dum fame urgetur; alia dum amore & zelotypia incitatur; dum adblanditur, alia; aliaque dum in iram excandescit: & sic de singulis animalibus. Et sane nisi unaquæque species vocem variare posset, pro affectuum tunc urgentium necessitate; impossibile foret, ut aliis ad eandem familiam spectantibus, aut quid patiantur, quidve petant auxilii, voce significent. Quis autem, post *Democritum*, *Apollonium Thyaneum*, *Tiresiam*, & *Melampum* (quos ferunt alitum colloquia intellixisse, aliisque fideliter, ut ex eventu apparuit, interpretatos fuisse) valeat

leat tantam in Brutis vocum varietatem explicare? Audimus quidem, & dignoscimus querulum Bubonis *ululatum*, lugubrem Milvi *clangorem*, Turturis proci agentis *gemitus*, Coccoyis *cucutitum*, dulces Philomelæ *modulationes*, Passerum *pipillationes*, Gallorum *cucurritus*, Hirundinum *trinsationes* &c. quinetiam totidem sub illis vocibus miramur nescio quæ, amoris, odii, iræ, indignationis, mæstitiæ, luctusque argumenta latitantia. At quid istæ sibi velint volucres, quoties vocem mutant; & quænam vocis mutatio huic sit, illive affectui indicando propria: hæc sane rationi nostræ tam obscura sunt, quam ipsæ voces claræ ac manifestæ auditui.

Verumtamen prisci illi sapientes viri, quorum summæ sagacitati nos propria rerum nomina & appellationes debemus, quum serio considerassent, maximum atque præcipuum almæ matris Naturæ institutum in creandis animalium vocibus, articulisque variis vocum formandis, illud esse, ut quæque illorum species propriam vocem, propriosque articulos nulli alii speciei confimiles fortiatur: hanc tandem vocis & articulorum proprietatem nominibus quibusdam explicare potissimum cupientes, nomina non quidem simplicem vocem, sed articulos maxime significantia, & referentia excogitarunt, imposueruntque. Ita Porcum *grunire*, Leonem *rugire*, Tigrides *raucare*, &c. vocabulis ad sonorum similitudinem confectis, dixere. Sed ut quæ de propriis animalium vocibus sparsim in hoc opere subindicavimus, in Lectoris memoriam postliminio revocentur; ea hic in unum locum cogere placuit.

I. Voces Quadrupedum.

Aries *blaterare* (à βλάξ, stultus, inutilis) φέμιζεν, **to bleat** (à latino, balatus) dicitur. Asellus *uncare* vel *rudere* (à rudi & incondito sono) ὀγκάζειν, ab ὄνος, **to bray**: à Franco-gallico *Braire*, quod à Lat. *Barrire* seu *rudere*, quod asini proprium. Aper iracundia exardens, *frendere* (quod proprie notat, sonum edere dentibus collisis) βρύχειν, id est mordere, quod inter mordendum dentes strideant; **to gnash the teeth**.

Barrus, Elephas *barrire* (à sono vocis) βρύχειν, **to bray**.

Canis *latrare* (non quod canes ea voce indicent, quæ noctu latent; ut Varroni placuit: sed à sono, ob liquidam, quæ & in ὕλακπιν, unde Hylax, canis nomen in fabula Actæonis) **to bark** (ab Anglo-saxon. beapcan, latrare:) & ad iram irritatus, *hurrare* (quod ὀνοματοποιημένον est, proprieque dicitur de canibus, cum provocatæ R multa sonant.) **to snarl** à Teuton. *Schnurren*, ringi instar canum. Cervus *glocitare*, apud Authorem Philomelæ; à Virgilio, graviter *rudere* dicitur; & nostrates etiam satis congruenter reddunt, **to bray**. Equus

Equus *hinnire* (verbum à sono factum, iudice *Festo*; unde *hinnibile* de equo apud *Apuleium*, & *hinnibundus*: nisi potius ab *hio*, inserto *N.* quomodo à *χάω, χαίνω*) *χρεμετίζειν, to neigh* ab Anglo-sax. *nrzan*, *hinnire*.

Lepus *vagire* (à lugubri sono) *βαβαΐζειν, μινυρίζειν, to squeak*, aut *Squall*; alterum à Teuton. *Queckon*, pipire, frittinnire: alterum à Teutonic. *Schallen*, resonare. Leo *rugire*, *βρυχᾶσθαι* (utrumque à sono) *to roar*: ab Anglo-saxon. *papan*, fremere. Lupus *ululare*, *to howl*.

Mus *mintrare* (à sono exili & acuto) *to squeak*. Mustela *dintrire*. Ita enim *Ovid.* in *Eleg. Philomela* inscripta.

Panther *caurire* (à sono vocis) & a quibusdam *felire* (forte à catulientis felis voce horrenda) *to waul*.

Sorex *disticare*, voce à sono ficta; *to squeak*.

Tigris *raucare* (à *βράγχος*, quod est raucitas, uti *βραγχαῖω*, raucesco: aufertur enim initio *b.* quod interdum fit: vel à *rauis*, interjecto *c.* quomodo à parum est parvus) *to cry with a hoarse voice*. Taurus *mugire* (à *μυκῶμαι* converso tenui *k.* in mediam; quomodo à *κῶβιος*, gobius: & *μυκᾶσθαι* est à sono boum, qui est *μῦ*:) *to low*: à Teuton. *Luyhen*, mugire.

Verres *quiritare* (id est *Quiritium* fidem clamando implorare: unde est Italicum *gridare*, Hispanicum *grittar*, Gallicum *crier*, & conjectura *Vossii*, Belgicum *hrittten*, quasi quiriten, item Scotticum *gritt*, plorare) *αετλιάζειν, to whine*; ab Anglo-saxon. *panian*, vagire, quod ab Anglo-saxon. *pa*, dolor. Vulpecula *gannire* (à *γάνυσθαι*, gaudere, ut proprie dicatur de canibus, cum læti ob herorum adventum gestiunt: alii *vulpium* esse malunt; ut in carmine quodam apud *Leonem Ostiensem.* lib. 1. *Chronici Ostiens.* cap. 12. *Alopecesque olidæ dudum gannire solebant*) *to grin*: ab Anglo-saxon. *gnennian*, frendere. Ursus *trincare*, *to roar*. ¶

2. Avium Voces.

Accipiter *pipat*, vel *pipit* (à *πιπιζω*; quod non solum de pul-
lorum gallinaceorum voce, sed & de aliarum avium dicitur; unde
columbarum pullos *Pipiones* vocat *Lampridius* in *Alexandro*, & *pi-
pilare* seu *pipitare*, de *Passere* dixit *Catullus Epigr.* 3. *κατὰ μετα-
φοράν* autem, *pipire* *Oscis* notabat *cum ejulatu conqueri*) *the
Hawk peepeth*: à Franco-gallico *pepier*, quod à Lat. *pipire*.

Acredula *mituat* à sono vocis exilis. Anas *tetrinit* (forte à *te-
tre*, quod limo natet, ex *Ταῶς*, Pavo) *quacketh*: à Belgico
quacken, coaxare, & secundum *Salmas.* not. *Plin. in Solin. pag.* 87.
quaxare.

quaxare. Anser *gratitat*, seu *gingrit* (Festus dictum putat à sono vocis) **gaggleth**, id est *καγκλάζει*. *Gingrire* enim, *γυγλαζειν*, ἢ *γυγλαζειν*, vox est anserum propria: unde genus quoddam tiliarum exiguarum *Gingrina*. Aquila clangit, à *κλάγειν*: nam non tubarum modo clangor dicitur, sed & *Aquilæ*, ut apud Autorem carminis, quod *Philomela* inscribitur, & apud *Ciceron. 2. Tuscul. quest.* Jovis Satelles pastu dilaniat fero, &c. Clangorem fundit vastum.

Bistarda *caccissat*; forte à *χέζω*, vel à *κακῶν* hoc est *cacare*; ob similitudinem soni quem pueri cacaturientes edunt. Bubo *bubulat*, ut auctor *Philomelæ*; *Bubulat horrendum ferali carmine bubo*: (utrumque à sono factum) & Græce, *βύζειν*, vox est bubonum; Anglice **to whoot**, aut **hoot**: unde **Wil-hooter, an Owl**. Butio, id est *Ardea stellata*, *butit*; ita auctor *Philomelæ*, *Inque paludiferis butio butit aquis*: à sono butionis, **Boomp**: unde avis ipsa etiam in provinciis quibusdam Angliæ **a Boomper** vocatur.

Ciconia gloterat, ex *γλοτῶσι*, vel est vox fictitia à sono, *κλάγ-γα*. *Columbæ gemunt*; *Philom. Et castus Turtur, atque Columba gemunt, Doves moan*. *Corvus crocit, crocit, corniculat* (omnia à vocis sono) **croaketh**. *Coturnix grilissat* (à sono qui grilismus dicitur, & Grillorum proprius est; de quo consule *Athan. Kircher. Musurgia lib. 1. cap. de Volucr. vocibus*. *Cuculus cuculat*, id est dissyllabam vocem semper teretizat, non in unisono, sed perfectissimæ tertiæ minoris intervallo. *Cygnus drensat*; ut apud *Philomelam*. *Grus gruit, inque glomis Cygni prope flumina drensant*: & *Canis Cygneus* etiam nullis non veterum Poetarum & Oratorum monumentis celebratur, quem tamen fabulosum existimo, ac Nympharum, quas ob eximium candorem *Cygnos* vocabant, occasione à Poetis introductum.

Gallus quidem varias voces edit; aliam nempe dum zelotypia commovetur, aliam dum comprimit uxores, aliam dum metu percellitur, aliam denique dum temporis indicem agit, quæ vox propria galli est, ideoque *Gallitinium*, **Cock Crowing** dicitur: communiter tamen *cucurrere*, *κοκκύζειν*, **to Chuck** (omnia à sonitu vocis) perhibetur. *Gallina* similiter varias format voces; aliter nimirum vociferatur dum pullos convocat, aliter dum recens excluso per gaudium exultat ovo, aliter dum ab inimico maxime milvo perterretur, &c. plerunque tamen dicitur *gracillare* (à gracilitate, acutique soni) **to cackle** (forte à Belgico *Kaeckelen*, Franco-gall. *Caqueter*, Ital. *Checcalare*, id est, glocitare:

omnia à sono ficta) & ubi pullos allicit, *gloterare*, **to clock**. Graculus *frigulat*, seu frigitit (ex $\phi\rho\iota\tau\omega$, subtiliter admodum garrire) **prattleth**. Indubie vel à Teutonic. *Pracht*, Belgic. *praeten*, Franco-gall. *breteler*, fabulari: vel à $\phi\rho\alpha\zeta\omega$, dicere.

Hirundo *trinsat*, seu fritinnit (à $\phi\rho\iota\tau\omega$, nomine ad sonitum vocis exilissimæ accommodato.) **warbleth** (forte, ut Skinnerus noster desecit, à Belg. *Wervelen*, in orbem versari, nobis, sensu hoc in Musicam recepto, vocem reciprocantibus modulis quasi circumagere, vocem vibrare, **to quaver**.) unde Autor Philomelæ,

*Regulus atque Merops, & rubro pectore Frogne
Consimili cantu zinzibilare solent.*

Merula *modulatur*. Et recte quidem. Vix enim ullum cantionis genus est tam heteroclitum, quod avis hæc harmonica non addiscat, tam exacte singulas notas pronunciando, ut ne in minimo quidem hemitonio aberret. Milvus *lipit* (à $\lambda\upsilon\pi\acute{\epsilon}\omega$, doleo, quasi vocem edens dolorosam) vel *jugit*, ut apud Festum, *jugere* Milvi dicuntur, cum vocem emittunt; & Glossæ Philoxeni, *jugit*, $\iota\kappa\tau\acute{\iota}\nu\ \beta\omicron\alpha\acute{\iota}$. (forte à jugi clamore) **whineth**.

Noctua *cucubat* (avis ipsius nomen à voce sua factum est) **Schriketh** (vel à Belgico *Schriken*, tremere; horrenda enim vox est: vel à Teutonico *Schreyen*, exclamare: unde nobis Scops, a *Skreech Owl* dicitur.) Mer. Casaub. desecit à $\kappa\rho\iota\zeta\omega$, stridorem edo.

Pica *Kittabizat* seu *picatur*, id est stridulam sibi que peculiarem emitit vocem; **Chatters**; à Franco-gallico *cacqueter*, garrere instar monedulæ aut picæ. Palumbes *plausitat*, $\kappa\rho\acute{o}\tau\epsilon\iota$, **Goos**. Parus *tinninat*, à tinnitu vocis cui nostra quidem lingua, **the Titmouse tinkles**, satis apte respondet. Passer *struthissat*, *pipit*, *pipilat*, *pipillat*; quod de passere dixit Catullus Epigr. 2. *Ad solam dominam usque pipilabat* (pipulo, quod à Græcis acceptum; unde Hesychius, $\mu\pi\iota\zeta\omega\nu\ \kappa\alpha\tau\alpha\ \mu\acute{\iota}\mu\eta\sigma\iota\nu\ \eta\ \lambda\acute{\epsilon}\xi\iota\varsigma\ \mu\epsilon\mu\omicron\iota\eta\mu\acute{\epsilon}\nu\eta\ \tau\eta\varsigma\ \tau\omega\nu\ \omicron\rho\tau\acute{\epsilon}\omega\nu\ \phi\omega\nu\eta\varsigma$, ex quo liquet, esse verbum $\omicron\nu\omicron\mu\alpha\tau\omicron\mu\omicron\iota\eta\mu\acute{\epsilon}\nu\eta$.) **the sparrow chirpeth**. Pavo *pupillat*, (apud auctorem Philomelæ) & à voce sua dictum Varro tradit. Perdix *caccubat*, (Hesychius $\kappa\alpha\kappa\kappa\acute{\alpha}\tau\alpha\nu$ scribit) *titubizat* (utrumque à sonitu vocis) **calls**.

Regulus *zinzibilat*, aliis *zinzillat*, **quavers** aut **trills** (propria Musicorum vox, optime ab Athan. Kircherio explicata, *Artis magn. Consoni & Dissoni lib. I. Sect. 4. pag. 29.*)

Sturnus *pisitat*, ut apud Auct. Philomelæ, dum turdus *trutilat*,
Sturnus

Sturnus tunc pifitat ore; forte à πῖσσω, pifo, & pinso; quod vocem suam in gutture quasi confringere videatur. Græcis dicitur *κικλίζειν*, quod & Turdis commune.

Turdus *trutilat*, sed magis proprie *Kichlizat*, id est vocem suam modulatur; *whistle's*; ab Anglo-saxon *piþlan*, sibilare, q. d. Latine *fistulare*.

Vespertilio *stridet*, *squeak's*. Ulula *ululat*; vide *ululæ* Etymon supra. Upupa *popissat* (à *popysmate*, quod est oris pressi sonus, & labiorum in se collisorum strepitus; uti definit vetus *Scholias* in *Juvenal. Satyr. 6.*) *hoops* aut *popps*. Vultur *pulpat*; id est pro *pulpa*, seu cibo clamat, *cries for meat*. ¶

III. Sonorum ab Insectis quibusdam editorum nomina propria.

INSECTA similiter plurima, præsertim ex Alatorum numero; ut Apes, Vespæ, Scarabæi, Muscæ, Cicadæ, Locustæ, Grilli &c. licet sanguine destituta, quia tamen volitant, & longe lateque ad quærendum victum divagantur; idcirco vocem aliquam emittere, ac loquelam quandam exercere debent, ut se mutuo exaudiant, & longius advocent. Hinc admirando utique Naturæ artificio factum est, ut etiamsi angustiora eorum pectora faucesque perexiguæ, organis vocalibus proprie sic dictis careant; sonus tamen in iis, non aere quidem; perfectiorum animalium more, violenter expirato, sed *Spiritu* intus contento, & membranulis quibusdam ad resonantiæ commoditatem extensis creberrime alliso efficitur audibilis: quemadmodum prodidit *Aristoteles*, 4. de *hist. animal. cap. 9.* Etenim alia murmur edunt, ut Apes; alia bombizant, ut *Bombilius*, *Crabro*, *Cantharus* &c. alia canere dicuntur, ut Cicadæ: omnia autem in eo genere, membrana quadam diaphragmati subdita, qua præcinctum corpus distinguitur, sonant. Ita

Apes, ne ad alvearea redeunt, taciti fures videantur; inter volandum *murmur* edunt, qui simul cum volatu audiri incipit & finire: qui sonus utrum ex ore fiat, an alarum motu; litigant *Aristoteles* atque *Hesychius*: nec mihi tam Lyncei obtigerunt oculi, qui rem tot involucris abditam dijudicent. Horum vero *Tibicines* & *Cornicines* *ῥιγγον* edunt *Hesychio*; & *Angli* non incongrue *Sing* vocant: eumque sonum vigiliarum, somni, operæve signum & tesseram statuunt.

Bombylius item *murmurat*; ipsum quippe nomen à sono vocis obtinens, recte *βομβυλιάζειν*, id est *murmur* edere: qua item de causa nostratibus *Humble Bee* (quasi apem sonoram dixeris, *Hum*

Humming Bee) dicitur. Unde etiam (ut doctiss. *Mouffetus* ex *Turnebo* notat) *Bombyces*, qui longis tibiis (*Bione Pipes*) in Bombi hujus æmulationem, imponuntur, originem appellationis duxerunt: quas *πυρρακὲς αὐλὰς* vocat *Pollux*. Calamum quoque huic tiliarum generi idoneum, *Theophrastus* *Βομβυκίαν* appellat.

Cicada, *φιλίμνη καὶ ἡδύφθογγος* bestiola, summa æstate messorum & itinerantium aures cantu Apollineo demulcet. Sonum vero illum stridulum atque obstreperum, alii aliter edi existimant. Quippe sunt, qui eum in promuscide formari credant; sunt etiam qui alarum contritione fieri autument. Verum *Aristoteles* rectius tradit, cicadas canere alliso spiritu ad membranulam septo transverso subditam: nam dum illa eo pacto distenditur atque remittitur, sursumque ac deorsum impellitur; sonus erumpit stridulus, haud secus quam in puerorum arundineis fistulis, pellicula tenui constantibus; qua depressa, intenta, vel vibrata, sonitum fieri necesse est. Atque hæc forsitan ratio est, cur fæmellæ Cicadæ non canunt; integræ nimirum, & orbatae illo spatio intercrurali, ubi maribus tenuis nascens membrana strepitum, cantumque emittit. Isthuc admirabile sagacis Naturæ artificium, omniaque ejus instrumenta, per accuratissimam anatomen detecta, optime descripsit *Athan. Kircher. Art. magn. Consoni & Dissoni* pag. 33. quo lectorem remittimus.

Gryllus ad cicadam proxime accedit cantu, qui argutus est, & *Gryllismus* proprie nuncupatur. Alarum vibriffatione ac attritu edi sonum istum perstridulum, post *Plinium* confirmat *Mouffetus*, experimento *Garretti* cujusdam, Pharmacopœi Londinensis, qui alis Gryllorum avulsis mutuoque attritis, eundem sonum recte imitando affecutus est, ut miraretur *Scaligerum* id nescio cui folliculo & fistulæ in cava parte alvi collocatis; *Sabinum* vero, dentium collisioni acceptum tulisse. Quum leviter alas per antri sui angustias atterunt, parvum sonum efficiunt; cum vero pro foribus fortius has vibrant, valde argutum; nec omnino sine alarum agitatione strident. Has enim amputaveris, vel avulseris; stridorem illum omnem perire cito videbis.

Locustæ suis gubernaculis vel pennis atterentes, acute sonant, inquit *Arist. 4 hist. animal. cap. 9*. At *Mouffetus* tribus id modis fieri existimat; dentium stridore, dum herbas rodunt; alarum converberatione, dum eas vibrant; scapularum & colli durioris contritione, dum se movent, & saltant. Quod si verum est, triplicem edant sonum, necessum est.

Scarabæi, dum volant, tanto stridore vel murmure & mugitu potius aerem replent, ut per eos Deorum cum hominibus fieri colloquia *Laertius* scriberet. Horrendus vero, & Panicus iste Bombus,

bus, cantusque vere militaris, non aliunde quam à perniciosissimis alarum vibrationibus inter volandum repetitis, aeremque verberantibus, provenire videtur. Incipit enim cum volatu, simulque cum eo finitur.

Vespæ quoque *bombum* edunt, ut *Apes*: sed stridulum magis atque horrifonum, præsertim cum irritantur. Unde illud in indoctum doctis obstreperum, factum à *Theocrito* in *Hodæporis* proverbium, Σφῆξ βομβῶν τέτλιγος ἐναντίον.

Pæne mihi ex animo exciderant *Culices*, qui altum & jucundum canunt. His quippe concessit Natura proboscidem, Muscarum proboscide triplo longiorem; qua non solum sanguinem ex animalibus, vinique mustum, pertusa solidissimi ligni compage, doliis exhauriunt; sed & pro lingua utuntur & ore, sonitum emittendo truculentum, atque pro corporis ratione maximum: unde *Homerus* in *Batrachomyomachia* culices signi datores facit. Edere vero sonum ex *Tuba* illa, sensus indicat. Etenim adversi *Culices* acutius canunt, averfi gravius: id quod fieri sane haud posset, nisi anteriori parte sonarent.

IV. Sonos à PISCIBUS quibusdam edi solitos

Breviter mihi explicaturo, sufficiet, quæ *Aristoteles* in 4. *Hist. Animal. cap. 9.* de iis prodidit, recitare. *Lyra* & *Chromis* (inquit) "quasi grunnitum emittunt; *Aper* piscis stridet, *Cuculus* vero, ut "cuculus avis, obstrepit; unde nomen accepit: quæ omnia credi- "tam illam vocem emittunt attritu branchiarum, quas horridiuscu- "las continent; aut suis interioribus, quæ circa ventrem habentur. "Spiritus enim inclusus in his est, quem dum atterunt atque agi- "tant, sonos illos elidunt. Pariter *Cartilaginei* generis nonnulla "stridere videntur. Verum ab his vocem emitti ullam, recte dici "non potest; at sonitum sive strepitum reddi, verius dixeris. Nam " & *Pectines* quoties per summa humoris nitibundi feruntur (quod "volitare dicunt) stridere sentiuntur. Similiter etiam marinæ *Hi- "rundines*, quæ sublimes volitant, haudquaquam mare attingen- "tes: Sunt enim iis alæ latæ & longæ. Ut igitur per volatum avium "strepitus, quem alæ excutiant, nulla vox est; ita nec ejusmodi "sonorum aliquis, vox jure appellatur. At *Delphinus* pariter stridet "ac mutit, efferens se in aerem; sed non quemadmodum ea, quæ "superius enumerata sunt: hic enim & arteriam & pulmonem ha- "bet, proindeque nonnihil vocis potest promovere; lingua tamen "libera absolutaue caret, & labris, quibus vocis aliquem possit "articulum efformare. Hæc *Arist.*

Porro *Tinea* & *Cyprini* strepitum quendam *poppysmati* similem edere solent, dum aquis exertum os aperiunt, & labia mutuo applicata, & viscido humore glutinosa deducunt separantque. Et hæc quidem de naturalibus animalium ratione carentium vocibus, earumque differentiis dicta sunt. ¶

Cuniculus

Cuniculus sive *Porcellus* Indicus.

Nomine inter *Cuniculum* & *Porcellum* ambigit; quod plura illi convenient, quæ alterutri eorum sunt peculiaris. *Aquapendenti* quidem videtur esse è *Murium* genere; & quibusdam *Mus Pharaonis* appellatur. Pili ejus molliusculi sunt; duriores tamen, quam quibus *cuniculus* vestitur: & ut plurimum diversicolore pelle induuntur. Caro edulis est, & porcinam sapit: cumque ad mensam paratur, non debet (*cuniculi* nostratis instar) pelle nudari: sed aqua fervente (*porcellorum* ritu) depilari. Corio tamen facillime (*cuniculi* instar) exuitur: præterquam ubi musculus tenuissimus ac latissimus abdominis lateribus, pectorisque regioni adnascitur. In cruribus hic musculus deficit: & caro musculosa cuti subjecta, ab eadem facile est separabilis. Rostro à *cuniculis* parum abit. Leporinam barbam habet: pili tamen oblongiores nulli circum oculos nascuntur. Pedibus anterioribus os & caput scabit, ut *cuniculi* solent: & horum quoque more posterioribus pedibus insidet; ideoque crura ad suffraginem usque callo obducta sunt, quemadmodum & pedes. Haud subultim tamen incedit; sed alternato pedum gressu, porcorum ritu. Anteriores pedes quaternis digitis donantur, posteriores ternis tantum; eorumque medius longior est reliquis: non autem senos antè, & quinque postè habent, uti *Gesnerus*, & *Aldrovandus* voluerunt. Vociferatur, ac grunnit, nescentium more: & *cuniculi* modo comedit. Non fodit, ut *cuniculus*; neque ut hic, cæcus nascitur. Pugnaturus ferit rostro, porcino more. *Aures* humiles, tenues, pellucidæ, patulæ, subrotundæ, & propemodum depiles sunt; glirium auribus non dissimiles: exque recens natis haud multo minores, quam adultis. Oculi nigricant, eorumque in medio umbone obscurior pupilla conspicitur.

Dentes ut in muribus: nempe incisores bini utrinque, longi, tenues, & acuti; molares autem quaterni utrinque, tum in superiore, tum etiam in inferiore maxilla numerantur: iidemque omnes, intus pariter forisque, incisuris sive crenis insculpti sunt, grato sane intuentibus spectaculo. Incisuræ istæ, in maxilla quidem superiore, intus acutangulæ, foris obtusangulæ conspiciuntur; in maxilla autem inferiore contrarium evenit: adeoque quilibet dens literam W concinne exprimit.

Superius labium, *cuniculi* instar, versus nares hiulcum cernitur. Aqua huic animali nihil opus, modo herbis viridibus vescatur. Caudæ vestigium nullum; estque è genere retromingentium.

Lin-

Lingua inter molares fertur ad dentes primores maxillæ inferioris; & dum intra molarium cavitatem tendit, lateribus & fundo suo partibus vicinis adnectitur, angustaturque aliquantulum ubi anteriori earum isthmo appropinquat; dein dilatatur paululum, totoque reliquo ductu, ad apicem usque, libertate sua fruitur.

Orificium *Laryngis*, vice epiglottidis (qua caret) membrana carnosæ, figuræ semilunaris (quæ retro nata antrorsum spectat) obtegitur.

Cuniculus juvenis, quem dissecai, pendebat totus uncias quinque, drachmam unam, ac scrupulos duos. *Pulmorum* lobi in dextro & sinistro latere, pares numero, & figura consimiles erant: nimirum terni utrobique conspiciebantur; eorumque infimus valde exiguus, superior autem bifidus cernebatur. Ponderis erant granorum viginti novem. *Cor* pendebat grana octo cum semisse. *Cartilago mucronata* erat lata admodum.

Hepar totum diaphragmatis cavum implet: ejusque *suspensorium* (tenuissima membrana constans) medium diaphragma perreptat, atque ad imam sterni sedem terminatur; adeo ut à dicto ligamento in duas propemodum æquales partes dirimatur, & utrumque hypochondrium adimpleat. In dextro latere tres lobi alii aliis imbricatum incumbunt; & qui suspensorio proximus est, *Vesiculam felleam* sibi subtus annexam amplectitur: in sinistro autem duo similiter siti; quorum inferior reliquis grandior, interiorque sui facie fissuris complusculis hiulus conspicitur. Sub dictis lobis, atque in medio eorum, duo pusilli lobuli spatium inter æsophagum ac pylorum complent. *Hepar* ipsum erat drachmarum duarum, & granorum trium pondo.

Vesicula biliaria, ejusdem fere coloris erat cum hepate, sed aliquanto pallidioris. Ductus *cysticus* oblongus est: & *choledochus* prope Jejunii principium desinit. Vesicula ipsa haud grani dimidium pependit. Duplicaturæ *Omenti* pars antica ventriculi fundo, secundum longitudinem ejus, adnectitur: postica vero subter ventriculum ad dorsum producta, & pancreata amplectens, lieni, posteriorique ventriculi parti affigitur.

Pancreas exiguum & tenue admodum, atque ex rubro pallidum, dorso transversim incumbit.

Lien floride rubicundus, oblongus, & gracilis, sinistro ventriculi lateri adhæret; eratque ponderis granorum duorum, ac paulo amplius.

Mesenterium intestinis, pancreati, & dorsi spinæ connectitur: latum, ubi colo adnascitur, tres digitos. In ejus centro glandula majuscula, cum minoribus aliis circumspersis.

Intestina tenuia, spatio viginti octo unciarum, obscure flavescunt; materiaque in iis contenta, uno continuatoque ductu ad inferiora

feriora vergit: post illa vero æquali spatio nonnihil nigricant. Eratque adeo totus tenuium intestinorum tractus longitudinis unciarum quinquaginta sex. Ibi tum *Cæcum* incipit, falcis modo curvatum, & pro animalis proportionem, amplum admodum; extensum quippe uncias quinque cum semisse æquat. Tribus ligamentis donatur, eorumque opera in figuram rotundam contrahitur, cellulasque sive plicas efformat. Continebat materiam liquidiorē ea, quæ in ventriculo reperiebatur, magisque digestam, uniformem, mucilaginosam, & ex viridi nigrescentem: illi plane consimilem, quæ in ruminantium *abomaso* conspicitur.

Colon à sinistra Cæci extremitate (non procul ab *Ilij* insertionem) exortum, flexuosissimis orbibus ad anum, viginti quinque cum semisse unciarum spatio, decurrit; quarum duæ recto intestino (ab emulgentibus ad anum protenso) debentur. Stercora in *Colo* plane nigricant, interpositisque inter singula spatiis descendunt. Scybala ista, nucleorum pineorum instar, oblonga sunt; qualia nempe murium stercorea solent conspici, qualiaque ipsi hi Cuniculi excernunt. Hujus autem rei hanc causam arbitror, quod *Colon* alicubi acuto angulo curvatum, arcteque complicatum, durescenti jam stercore ductum longiorem non concedat.

Renes succenturiati dicti, proportionem corporis, ampli sunt, & figuræ ovalis; exterius flavi, intus nigricant, renibusque ipsis adherent.

Ren, in parte convexa secundum longitudinem sectus, utrinque Coriariorum cultelli formam præ se tulit, inque medio sui una solum cavitate donabatur. Sinister pendebat grana quatuordecim, dexter duntaxat tredecim.

Insigni ubertate fætificant: siquidem fæmina octonos, & interdum plures uno partu edit; diciturque ut plurimum novenis septimanis denuo parere.

In *masculo*, corpora duo nervosa, ex posteriore ossis pubis parte oriunda, & cum urethra mox coeuntia, *penem* crassiusculum ac teretem, duosque circiter digitos transversos longum constituent. Hic subter cutem latens, primo antrorsum dimidiati pollicis longitudine fertur, deinde versus anum reflectitur. In hujus extremo, os exile reperitur, pollicis fere semissem longitudine æquans: cujus summus apex nonnihil deorsum incurvatur. Extenso pene, factaque compressione, materia seminalis alba, viscida, ac tenax valde è meatu urinario profiliit:


Vesiculæ seminales bicornes, pyramidales, contortæ, instar lumbricorum intestinalium, trium pollicum longitudine, fere ad renes usque protendebantur. Pendebant simul scrupulos duos & grana sex. *Vasa spermatica* conspicua ad testes majusculos pertinent: qui intus latitantes peritonæo adnectuntur. Pinguedinis

pluſculum circa corpus *pyramidale* conſpiciebatur. Teſticulus cum epididymide pende-
bat ſcrupulos duos.

In *femella* natu grandiore, exterius cervicis *uteri* orificium orbiculatum, & pro animalis magnitudine, amplum cernitur. *Cervix* ipſa duos pollices longa eſt, *Orificium interius*, inſtar papillæ, in intimum cervicis ſinum protuberans, ita clauditur, ut ſpecillum tamen mediocri citra vim admittat. Orificium hoc mox in binam *uteri cornua* aperitur, quæ ſuperne parvis glandulis alligantur (quas pro teſticulis habeo) exindeque duplici membrana, à *peritonæo* circa muſculos *lumbares* orta, dorſo, renibus, atque inter ſe, cervicique ſuæ adneſtuntur. Membrana hæc, pinguedine munita, vaſorum in uterum diſtributioni inſervit. *Cornua* in figuram conicam paulatim deſinunt, ipſique eorum apicis utrinque ad renes pertendunt. Ipſa aliquanto ſpatio foris protenduntur; intus vero membrana, ceu ſepto, dirimuntur, paulo ſupra orificium *uteri* interius. In utrolibet cornu *fætus* reperiēbatur, major autem in ſiniſtro. Aderant etiam duæ albæ protuberantiæ, à latere *uteri* verſus ſpinam exterius conſpiciendæ. *Protuberantiæ* iſtæ, apertis cornibus, *placentæ* eſſe deprehendebantur; iſdemque *fætus* adhærebant. Quælibet placenta, ceu gemina, apparuit, utraque illius parte *placentæ* formam referente. Quæ utero proxime adneſcebat (quam *ſubplacentum* nominare libet) albidī coloris erat; altera vero rubicundior. Quinetiam exterior illa albicans uteroque adnata, in *minore* *fætu* latior apparuit: contra autem in *maiore*, interior ac rubicundior placenta, amplior conſpiciebatur. *Aſpredines* quædam atque corrugationes in his *uteri* locis deprehendebantur, quibus jam dictæ *placentæ* adnaſcebantur.

Chorion tenue admodum ac pellucidum, *fætum* aquis innatantem amplectebatur; *placentæ*que, mediantibus vaſis, ac membranofa connexionē adalligabatur.

Fætus minor erat albidī coloris, mollisque, inſtar vermiculi, ſive galbæ: major autem rubicundior apparuit, utpote dies aliquot maior natu; nam partibus omnibus ſic ſatis diſtinctus conſpiciebatur.



De Variis
F O S S I L I U M
G E N E R I B U S.

(A a)

1713. 11. 22. O. 4.
27. 11. 16. 9.

F O S S I L I U M

Divisio Generalis.

F O S S I L I A (sic dicta, quod major eorum pars fodiendo è terra eruatur) commodissime dividuntur in *Media mineralia, Lapides, & Metalla.*

I. M E D I A M I N E R A L I A illa vocamus, quæ mediam quasi naturam habent inter Lapides & Metalla.

Hæc rursus sunt vel *Terræ*, vel *Sales*, vel *Sulphura*, vel *Bitumina*.

Per T E R R A M hoc loco intelligimus Corpus fossile, naturæ mineralis particeps, quod injecta aqua solvitur & lutum fit. Licet vero quædam hujus generis terræ reperiuntur, quæ aquis madefactæ non confestim solvantur in Lutum; progressu tamen temporis, si diu macerentur, eò rediguntur.

Terræ, ratione *usuum* quibus inserviunt, dividuntur in eas, quibus varii *Artifices* utuntur; & eas, quæ *Medicis* potissimum sunt ex usu.

Terrarum, quibus varii utuntur A R T I F I C E S Classis.

T Erræ, quæ à variis *Artificibus* in usum trahuntur, sunt

I. A R G I L L A (ab ἄργιλλος sive ἄργιλλος, ut apud *Hesychium* ea vox scribitur: Ἀργιλλος autem dicta videtur ab ἄργρος quæ *album* notat, ut proprie significet λευκὸν ἄργιλον, Candidam Argillam) *white Clay*, sive *Clay*. Quæ in partem quamcunque ducta, non abrumpitur; neque exsiccata dehiscit. Ejus enim hæc proprietas est, ut quamlibet figuram recipere possit, & in caminis cocta, in lapideam substantiam concreascit. Hacce potissimum utuntur Figuli & Plastæ, & qui fistulas sive tubulos ad fugendum Nicotianæ fumum conficiunt. Nobiliores hujus *species* sunt (1.) *Samia*; (2.) *Aretia* & *Mutina*, in Italia; (3.) *Porcellana* sive *Chinensis*.

(A a 2)

II. C R E T A

II. C R E T A (nomen ab *Insula* sic dicta traxisse videtur, quod olim ex ea laudabilior adferebatur) **Chalk**. Quæ candore insignis est, & eodem colore alia inficere potest. Ad expoliendum, mundandum, fricandum, illinendum, & colorandum usurpatur. Varii igitur Artifices ejus usum sibi accommodant. Hujus meliores species sunt (1.) *Cimolia*, quæ è *Cimolo*, una è *Cicladibus* insulis, petitur; (2.) *Sarda*, quæ è *Sardinia*; (3.) *Umbrica*, quæ ex *Umbria*; (4.) *Fuldensis*; (5.) *Hildesheimensis*; (6.) *Anglica*, quam *Smectin*, seu *Terram Saponariam* & Fullonicam, **Fullers-Earth** vocant; & ex qua conficitur Album Hispanicum, **Spanish-White** vulgo dictum; (7.) *Umbria* (quia ea umbras in picturis exprimere solent pictores) **Umber**. Quæ substantiæ est levissimæ, tenuissimæ, subtilissimæ; linguæ adhærens; colore fusco. Ad ignem induratur, ut Bolus & Argilla. (8.) *Terra nivea* è lacu *Mexicana*, quam *Joh. de Laet.* in descript. *Indiæ Occident. lib. 5. cap. 6.* ab incolis barbaris *Hicatlalli*, i. e. terram candidam, vocari scribit. (9.) *Creta viridis*, quæ cōcta ad rubedinem transit. Olim optima in *Smyrna*, quam Græci *Theodosiam* vocabant (quia fundus iste, in quo primum reperiēbatur hæc Creta, fuit *Theodosii* cujusdam.)

III. R U B R I C A, Græcis *Μίλτος*, **Marking-stone**, **Ruddle** aut **Reddle**, & **Red-Ochre**. Olim celeberrima in Cappadocia, Lemno, Africa, & Balearibus insulis extabat: sed *Synopica* reliquis præferebatur. Apud nos multis in locis reperitur. Huc spectant *Rubrica ex insulis Feroensibus* allata, cujus primus meminit *Ol. Wormius, Musæi sui pagin. 4.* & *Rubrica Laminata*, seu in Laminas scissilis, quæ non nisi madefacta lineas ducit rubicundas, & Fabris Lignariis nostris in usu est.

IV. N I G R I C A *Fabrilis* (ut à *Meretto* nostro, qui eam ad viculum quendam in Cumbria, **Keswick** vocatum, observavit, nominatur) **Black-Lead**; quæ Angliæ peculiaris videtur. De hac ita *Camdenus*, in descript. *Cumberlandiæ*. Hic passim etiam reperitur terra illa metallica, sive Saxum induratum & micans, nobis **Black-Lead** dictum; quo ad ducendas lineas, & monochromata Pictores utuntur, &c.

V. O C H R A, *ωγα* (quod luteo sit colore) Plinio & Latinis *Sil* dicta, **Yellow-Ochre**. Cujus species nobiliores sunt (1.) *Anglica*, (2.) *Scanderburgica*, (3.) *Islandica*, (4.) *Nigricans Argillosa*, (5.) *Factitia plumbaria*, ex plumbo nigro; donec colorem luteum acquisiverit, calcinato confecta.

VI. T E R R A N I G R A R A N D R U S I E N S I S, quæ arenosa est, exiguis glebis intermixta, non admodum ponderosa, colore nigro digitos inficiens, falsum quid sapore præferens, prout describitur ab *Ol. Wormio, Musæi pag. 5.*

VII.

VII. GLEBA GRATIANOPOLITANA, quæ ex cinereo nigricat, & sulphureum quid redolet, à cumbustione cinereum colorem acquirens. Reperitur enim in Delphinatu Galliæ, duobus milliariibus à *Gratianopoli*, in monte ardenti, quem incolæ vocant *La Fontaine qui brûle*.

VIII. PNIGITES (à *Pnigeo*, vico *Libeæ Mareotidis*, nomen trahens) quæ pinguis est, spissa, mollis, nigra, astringens & acris valde, sapore Vitriolum referens.

IX. CRETA ARGENTARIA (quia fabris Argentariis, ad expolienda vasa argentea, in usu est) quæ species quædam *Margæ* esse videtur.

X. TRIPPLA, *Tripoly*, qua vasa Orichalcica poliunt & mendant Tonsores: Granula enim habet minima, sed admodum dura & robusta, eoque nomine ad poliendum aptissima. Varia ejus sunt genera. Quædam substantia terram & cretam exprimunt: quædam lapides & cœmentum.

XI. PULVIS PUTEOLANUS, qui nascitur in Regionibus Bajanis & in agris Municipiorum, quæ sunt circa Vesuvium montem, & commixtus cum calce & cœmento, non modo cæteris ædificiis præstat firmitates, sed etiam moles quæ construuntur in mari, sub aqua solidescunt. De quo *Vitruvius Architectur. lib. 2. cap. 6.*

Hujus quoque Classis sunt Terræ *Paretonia*, *Melina*, *Eretria*, quæ olim & Græcis & Romanis Pictoribus magno erant in pretio: sed diu est, quo in desuetudinem abierunt.

Huc denique spectat mirabilis illa *Gleba*, quæ ex aqua superaffusa calorem igneum acquirit, cujus meminit *Nobilissimus Boyleus*, in *lib. de Frigore*.

Terrarum, quæ in usum MEDICUM veniunt, Classis.

Terræ, quæ vim aliquam Medicamentosam obtinuisse censentur, dividuntur, ratione *Coloris*, in *Albas*, *Rubras*, *Luteas*, *Purpureas*.

Ex *Albarum* genere sunt.

I. SAMIA, à veteribus maxime celebrata. Cujus duo erant genera. Unum, *Collyrium* dictum; eo quod medicamentis oculariis admiscebatur; terra pinguis, rara, mollis, candida, dulcis. Alterum, dictum *Aster*, vel quod signo stellæ signabatur; vel quod micæ quædam (stellarum instar) in ea emicabant. Vim

(B b)

habebat

habebat refrigerandi, adstringendi, sanguinis eruptiones & fluores sistendi, &c.

II. NORWEGICA, sive *Marga Saxatilis*, Germanis & Danis *Steinmarg* dicta, & ab *Ol. Wormio*. *Musæi sui pag. 5.* celebrata.

III. FEROENSIS, ex insulis Feroënsibus delata, & *Stenomarga*, i. e. Saxi medulla (quod in fibris commissuris que saxorum includitur) ab *Agricola* vocata, à *Ferrando Imperato* vero *Agaricus Mineralis* (quia candore, levitate, & raritate Agarico prorsus similis: quibusdam *Lac Lunæ* (propter candorem & teneritudinem quam habet:) cui eadem omnino vires tribuuntur, quas Veteres terræ *Samia*. De hoc Lacte Lunæ dissertationem singularem, nuper scripsit, ediditque *Joh. Daniel Major*, M. D. ubi inter cætera reperies hoc Cosmeticum. ℞. Lact. Lunæ ʒ vij. Laccæ Virginianæ vel Florentinæ ʒ j. Moschi optimi gr. ij vel iij. Misc. & pulverentur subtilissime, dein addendo essentiæ Benzoin, vel aquæ flor. Aurantiorum q. s. ad humectandum. Huic affinis videtur *Galactites* (eo quod ad lac mulierum generandum commendatur) *Milk-marle*; cujus historiam diligentissime persecutus est *Gesnerus*: & *Marga Goslarica*, quam describit *Agricola*, de *Nat. fossil. lib. 2. cap. 10.*

IV. MARGA SAXATILIS INCARNATA, ex montibus *Bohemis* effossa. Quæ gleba est pinguis & lubrica ad contactum, colore incarnato, inæqualis, ponderosa, linguæ adhærens, chartam & digitos subluteo tingens colore. Cum *Bolo Armena* facultatibus convenire perhibetur; eoque nomine ruptis, ex alto devolutis, Hæmorroicis, Dysentericis, pesteque infectis feliciter exhibetur.

V. TERRA MELITENSIS. in insula *Melita* reperta. Quæ ad serpentium morsus venenatos potissimum commendatur; eamque vim à *D. Paulo* accipisse credunt incolæ cum is naufragus ad hanc insulam appulisset. Quocirca quidam *Lapidem S. Pauli* vocant. Est ad tactum aspera, colore albo ad cinereum vergente: ex eaque fiunt imagines, tabellæ, vasa, & alia ejus generis. Extat Charta quædam à *Petro Castello* lingua Italica exarata, & Romæ typis divulgata, quæ de viribus & terræ hujus, & aliorum lapidum, qui ibidem reperiuntur, diserte agit.

VI. TERRA CHIA, ex Insula *Chio* allata; qua Veteres utebantur ad rugas abstergendas, ad ambusta, aliaque quibus *Samia* prodesse traditur. Hodie exolevit, ejusque loco in usum venit *Bolus Alba* officinarum.

VII. BORINGHOLMICA, ex Insula *Daniae Boringia*, vulgo *Boringholmo*, transportata. Cujus duo sunt genera. *Alerum* candicat, ad cinereum vergens: *Alterum* nigrius est. *Utrumque* ejusdem ferme substantiæ, glebosæ, inæqualis, pinguis; linguæ adhærens.

hærens. Viribus discrepare non videtur ab aliis Bolis. In *Scania* officinis ferrariis crucibula ex ea conficiunt, quæ ignis fervorem optime ferunt.

VIII. NORVVEGICA, quæ priori candidior aliquanto, pinguior, & tactu lubrica.

IX. LEMNIA SIGILLATA ALBA, olim *Dianæ* sigillo, quod capra erat, signata, teste Galeno. Aliquantulum tenax & lubrica est, ob pinguedinem; adeo ut linguæ adhæreat, sine mordacitate. Si in aqua resolvatur, similis erit molli ceræ. Sanguinis ex utero profluvia, & fluxus muliebres compescit, venenis morbisque malignis resistit; rabidi canis morsui medetur, &c.

X. SIGILLATA GOLTBERGENSIS, sive Bolus candida *Lignicensis*, Chymicis *Axungia Lunæ*. Quæ effoditur ad *Goltbergam* in Ligies, & *Strigonium*. Diarrhœæ & Dysenteriae medetur, albumque Uteri fluorem peculiari vi curat.

XI. TERRA STÆ. HELENÆ [quia in *Selandia*, *Daniæ* provincia, ad fontem olim *D. Helenæ* sacrum, effoditur] quæ cinerea est, ad luteum inclinans, ex laminis quibusdam coagmentata; & cum terra sigillata vulgari magnam affinitatem viribus habet. Fusius describitur ab *Ol. Wormio*, *Musæi* pag. 10.

IN RUBRARUM numero sunt

I. TERRA LEMNIA RUBRA, quam tantopere contra venena celebrarunt Veteres. Descriptionem & vires, una cum præparandi ratione ab incolis usitata, optime prædixit *Dioscorides*, qui proinde consulendus.

II. BOLUS ORIENTALIS, communiter *Armena* [quia ex ea *Armenia* parte, quæ *Cappadociæ* vicina est, advehi solet] quæ adeo nota est, ut descriptione hic non indigeat.

III. BOLUS TOCCAVTENSIS, in Transylvania ad *Tockaum* seu *Tockai* reperta, & à *Cratone* in usum medicum traducta. Notas *Boli Armenæ* veræ habet, & instar butyri in ore liquefcit. In Catarrhis & peste valde commendatur; adeo ut *Crato* eam præferat *Armenæ*, quæ *Imperatori* ex *Turcia* allata erat.

IV. SIGILLATA STRIGONIANA, quæ in orbiculos sive pastillos efformata, drachmarum circiter duarum pondere, pro Insigni tenet montem tribus prominentiis distinctum; ita tamen ut una cæteris obtusior sit ac inferior, cui additur duarum clavium, decussatim se intersecantium, scutum. Infra montem hæc leguntur; TERRA SIGILLATA. Terræ Lemniæ, omnibusque aliis sigillatis multum præfertur à Medicis Germanis.

V. ERLACHIANA, ab *Ol. Wormio*, sub nomine terræ sigillatæ *Hepatici coloris*, descripta, *Musæi* pag. 11.

(Bb 2)

VI. LIVO-

VI. *LIVONICA Sigillata*, quæ in pastillos drachmam ponderantes pariter redacta, ab altera parte Insigne templi ostendit, duabus clavibus decussatim positis, inscriptione hac; *TERRA SIGILL. LIVONICA*: Altera facies nullo dotatur signo. Valde adstrictoria est; ideoque in Dysenteria, Diarrhoea, aliisque profluviis, ubi adstrictione opus est, locum invenit.

Inter *LUTEAS* numerantur

I. *SILESIACA Sigillata*, quæ Chymicis *Axungia Solis* dicitur. Reperitur in Aurifodinis montis acuti, seu *D. Georgii*, ad *Strigonium*, oppidum Ducatus *Suidnicensis*, inter durissimas rupes: inde eruitur, & summa diligentia, Magistratus ordinatione, præparatur, & in formam orbiculorum, impresso urbis Sigillo, redigitur. Inventor ejus fuit *D. Joh. Montanus*, Medicus magni nominis; qui de ea scriptum lectione dignum in lucem edidit. Magnopere laudatur etiam à *Cl. Sennerto*, lib. de *Peste*.

II. *LIGNICENSIS Sigillata lutea*, cui in pastillos efformatæ impressa est *Aquila expansa*, cum inscriptione ad circumferentiam, *TERRA SIGILLATA LIGNICENSIS*. Flaventine aurum exprimit: & earundem virium esse perhibetur cum *Strigoniana* supra memorata.

III. *ARABICA Sigillata sublutea*, quæ in trochiscos similiter efformata, ex Oriente affertur; inscriptionem habens Arabicam literis clare satis expressis trium ordinum. Linguae adhæret, fortiter adstringit, & vim resistendi malignitati eximiam obtinere dicitur.

SESSANA (ab urbe Italiae, *Sinuessæ*, ubi effoditur, sic dicta) quam *Cl. Thom. Bartholinus* describit in *Epist. Medic.* & ex qua figuli vasa efformant, quæ per totam Italiam distrahuntur, & ob granula aurea per ea dispersa commendantur.

Inter *PURPUREAS* præcipuum sibi locum vendicant

I. *TERRA ANTISCORBUTICA*, quæ reperitur prope *Bergas Norwegiæ*, & seu præsentaneum *Scorbuti Alexipharmacum* celebratur ab *Henr. Petreio* de *essert. Harmonic. de scorbuto* 38. Hujus drachmam unam in aqua aliqua antiscorbutica exhibent, ut sudorem provocent; quo aliquoties ita provocato, radicitus extirpari *Scorbutum* referunt.

II. *PURPUREA*, cujus meminit *Ol. Wormius Mus. pag. 15.*

S A L I U M Classis.

Per *Salem* intelligimus corpus minerale inanimatum, in igne faliens (unde nomen accepit) in aqua solubile, saporibus diversis præditum, & seminaria, in prima creatione, vi dotatum, qua certis in locis conservatur & multiplicatur.

Hujusmodi sunt

I. S A L Salt, quo communiter in cibis utimur, qui est vel

Naturalis, quem Natura sponte gignit, vel in terra, vel extra terram.

Qui reperitur in terra, vel *ceditur in montibus*, ut in Carpatho, qua parte *Siberburgii* Ceculique incolunt, *Saltzburgii*, & in Germania juxta *Thusam* oppidum: vel *effoditur in campis*, ut in *Polonia*, secundo lapide à *Cracovia*, ad oppidum *Velisum*, & in Germania in *Staphurt*: vel *sub arenis* invenitur, ut juxta *Pelusium* in *Ægypto*, qui *Cyreniacus* dicitur. Extra terram reperitur in fonte, fluvio, lacu, mari.

Artificialis, qui concoquendo fit vel (1.) ex aquis marinis; (2.) ex falsis fontanis; (3.) ex falsis putealibus; (4.) ex sui generis lixivio, ut Chymici omnes

Prioris sortis sunt

I. S A L G E M M Æ (in officinis sic dictus, eo quod Gemmæ instar pellucidus sit, & Chrystallum nitore & colore imitetur) qui in tesseras excisus ad nos adfertur ex *Polonia* maxima ex parte, quamvis in *Calabria*, alibi que etiam effodiatur. *Polonici* historiam scripsit *Cromerus* in descriptione *Poloniæ lib. 1.*

II. S A L A M M O N I A C U S, qui & *Armoniacus* dicitur (ab ἄμμος, *arena*; quod sub arenis in laminas concretus, in Africa Cyreniaco tractu effodiebatur olim: sed jam ad nos vehi desit.) *Sal Armoniack.* Is, quo hodie utimur, ex sulphuratis *Puteolanis* depromitur. Eo enim loci, ubi ignes subterranei flammæ evomere solent, in illorum hiatusum faucibus, veluti per sublimationem quandam, materia minus terrestri evaporante, hoc genus salis reperiri solet. Sed quia & ille non ab omnibus approbatur, nec quovis in loco haberi possit; *Artificialis* quidam excogitatus est, qui idem nomen obtinuit, & à Chymicis maxime expetitur. Fit autem ex quinque partibus Urinæ humanæ, parte una Salis communis, & parte dimidia Fuliginis lignorum, simul coctis ad consumptionem hu-

(C c)

miditatis

miditatis: reliquum sublimatur, iterum solvitur, & coagulatur. Sal summe volatilis est & fixa omnia volatilia reddit.

Posterioris est

SAL ALKALI, ex herba, *Kali* Arabibus dicta. Affertur ex *Hispania*, ingentibus glebis cinereis & nigricantibus præduris. Vitrariis potissimum in usu est.

II. NITRUM (à *Nitria*, oppido Ægypti, ubi in magna copia olim conficiebatur) quibusdam *Sal petrae* (quia in terra sui generis ad muros & petras, instar lanuginis, sponte efflorescere solet) Pitre aut *Salt-petre*. Quod vel sponte nascitur, vel arte conficitur.

Sponte nascentis Genera sunt

1. *Tincar*, Arabibus dictum, quod è terra effoditur durum, spissum & lapidi simillimum. In *Asia* tale provenire solet juxta *Philadelphiam* *Lydiae*, & *Magnesium* *Cariæ*.
2. *Aphronitrum* ἀφρονίτρυς (*Spuma Nitri*) quod è speluncis petitur in quibus stiriarum modo dependet. Colligitur etiam ex iis decidens adhuc & liquidum in terram, ac ibidem instar Spumæ concrevit.
3. *Aprium*, i. e. terræ mistum & sordidum, *Halmiraga* Græcis dictum, *Impure Pitre*. Cujusmodi apud *Medos* invenitur, ubi per æstatem eo canescunt convalles, testante *Plinio*.
4. *Calastreaum* (ab oppido *Calastra*, in *Macedonia*, quod in proximo sinu erat, è quo evehebatur olim) quod ex lacu quodam nitroso extrahitur, ubi circa canis exortum concrevit.
5. *Americanum*, quod in lacu *Mexicano* reperitur, teste *Nierembergio*, *Hist. Nat. lib. 15. cap. 29*. Qui, ex *Franc. Hernando*, docet, Indis illud, quod Arabibus *Baurach*, nostratibus *Borax*, *Tequixquiel* vocari; idque eos è terra verrere ait, crescente lacu, aut è muris antrisque deradere, roseum ac candidum, leve, fistulosum & fragile, &c.

Factitii genera sunt

1. *Fel Vitri*, Germanis *Glass-gall*, nobis *Sandiver*, vitri spuma & recrementum. Nam cum vitri materia in igne liqueat, agit spumam, quæ de ea verriculo, tanquam recrementum de Argento, detrahitur, mox vero concreta in panes candidos cogitur. *Aurifices* ad argenti scobem, cum ex ea massam conficiunt, addunt, ut citius in igne liqueat.

2. *Borax*

2. *Borax* (Arabicum est vocabulum) Græcis *Chrysocolle*, i. e. Auri gluten, *Βοράξ*. Quod olim ex fossili fiebat illo, quod Arabes *Tincar* vocabant. Conficitur hodie Venetiis, ex lapide quodam candido & fossili, quem Boracem crudum vocant, & fossile Nitrum esse quidam arbitrantur. Utuntur eo Aurifices ad scobem auri conglutinandum, quia fusionem adjuvat.
3. *Halinitrum*, quod ex terra, nitroso semine imprægnata, apud nos conficitur; factum nempe ex eo lixivio, & percolato, perque ignis calorem exhalato, ut Sal-nitri remaneat; quod purificatum nostratibus, *Sal-Petre* dicitur. Ad hoc conficiendum, eligere solent terram ovillo stercore imprægnatam.
4. *Sal-petræ*, *Salt-petre*, cujus confectio omnibus satis nota est.

De reliquis Nitri differentiis consulatur *Agricola de Mineralibus*.

III. ALUMEN, græce *Στυπτική* (à vehementi vi adstringente)
Alum. Quod est vel

Naturale, cujus species sunt

1. *Liquidum*, quod vel *purum* est, lactei coloris, limpidum, igneum quid expirans; quod à Græcis *φόρμην* vocari solet: vel *Impurum*, iqualidum, scabrum, sordibus inquinatum, *Παράφορον* dictum.
2. *Concretum*, quod varias habet species. Nam (1.) vel in laminas *scissum* est, & eam ob rem Græce *χιτὼς* dicitur: quod tamen non tam Alumen, quam lapidem Alumini consimilem esse autumant emunctiores; quoniam nec in aqua dissolvitur nec adstrictione pollet. (2.) Vel sigillatim efflorescit instar canorum pilorum, atque idcirco *Τεχίπης* vocatur, (3.) vel *plumosum* est, quod raro visitur legitimum. Vidisse tamen se testatur *Cesalpinus, lib. 1. de Metal. cap. 21.* (4.) vel *Rotundum*, quod *σπογγώλει* vocant, & varias habet differentias.

Arte elaboratum, cujusmodi sunt

1. *Rupem*, seu *Rochæ*, quod & *Glaciale* vocant, *Roch-Alum.* Hoc ex saxo fit, seu excisa rupe, atque redacta in calcem. Eam calcem in cumulis dispositam aspergunt aqua sæpe in die, donec in luti speciem tabescat: id quod paulo minus sesquimensse perficitur. Tum in lebetæ eum aqua conturbatum coquunt; coctum per canales in alveos derivant, quorum ad parietes concrevit Alumen inæquale, & grandibus frustis, pustulis fastigiatis; ea, exempta aqua, ferramentis decutiuntur. Quemadmodum advertit *Scalig. Exercit. 104. Sect. 6.*

(C c 2)

Hoc

Hoc Alumen maxime in usu est, & reliquorum fere omnium vices supplet.

2. *Scaiolum*, quod ex *Schisto* lapide combusto conficitur; *Scaia* nempe & *Scalia* crustam significat & squammam, teste eodem *Scaligero*, *Exercit.* 104 *Sect.* 7.
3. *Saccharinum* (quia aliquid dulcoris sapit) quod ex *Alumine Ro-chæ*, ovorum albumine, & aqua Rosarum conficitur. Locum habet inter Cosmetica, ad mulierum dealbationes, & cutim albam ac nitidam reddendam.
4. *Catinum*, ex planta *Kali*, seu *Sodæ* cinere confectum.
5. *Fæcis*, è vini fæcibus combustis elaboratum

Usum magnum obtinuit *Alumen* apud *Aurifices*, qui eo purgant aurum, ut ejusdem bracteas æri inducant: *Infectores*, qui lanam & pannos in aquam aluminosam immergunt, ut colores facilius suscipiant & retineant: *Librarios*, qui chartam aquis, in quibus liquatum fuit alumen, immergunt, & dein resiccant, ne diffuat, utque atramenti scriptorii acrimoniam melius sustineat: *Medicos*, qui illa ad multa medicamenta, ulceribus aliisque affectibus cutaneis destinata, commodissime adhibent: & alios.

IV. *VITRIOLUM*, (à vitri nitore) *Atramentum Sutorium* quod eo ad coria nigro colore tingenda utantur *Sutores*) *Chalcanthum* à Græcis (quia est æris quasi quædam efflorescentia) Arabibus *Alkalcadis*, Anglice *Nitriol*, aut *Copeyas* (quasi *Cuprum erosum*.) Quod

Ratione *Nativitatis* est vel

1. *Nativum*, à Natura sponte, ex aqua Sorii, *Melantheria* & *Chalcitide* confectum. Hoc à nonnullis *Fossile* appellatur; quod ex tali constet humore, qui gelu quasi concrevit; idque vel (1.) in venis, fibris & commissuris saxorum; vel (2.) dum ex iisdem distillat guttatim, stiriarum modo dependet de eorum cameris, & denique deciduum ex stiriiis in solum delapsum ita colligitur. Atque proinde hæc duo genera *Σταλακτης* Græci vocant, quod destillando concreverint.
2. *Fæctitium*, quod rursus duplex est, viz. (1.) *Alterum* proprie *πηκλόν* Græcis dictum; Latinis, *Concretum*; quod cum è cuniculis suis effertur, & in quadratas piscinas effunditur, frigore aut calore solis congelatur: (2.) *Alterum* *ἑψδόν*, *Coctum*; decoquitur enim aqua atramentosa in ahenis quadratis, modo quem explicat *Matthiol. in lib. 5. Dioscorid. cap. 74.*

Ratione

F O S S I L I A.

11

Ratione *Coloris* est vel

1. *Album*, λευγιον (quia color ejus similis est violæ albæ) quod maxime ad naturam falis vulgaris accedit, candidum & transparens est; unde nostratibus *White-Copeyas* dicitur. Hoc præ reliquis usum habet in Collyriis.
2. *Viride*, *Green-Copeyas*; quod maxime in usu fullonibus & tinctoribus est, ex eoque vulgo spiritus & sales præparant.
3. *Ceruleum*, *Blew-Copeyas* aut *Vitriol*. Quod cæteris ad medicamenta præfertur, & commendatur ad Scabiem & Ulcera ex lue Venerea contracta. Ex eo etiam confici potest Pulvis ille Sympatheticus, quem Mirones tantopere celebrant.

Ratione *Loci*, unde defertur, est vel *Romanum*, vel *Ungaricum*, vel *Norwegicum*, vel *Scanicum*, vel *Anglicum*.

Huc pertinent & reliqua *Atramentorum* genera, viz.

1. *Chalcitis*, quæ rubra est, ænei coloris, semper nativa, dura, glebosa, speciem æris præ se ferens, cum longis & resplendentibus fibris. Sed vix jam haberi potest: ideoque in *Theriaca* compositione, ejus loco substituitur Vitriolum ad rubedinem calcinatum, quod *Colchothar* vocant.
2. *Misy*, quod est affine *Chalcitidi* viribus & unctione; sed specie auro simile, durum, & stellæ modo splendens.
3. *Melantheria*, quæ modo lanugini, modo falsugini similis est, lutei quoque coloris. Reperitur ad ostia fodinarum, ex quibus æs eruitur, modo adsit *Pyrites*. Nigredinem non gignit madefacta, nisi ferveat.
4. *Sory*, quod à *Melantheria* differt tantum odore gravi & nauseoso, ut quasi fulmineum quid exspiret: præterea porosum est & fragile. Quatuor hæ species sæpe simul inveniuntur, ubi conficitur Vitriolum; sed cognitu non ita faciles.

S U L P H U R E O R U M Classis.

S Alinis corporibus proxime succedunt Pinguia, *Sulphurea* scilicet & *Bituminosa*; quæ ignem facillime concipiunt, & oleo solvuntur ac miscentur. Cujusmodi sunt *Sulphur*, *Arsenicum*, *Bitumen*, &c

I. Per S U L P H U R (quasi ὄλον πῶρ) quod Græci tamen θείον vocant (tanquam *rem* maxime *sacram* ut quo ad expiationes omnes
(D d)

omnes uterentur, teste *Aristotele in Probl. Sect. 23.*) & nos *Brimstone*; succum intelligimus mineralem concretum, qui parte inflammabili, gravem naribusque infestum odorem expirante; & terra crassa, fixa, succum Chalcantofum admistum habente, constat. Hoc duplex est, viz.

1. *Nativum*, seu *Vivum*, Græcis ἀπνεον, seu ignem non expertum, nobis *Sulphur-vive* dictum. Quod rursum triplex est; *Impurum*, quale ex *Islandia* crudum adfertur, & demum depuratur: *Purum*, ex *Goslariae* fodinis: & *Fixum* ex monte *Vesuvio*.
2. *Factitium*, πεποιημένον, sive igne depuratum; quod variis modis fieri solet. Quibusdam in locis ex aquis decoquitur; ut ad *Budam Pannoniae*: alibi ex effossa gleba & in vasis cocta perficitur igni; ut in multis *Italiae* locis, *Senensi*, *Puteolano* & *Volaterrano* tractu.

Hujus generis sunt

1. *Virgineum* (quia ejus suffitu utuntur *Virgines*, ad capillos rufandos) *Virgin-Sulphur*: quod cæteris pallidius est, & figura panis coagulatum.
 2. *Nigrum*, *Caballinum* officinis dictum (quia equorum scabiem eo curare solent Veterinarii) *Horse-Brimstone*: quod nigrum est, ex squamma ferri & sulphure impuro simul mistis, & in urceos transfusis, confectum. Exterior sulphure luteo vulgari obductum est.
 3. *Cinabrium*, ex Sulphure cum Hydrargyro sublimato elaboratum, & apud nos *Artificial-Cinnabre* dictum.
 4. *Flavum*, ignem expertum, *Common-Brimstone*; quod figura treti est, eo quod per fistulas arundinaceas sit percolatum.
- Ufus ejus varii sunt. *Fullones* vestes lixivio ablutas sulphure suffire solent; & *Infectores* lanas, ut candorem & mollitiem eis concilient. Ingreditur quoque compositionem *pulveris tormentarii*. In *Peste* insuper maxime celebratur: & varia ex eo conficiuntur medicamenta *Chymici*.

II. ARSENICUM, ἀρσενικόν, *Arsenick*. Cujus species sunt.

1. *Arsenicum Croceum*, *Auripigmentum* (ab aureo colore) dictum, *Orpiment*, aut *yellow-Arsenick*. Quod succo minerali sulphureo constat, & conjunctum habet *Lithargyrum* paucum & spiritum salis. Medici ad *Psilothra*, seu Medicamenta pilos auferentia, præcipue utuntur. Turcis *Reusma* seu rectius *Chirsma* vocatur.

2. *Arseni-*

2. *Arsenicum Album*, seu *Risagallum*, quibusdam *Realgar*; *White* *Arsenick* aut *Katsbane* (quia ad glires, forices, mures, &c. necandos adhibetur) quod factitium est, ex Auripigmento toties cum sale sublimato, donec candidum reddatur.
3. *Arsenicum Rubrum*, *Sandaracha* vulgo dictum, *Red-Arsenick* aut *Sandarack*. Quod ab Auripigmento solo colore differre videtur; quia vel saturato colore rubro est, instar Cinnabaris; vel minus rufum & subluteum. Quod vulgo venale prostat, factitium est, ex *Auripigmento* in ollam, cujus os obturatum, coniecto, & quinque horis in furno cocto; tum enim *Sandarachæ* colorem acquirit. *Pictores* & *Tornatores* ejus ulum sibi vendicarunt ad pingendum.

III. BITUMEN (ex *Martinii* sententia, à *πίτλα*, *pix*, unde *πίττω*, à quo *πίττωμα* & converso *π* in *β*, *bitumen*) ἀσφαλτος Græcis, Germanis *Erpetch*, i.e. *pix* terrestris; *Stone-Pitch*: est corpus fossile, simile, pingue & inflammabile; cum quo ubi sales concurrunt aliæque metallicæ concretiones, in varias species dispecitur. Generatur in cavernis terræ, & inde vel in mare effunditur, ibidemque ejicitur; vel è terra solum, vel cum aquis mistum effluit aut effoditur.

Est autem vel *Liquidum*, vel *Concretum*.

Prioris generis sunt

1. *Petroleum* (quasi *petræ oleum*, quod è petris validissimo odore extillet) *Rock-oil*, aut *Petroleum*. Subtile est oleum, varii coloris: vel enim candidum, vel flavum, vel rubrum, vel nigrum est. Inter hæc vero candidum præstantius, nigrum vilius. In *Italia* in agro *Mutinesi* reperitur, & è petris extillat candidum & rufum, quod vetustate crassescit. In *Siciliæ* fontibus innatat, & oleum *Siculum* vocatur. In *Scotia* item nostra, duobus milliaribus ab *Edingburgo*, fons scaturit, cui olei nigri guttæ innatant tota superficie. De aliis locis ubi reperiatur, consule *Bernhard. Varenium. Geogr. General. lib. 1. cap. 17. prop. 9.* Ad lucernarum lumina, olei communis instar, utuntur, & ad scabiem jumentorum. In Paralyfi & nervosarum partium doloribus frigidis summopere laudatur.

2. *Naptha*, (olim quibusdam *Pharmacum Medæ* dicta, utpote qua coronam & peplum *Creontis* filiæ inunxerit, atque hac arte combusserit) *Napht*. Bitumen subtilissimum videtur, vel potius Bituminis liquidi spiritus, ex *Babylonico Bitumine* potissimum extractus: cui tanta substantiæ subtilitas, ut ex intervallo distanti ignem ad se quasi rapiat, ac *Solis* calore accendatur. In-

(D d 2)

signem

signem vim habet penetrandi & exsiccandi ; eoque nomine , ad humores frigidos discutiendos, Colicis, Lethargicis, Apoplecticis & Paralyticis inungi meretur.

3. *Bitumen Judaicum*, quod in lacu *Judeæ* nascitur, adeo lentum & sequax, ut vix avelli queat.

4. *Pisaspphaltum* (à *πίσα* pix, & *ἀσφαλτος* *Bitumen*; nam picem bitumini admistam redolet, & nonnunquam ex bitumine liquido impuriori & pice componitur) quod in *Apollonio Epyri* invenitur, quia fluminis impetu ex montibus devolvitur *Cerauniis*, & in glebas cogitur.

5. *Maltha*, quæ non merum Bitumen, sed ejus Colamentum limo argilloso mistum esse videtur. Cum quid attingit solidi, adhæret. Quocirca in jungendis murorum lapidibus *Calcis* usum præstat : & *Vitruvius lib. i. cap. 5.* ad Babylonis muros extruendos adhibitam fuisse docet. Verum *Cæsalpinus lib. i. de Metal.* Maltham tanquam artificiosum & mistum quid describit. Quod si verum sit, duplex erit Malthæ genus ; *Naturale* unum ; alterum *Artificiale*, ex Calce viva in vino extincta, mox contusa cum adipe suillo & ficu, confectum.

6. *Mumia*, *Mumie* ; quæ similiter duplex est ; *Naturalis*, ex pice & bitumine constans, quæ & *Pisaspfaltos* dicitur : & *Artificialis*, ex Aloë, Myrrha, aliisque aromatibus, cum sanie Cadaverum quæ eis condiebantur, mistis confecta. *Medicis* in usu est, ad frigidos corporis affectus, tam in potu, quam extra : sed præcipue ad sanguinem sistendum, & fracta membra consolidanda.

Posterioris sunt

1. *Lapis Ampelitis* à Galeno ; ab aliis rei rusticæ scriptoribus *Terra Ampelitis* (quod vermes vitium oculos erodentes, *κνίμας* Græcis dictos, enecet) Theophrasto *Carbones* (quod eorum colorem habeat, & vices gerat) dictus ; nobis, ni fallor, *Kennel-Coal*, & *Wastard-Aet.*
2. *Lapis Gagates* (à *Lyciæ* fluvio *Gaga*, ubi abundat) Straboni *Gangitis*, Plinio *Gemma Samothracia*, Nicandro *Thracius Lapis*, quibusdam *Obsidianus Lapis*, nobis *Aet.* Ex quo varia Utensilia conficiuntur.
3. *Lithanthrax*, seu *Carbo fossilis*, *Stone-Coale*, aut *Pit-Coal*. Qualem multis in Angliæ locis uberrime habemus.
4. *Pix Fossilis*, ex Insula *Barbados*, ad naves oblinendas utilis ; *Stone-Pitch of the Barbados*.
5. *Succinum* (quod ex *succo* coagulari credatur) Græcis *ἡλεκτεον* ; Arabibus *Carabe* ; quibusdam *Ambra Citrina*, nobis *Amber*. Quod non ex alio principio, quam Bitumine, ortum suum trahere

trahere vel exinde patet; quod quibusdam in locis Germaniæ, Italiæ, Galliæ, è terræ mineris eruatur, & frustra sint inventa, quæ foris succinum coagulatum exhibuerint, intus pura Naphtha seu Petroleo referta extiterint. Quin & varia Mineralia, Chalcitis, Melantheria, aliaque ejus generis illi adnata extitisse constat. Idem comprobatur Chymica ejus Analyfis. Reperitur apud nos ad *Norfolciæ* littus; ubi ego frustulum uncialis amplitudinis inveni in *Aselli Majoris* piscis ventriculo, dum eum cultro anatomico diffecarem. Id quod littoris illius accolæ haud raro contingere affirmabant. Hujus species sunt (1.) *Flavum*, *Yellow Ambre*; (2.) *Opacum*, & variis coloribus ignobilioribus respersum, *Dark-colour'd*, & *Spotted Ambre*; (3.) *Album*, non pellucidum, *White Ambre*; (4.) *Griseum*, *Ambra Grisea* vulgo, *Ambre Grise*. De cujus origine & generatione variæ sunt Auctorum Sententiæ. Probabilior vero illa, quæ statuit, ut Succinum, ex fontibus Bituminis manare; & in summo mari, aëri expositum coagulari & densari. Nam in India fontes esse, ex quibus Oleum & Balsamum nobilissimum fluat & colligatur, testantur historiæ: Ex hisce per venas subterraneas si quid in mare fluat, condensatur mox, & in *Ambra Griseam* concrefcit. Uti disertè testatur Author *Geographiæ Arabiæ*, citatus in notis ad *Garciam*.

Hujus tria statuuntur genera. (1.) *Selachiticum*, ex *Zeylam* insula Indiæ; rubrum & pingue, quod cæteris præfertur. (2.) *Alterum* ex *Sechrâ*, loco maritimo *Arabie Felicis*; subalbidum, colore ovi *Struthiocameli*; quod ut plurimum est, quod ad nos adfertur, griseum & varium maculis nigricantibus. (3.) *Tertium* deterrimum, quod nigricat, quale esse volunt quod pisces devorarunt. Apud nos etiam *Ambra Grisea* nobilissima nonnunquam ad littora occidentalia Angliæ appellit, ventis æstuque maris ejecta.

LAPIDUM minus pretiosorum Majorum & Durorum Classis.

A Primo Fossilium genere, mediis nempe Mineralibus, ad secundum, quod LAPIDIBUS dicatum est, transitum nunc faciamus.

Lapidum nomine intelligimus Corpora fossilia, dura, inducilia,
(E e) nec

nec in aqua oleove solubilia, ex succo lapidescente, in quo spiritus lapidificus, exorta.

Dividuntur commodissimè, ὅσον διδασκαλίας χάριν, in (1.) *Minor pretiosos*, & (2.) *Pretiosos* : & priores rursus in (1.) *Majores*, eosque vel *duros*, vel *molles*; & (2.) *Minores*. Posteriores autem pariter in *Majores* & *Minores*. Qui omnes ordine expendendi sunt.

In *Majorum* & *Durorum* Classe constituuntur

I. *SAXUM*, ex quo integri quandoque constant montes & rupes; *Rock-stone*, Danis *een Kampsteen*; forsan quod minoribus istiusmodi in bellis usi sint Veteres, eaque fundis & aliis machinis in hostes jaculati sint, ut apud *Virgil. 2. Æneid.*

Jamque faces & saxa volant, furor arma ministrat.

II. *SAXUM ARENARIUM*, *Sand-stone*, (quia asperum & veluti ex arenis compositum) & *Free-stone*, ubi durius est & ædificiis extruendis utile:

III. *SAXUM VIOLACEUM*, quod odore *Violas* refert. Cujus mentionem primus fecit *Agricola, de Nat. Fossil. lib. 5. cap. 17.* & deinde *Ol. Wormius, Musæi pag. 37.*

IV. *SAXUM SUILLUM Norwægis*, (apud quos Insula quædam extat, quæ integris cautibus ejus generis scatet) *Swinsteen* dictum; quia foetidum exhalat odorem, & talem quidem, qualem spirare sues solent. Nigrum est, fragile, striatum, in se *Pyritem argenteum* & *Talcum* habens; unde micas quasdam splendentes de se fundit. Usus habere aiunt, quod in pulverem redactum, & suis quocunque morbo laborantibus exhibitum proficit.

V. *SAXUM FISSILE*, seu *Crustosum* (quod in crustas findatur, stratis ac rectis utile) *Slat*, aut *Tyle-stone*. Cujus non una est differentia. Apud nos tantæ amplitudinis reperiuntur, ut mensas ex eis integras fabricent, aliasque tabulas deletiles. Cæteris vero præfertur *Islebianum*, quod nigrum est, & in comitatu *Mansfeldiæ Islebiæ* effoditur. Horum haud incongrue retuleris *Lapidem Fissilem Hibernicum*, *Irish-Slate* nominatum.

VI. *SAXUM LIMOSUM* (quia facile ab humido in limum solvitur) *Mud-stone*; quali *Agricolæ* nostri nonnullis in locis utuntur ad agros fecundandos; alii vero in *Cornubia* pro tiguriosis extruendis. Hoc tamen potius ad *Margas*, quam saxa referri posse videtur.

VII. *SILIX*, the *Flint-stone*. Cujus varia sunt genera.

Ex

Ex omnibus vero præcipui censentur

1. *Pyrimachus*, qui colore albo & perspicuo gemmas quandoque æmulatur, & liquabilis est. Unde Metallarii metallis fufis eum superinjiciunt, ut iis supernatet, ne nimium metalli in auras evolet. Vitrarii vero ex iis vitra conficiunt; & Chymici Pseudadamantes aliosque factitios lapides. Nostrates *Pebles* vocant.
2. *Ludus Paracelsi*, quem *Helmontius* tantopere ad calculos è corpore humano expellendos commendat; quemque Nos etiam in lib. nostro de *Lithiasi* clare descripsimus.

VIII. Lapis *Schistos*, qui durissimus ac solidissimus est; ideoque igne calefactus, calorem diu retinet. Quamobrem, apud *Cornubienses* nostros, the *Warming-stone* audit.

IX. *Pyrites*, *Fire-stone* (quia ex ejus quadam specie ignis copiose excutitur) quem proprie *Pyrimachum* dictum putant nonnulli, quod igni repugnet. Nam in ardentes conjectus fornaces fluit: & ubi semel defluxerit in catinum, mox rursus concrefcit & durefcit. Reperitur ut plurimum in fodinis Metallicis, Metallis quandoque permixtus, quandoque iis destitutus: & variis figuris lusum Naturæ ostentans.

X. Lapides *Molares*, *Mil-stones*; ab usu nomine mutuato, quod iis frumenta moliantur. Qui suas etiam habent species.

XI. *Cos*, qui lapis durior est, ferramentis acuendis aptus; unde *Whet-stone* appellatur. Estque vel (1.) *Olearius*, a *Hone*; oleo enim illinitur, ut aciem trahat: vel (2.) *Aquaticus*, (quia in orbem communiter redigi solet, ut motu circulari actus, vel ex alto cadentem, vel in subjecto alvo stagnantem aquam excipiat, quo admotum ferrum commodius terere possit.) *Grind-stone* aut *Grindle-stone*.

XII. *Marmor*, Græcis *Μάρμαρος* (*μαρμαρίζειν*, à splendore. Atque hæc causa est, cur & *mari*, ob nitorem aquæ, *marmoris* nomen tribuunt Poëtæ; ut 1. *Georg.*

—*infidum remis impellere Marmor.*)

Marble, five *Marble-stone*. Cujus variæ sunt differentiæ, à variis coloribus desumptæ. Dantur nempe *Marmora* alba, nigra, viridia, cinerea, rubra, variegata.

Ex *Albis* sunt

1. *Parium* (ab Insula *Paro*, ubi olim copiose effodiebatur)
(Ee 2.) Vete-

Veteribus *Lychnites* dictum (quod ad lucernas in cuniculis caderetur) *White*, aut *Parian Marble*. Cujus duo genera statuunt : *Unum* translucens, ac *Phengites* proinde dictum, *φένγω* enim apud Græcos significat *illumino*. Hoc lapide construxerat *Nero* ædem *Fortunæ*, quam aurea domo complexus est : quare etiam foribus apertis interdiu claritas diurna erat haud alio quam specularem modo, tanquam inclusa luce, non transmissa. *Domitianus* item porticum in quibus spatari consueverat, parietes *Phengite* lapide distinxit : è cuius splendore per imagines quicquid à tergo fieret, provideret. Ut *Suet. Tranq. in ejus vita*. Alterum non translucens, *Alabastrites* nominatum. A vulgari *Alabaastro* duritie differt & splendore. Foditur in *Italia*, in agro *Lucensi*, ejus genus quoddam, quod ab oppido *Caraciense* nomen obtinuit.

2. *Alabastrum*, nobis *Alabastræ*; quod, etsi inter molles & raros lapides locum habeat, huc tamen quidam referunt, externæ figuræ & polituræ respectu. Hujus generis vel integras rupes in *Anglia* habemus, in agro *Glocestriensi* ad littus fluminis *Sabrinæ*; ex quo statuas Sepulchrales exsculpunt.

Ex Nigris sunt

1. *Basaltes* (à voce Æthiopica, *Basal*, quæ *ferrum* significat; eo quod Marmoris genus sit durissimum, ferrei coloris, limisque resistens) nonnullis *Basanum* (à *βασιζω*, id est, diligenter *examineo*; quia eo Argentum & Aurum examinatur & probatur, non minus ac Lapide *Lydio*) the hardest black Marble. Variis in locis Germaniæ hodie reperitur.

2. *Obsidianum*, seu *Numidianum*; Belgis, unde ad nos effertur, *Toetsteen*; Gallis *Piere de Tuche*; Germanis *Probierstein*; nostratibus *Touchstone*; quia Auro & Argento examinando potissimum inservit. Ex hoc Marmore grandia quadrata conficiuntur, quibus Magnatum demortuorum Loculi reguntur: Tabulæ item Epitaphiis aptæ. Politum enim instar speculi resplendet, & nigerrimum est.

Ex Viridibus

Olim celebrabantur *Lacedæmonium*, *Augustum*, *Tiberium* (quorum duo posteriora sic dicta videntur, quod eorum principatu primum inventa) hodie vero frequens est *Ophites* (quod Serpentis formas & maculas distinctas exhibeat) *Serpentine Marble*. Varia ex eo conficiunt, Pocula, Cochlearia, Mortaria, Laminae incurvas (*Spleenstones* vulgo vocatas) aliaque ejus generis. Quandoque mollis est hic lapis, ut liquores imbibat; quod ut impedi-

impediatur, oleo nucis Moschatæ inungunt vasa ex eo fabricata. Commendatur ad multa, quæ Scheda typis mandata enumerare solent Venditores circumforanei: sed omnibus, imo aliquibus an fides adhibenda sit, est cur valde dubitemus.

Ex *Variegatis* sunt

1. *Cinereum Seravitianum* (quod *Seravitiæ* aliisque in locis Italiae reperitur) quod durius est, & vere Marmor, & maculis cinereis insigne. Ex hoc globi conficiuntur parvi, ut manibus detineantur ab iis, qui febre ardente laborant. His enim recreari videntur, dum refrigerando dolorem mitigant & ardorem.

2. *Subviridis* ille *Lapis*, Italis *Verdello* dictus; eo enim utuntur Lapidis Lydii loco, ad aurum & metalla probanda. Quidam *Thyitem* Veterum esse arbitrantur. Nostrates *Greenish-Marble* nominant.

3. *Garantronium Imperati*; quod pulcherrimum est, literis quasi Arabicis à Natura sibi insculptis superbiens, colore aureo in corpore purpureo. Concretum videtur è terra purpurea & putaminibus aureis, superveniente succo aut spiritu lapidifico. In *Asia* inter ornamenta corporis gestatur, & ex eo manubria cultorum & gladiatorum conficiunt. Lege plura apud *Ferrand Imperat. Hist. Natural. lib. 24. cap. 25.*

4. *Florentinum variegatum*; quod per se maxima ex parte cinereum licet sit, maculis tamen fuscis, & lineis obscurioribus hinc inde ductis & discurrentibus, jam turres, jam ædes, montes, flumina, ac integras civitates exhibet. Nobis *Florentine*, aut *Landskip-Marble* dicitur. Variæ hujus Tabulæ in REGIÆ SOCIETATIS Gimeliarchio asservantur, in quibus prærupta turrium rudimenta, urbis inæqualiter sitæ domus & ædificia, aliaque id genus phænomena, discretis coloribus & artificiose delineata, à Natura ludente, sine omni artis pictoriæ ministerio, representantur.

5. *Embuscatum*, ex monte *SINAI* Hierosolymitano depromptum; quod albicans est, ad flavedinem tendens; & quocunque modo secetur aut dividatur, in eo arbuta & frutices, colore nigricante, subtiliter à Natura depicti apparent. Si supra ignem ponatur, brevi evanescit pictura, & nil nisi nudus remanet lapis, sui coloris, adeo durus tamen, ut calcinari nequeat, sed fortissimo igne instar vitri fundatur. Ego Anglice *Boscage*, sive *Bushy-Marble of Hierusalem* nominarem. Hujus etiam generis Tabula *Embuscata* visitur inter Rariora Naturæ in dictæ Soc. REG. musæo collecta. Aliam elegantissimam diserte describit *Ol. Wormius in Musæi sui pag. 45.*

Ad Flava refertur

Phengites, quod venis flavis & transparentibus micat. Tale illud est, quod *Romæ* in templo *S. Mariæ* in porticu spectatur: ubi columna ex eo fabricata visitur dimidiata, colore flavo, parietis rimam claudens, & externam lucem solari fulgore intro-mittens; ita ut, sole radios suos in columnam jaculante, ardere videatur: De quo multa fabulantur. Germani, apud quos etiam Flava reperiuntur Marmora, vocant *Selber Spat*.

Inter Rubra denique principatum obtinet

Porphyrites, Italis *Porfido*; Anglice *Porphyrie*; quod durum admodum est, & splendidum. Ex eo fiunt non solum Columnæ, sed & Mortaria, & Crustæ ad Colores & Lapidés pretiosos lævigandos; attritione enim nihil à se remittit. Ex hoc marmoris genere constant *Obelisci*, qui *Romæ* visuntur, literis Hieroglyphicis insignes, ad templum *Joh. Lateranensis*, & in *Vaticano*. De quibus consulatur *Plinius lib. 36. cap. 9*. Ubi expresse modum, quo ex *Ægypto* eo delati sunt, describit.

L A P I D U M Moliorum Classis.

Inter Lapidés minus Pretiosos M O L L I O R E S occurrunt.

I. Saxum C A L C A R I U M, unde Calx conficitur, *Lime-stone*. Cujus copia ingens passim in tota Anglia reperitur: Optimum vero effoditur prope viculum *Barrow* dictum, in agro *Leicestriensi*.

II. G Y P S U M Germanis *Spat*; Italis *Gesso*; Gallis *du plâtre*, Anglice *Plaster-stone*. Lapis est albus, mollis Alabastri instar, qui cum leviter uritur, ex eo fit Calx ista, quæ Gypsum vocatur, *Plaster of Paris*. Usus ejus est ad statuas ingentes & lævissimas, ad domorum areas & concamerationes. Cum polline lapidum duriorum, pulvere plumbi & lacte, in veros lapides transit; & si colores adjiciantur, Marmor pondere, nitore, & colore imitatur quam maxime.

III. Lapis B O N O N I E N S I S, à quibusdam *Spongia Solis*, ab aliis *Spongia Luna*, ab aliis *Lucifer*, *Casciarolanus* lapis, *Phosphorus* Kircheri, *the light-Carrier*; quod singulari proprietate polleat lucem imbibendi & retinendi. Si enim Soli aut igneæ flammæ opponatur, sic illustratur, ut inde translatus ad locum tenebricosum, conceptam recens lucem diutule retineat sibi infixam; adeo

adeo ut in tenebris instar carbonis ad semihorulæ spatium ardeat; idque toties, quoties ita Soli aut Lumini fuerit admotus. Verum hanc facultatem mirabilem non nisi præparatus obtinet. Modum autem eum præparandi docet *Kircherus, in art. magn. Lucis & Umbræ, lib. 3. de Magn. pag. 505. & Ol. Wormius Mus. pag. 46.*

IV. PUMEX, Græcis *κιορνης* (quasi à vermiculis erofus) Pumice-stone. Lapis est erofus spongiosusque, exiguis cavernulis refertus; colore ut plurimum cinereo, quandoque candido, nonnunquam nigro, qualem Islandiæ *Hecla* evomit. Huc pertinet *Pumex Vulcani Syracusani*, quem describit *Cl. Thom. Bartholinus in Epist. Medicin.*

V. FLUENTIS ÆTNÆ COAGULUM, massa nimirum quædam coagulata ex Lapidibus, Calce, & Sulphure; quæ simul calore flagrantis Ætnæ liquefacta instar rivi igniti ex Ætna defluunt, sed frigore tandem ambientis densata, massam hanc præbent.

VI. TOPHUS, *πορὸς*, Porus; qui est asper, scaber, porosus (unde nomen) seu foraminulis plenus; ideoque levis, & facile in arenam attritu solubilis. Reperitur variis in locis *Germaniæ*: copiose vero prope *Coburgum* in ditione *Mansfeldica*: & in *Anglia* ubivis pene occurrit. Propter levitatem commodissimus est ad replendas parietum collabentium rimas, cum præ levitate non premat, & glutinet facile extrema. Huic cognata sunt

VII. ALCIONIA (sic dicta ab avibus, quæ *Halcyones* vocantur; quia ex iis mari innatantibus nidos fingunt & construunt.) Quæ etiam lapideam habent naturam, sed ortum tamen ex mari; cujus aquæ cum falsæ sint, ex ejus spuma, cum tenuissimis sordibus permista, accedente succo lapidescente, seu sale massam coagulante, in varias figuras concrescunt. Nostro idiomate vocari possunt *Halcyon-stones*. Horum plura ponuntur genera ab *Ol. Wormio in Musæi sui pag. 48, & 49.* luculenter descripta.

VIII. ASSIUS vel ASSIUS Lapis, quem etiam *Sarcophagum* vocant (eo quod carnes humanas consumat, nudatis ossibus) quem Veteres ad Pumices & Poros referunt. Hic consulendi veniunt *Plinius lib. 36. cap. 17. & Ol. Wormius in Musæo*. Unde lineam unam & alteram interim exscribam. “Ego in peregrinatione mea Gallica, inquit, in templo D. Hilario sacro, parietati austrino infixam vidi tumbam lapideam, coloris cinerei, cujus substantia faxea aut marmorea erat, tantæ capacitatis, ut cadaver humanum integrum capere potuerit. Hic lapis pro *Sarcophago* vel *Assio* monstratur accedentibus. Verum porosus non est, sed durus & solidus, ut ex frustulo, quod ex eo excussi, videre licet. Vestibus affricatum ut incalescat, foetorem cadaverosum exspirat. Ferunt, cadavera ei indita, viginti qua-

“tuor horis prorsus absumi, relictis solum ossibus. An ita se res habeat, ignoro.

IX. STALACTITES, Norwegis *Bergdrab*, nobis *Dropstone*. Generatur quippe ex aquis Nitro, vel succo petrifico copiose imprægnatis, & materiam terrestrem subtilem secum convehentibus. Cum enim aqua per terræ canales effluit, aut ex alto decedit, aut lateribus alveorum agglutinatur; horum ratione varias, dum con- crescit, figuras acquirit. Ex alto destillans extremitati canal- is, pyramidis forma quandoque adhæret; & eodem modo, eadem- que forma induratur, qua è canalibus defluens humor frigore hy- emali congelari solet. Hinc tanta inter hujusmodi lapides figura- rum obtigit varietas: quam observari licet in Fonte petrifico apud nos percelebri, *Knafborough*, in agro *Eboracensi* vicino, & the *Dropping-Well* dicto; in quem quicquid ligni immittitur, lapi- deo cortice brevi obduci, & lapidescere observatum est; & in quo diversimode figuratas concretiones videas. In hunc fontem non è terræ venis aquæ nitrosæ scaturiunt; sed ex impendentibus rupibus guttatim destillant.

X. STALAGMITES, qui ejusdem naturæ & substantiæ esse videtur cum *Stalactite*; sed figura saltem differt, quod semper glo- bose concrescat; unde distinctionis gratia, *Round Dropstone* no- minare libuit. Interdum contingit, ut quam plurimi horum la- pillorum simul concrescant; & tunc lapis integer massam ovorum piscium majorum exprimens, Anglice idcirco *Spaton-stone* appel- latur: cujusmodi aggeriei iconem exhibet *Ol. Wormius Mus. pag. 52.*

XI. AMMONITES, seu *Hammites* (quia ex arenis majo- ribus coagmentatus) qui ovis minorum piscium similis etiam ap- paret, & *Lesser Spaton-stone* nominatur.

XII. OSTEOCOLLA, aliis *Ossifragus*, *Osteites*, *Ammosteus*, *Osteolithus*, *Holosteus*, *Stelochites*, Germanis *Weinbruch*, *Bruchstein*, *Weinwol*; nobis *Glew-bone-stone*; quia summopere ad fracturas ossi- um conglutinandas conducere creditur. Lapis est mollis, albo & cinereo colore, figuram ossis exhibens, concavus, quandoque medullam habens friabilem, linguæ adhærentem, & facile in li- quore solubilem; quandoque vero nullam. Crescit per arenam for- ma Corallii, interdum brachii crassitie. Cum primum è terra erum- pit, friabilis est; paulatim vero magis indurescit. Videtur Margæ quædam species esse, quæ per terræ meatus discurrens, in talem figuram concrescit & induratur. Hujusmodi nos in mineris *Cam- brobritannicis* varios habemus: quorum exempla videantur in in- clytiss. Soc. R. E. G. Cimeliarchio, ex Nobiliss. juxta ac Erudi- tiss. D. *Roberti Moray*, Equitis Aurati, & ejusdem *Societatis* magni ornamenti, munere eo allata. De viribus Osteocollæ videatur *Thom.*

Thom. Erastus, qui de eo argumento justum tractatum conscripsit. Interea temporis animadvertas velim; quod in officinis plerisque pro Osteocolla vera, *Stalactitis* quandam speciem divendant, albam, porosam, levem, mollem, facile in liquore solubilem, sapore subsalfo; quæ tamen ab Osteocolla virtute multum discrepat.

XIII. Lapis SPONGIÆ, quibusdam Lapis *Cappadox*, Plinio *Cysteolythos*, the *Sponge-stone*. Qui substantia est friabili, colore albicante, succum lacteum de se præbente. Laudatur à *Dioscoride* ad vesicæ calculum frangendum: ex vino aliive appropriatis propinatus.

XIV. CORNU FOSSILE, Gesnero *Ceratites*, Clusio *Ebur Fossile*, Cæsalpino *Lapis Arabicus*, quibusdam *Dens Elephanti petrefactus*, aliis *Lithomarga alba*. Est substantia lapidosa, colore, lævore, & forma quandoque cornu referens; quandoque durius, quandoque mollius; cortice exteriori duro, flavescente, nigro aut subcinereo; medulla molli, friabili, absque poris compacta, adstringente, exsiccante, linguæ firmiter adhærente, odore grato. Invenitur tam in *Italia*, quam variis *Germaniæ* locis, in *Moravia*, *Silesia*, *Saxonia*. Materia & modus Generationis traditur ab *Anselmo Boetio à Boet*, in *lib. de Mineral.* Commendatur ad omnes morbos malignos.

XV. AMIANTHUS (ab ἀσπντικῶν, & μαινω, polluo; quod in ignem conjectus non inquinetur, sed nitidior appareat;) alias *Asbestinus Lapis* (quod non comburatur;) Paulo Veneto *Salamandra* (ob eandem rationem;) ab aliis *Corsoides* (quia canitiem præ se fert;) ab aliis *Linum* (quia lanugo ejus manibus netur & textitur;) the *Salamandre*, aut *incombustible stone*, & *Salamanders wool*. Lapis est *Alumini Schisto* simillimus, ignem respuens, adeo ut eo non modo uri non possit, sed purior reddatur; colore ad viriditatem obscuram tendente, quandoque & ferreo; attritione facile in tenuia filamenta solubilis. Mollis enim est, & quod efflorescit, dum teritur, plumas refert: unde à quibusdam *Alumen Plumosum*, & *Flos petraë* dicitur. Olim in fila aptabatur, & mapæ ex eo tanquam lino fiebant; quæ sordibus conspurcatæ, puriores igne exustæ reddebantur, ac magis splendebant, quam si lavarentur. Regum quoque funera in ejusmodi adurebantur tunicis, ne corporis favilla cum reliquo misceretur cinere. De quo consulatur *Pancirollus de Reb. deperdit. tit. 4. cum Salmuth. commentar.* De modo vero, quo ita præparetur, ut ex eo lina fiant, lege *Ol. Wormium, in Mus. pag. 55.*

XVI. SELENITIS (quia ad *Lunæ* motum fulgore crescere & decrescere olim credebatur;) Neotericis *Lapis Specularis* (quia perspicui potest, & rei, quæ ab ejus tergo est, imaginem reddit)

(Gg)

Pirrou,

Mirour Stone, aut *Muscovy glass*; nempe ex Moschovia magna optimi generis copia provenit.

XVII. *TALCUM*, alias *Stella Terræ* (quod stellarum instar nitet & micet;) quibusdam *Argyrodamas* Veterum (quia ignis violentiæ resistit;) *Argyrolithos* Chymicis; *Talk*. Cujus oleum sollicite quærunt Spagyrici, quo æs in argentum convertere se posse sperant. Mulieres etiam id avidissime expetunt, ad nitorem cuti conciliandum; variisque modis id perficere tentant; sed irritò hætenus conamine; quanquam *Jacobus Zuingerus* modum extractionis præscribere ausus sit.

XVIII. *Lapis SCHISTUS*, *Talco* & *selenitidi* valde affinis; albus, perspicuus ferme, in laminas scissilis sibi invicem coherentes. Reperitur in fodinis argenteis *Norwegiæ*, eique venæ argenti ita innascuntur, ut purum per ejus corpus ramulis eleganter distinctum perreptet.

Lapidum ex ANIMALIBUS desumptorum Classis.

AD Lapidum minus pretiosorum Molliorum genus ultimum Auctores & eos referre solent, qui ex *Animalibus* desumuntur. Cujusmodi sunt

I. *Lapis TUBERONUM*. Qui revera lapis non est, sed os quoddam ad auditum spectans, in capite piscis *Tuberonis* reperiunt, & ab Anatomicis *Cochlea* dictum: & cujus loco vulgo divenditur *Lapis Manati*. Pulvis ejus utilissimus censetur ad Nephritidem & Urinæ difficultatem, renumque & vesicæ calculos deturbandos.

II. *PERCARUM Lapis*, *Perchstone*; qui reperitur in capite *Perce majoris*. Circa exortum spinæ, qua capiti jungitur, duo extant, utrinque unus, vesiculis quibusdam inclusi, oblongi, plani, altera parte dentati; qui facile è piscibus coctis eximuntur. Ad calculos comminuendos similiter laudantur, si cum vino oligophoro pulverisati exhibeantur drachmæ unius pondere.

III. *Lapis CARPIONUM*, the triangular bone found in the palat of Carps. Qui ad calculum pellendum commendatur, pari modo quo præcedentes; magnique fit à multis, credulitati nimium addictis.

IV. *Lapis CORACINUS*, qui ex pisce *Coracino* petitur, in ejus capite delitescens, candidus, osseus, figuræ ovalis, incurvus aliquantulum, parte convexa lævi protuberantia præditus, sed juxta extremitatum alteram asperitatem quandam habens; sicut ab

ab *Aldrovando lib. 1. de Piscibus, cap. 15.* describitur. Commendatur à quibusdam ad Ictericum seu morbum Regium; sed & præcipue ad renum arenulas.

V. Lapis L I M A C I S, the *Snail-stone*; ex iis Limacibus exemptus, qui sine testis in campis & locis subterraneis vagantur, colore fusco. Hi scilicet in capite lapillum gestant candidum, ovalis figuræ, tenuem, planum, aliquantulum convexum, pondere adeo exili, ut tres scrupulum unicum non superent. Nil aliud esse existimo, quam *Limacis Cranium*.

VI. O C U L I C A N C R O R U M, vulgo *Crabs-eyes* vocati, sed male. Revera enim oculi non sunt; sed ex Gammarorum fluviatilium (*Crepfishes*) capitibus eximuntur; idque non quovis anni tempore, sed mensibus Junio & Julio, cum exuvias deponunt, & novam crustam acquirunt. Siti sunt in capitis summitate, utrinque unus. *Medicis* in usu venerunt ad sanguinis concreti dissolutionem & expulsionem; quia tenuium sunt partium & facultatis diureticæ; quo nomine etiam ad *Nephriticos* dolores ex arenulis commendantur, & potionibus *Traumaticis* admiscuntur.

VII. T O P H U S J U V E N C I, qui in Jumentorum ruminantium secundo ventriculo, pilæ rotunditate, concretus reperitur. Vulgo *Dr-ball* vocatur.

VIII. P I L A R U P I C A P R Æ, Velschio *Ægagropila*; quia reperitur in Capris Alpinis, quæ in præcelsis Rhætorum & Valesianorum rupibus & Alpibus Episcopatus Salisburgensis degunt. De horum Lapidum generatione & virtutibus medicis singularem tractatum edidit *Hieron. Velschius*, quem consulas.

IX. C A L C U L U S H U M A N U S, seu in vesica, seu in renibus hominis concretus.

X. A L E C T O R I U S, Capon-stone, aut Cock-stone, qui in ventriculo Caponis aut Galli decrepiti nonnunquam concretus reperitur.

XI. C H E L I D O N I U S, *Swallow-stone* (quod in ventriculis Hirundinum inveniri putetur) qui lapillus est exiguus, magnitudine seminis lini, sed figura hemisphærica, colore luteo subobscuri, splendente parte convexa & rotundiore, purpureo & nigricante sessili. *Anselmus Boetius* se in Hirundinibus eum quævisse ait, sed invenisse nunquam. Adferuntur ex Insula *Meliteni* Lapilli *Chelidonii* dicti, qui descriptioni *Plinianæ* conveniunt, quos Incolæ Oculos *Serpentum* vocant *Petrificatos*. Vires eis adscribunt præclaras in Capitis & Oculorum affectibus.

XII. U M B I L I C U S M A R I N U S (à similitudine Umbilici, quem repræsentat) quibusdam *Umbilicus Veneris*; Germanis *Peerbonen*; Cretensibus *Oculus Marinus* (quod gestatus oculis prodesse dicatur.) Qui nil aliud est, quam operculum *Conchæ* cujusdam *cælate Aldrovando* dictæ, quæ etiam ad *Turbines* spectat. Hujus o-

rificium claudit, eo modo quo vulgares Limaces hyeme crusta quadam testas suas obducunt, ut à frigoris injuria defendantur. Ejus in sanguine sistendo vim eximiam experti sunt quam plurimi, si parte plana cum saliva fronti agglutinetur. Et Hæmoptoici, qui sanguinem per intervalla expectorant, ejus pulvere cum ovo forbili juvantur. Hujus Lemmatis est & *Umbilicus Marinus Magnus* ex India allatus, quem eleganter describit *Ol. Wormius Mus. pag. 37.* Omnes *Umbilicos Marinos* Itali indiscriminatim *Dive Lucie* oculos appellitant.

L A P I D U M minus pretiosorum Minorum & Durorum Classis.

EXpedito Minorum Lapidum, minus pretiosorum & mollium, Elencho; ad *Duros* ejusdem divisionis accedimus. Hujus igitur capitis sunt

I. **M A G N E S** (seu à *Magnete*, Armentario, primoque ejus inventore; ut *Plinius* deducit: seu, ut *Lucretius* videtur, à *Magnesia* regione, ubi crescit; seu à *magnis viribus* ut modernorum nonnullis placuit) *Theophrasto Heracleon* (quod circa urbem *Heracleam* inveniretur) aliis *Lapis Herculeus* (quia ferro, quod omnia domat, imperat) quibusdam *Siderites* (eadem de causa; *οιδνεος* nempe ferrum notat) *the Loadstone* aut *Magnet*. Qui lapis est durus, ferrugineus, nigricans, ferrum, aut alium Magnetem ad se trahens vel rejiciens, ac plagas mundi ostendens. Huic affinis videtur **M A G N E S I A**, quæ colore & duritie magnetem referens, vitro adhuc fuso certa ratione admista, id perspicuum efficit, & à viridi colore expurgat; plus æquo admista, nigro colore inficit. Sed lapis hic Alabandicus non omnis est metalli expers. Nam solutus in oleo vitrioli magnum calorem procreat, qui affusione aquæ identidem excitatur; atque instar ferri rubrum colorem aquæ forti conciliat, acrem emittit fumum; ac demum ubi vitro fuso imponitur, statim vitrum intumescit; quod ei cum cupro & ferro commune est. Cur autem vitrum potius expurget, quam suo colore inficiat; id neque tractione fit, quæ forte nulla est; nec præcipitatione, cum nihil in fundo vasis præcipitatum appareat: sed partes insensibiles sic immutat, & disponit, ut liberum aditum luminis permittant.

II. **C A L A M I T A A L B A**, seu *Magnes Carneus* (quia ut ille ferrum, ita hunc carnem ad se trahere putant) qui lapis est albus, lineis

lineis nigris inscriptus, qui linguæ admotus firmiter ei adhæret. Reperitur potissimum in *Ilva*, Hetrusci maris Insula: Sunt, qui ad *Margas Saxatiles* referunt: sunt, qui ad *Osteocollas* & *Poros*.

III. HÆMATITES (vel quod sanguinei coloris sit; vel quod attritus cotibus aquariis succum fundat sanguineum; vel quod polleat vi sanguinem sistendi,) *Blood-stone*. Lapis est colore sanguinis concreti, durus, striis Antimonii instar exornatus, glebosus, vi sanguinem sistendi præditus. Reperitur in variis *Germaniæ* locis, inter rubricas & ferri fodinas; sed præ reliquis commendatur *Hispanicus*, qui *Compestella* adfertur, figura angulosa, ferri nigricantis colorem habens & splendorem. Ulceribus, vasorumque rupturis internis, & mictioni cruentæ prodest in pulverem tritus & cum appropriatis exhibitus.

IV. SMYRIS, Germanice *Smirgel*; Italis *Smeriglio*, Gallice *Emeri*, Anglice *Emerie* aut *Emeril-stone*. Lapis est ferrugineus, ad nigredinem tendens, adeo durus, ut ejus pulvere utantur Gemmarii ad gemmas sculpendas, & Fabri ferrarii ad arma polienda. *Chymici* tincturam ex eo extrahunt, quo Mercurium quasi in momento figunt, atque ita fixum quidam vocant *Præcipitatum Miraculosum*, quo ad augmenta sua Chrysopoei utuntur. In ferri fodinis reperiri solet; & apud nos copiose provenit in Insula *Sarnia*, vulgo *Garnsey* dicta; teste *Camdeno* nostro, in descript. *Insular. Britannicar.* ubi hæc habet. Naturæ munimentis tutior [Insula] “utique prærupta cautium corona redimita, inter quas *Smyris*, “lapis durissimus & asperrimus reperitur (nos *Emeril* vocamus) “quo Gemmariilapides expurgant, scinduntque, & Vitrarii vitrum “diffindunt.

V. LAPIS LAZULI, Græcis *Κυανός λίθος*, Latinis *Lapis Caruleus*, ab Arabibus *Hager* vel *Azur*; unde forte *Azure* deductum est; Germanis *Lasur-stein*, nobis *Ultramarine* & *Azure*. Lapis est durus florum Cyani cœrulei colore, aureis punctulis & venulis exornatus. Duo ejus statuunt genera; unum ignis vim fert; alterum neutiquam. Is qui *fixus* est, & colorem in igne non mutat, ex *Oriente*, Asia, aut *Africa* adfertur, & *Orientalis* ideo dicitur, atque hac nota probatur. *Non fixus* quibusdam in locis *Germaniæ* reperitur, medius est inter *Lapidem Armenum* & *Lazuli*; hoc utique mollior, illo durior. Colores ex utroque parare solent pretiosos, ex *Orientali Ultramarinum* dictum, auro chariorem, qui ætate non mutatur: ex *Germanico* ignobiliorem *Azure-bleu* dictum, qui externis injuriis facile læditur, & temporis progressu virefcit. Medicis etiam in usu est ad affectus Melancholicos.

VI. LAPIS ARMENUS (i.e. ex *Armenia* allatus) Gallice *Verdazure* (quasi dicas colorem à cœruleo in viridem transeuntem,) Germanis *Berch-blau*. Qui levis est, colore cœruleo ad viriditatem

tem vergente, friabilis. Olim ex Armenia deferebatur; jam vero in variis *Germaniæ* locis reperitur, ut in comitatu *Tyrolensi*, aliisque argenti fodinis. Inter *Medicos* commendatur ad eisdem affectus, ad quos *Lazuli* lapis; humores scilicet Melancholicos per vomitum & secessum educendos.

VII. LAPIS LIPIS, cujus, quod sciam, primus meminit *Zacutus Lusitanus*, *Lib. 1. Observat. 83.* Colorem habet cœruleum Saphirinum, cum transparentia quadam. Durissimus est, sed in minuta finditur fragmenta. Gustu ita acris & mordax, ut, si tantillum juxta linguam apponatur, excitato ardore eam exulceret. Affertur à multis mercimonii causa ex *Novi Orbis* provincia, *Pontose* dicta, & civitate *Lipis* (unde nomen sortitus est) vocata. Venditur in taleolas redactus; ita ut, si eum à longinquo videris, parum distare à merce illa, quam Lusitani *Anil* vocant, Belgæ vero *Indigo*, arbitreris; nisi quod *Lipis* clarum & transparentem sortitur colorem; *Indigo* vero aliquantulum obscurum. Inter auxilia celeberrima, quæ ad ulcera virulenta & depascentia, præsertim Gallica, coercenda, eorumque putrilaginem absumentia utilia sunt, hic Lapis obtinet principatum. Nam sua vi caustica eorum malitiam & malignitatem infrænat.

VIII. LAPIS COERULEUS ANGLICUS, in agro *Lancastrensi* repertus, & incolis *Willow* dictus; qui ducendis lineis idoneus est. Hujus mentionem facit D. Dr. *Merret. Pinac. rerum Natural. Britannicar. pag. 218.*

IX. GLOSSOPETRA (quasi *Lingua lapidea*; ita dicta, quod linguam *Picæ* avis figura referat: sed vulgo ita appellatam volunt, quod Serpentis linguam exprimere putant. Unde nil aliud esse existimant, quam Serpentis linguam in lapidem conversam. Verum falluntur; Serpentium enim linguæ non triquetra, sed teretes & bifida sunt.) *the Stone-tongue*, aut *Tongue-stone*. Lapis est ut plurimum triangularis, basi crassiore, scabra, toto alioquin corpore lævi, & quasi corneo, minutis quibusdam denticulis ad latera crenato; colore quandoque luteo albicante, longitudine diversa. Creberrime reperitur in Insula *Melita*; nonnunquam etiam in *Anglia*, ubi in variis matricibus, præcipue in mineris carbonariis delitescit. Item in *Germania* prope *Luneburgum*, ex Aluminosis fodinis eruitur. De hoc Lapide singularem *Dissertationem* conscripsit *Cl. Thom. Bartholinus*.

X. ASTROITES, *Lapis Stellaris*, Germanis *Sternenstein*, Anglice *the Star-stone* (quia stellulis undique insignitus nigricantibus) qui est moderate durus, colore cinereo, fusco, nigricante, asteriscis exornatus; ad capitis humani magnitudinem quandoque excrescens. In Comitatu *Tyrolensi* & circa arcem *Cimmeriam* invenitur, & alibi. Aceto impositus hinc inde movetur, ac
fi

si vivus esset; quod fit, aceto per poros lapidis sese insinuante, & aërem inclusum premente, qui exitum, seu libertatem potius elasticam sibi quærens, lapidem trudit & movet. Ad pestilens contagium & vermes puerorum necandos, ejus pulvis, quatuor granorum pondere, commendatur. Nonnulli eum Amuleti loco gestant. Hic lapis à Boetio de Boet *Asterias vera*, seu *lapis Stellaris*; à Gesnero *Sphragis Asteros*, à Ferd. Imperat. *Stella Judaica* nominatur.

XI. L A P I S C R U C I S, *Cross-stone*. Cujus duo statuuntur genera. *Unum*, quod in corpore cinerei coloris, crucem ostentat candidam: Alterum, quod coloris *nigri* aut *purpurei* crucem exhibet. *Primum* eleganter describit *Laurentius Pignorius in Musæi Calceolarij Sect. 4.* Posterius *Lud. Septalius in Epist. ad Chiocum.*

XII. L A P I S J U D A I C U S (à loco ubi invenitur, *Judea* scilicet, sic nominatus) quibusdam *Syriacus*; Plinio *Euroes* (quod urinam fluere faciat,) & *Tecolithos* (quod calculum resolvere putetur,) *the Jew-stone*. Variarum est figurarum, Natura in ejusformatione mire ludente; unde diversa etiam obtinuit nomina. Qui instar glandis & Balani est, *Phenicites*; qui instar nuclei Olivæ, *Pyrenes*, &c. Genus præcipuum (quod frequentissimum apud *Medicos*) Nuclei Olivæ formam repræsentat, striasque & sulcos habet à radice in apicem usque excurrentes. Reliquæ ejus species sunt T R O C H I T E S, Germanis *Spang-stein*, aut *Keder-stein* quia rotæ aut Tympani fert effigiem. E N T R O C H O S, cum multæ vertebræ simul junctæ reperiuntur, adeo ut radii unius alterius striis inferantur. C O L O N E T T A, Italica appellatione; cum articuli longiores sunt, columnulas imitantes, & commissuris æqualibus constantes. S T E L L A J U D A I C A, quum articuli non modiolos aut columnulas, sed stellas exprimunt. Cujusmodi apud nos etiam in *Anglia* prope ostium fluminis *Sabrinæ* frequenter inveniuntur. Et existimo eosdem lapides esse cum eo, qui *Asteria* Boetio dicitur, Gesnero *Sphragis Asteros*; vulgo *Little Star-stone*. Singulis enim partibus utrinque stellæ figura, seu sigillo impressa videtur; radii eminent suis angulis, & in singulis radiis cavitas media. Octo aut plures interdum cohærent tam affabre, ut nullus artifex melius potuisset conjungere; facile tamen ab invicem separabiles. Omnes species ad renum calculos in primis commendantur. Maxime vero *Nephritici* tinctura, quæ nullibi descripta extat. *Moebius* tamen hanc commendat præparationem: infunditur nempe spiritus salis rectificatus pulveri lapidis *Nephritici*, reponiturque in digestionem, fitque tinctura viridis, de qua dantur guttulæ decem in vehiculo convenienti.

XIII. B E L E M N I T E S (à *sagitta*, cujus formam exacte refert; *Βέλεμνον* enim sagittam vocant Latini) aliis *Dactylus Idæus*; (quod in
(Hh 2)

in monte *Ida* reperiatur, & *digitum* repræsentet.) Quibusdam; *Lyncurius*, (quod ex urina *Lyncis* ortum trahere falso existimaverint;) Germanis *Alphen-schos*; i.e. Incubi sagitta, Danis *Spectrorum Candela*; Anglice *Arrow-head*, & *Finger-stone*, & nonnullis *Thunder-bolt*. Lapis teres & oblongus est, in apicem obtusum desinens; colore modo albicante, modo aureo; sagittæ extremitatem adamussim referens; quandoque plenus, quandoque concavus; lineas obtinens à medulla ad extremitates tendentes; communiter pollicis & digiti longitudine. Omnibus à Natura inest rima quasi in longitudinem tendens. In *Anglia* passim reperiuntur variorum colorum. Germani contra incubum, & renum calculos valere credunt; eumque in finem ejus pulverem exhibent in liquore competenti.

XIV. *MOROCHTUS*, aliis *Leucogæa*, *Leucophragis*, *Galaxias*, *Graphida*, *Galactites* (quia eo lineas albas ducere solent *Pictores* & *Mathematici*; & quia, si super cotem cum aqua fricetur, lacteum emittit succum, quo in *Collyriis* utuntur *Medici*.) *White marking-stone*. Lapis est (si modo lapis) mollis, lubricus, quandoque nigro, quandoque subviridi, quandoque melleo colore; qui tamen vestigia alba post se relinquit, si convenienti subjecto affricetur. Reperitur in *Hetruria*, *Germania* circa *Hildeshemium*, *Anglia*, & *Insula Feroensi* ad littora fluvii cujusdam; ubi instar Tartari concreti cautibus adhæret. *Dioscorides* in *Ægypto* reperiri ait, & ad lineas vestes dealbandas usurpari.

XV. *CERAUNIAS*, *Telum Fulmineum*, *Lapis Fulminaris*, *Cuneus Fulmineus*, *Telum Jovis*; Danis *Torden-steen*; Germanis *Dunder-stein*; nobis vernacule, *Thunder-stone*: eo quod cum fulmine è nubibus decidere vulgo persuasum sit; quam vere tamen, à nobis, in *Dissertatione nostra de natura Fulminis*, fuisse demonstratum. Varias figuras præ se fert, maxima ex parte cuneum refert, Pyramidem, malleum, securim, clavam: longus quandoque pollices septem, quandoque quinque; latus tres aut quatuor; crassitie inæquali, substantia ut plurimum ad filicem accedit; durus adeo ut limam non sentiat, gravis & ponderosus. Colore variat, quandoque cinereo, quandoque nigricante, quandoque luteo subobscurum. Multas & insignes virtutes ei adscribunt superstitiosi.

XVI. *BRONTIAS* (quod cum fulmine similiter è coelo delabi putent;) aliis *Ombrias* (quod cum imbris cadat;) quibusdam *Chelonitis* (quod *Chelin* testudinum, figura & colore quandoque repræsentet;) aliis *Ovum Anguinum* (quia caudas anguinas corpus ejus ambientes & in unum punctum concurrentes quodammodo ostentat;) Germanis *Gross Brothen-stein*, i.e. Magnus Lapis Bufonius, alias *Donner-stein*. Lapis est hemisphæricus, dimidii ovi gallinacei magnitudine, quandoque major, quandoque minor, colore cinereo,

cinereo, fulvo, nigricante; materia vel faxea, vel gypsea, vel filicea; ab apice ad basin per ejus convexum quinque lineas, æqualiter in quinque quasi triangula eum dividentes, habens; quæ lineæ semper duplicatæ, ex minutulis constant punctis, & quandoque in planam ejus superficiem terminantur, quandoque eum perreptantes in modiolum, quod centrum planæ superficiei, exornant. Si protuberantiæ & eminentiæ quædam in eo appareant; *Ovum Anguinum* nominant. Nunquam, quod sciam, animadversum, quod plures simul in eodem loco aut nido reperti sint. Hujus alteram speciem constituit *Brontias Favogineus*, quem *Ol. Wormius, Mus. pag. 77.* describit.

XVII. *ÆTITES*, seu *Aquilinus Lapis*, Germanis *Alderstein*; nobis *Eagle-stone* (vel quod colore sit fulvo instar Aquilæ; vel quod in nidis Aquilarum reperiatur: eo enim transferri aiunt, seu ut eo nidus Aquilarum stabilior reddatur; seu ut partum ovorum promoveat) dictus. Lapis est rotundus, aut ad rotunditatem accedens, colore cinereo, pullo, aut fusco; alium lapidem vel argillam in se continens, unde concussus resonat. Varia ejus sunt genera. *Plinius* quatuor recenset; *Anselmus Boetius* tria, & totidem *Wormius* se vidisse affirmat. *Parturientibus* peculiariter dicatum esse docent Veteres, non refragante Modernorum experientia. Sinistro namque brachio alligatus, foetum in iis retinet, quæ ad abortiendum sunt proclives: tempore partus sinistro femori adalligatus, partum accelerat.

XVIII. *OSTRACITES*, (à Græco *ὄστρακον*, quod *testam* notat; eo quod ex crustis multis sibi invicem superimpositis constet) a *Pest of Bores*. Nam Lapis est scissilis & crustosus, ferrugineus seu fulvus; qui ablata una crusta seu testa, alias subinde continet ejusdem coloris & substantiæ. Pumicis loco quidam utuntur ad cutim glabram reddendam. Ex *Medicis* nonnulli ad mulierum Catamenia sistenda, mammarumque inflammationes supprimendas, pulverem ejus præscribunt.

XIX. *CONCHITES*, Lapides *Conchas* figura exprimentes. *Stones resembling Shell-fishes.*

XX. *BUCARDITES*, (quia *Cor Bovinum* tam figura, quam magnitudine æmulatur) quem primus descripsisse videtur *Ferrandus Imperatus lib. 24. cap. 26.* Reperitur interdum in *Anglia*.

XXI. *FUNGITES* (quia fungos refert) *Mushrum-stone*. Cujus non unum genus,

XXII. *SCYLETON SERPENTIS*, qui ossa Serpentis in spiras contorti exprimit. Cui valde affinis est *Ophiomorphites*, *Snake-stone*; qui similiter anguem in spiras convolutum imitatur. Hujus generis infinitus reperitur numerus in *Anglia*, in oppido quodam *Keysham* vocato, quinto lapide ab urbe *Bristolliæ* distante, & alibi.

XXIII. PECTINITES, qui piscem *Pectinem* repræsentat, eaque de causa nostro idiomate, *Stollopstone*, haud incongrue nominatur.

XXIV. CORNU AMMONIS, quod quatuor constat circumvolutionibus in se revolutis, instar *Vitruvianæ* volutæ perpetuis striis & articulationibus dotatum; colore nigricante, ad griseum tendente, substantia ficca, quibusdam in locis armatura aurea splendens. De quo plura apud *Anselm. Boetium*, lib. 2. *De Gemmis* cap. 246.

XXV. CORNU ARIETIS, *Rams-horn-stone*; quia instar cornu arietini in se retortum & involutum est, rugisque transversim ductis exornatum. In *Anglia* haud rarum est, utpote quod in multis agri *Somersetensis* locis, potissimum prope *Thermas* sulphureas, *Aquas Solis* vocatas, lapidicinis effoditur.

XXVI. HYSTEROLITHUS, five *Lapis Uterinus*, eo quod pudendum muliebri figura æmuletur, sic dictus.

XXVII. PRIAPUS, qui fascinum virile mentitur, tum figura, tum magnitudine.

Hisce subungere potest Lector curiosus alios lapides, quotquot seu Naturalium, seu Artificialium formas aliquatenus exprimere viderit. Istiusmodi quippe lapidum, qui omnes nomina sua à rebus, quas figura repræsentant, sortiuntur, permagnus imo ferme infinitus est numerus. Atque hæc quidem de *Lapidibus ignobilioribus & minoris pretii*, quatenus ad præsens institutum faciant, dicta sunt.

LAPIDUM Pretiosorum Majorum Classis.

LAPIDES PRETIOSI, quos *Gemmas* communiter vocant (licet inter lapidem pretiosum & *Gemmam* discrimen agnoscant accuratiores) commodissime dividuntur in *Majores* & *Minores*, quos *Gemmas* stricte dicunt.

E MAJORIBUS sunt

I. JASPIs, the *Jasper-stone*. Qui lapis est variorum colorum, seu ob variorum succorum, qui ad ejus generationem concurrunt, mixturam; seu ob particularum, quibus constat, figuras & positiones varias: & tantæ nonnunquam magnitudinis, ut ex eo magnæ statuæ & columnæ integræ elaborari possint; sed *Achate* mollior. *Species* ejus sunt *Jaspis*

I. *Orientalis*

1. *Orientalis*, quæ subcœruleo viridique colore obscura, sanguineis punctis conspersa est, & cæteris omnibus præfertur. A Gemmariis nostris *Oriental-Jasper* vocatur.
2. *Viridis*, the *Green Jasper*; quæ maxima ex parte virefcit, paucis intercurrentibus venulis sanguineis. Hujus varia genera afferuntur ex *Insulis Feroënsibus*.
3. *Grammatias*, quæ aliquid purpurei admixtum, interjecta linea alba, habet; cæterisque omnibus olim præferebatur.
4. *Terebinthizusa Dioscoridis*, (quod colore sit flavo, instar *Terebinthinæ* coctæ, sic dicta) the *yellow-Jasper with black veins*.
5. *Purpurea*, croceis & cœruleis venulis interpersa, the *Purple-Jasper*.

II. *HELIOTROPUS*, (ex eo nomen esse videtur, quod aquæ immixtus augere Solis fulgorem sanguineo percussu; extra aquam radios sive fulgorem quasi avertere, solemque velut in speculo exhibere credatur; docente *Plinio, lib. 27. cap. 10.*) the *Heliotrope*, aut *Bloodstone*. Qui non solum dimidia ex parte rubro colore tingitur, sed & in ipsa viriditate maculas ostendit aliquas rubicundas: qua nota à *Jaspide viridi* internoscatur. Huic affinis est lapis ille spurius quidem, sed elegans, quem *Jasponichem*, i. e. Onichem viridi colore tinctam, vocant Gemmarii; quæ in *Insulis Feroënsibus* reperitur.

III. *MALACHITES*, quæ viridis & opaca est, instar foliorum *Malvæ* (undenomen traxit) sed pro diversitate & gradibus colorum, varias etiam obtinet species, de quibus videatur *Anselmus Boetius de Gemmis*. Tantæ magnitudinis quandoque reperitur, ut pocula & manubria gladiatorum ex ea conficiantur. Optimæ in *Bohemia* effodiuntur.

IV. *PRASIUS*, *Theophrasto, lib. πρὶ λίθων, περὶ σμάρagdου*, aliis *πρασινος λίθος*, dictus (à *Prasino* seu *Porraceo* colore) qui maxima ex parte viridis est, sed raro sine punctis atris, & quandoque alba distinctus. Domus est *Smaragdi*, ut *Jaspis Prasii*, & *Jaspidis Marmor*; unde tanto mollior *Jaspide*, quanto *Smaragdo* durior; observatore *Cardano, lib. de Gemmis & coloribus, Sect. 18*.

V. *LAPIS NEPHRITICUS*, (quia in doloribus *Nephriticis* eximie proficius) *Italica Ostiada del fianco*, *Gallis Un Siadre*, *Hispanis Igiada*, *Belgis Kalswee*. Qui ut plurimum viridis est, polituræ accuratæ incapax, & semper quasi pinguedine quadam obductus & oleosus; maculis seu nubeculis quibusdam obscurioribus interstinctus; ubi in laminam tenuiorem redactus est, quodammodo transparens. Coloris gradibus variat; quidam ex viriditate nigrescit; quidam flavedinem cum viriditate conjunctam habet; sæpe ex viridi, albo, flavo, nigro, cœruleo quasi mistus apparet.

Ex utraque *India* adfertur, in nonnullis *Hispania* & *Bohemia* locis etiam reperiri quidam aiunt. De viribus ejus, in *Renum* & *Vesicæ* calculis atque arenulis expellendis, historias varias & experimenta vide, in peculiari de eo tractatu conscripto à *Clariss. Casparo Bartholino*.

VI. *ACHATES*, (à fluvio ejusdem nominis in *Sicilia*, quod primo ibi inventus) *the Agate*. Lapis est variorum colorum, quorum ratione in varias species dispecitur, ut etiam figurarum ipsi à *Natura* impressarum. Quando venis suis & maculis cornu refert, *Ceratachates* dicitur: quando arbores & nemora, *Dendrachates*. Ubi venæ albæ per eum disseminatæ sunt, *Leucachatem* vocant; ubi rubicundæ, *Hemachatem*; si Sardæ modo rubet, *Sardachatem*; si Corallii in morem, *Corallachatem*. Summâ, coloribus adeo variat ac ludit, ut jucundum præbeat spectaculum, in primis ubi lineis & coloribus suis res alias naturales aut artificiales exhibet. Ex *India* notæ probatissimæ adfertur; sed & in *Germania* & *Bohemia* quandoque reperitur, etiam tantæ molis, ut *Pocula* & *Scyphi* ex eo conficiantur: item in *Anglia*, in *Cornubia*, uti ex quorundam relatione scribit *D. Merret*, in *Pinac. rerum Nat. Britan.* pag. 209.

VII. *ONYX*, (à corneo Unguis humani candore, quem exacte refert) *Italis Nikolò*, Germanis *Onichel*, nobis *Onyx*. Quæ duobus ad minimum coloribus, albo scilicet & nigro, *Zonis* distinctis, constat; & magis opaca est, quam diaphana. Pro colorum varietate etiam varias habet species: sed omnes zonas & lineas habent, quibus colores ab invicem determinantur. Olim tantæ magnitudinis inveniebantur, ut inde columnulas & pocula, quæ *Myrrhina* dicebantur, conficerent. Ad figilla conficienda aptissimus lapis; nam ceram politus non recipit.

VIII. *SARDONIX*, *the Sardonyx*, quæ ex *Oniche* & *Sarda* componitur, & cui varias imagines imprimere solent *Sculptores*. Quandoque ex zona alba imaginem sculpunt, ita ut nigra zona loco strati sit; tumque à quibusdam *Memphites* appellatur, hodie à Germanis *Gamehusa*.

IX. *CALCEDONIUS*, alias *Carchedonius* (à *Carthagine*, quæ Græcis *Καρχηδών*; non quasi *Carthagine* nasceretur: sed quia è *Garamantibus* *Carthaginem*, inde ad alios adveheretur olim.) *the Chalcedony* aut *white Onyx*. Qui lapis est *Gemma* quasi per nubem spectata, vel nullo, vel levi aliquo colore tincta, semper spicua, sculpturæ, propter duritiem, contumax. Præferuntur reliquis, qui aliquo colore sunt diluti ac oculis grati; ut illi, in quibus purpureus, cœruleus, ac rubicundus albo miscentur; quique Soli expositi radiorum refractione *Iridem* ostendant. Cujusmodi est *Chalcedonius Grandinosus* (nempe ex *Grandinibus* quasi *Margaritis*

garitis constans, guttulis succi lapidescentis ita invicem concretis, ut ova piscium esse solent) cujus mentionem fecisse videtur *Ferrandus Imperatus*, lib. 24. *Hist. Nat. cap. 2.* sub nomine *Ingemmamenti Grandinosi*: & qui Veterum *Chalazia* esse videtur. Huc spectat *Calcedonius Islandicus Crystalloides*, quem *Olaus Wormius Mus. pag. 99.* disertè describit.

X. CORNEOLUS, vel potius *Carneolus* (quod *carnis* colorem imitetur, sic dictus,) aliis *Sardus* (ab insula *Sardinia* unde olim optimus adferebatur,) Germanis *Corneol*, Angligenis *Cornelian*. Primus lapis in *Rationali Aaronis*; sanguini subcitrino aut bilioso, vel loturæ carnis colore similis; semiperspiciua & obscura quasi nubecula perfusus; magnitudine nunc majori, nunc minori. Varia ejus sunt genera, colores si spectes. Reperiuntur in *Sardinia*, *Armenia*, *Persia*, *Germania*, *Insulis Feroensibus*.

XI. AMETHYSTUS, (ab *ασητικῶν* & *μεθύσκω*, *inebrio*; vel quod usque ad vini ex pallido rubentis colorem accedens, in violam desinat: vel quod Magorum vanitas resistere ebrietati eum olim promiserit:) Hebraice *Achlama*, Chaldaice *Enegle*, Anglice *Amethyst*. Lapillus est violacei coloris, ex rubri & cœrulei mixtura orti, fulgore non omnino igneo, sed deficiente seu languido. Differentia tamen aliqua in colore observatur: & ubi ad albedinem accedit, *Amethystus Albus*, the *white-Amethyst* dicitur. Reliquis præferuntur, quibus in purpura refulget roseus color. Reperiuntur in variis locis *Indiæ* utriusque, *Arabie*, *Armenie*, *Cypriæ*; imo in *Germania*, *Bohemia*, *Misnia*, sed molliores & viliores. Præstantes in *Hispania* vidit nobilis ille juvenis D. *Franc. Willoughbaeus*, ὁ *μαργαρίτης*, è monte quodam in oppidi *Vict* dicti vicinia sitto, copiose effossos: quemadmodum ipse testatum reliquit in *Itinerar. sui pag. 469.* ubi totum explicuit artificium quo primum è subnigricantis terræ venis eruuntur, & deinde poliuntur.

XII. CRYSTALLUS, (à *Κρύος gelu*, & *σείλω*, *contraho*, quasi quid gelu concretum) *Crystal*. Gemma est mollis, transparens, aquam in glaciem congelatam referens; unde haud pauci ex glacie natam volant: quod tamen veritati minus consonum esse docet Experientia; cum igne non solvatur, nec aqueæ in ea partes igne consumantur. Quandoque colores alios assumit, tumque nomina etiam. Si Saphirinum, *Pseudosaphirus*; Smaragdinum, *Pseudosmaragdus* appellatur, & sola duritie à veris differt. Chrystalli ut plurimum hexagona nascuntur figura, quandoque pentagona, imo globosa & rotunda, sed tum duriores sunt vulgaribus, ac pro *Pseudadamante* habentur. Hujus sortis esse videtur *Crystallus* ille, qui è rupe S. *Vincentii* prope *Bristoliam* effoditur, *Bristow-stone* nominatus.

XIII. FLUORES, (quia ignis calore, ut glacies à Sole, liquefcunt

scunt & *fluunt*, sic ab *Agricola* dicti) Anglice *Spars*. Qui variis coloribus insigniuntur, & diversis figuris concresecunt, gemmaeque primo aspectu mentiuntur. Ex iis quandoque conficiuntur Colores pictoribus utiles: sed Metallurgi, dum metalla excoquuntur, eos adhibent, ut facilius fundantur. Huc referunt nonnulli lapidem illum (non à Natura quidem, sed arte elaboratum) qui

XIV. BEZOAR MINERALE dicitur, & Italice *Pietra D'avventura*, (quod à Chymico quodam Veneto casu inventus sit) Cujus substantia quasi vitrea est, coloris luteo rubentis, micis aureis referta, quæ oculos mire perstringunt.

XV. Lapis SERPENTINUS, Lusitanis *la Piedra della Cobra*; partim naturalis in serpente concretus, quem Lusitani *Cobra de Capelos*, i. e. Colubrum pilosum vocant; partim artificialis, ex variis venenosorum animalium, potissimum hujus Colubri pilosi portionibus confectus: qui intoxicatis antidotum præstat, tempestive adhibitum; remedium fere toti Indiæ, & Chinæ usitatum. De cuius virtutibus mira prædicat *Athan. Kircher. Chinæ illustrata pag. 80.*

L A P I D U M pretiosorum Minorum Classis.

INTER Lapidēs MINORES, ob nobilitatem GEMMAS sensu strictiori vocatos, occurrunt

I. ADAMAS, (*ἀδάμας*, ab *α* privativo, & *δαμάω* sive *δαμάζω*, *domo*, eo quod *indomabilis*, sive in tantum durus, ut omnia metalla confringat, & ipse non confringatur ab ullo: licet quod de tanta ipsius duritie prædicarunt Veteres, vanum prorsus esse hodie compertum sit; nam & in scobem redigi, & facillime malleo confringi posse, quotidiana docet experientia) Hebraice *Shamer*, Anglice a *Diamond*, (forte ab Arabico *Diamah*, à *dim*, quod durare sonat.) Gemma est durissima sine colore, aquæ instar diaphana, applicatam tincturam ad se quasi rapiens, sibi que ita conjungens, ut micantes suos radios procul ejaculetur. Si alieno colore, albo, luteo, aut nigro infectus sit, id illi vitio est, ejusque pretium minuit. Licet *Plinius* plura Adamantum genera agnoscat, nobis tamen non nisi *unicum* innotuit, quod genuinum & verum sit: sed *Pseudadamantes* varii (*Wassard Diamonds*) qui à solo natali nomen & differentias invenerunt; cujusmodi sunt *Bohemici*, *Annabergici*, *Hungarici*, *Anglici*, tum *Bristollienses* nempe, tum *Cornubienses*, &c. Sed hi omnes molliores sunt, nec splendorem verorum attingunt; ideoque ad *Crystallos* rectius referendi sunt. *Veri* in *Bisnager*, provincia *Indiæ Occidentalis*, & in *Decan*, item ad fretum *Tanaim* in *Malacca*

Malacca, &c. inveniuntur. Mirum est quod scribit *Rubeus*: Dominam *Heverensem* è *Luxenburgorum* familia, duos habuisse hæreditarios *Adamantes*, qui alios crebro producerent, ut eos qui statim temporibus intueretur, congenerem sibi prolem enixos fuisse palam judicaret. Mirabile dictu, constaret si certa fides; & magnum sane argumentum Seminarias facultates lapidibus inesse, quibus in terræ gremio propagantur & sibi similes producant.

II. RUBINUS, (à rubro colore) ab Indis, *Tokes* & *Mancha*; à Persis & Arabibus *Jacut*, à nostratibus à *Kuby* dictus. Est gemma diaphana, rutilans, rubensque ad cœruleum parum inclinans, limam respuens, & ad sanguinis, Cocci, Laccæ Indicæ colorem propius accedens, quam Minii. Ratione splendoris & rubedinis quatuor ejus constitui solent genera, quæ nomina etiam diversa sunt sortita, viz.

1. *Rubinus Verus*, qui ubi magnus est & radiantis splendoris, CARBUNCULUS, Græce *Ἀνθραξ* (quia carbonis instar accensi rutilat & micat,) & *Pyropus* (quasi ignitus lapis,) & *Apyrotus* (quia ab igne non patitur,) à Carbuncle, aut great and radiant *Kuby*. De quo vide sis quæ ab immortalis *Boyleo* nostro in Epistola quadam ad prænobilem virum, D. Robertum Morrey, Equitem Auratum, de *Adamante* quodam in tenebris diutile lucente, & de *Carbunculo*, conscripta sunt, ad finem lib. sui de *Coloribus*. Hic Rubinus verus, ubi rudis & impolitus, apud nos à *Kock-Kuby* nominatur.
2. *Rubicellus*, à pale-Kuby; qui ex Balassio & Spinello colorem mixtum habet, quasi similis Granatis Bohemicis.
3. *Balassius*, the *Balass-Kuby*; qui exiguam & languidam habet rubedinem.
4. *Spinellus*, the *Spinel-Kuby*; qui mollior aliquanto vero Rubino, rubicundior Balassio; sed non adeo splendet ac verus Rubinus.

Præstantissimi Rubini in Insula *Zeilan* reperiuntur; ubi in rosea quadam matrice, quam *Balassiam* esse quidam arbitrantur, nascuntur. Reperiri nonnunquam *Ovi Gallinacei* magnitudine testantur historiæ, à *Purchasio* nostro, lib. *Peregrination*. 1. cap. 4. pag. 104. & à *Benvenuto Cellini nel arte del Gioiellare*, lib. 1. pag. 10. traditæ.

III. GRANATUS, Gallis *Vermeille* (quod *Minii* rubedine flagret) Danis, Germanis, Anglis, *Granat*. Qui inter Rubinos etiam à quibusdam recensetur. Est autem Gemma dura & flavedine obscure rubens, instar ignis aut Minii nativi, tincturam suam in igne non remittens. Ratione loci ubi invenitur, in *Orientalem*

lem & Occidentalem dividitur. Orientalis ex India, Cambaia, Æthiopia adfertur. Occidentales colorum gradibus differunt; reliquis vero præferuntur Bohemici, ob tincturæ præstantiam. Reperiuntur quoque in Norwegia dodecalaterum, sed impuriore, vena Talci plerumque infecti, colore ad nigredinem tendentes, ut eo primum genus Orientalium æmulari videantur, natura quandoque politi.

IV. HYACINTHUS, (ab Hyacinthino colore) the Hyacinth aut Jacinth; qui ejusdem census est cum superioribus, colore rutilo & ex flavedine rubenti. Cum varios etiam habet coloris sui gradus, eorum respectu variæ ejus constituuntur species. Sunt, qui instar Minii nativi & sanguinis biliosi rutilent: sunt qui colore Croceo flavescent; sunt qui Succinum flavum æmulentur, qui viliores sunt; qui album Succinum referant, qui vilissimi habentur. Dantur tam Orientales, ex India allati; quam Occidentales, ex Silesia, Bohemia, aliisque Germaniæ locis petiti. Plinii Hyacinthus hodie inter Amethyistos recensetur; ut Veterum Amethyistos pro Granato accipitur. Apud nos in Anglia, in agro Eboracensi quandoque effodiuntur Hyacinthi, sed impuri.

V. SAPHIRUS, Σάπφειρος (appellatio est ab Oriente; nam similiter Hebræis dicitur Saphir; uti Vossio videtur, à loco, qui forte fuerit ejusdem nominis,) Plinio Cyanus, (à colore,) the Saphir. Gemma est cœruleo colore pellucida, diaphana, dura, omni carens rubedine Amethyestina. Quidam albicat, & à Plinio Fæmina vocatur, à nostris Gemmariis Pale-Saphir: quidam coloris est saturate cœrulei, Mas eidem Plinio, & nobis Blew-Saphir dictus: quidam omni prorsus colore destituuntur, Anglice White-Saphirs nominati, & pro Adamantibus quandoque substituti, sed longe his & duritie & splendore inferiores. Alias dividi solent in Orientales, ex variis Indiæ regionibus allatos: & Occidentales, in confinio Silesiæ & Bohemiæ in torrentibus, & in prato minore Isere inventos. Tinctura & color Saphiri ab eo igne auferri potest, ut Adamantem mentiatur. Quidam pro Oleo Saphiri (quod contra venena commendatur) vendunt quippiam ex floribus Camomillæ cum Sale Ammoniaco destillatum; à quibus cavendum.

VI. SMARAGDUS, Σμάραγδος & μάραγδος sine σ, quo Menander utitur apud Athen. lib. 3. (nempe ut dicitur μαράσσω & μαράσσω, luceo, splendeo: ab illo est Smaragdus, ab hoc Maragdus. Nam Ovidius,

In folio Phæbus clavis lucente Smaragdis.

à nonnullis, Prasinus (à colore viridi,) ab aliis Neronianus & Domitianus; Arabibus Zamarut, nobis Emerald, aut Emerald. Qui lapillus

pillus est grato virore oculorum aciem ita demulcens, ut omnium viridarium amœnitatem superet; pellucidus, diaphanus, plane viridis. *Plinius* ejus genera duodecim recenset. Hodie in *Ori-entalem* & *Occidentalem* dispescitur: ille præstantissimus, durissimus, viriditate oculos uberrime satians. Hic rursus duplex est; *Europæus*, qui in *Cypro*, *Britannia* (in agro *Eboracensi*) aliisque locis invenitur: & *Peruanus*, qui licet viriditate excellat, tamen ut *Orientalis* non ita radiat, & nubeculis ut plurimum foedatur. Mira sunt, quæ de *Smaragdorū* magnitudine apud Autores leguntur. *Ol Wormius* se *Genuæ* vidisse scribit integrum Catinū ex *Smaragdo*, qui in diametro pedem circiter habebat, qui æstimari ob amplitudinem nequibat. Partum id fuit antiquitus ex victoria *Syriaca*, & ad publicum Civitatis ornamentum *D. Laurentio* consecratum.

VII. *CHRYSOLITHUS*, (à χρύσος & λίθος, quasi aureus Lapis; quia aureo colore translucet) the *Chrysolite*. Qui Gemma est viridis, colore *Smaragdo* dilutior, utpote cui nonnihil flavedinis adjunctum est; diaphana, quandoque per viridem aureum fulgentem habens, & tum *Chrysopatius* à quibusdam indigitatur. Quod si noctu, igne admoto, vehementer splendeat; *Chrysolampis* *Plinii* est. Non adeo durus est, quin limam sentiat. Quandoque, sed rarissime, in tantam excrescit magnitudinem, ut inde statuæ confici possint. *Arsinoæ* namque *Ptolomæi* *Philadelphii* Uxori statua quatuor cubitorum ex hoc lapide (qui Veterum est *Topasius*) in delubro sacrata fuit.

VIII. *TOPASIUS*, (ab Insula quadam in Mari Rubro, quæ & *Paz* dicebatur, & *Opaz* & *Topaz*; ita derivante *Plinio*, lib. 6. cap. 29.) the *Topaz*, aut *Topas*. *Topasium* Neotericorum, Veterum *Chrysolithum* esse, docte demonstratur tum ab *Anselmo Boetio*, tum à *D. Joh. de Laet*. Duo ejus genera statuunt; alterum *Oriente*, quod instar auri obryzi sive purissimi rutilat: alterum *Europæum*, quod *CrySTALLI* instar molle est, cum aureo colore, vel parum vel multum nigricante. Hujus generis quosdam esse scribunt, qui tam parum flavedinis habent, ut, nisi nigredine, à *ChrySTALLIS* distinguere non possint; atque in *Bohemia* passim inveniri.

IX. *TURCOIS*, *Turcosa*, *Turchina* vel *Turchesia* (à *Turcis*, à quibus ad nos adferri solet:) Anglice a *Turcois*. Quæ Gemma est opaca, ex viridi, albo & cœruleo quasi composita, viride æs colore exacte referens. Sunt *Oriente*, in *Persia* nigris lapidibus adnascentes, quarum quædam colorem semper servant, *Turcois-stones of the old Rock* dictæ; aliæ paulatim viridescunt, ac viliores proinde habentur: vel *Occidentales*, quales in *Germania*, *Bohemia*, *Hispania*, *Insulis Feroensibus* colliguntur. Lege *Itinerar. D. Mandellso*. Tantæ magnitudinis *Turchesia* in *Thesauris Magni Ducis Hetruriæ*,
(Ll) visitur

visitur ut juglandem æquet; cui *Jul. Caesaris* effigies insculpta est.

X. BUFONIUS *Lapis*, Germanis *Krottenstein*, (quia vulgo creditum est, eum ab annosis *Bufonibus* eructari; quod experientia falsum esse norunt sagaciores.) Anglice *the Toad-stone*. Qui lapillus est, raro unguem digiti superans, coloris ut plurimum grisei, ad rubedinem quandoque inclinans, oculi modo convexus, quandoque oblongus, quandoque rotundus, altera parte planus aut parum concavus. Nascitur fungi ad morem in saxis & petris; non vero in capitibus Bufonum.

XI. OPALUS seu *Opalis*, Græce *ὀπαλός*, (quem *Isidorus* nomen ex patria obtinuisse vult, quia eum sola parturit India: sed de causa nominis quod affert, verisimilius esset, si locus ejus nominis ullus esset in India.) olim *Pæderos*, quasi puerorum amor (quod amorem conciliare olim à superstitiosis crederetur, vel ob eximiam pulcritudinem,) Italis *Girasole* vel *Scambio*; Germanis *ein-Beese*; popularibus nostris *an Opal*. Gemma sane elegantissima, omnes ferme colores exhibens. Ex radiorum enim luminosorum refractionibus variis, cœruleum, purpureum, viridem, flavum, rubrum, lacteum, ac nigrum interdum, intuentium oculis ingerit. Unde *Plinius*, "Inest Opalo, inquit, Carbunculi tenuior ignis, "Amethysti purpura fulgens, Smaragdi virens mare, & cuncta "pariter incredibili mistura lucentia. Hincque fit, ut à quibusdam inter omnes gemmas palma ei deferatur; tum quod arte nulla adulterari possit. Ejus quatuor constituuntur genera.

1. *Primum* Diaphanum est, omnes colores Iridis exhibens; hocque præstantissimum.

2. *Secundum* ex nigredine igneum Carbunculi fulgorem emittit.

3. *Tertium* in corpore flavescente varios repræsentat colores, quietos tamen, nec fulgore vividos, & nonnunquam lacteo etiam quasi languentes.

4. *Ultimum* cum primo æque diaphanum est, sed parum cœrulei, aut flavi coloris in se habet, & luci oppositum, si vertatur, in extremo cardine lucere, propter luminis reflexionem, videtur. Hoc omnium ignobilissimum censetur, ideoque *Pseudo-Opalus* *Bastard-Opal* dicitur.

Præstantissimi Opali in *India* inveniuntur; viliores in *Cypro*, *Ægypto*, *Hungaria*: Nullibi vero frequentiores quam in *Insulis Feroensibus*. Nascuntur omnes in lapide molli, venis nigris, flavis, fuscis distincto.

XII. BERILLUS, five *Beryllus*, *βήρυλλος* (nomen ab Oriente accepimus, teste *Isidoro*, lib. 16. cap. 7. qui *Beryllus* inquit, in *India* gignitur, gentis suæ linguæ nomen habens:) Anglice *the Beryll*. Ultimus in rationali *Aaronis* Lapillus. Circa ejus descriptionem variant Autores. Communis tamen opinio huic gemmæ tribuit virorem

virorem marinum. Ex *India* venit & *Phœnicia*; ubi *Ophitæ* venis innascitur, ut *Dionysius Poeta* testatur hoc versiculo.

Φύεται ἐν περὶβολῇ ὀφίτηδος ἐνδοδι πέτρης.

Nascitur is venas intra fulgentis Ophitæ,

uti vertit *Raphael Volaterranus*, lib. 27. cap. de Gemmis.

XIII. O C U L U S M U N D I, nonnullis *Lapis mutabilis* (quod aquæ frigidæ impositus, colorem mutet, planeque flavus & perspicuus reddatur; sed inde extractus in pristinum statum redeat) quem *Musæi Calceolarii Autor Cerutus* Opali speciem quandam existimat. *Onychem* colore cinereo quodammodo refert; & Opali modo quadantenus perspicua est, lucique applicata in candore luteum quid continet. Hujus generis Ego unum vidi, à nobilissimo Viro, Philosophiæque experimentalis assertore felicissimo, *D. Roberto Boyle* SOCIETATI REGIÆ ostensum. Qui aquæ frigidæ & purissimæ immersus, exiguo temporis spatio, proprio quasi exutus colore, alium induebat, ex albo nimirum flavescentem, & (quod majorem excitabat admirationem) ferme translucentum: ex aqua vero extractus, deposito colore illo, quem in aqua contraxerat, proprium denuo exhibuit intuentibus. Cujus experimenti occasione, ex eruditis spectatoribus nonnulli ingenia sua ad investigandum, unde tanta tamque admiranda coloris mutatio in isto lapillo contingeret, serio exercebant, variasque in medium proferebant conjecturas; quarum aliquæ forsan impofterum lucem videbunt. Interim lectione dignissima existimo, quæ non multis retro abhinc annis super hoc Lapide commentatus est *Clariss. Vir, D. Job. de Laet*. lib. 1. de Gemmis & Lapid. cap. 13. Extat etiam in Societatis Regiæ archivis, hujus gemmæ amplior historia, à *D. D. Jonath. Goddard* (quem humanis jam exemptum serio doleo) conscripta.

XIV. O C U L U S C A T T I, Italis *Occio di Gatta*, ab Hispanis *Tornasole*, ab Indis *Holtzitziltetl*, à Portugallis *Ojo di Gatto*, nobis the *Cats-eye* dictus, (quia illius animalis oculum probe refert:) Cujus variæ species sunt. Præcipuam autem sic describit modo laudatus *Job. de Laet*. “Gemma hæc inquit, si invertatur, in altera semper parte candidior & lucidior aparet. Constare enim “duobus coloribus videtur; lacteo pene & fusco, in medio veluti “divortio quodam separatis; qui utrinque obscurius translucent, “ita tamen ut alteruter color magis lumen admittat. Inspicienti “hanc Gemmam desuper, dextra pars candida videtur, quomodo “docunque verteris. Imo si bene advertas, linea satis lata candida in medio apparet, & utraque latera fusca: ita ut certo certius sit,

(L12)

hanc

“ hanc coloris varietatem à lumine illi accedere, &c. Magnam horum copiam in *Tototepec* Indiæ Occidentalis *Provincia* reperiri; eosque exiguos esse, & præ nimia abundantia viles, scribit *Franc. Ximines lib. 4. cap. 18.*

XV. O C U L U S B E L I, (ob eximiam speciem *Belo*, Sacratissimo Assyriorum Deo, olim dicatus; unde nomen,) exiguus lapillus, hemisphæricus, in cuius centro pupilla nigricat, quam ambit latus circulus, Margaritæ instar splendens, tunicam oculi corneam referens; hinc sequitur alter circulus, tenuis, altopurpureus, quem excipit ejusdem magnitudinis flavus, ex quibus duobus Iris quasi constituitur; reliquum corporis fulvo est colore. Eadem gemma videtur cum *Gesneri Lycopthalmo*, qui similiter quatuor constat coloribus, ita positus, ut *Lupi* oculum probe referat.

Ad pedem hujus Classis apponi possunt

M A R G A R I T Æ, (*Μαργαρίτης*, seu, uti *Eustathius* deducit, à *μαρπεν*, splendere; seu à *μαρπαεον* quomodo à *Pausania in Arcad. & in Epigramm.* vocatur: *μαρπαεα* vero est ab Hebræo fonte; nam *Jes. 17. ver. 6.* est *Gargerim*, quod in translatione sua *Junius & Tremellius* vertère *baccas*) aliis *Perla*, & cum majores sunt, *Uniones* (quod nulli duo indiscreti reperiantur,) *Pearl*. Quarum nobiliores in sinu *Persico*, & in *India*, in primis ad Promontorium *Comorin*, & Insulam *Zeilan* reperiuntur, *Orientales* dictæ: *Occidentales* vero, quæ ignobiliores sunt, variis in locis *Europa*; etiam in *Anglia*, *Scotia*, *Dania*, *Norwegia*. Apud nos in *Ostreis* maxima ex parte, ut & in *Mytilis* (sed impuriore) inveniuntur. *Margaritæ* vitia temporis progressu contrahunt, & quasi senescunt, cum flavedinem induunt; sed pristino splendori & candori restituntur, detracta superiore cuticula spiritu *Vitrioli*: verum quia aliquid earum detrahit magnitudini & pretio, alii pulvere *Alabastris*, *Corallii albi*, *Vitrioli albi*, & *Tartari albi* eas mundant & restitunt. Quidam *Columbis* devorandas præbent; quidam *Oryza* & *Sale* fricant. Maculas tollunt *Gemminarii rore Maiali*, in foliis *Lactucæ* collecto, si in eo per diem macerentur.

L A P I S B E Z O A R, (vel à *Persico Pazar*, quod *Hircum* illum notat, cujus ex ventriculo desumitur: vel ab Hebraico & Chaldaico *Beluzaar*, quod *dominum veneni* significat; eo quod præstans sit in domandis venenis,) *Bezar-stone*. Lapis est mollis, ex variis crustis coagmentatus, in animalis cujusdam, *Capræ sylvestris* speciem habentis, ventriculo genitus, figura varia, oblonga, orbiculari, modo compressa, modo rotundiore & renem referente; colore nunc nigricante, nunc subcinereo, nunc flavescente; ut plurimum vero est pullus, spadiceus, ex viridi nigricans; in superficie

perficie lenis & blandus, in meditullio concavus, vel festucam, vel plantæ fibras, vel aliud quid continens. Duo ejus dantur Genera, viz.

1. *Orientalis*; qui ex *India Orientali*, *Persia*, *Ægypto*, *China*, *Cathajo*, & vicinis regionibus adfertur: de quo optimè commentati sunt *Carol. Clusius ad lib. 1. Garcia, cap. 44.* & *Joh. Nierembergius in Hist. Ind.*
2. *Occidentalis*, qui ex *America* & *Peruvia*; & minoris pretii habetur.

Veri Lapidis Bezoardici notæ hæc statuuntur. Si ex Capricervis Orientalibus, in montanis pascua habentibus, sit depromptus; unde Persicus præfertur Malacensi: qui ex nigro seu varo colore viridescit, cujusque pulvis subviridis est: qui, ablata crusta superiore, inferiorem habet æquè splendentem ac politum: qui in meditullio concavus, aut arenam lapidis substantiæ similem habet: qui aqua aut vino liquescit, nihil continens arenosi; si calce viva, aqua admista, unctus, paulo post flavescat. Quidam chartam Creta fricant, deinde supra Cretam lapidem; & si frictionis linea viridis appareat, genuinum esse censent. Quidam acu ignita lapidem perforant; si fumum de se spargat, adulterinum credunt. Certius tamen veri indicium non datur, quam si venenum animali exhibeatur, & mox oblato lapidis pulvere incolumis evadat. Mirum est, quod *Ol. Wormius* se observasse scribit. “Oculis meis, inquit, vidi Lapidem Bezoardicum insignem, *Ovi Gallinacei* magnitudine, manibus ab homine maligno gestatum, & leviter saltem tactum, rupta exteriori tunica, in frusta dissiliisse, magna adstantium admiratione. Ipsos Indos hunc lapidem solerter adulterare, docet *Manardus, tractat. de Lapide Bezoardico*. In *Brasilia* conficitur artificiosè ex Resina, fructu Crumacino, radice *Dralzenæ*, *Contrajerua* Lusitanis dicta: sed in superficie flavescit, intus cinerei est coloris. Huic merito substituit *Jac. Bontius (lib. 1. Medicin. Indor.)* lapidem PORCINUM. Sive *Malacensem*. Qui in Apro inventus, quantum forma ac colore Bezoartico inferior est, tantum virtutibus & usu eum exsuperat. Quoties enim liquori alicui per horam solummodo immaceratur, toties eandem vim illi communicat: idque cum tam exiguo ponderis decremento, ut vix animadvertas ipsum imminui à frequenti infusione. Liquor autem ipsius licet aliquantulum amaricet; ingratus tamen nequaquam est, daturque facillimè potui, delicatis corporibus, ac teneræ puerorum ætati; convenitque maximoperè febri malignæ; morbo Comitiali, ac variolis, cum ob sudorem quem elicit, tum quod malignitati adversetur. Vide *Tulpii Observat. Med. lib. 1. c. 51.*

(Mm)

Lapis

Lapis CERVINUS, qui in canthis oculorum *Cervi* concrefcit, ex oculorum ffordibus & fudore in cavitare quadam exigua collectis diuque detentis. Subalbus eft fuperficie, intus cinereus; & perraro pifi minoris magnitudinem fuperat. Viribus cum Bezoar vero certare aiunt. Et de *Lapidum* Generibus hæc fufficiant.

METALLORUM Divifio Generalis.

RECENSITIS primi & fecundi generis Foffilibus, reftat *Tertium*, quod METALLA complectitur. Sub quo nomine comprehendimus tam ipfa Metalla propriè fic dicta, quam Metallis Affinia, five ea in fodinis prope Metalla reperiantur, five in Metallorum feparationibus, fufionibus, & præparationibus ab iis fegregentur.

METALLUM, μέταλλον (quafi $\mu\tau\alpha$ τὰ ἄλλα, vel quia inventa fint poft alia ad vitæ ufum neceffaria, ut *Eufthathio* vifum eft: vel, ut *Plinio*, quod ubicunque unum inventum eft, non procul inveniat & aliud.) ftrictiori fenfu acceptum, eft corpus perfectè miftum, non vivens, fed viventī æmulum; à Deo in venis creatum, ex terra fubtiliffima & halitibus pinguibus ex terra & aqua, per calorem miftis, ut inde Sulphureum & Mercuriale femen fiat, ex quo Metalla generari poffunt: quæ accedente Salino principio concrefcunt & indies incrementum fumunt, donec pura & perfectæ reddantur, igne fufilia, ictuque in longum & latum ductilia.

Dividuntur in genere in *Vera*, quæ rurfum vel *Perfecta* funt, vel *Imperfecta*; & *Spuria*, quæ in aliquibus ad Metallī veri naturam requifitis deficiunt. De quibus in fpecie.

Metallorum PERFECTORUM Classis.

PERFECTA Metalla dicuntur, quæ fubftantia & accidentibus funt absoluta, & ita fuis principiis temperata, ut ignis examina fine ullo detrimento fuftinere poffint, late diftendi ac dilatari, & facilè Mercurio conjungi. Hujufmodi funt

I. AURUM, (vel à veteri verbo, *aura*, quod *splendorem* notat; unde illud *Virgilii*, *Auri per ramos aura refulsit*: vel à Græco ὤρειν, *custodire*; quia præcipuè custoditur:) Gold. Quod est Metallorum omnium purissimum, perfectissimum, è Mercurio purissimo, perfectissimè excocto, & Sulphure rubro, præstantissimo & fixissimo exactè mistis & unitis constans: omnia ignis & aquarum fortium examina sustinens; ponderosissimum, maximè ductile, fulvo colore rutilans. Dividitur in

1. Απυρον; i. e. *ignem non expertum*, aliis *Obryzum* (seu, quasi ἄβρυτον, nitens; nam ἀβρύεσθαι est *nitescere*: seu quasi *Ophirifum*, ab *Ophir*, unde Salomoni, aliisque regibus Hebræis aurum advehebatur:) quod aut è terra effoditur, aut lavatur in rivulis, aut in animalibus reperitur. Quod è *terra effoditur*, aut sincerum & solidum est, aut scintillis lucentibus tinctum; quale est, quod lapidi Lazuli adhæret, aut lapidi fissili. In venis propriis, vel saxis splendore candidis inest, vel pyriti proprio, vel pyriti ferri, quandoque in glebis, quandoque in arenis reperitur & colligitur. Quod *lavatur ex rivulis* & aquis, quandoque formam granorum & massularum habet; quandoque ex nigris lapillis excoquitur, in quibus modò scintillarum, modo bractearum instar micat. In *Animalibus*, Piscibus nempe, *Truttis* & *Aurisequis*, inveniri quoque volunt.
2. Απεθρον, five ab *Argento separatum*; quod nonnulli volunt *Purificatum* dici, *Crown-Gold*, *Fine-Gold*, aut *Angel-Gold*.
3. *Argentofum*, seu λευγον, à calore candido appellatum; quale in *Pannonia* reperitur, quandoque in Pyrite ferri, quandoque in proprio saxo. Mirum quod refert *Alexander Neapolitanus*, *Gen. dierum. lib. 4.* se à fide dignis autoribus comperisse, in citeriore Germania intra Danubium vites existere, quæ claviculos & plerumque candicantia folia ex puro auro germinant, quæ Regibus & summis Ducibus dono data sunt. Quod confirmatur à *Sennerto*. Apud nos in *Anglia* Aurum eruitur ex *Stanno*, sed haud magna quantitate.

II. ARGENTUM, (à Græco ἀργεος, quod ἀπὸ τοῦ ἀργεῖ, à candore derivant; quia est percandidum:) Silber. Quod Metallum pariter perfectum est, Auro proximum, ex Mercurio & Sulphure firmè fixis constans, instar Auri ductile, pondere tamen eo, ut & plumbo, levius, ignis vim sentiens, & in eo nonnihil de sua substantia amittens. Dividitur in *Naturale*, quod purum putum est, & ita in venis repertum: & *Arte purgatum*, quod igne excoctum est, & ab omni materia aliena fornacum ope separatum.

Prius vel effoditur ex terra, & tum variis figuris præditum apparet, Ramosum nempe, Furcatum, Acuminatum, Crispatum, Asperum, Bracteatum, Capillare, &c. Quorum exempla aliquot in locupletissimo SOCIETATIS REGIÆ Rerum Naturalium Thesauro extant. Vel in fluminibus reperitur per montes & fodinas decurrentibus, ex quibus aliquid abradunt, quod deinde colligitur; sed hoc raro & paucis admodum in locis. Vel rude est, Metallis & aliis rebus permistum; & tum *Silber Ste* dicitur. Hoc differentias quasdam ratione Colorum admittit; de quibus consulatur *Agricola*. Hujus generis Argentum nos in *Britannia* habemus, ex mineris *Cambrobritannicis* depromptum; ex minera stannea majori quantitate, ex plumbea minori.

Metallorum IMPERFECTORUM Classis.

METALLA IMPERFECTA habentur, quorum principia non ita matura, bene excocta, fixa aut pura sunt; unde in ignis examine multum iis decedit, multum in Scorias, Vitra, Lapidés, aliaque impura corpora vertitur. Hæc vel *Dura* sunt, quæ prius igniuntur, quàm funduntur: vel *Mollia*, quæ è contrario funduntur, antequam igniuntur.

Prioris Generis sunt

Æs, (unde sic dicatur, minus evidens est. Nam alii derivant ab Hebræo *Esch*, quod ignem sonat, ob splendorem: unde *micantiæ æra*, & *ære renidente*, dixit *Maro*. Alii à Græco *ἄρης*, quod *ferum* notare videtur; unde antiquus rectus *aires* & κατὰ συνηγορίαν *æs*, ut à plebes plebs: quod vocabulum pro ære sumebatur, cum *area* arma solùm obtinerent.) Græcè χαλκόν; Latinorum quibusdam *Cuprum* (à nobilioribus ejus venis in *Cypro* olim inventis.) Anglicè *Coper*. Quod Metallum est imperfectum, durum, ex plurimo Sulphure rubeo, impuro & paucio Mercurio, nondum maturis & fixis genitum, colore rubicundo. Magnam cum Argento affinitatem habet, cui ut plurimum in mineris conjungitur; ita tamen ut faciliè ab eo per ignem separari possit. Hujus tria dantur Genera, viz.

I. *Nativum*,

1. *Nativum*, quod vel *purum putum* est, à Natura sola in terræ visceribus perfectum; quale in fodinis ærariis & argentariis reperitur; effoditur etiam varia figura, stiriarum scilicet; virgularum, globulorum, massulæ, &c. Vel *Rude* (*Brassæ Rude* dictum) in Pyrite, aut minera sua existens, & ut inde extrahatur excoctione indigens. Quod ratione coloris, consistentiæ, bonitatis & cocturæ; differentias varias sortitur. E Pyrite enim ut plurimum eruitur, aut Lapide scissili.
2. *Arte depuratum*, ab Argento & scoriis omnibus liberatum; quod coloris est purpurei, & sanguinei ad flavedinem tendentis, in laminas fusum. Aliud æris depurati genus est, quod in superficie nigricat.
3. *Artificiale & Compositum*, quod duplex est. (1.) *Orichalcum*, *ὀρείχαλκον* (i. e. æs montanum, ex *ὄρος* & *χαλκός*.) ex ære liquato & Cadmia, quam imbibit, confectum, Anglicè *Brass*. Quo autem modo, discas ab *Agricola lib. 9. cap. 1.* Hoc æris genus durum est, malleo tractabile, & in tenues laminas ductile; quæ felle tinctæ aurum referunt; & à *Plinio Coronarium* vocatur, quia Histriones coronis ex eo factis utebantur. (2.) *Album Æs*, quod Argentum ita æmulatur, ut flavum Aurum, à Græcis *ψευδαργύρεον* dictum. Arte conficitur modo à priori haud diverso, nisi quod loco Cadmiæ sumant Magnetem, aut Talcum. Alii cum Arsenico & Nitro idem præstant.

II. FERRUM, (seu quod *farra*, id est semina frugum, terræ condant, ut *Isidorus lib. 16. cap. 20.* ait: seu à *feriendo*, quod cætera eo *feriantur*, hoc est domentur; ut *Perottus* censet: seu à *feritate*; unde *Lucretius*,

*Hæc validas saxi radices, & fera ferri
Corpora constituunt.*

Græcis *Σίδηρος*; Angl. *Iron*. Quod duritie insignis est, ex paucis Mercurio & plurimo Sulphure constans fixo, diu ignitionem sustinens & tardè fusile, rubiginem contrahens facilè, colore livido albicante. Duum est Generum, viz.

1. *Nativum*, quod in fodinis purum reperitur, vel granorum, vel massæ instar.

2. *Excoctum*, quod in officinis ferrariis è minera conficitur, idque vario modo pro diversitate ipsius mineræ. Ex ferro sæpiùs li-

N n

quefacto

quefacto & repurgato fit *σόνωμα* Græcis, Latinis *Acies*, Anglis *Steel*: quod etiam quibusdam in locis à Natura procreatur, tumque *Chalybs* nominatur, à *Chalybibus*, Pontica seu Scythica natione, ad fluvium Thermodontem, quam id genus ferri durissimi mittere ait *Maro*, 1 *Georgic*. Utrumque genus, præsertim si aëri exponatur, seu alioquin humectetur, facile vitium contrahit, quod *Ferruginem* seu *Rubiginem*, Rust dicimus: à quo tamen diu præservatur, si Minio, Gypso, Bitumine, Pice liquida, vel Oleo à Sale defœcato obducatur. Reliqua de ferro vide sis apud *Ulyssæm Aldrovandum*, *Musæi Metallic. lib. 1. p. 135*. Nullibi gentium uberius reperitur hocce tam necessarium Metallum, quam in *Anglia*: ubi ipsum distinguunt Ferrarii in *Coldsel*, quod asperum & porosum est, ideoque magis fragile; & *Redsel*, quod optimum censeatur: & *Scoriam* ejus *Slagg* vocant.

Posterioris est

I. **PLUMBUM** (vel quasi *Pilumbum*, à *pila*; quod ex eo primum pilis factis maris altitudo tentata fuerit, ut *Isidoro* placuit *lib. 16. cap. 21*. vel à *πελός*, *niger*, ut *nigri* appellatio conveniat *plumbo nigro*: vel à *πυλός*, *lutum*, quia multum habet terrestre, unde & Belgis *Loet*, à *Lutum*.) Græce *μόλυβδος*, Angl. *Lead*. Quod distinguitur in

1. *Candidum*, alias *Stannum*, nobis *Tin* & *Pewter* dictum. Quod est Metallum imperfectum, molle, album, ex Mercurio copioso, minus fixo, & Sulphure albo impuro constans, Plumbo difficilius fusionem admittens, rubiginem vix contrahens, tinniens. Quanquam sui coloris in fodinis non reperiatur; purum tamen lapillis quibusdam, quos Germani *Zwitter* vocant; nos *Tin Stone*, & *Shoad*, adhæret; hique Lapilli modo nigri, modo flavi, modo candidi sunt, quandoque, sed perraro, etiam pellucidi. Purum quandoque angulos habet quatuor, quandoque quinque, sex; quandoque faviginem refert, quandoque botrum. Impurum vero & mixtum quandoque lapidi candidissimo adnascitur, permistis fluoribus coloris argentei: quandoque lapidi nigro, quod ubi sterile est, *Spuma Lupi* nominatur.

2. *Nigrum*, Græcis *μόλυβδος* proprie, *Common Lead*, & *Slagg Lead*. Hoc molle est, lividum, ponderosum, ignem diu non sustinens, tractantium manus nigredine inficiens, ex multo Mercurio crudo, & Sulphure impuro & foetido genitum. Sunt, qui velint, in humidis locis sepultum crescere, & pondere augeri; ut & imbribus

bribus in tectis plumbeis. Magis mirum verò, quod in fornace ut-
stum pulvis ejus pondere augeatur, sed rursus fustum & in plumbum
reductum minuatur. Vel Nativum effoditur, vel ex lapide exco-
quitur.

Utriusque; Generis insignem habemus copiam in *Anglia*. Ubi
Stannum à Metallurgis distinguitur in tria genera, *Pyan* scilicet,
Pundick, & *Block-Tin*.

Metallis A F F I N I U M Classis.

Metallis *AFFINIA* dicuntur ea, quæ magnam quidem ha-
bent cum veris Metallis affinitatem, si ortum & generati-
onis modum ac locum respicias; quibusdam tamen proprietatibus
ab iisdem differunt, nempe non ductilia aut malleabilia sunt, sed
frangibilia, friabilia aut fluida. Cujus sortis censentur

I. *BISMUTHUM*, Cæsalpino *Marchasita Argentea*; Germanis
Wismut & *Conterfett*; nobis *Tin-Glass* dictum. Quod sui generis
Metallum videtur, ab utroque Plumbo colore & duritie differens;
nitens quandoque Argenti colore, interdum purpureo diluto; quo-
ad figuram, *Stybio* seu *Antimonio* haud ab simile; Stellatum *Anti-*
moni Regulum exacte referens. Minera unde conflatur, similis est
Galena, sed manus inficit, quod *Galena* non facit. Reperitur &
solidum, quod sectionem admittit, nec diffilit, ut *Galena*. In
Anglia & *Misnia* invenitur in venis Argentariis. *Metallarii* Plum-
bo candido admiscent, ut majorem & splendorem & duritiem ei
concilient, utque liquefactum melius decurrat. Conficiunt quo-
que ex eo varii generis vasa, quæ *Argentum* colore tenus æmulen-
tur. *Beguinus* in suo *Tyrocinio Chymico*, ex eo fucum elaborat, ad
cutim dealbandam.

II. *ANTIMONIUM*, quibusdam, *Stimmi*, *Stibium*; Veteribus,
Discoride teste, *Platyophthalmon*; Plinio *Larbasson* & *Alabastrum*;
nobis *Antimony* & *Stibium*. Quod constare videtur substantia mi-
nerali combustibili, & Mercurio fuliginoso, ex terrestri quadam
materia coagulato. Ejus minera, ut aliorum Metallorum, in mon-
tibus reperitur, indeque variis operationibus extrahitur. In *Ita-*
lia in tractu *Sinenfi* ejus fodinæ sunt; In *Ungaria* optimum eruitur;
item in *Germania*, *Bohemia* & alibi. *Usus* ejus magnus est apud
Stannurgos, Speculorum *Chalybeatorum* confectores, campana-

rum, globorum bellicorum, typorumque Typographicorum fufores. *Chymici* quoque ex eo varia conficiunt Medicamenta; Vitrum fcilicet, Regulum, Sulphur, Flores, Tincturam, Olea, Pulveres, sexcenta alia. In *Anglia* ex mineris plumbeis eruitur.

III. ARGENTUM VIVUM, Græcis *ὕδραργυρος*, id est Argentum aqueum feu fluidum; Theophrasto *ἄργυρον χυτὶν*; Aristoteli *ἄργυρον κινητὸν*; *Quick-Silber* & *Mercury*. Quod est liquor mineralis, ex aqua metallica vifcida, & terra fulphurea conftans, fpirituofus, volatilis, ad contactum frigidus, fed vi calida præditus, ponderofus, coloris argentei, inftar aquæ fluidus, fed manus non madefaciens. Eft vero vel

1. *Nativum* & foffile; quod in propriis venis reperitur, aut etiam in vena *Schifti* feu *Hematitidis*.
2. *Factitium*, ex *Minio* feu *Cinnabari* nativo elaboratum. Hoc autem *Minium* vel purum eft, quale in *Haffia* prope *Marpurgum* è fodinis plumbeis extrahitur: vel Lapidibus permifcetur, quandoque in lapide *fciffili* cinereo, bractearum modo, concretum; quandoque in lapide *Metallico* candidiffimo.

Ufus ejus apud Artifices permagnus eft; eo *Aurifices* ad vafa deauranda, & Aurum ab Argento feperandum, ad fpeculorum confectiorem, ad Aurum moliendum, & infinita alia utuntur. *Chymici* eo carere nequeunt, quibus pro Panchrefto infervit. Unde variis modis *Mercurium* fuum mangonizant; præcipitando, calcinando, fublimando, figendo, in oleum, aquam, pulverem, fpiritum, & nefcio quid non eum redigendo.

Præter hæc tria, (quæ ad Metallorum naturam propius accedunt, ideoque à quibufdam ad Metallorum improprie fic dictorum claffem referuntur) dantur & *alia Metallis Affinia*; utpote quæ vel in venis Metallicis inveniuntur, & quandoque in fe quidpiam veri Metallum continent; vel ex impuris Metallis, dum purgantur, aut etiam puris ipsis, dum corrumpuntur, fiunt. Hujufmodi alia *Naturalia* funt, alia *Arte* elaborata.

Naturalia vocamus, quæ in fodinis inveniuntur, fine Artis ope ab ipfamet Natura jam confecta. Ut,

I. GALENA, (forte à *γαλεῖν*, *ſplendere*; quod inftar Argenti venæ ſplendeat,) ex qua metalla excoquuntur; vel Plumbum ſolum, & tum *Plumbago* proprie dicitur, Anglice *Lead-Ore*; vel & Plum-

Plumbum & Argentum, & tum *Galena* audit. Hæc duplex est,

1. *Nativa* seu fossilis, Germanicè *Glans* dicta; cujus variæ species sunt, ab *Agricola* & *Ol. Wormio* luculenter descriptæ;
2. *Factitia*, quæ fit fornacum ope. Nam Auri & Argenti fornacibus adhærere solet, & hoc differt à *Nativa*, quod in pulverem etiam comminuta, Emplastrisque ita addita, fundi & liquari nequeat; *Nativa* verò facilè. Quamobrem usum habet in Metallis fundendis. *Dioscorides* Emplastris minimè mordentibus miscet: & *Galenus* vim *Lythargyro* similem ei adscribit.

II. *CADMI*A, (à *Cadmo Tyrio*, qui Auri metalla, eorumque fufuram invenisse dicitur; ita *Agricola de Metal. lib. 1. cap. 4.*) quæ triplex est, viz.

1. *Fossilis*, alias *Lapis Calaminaris*, Anglicè *Calamie*. Quæ sublutei coloris est, lapidis mollioris, aut terræ durioris naturam referens, & cremata fumum luteum præbens. Quæ de causa ea utuntur ad *Æs* colore aureo tingendum, ut fiat *Orichalcum*. Reperitur in inferiori *Germania*, inter *Coloniâ Agrippiniam* & *Aquisgranum*; item in ferrariis *Saverlandiæ* & alibi.
2. *Metallica*, Plinio *Lapis Aërosus*, & nobis similiter *Wrasstone*, aut *Wras Ore*; quia ex eo fiat *Æs*, quamvis non solum *Æs*, sed & *Argentum*, imo utrumque quandoque in eo reperitur. Variis figuris concrefcit; est enim alia *Uvæ* similis, alia testæ, alia crustacea; colore nigro, fusco, aut cinereo. Vi erodendi tam valida pollet, ut sæpe nudas fossorum manus & pedes erodat: omni animantium generi venenum est lethale; unde vulgò ea mures, forices, glires, muscas, &c. interficiunt. *Chymici* ex ea corpus nigrum, fuscum aut cinereum sublimant, quod *sublimatam* vocant *Cadmiam*. Apud nos ex montibus *Mendipensibus* copiose eruitur.
3. *Fornacum*, de qua insequentibus.

III. *CHRYSOCOLLA*, (quasi *Auri Gluten*; quod ad Aurum glutinandum ejus sit usus,) Germanis *Stein-grun*, *Stiffer-grun*, *Berch-grun*; Aurifabris nostris *Bozace*, aut *Gold-Soder*. Quæ duplex est, viz.

1. *Nativa*, quæ ab ipsa gignitur *Natura* in fibris & cavernis, & reperitur quandoque arenæ similis, quandoque materia Metallica ei adhæret. Effoditur jam in *Hungaria*, *Bohemia*, *Goldbergæ* in *Silesia*, & alibi. Hæc semper viridis est; alia ad fatietatem

tatem, & quo magis ad Smaragdi accedit viriditatem, eo melior æstimatur: alia dilutè viret, quæ vilissima: alia medio modo se habet.

2. *Faëtitia*, quæ conficitur velex Nativa dura, tingiturque lutea herba, ob id Herbacea & ὁρβίνη dicta, quæ Nativa preciosior habetur, cujus præparationem tradit *Plinius lib. 33. cap. 5.* In usum Pictorum (qui eam *Verditer* vocant) potissimum cedit. Vel ex Cypria ærugine, urina pueri impuberis, & Nitro.

IV. *SPODOS Subterranea*, aliàs *Spodium*, nomine à *Mauris* translatio; Soot of *Brass*. Quam fieri vult *Agricola*, cum ignis, quo Metallici duritiem saxorum rumpunt in cryptis, cuniculis, puteis; aut occulta terræ incendia urunt vel Cadmiam, vel Pyritem, vel Plumbum, vel aliud quid simile. *Serapio*, qui ejus primus meminit, tres species proponit, albam, viridem, luteam rubore aspersam. Exsiccat, abstergit quandoque sine morfu, quandoque vero adeo exedit, ut si in cutim scabiosam aut exulceratam incidat, ad ossa usque carnes erodat, sine aliquo insigni dolore; quod de *Albergia* refert *Agricola*.

V. *PYRITES* (ita dictus, vel quod ex eo ignis excutiat; vel quod ignei sit coloris) Arabibus *Marcasita* & *Zeg nigrum*; aliis *Lapis Luminis*, & *Marcasita Cuperosa*; item *Lapis Aerarius*, (quod in Aeris fodinis copiose invenitur,) *Fire-stone*, & *Marchasite*, & *Coper-stone*. Purus lapis non est, sed aut Metallum, aut alterius cujusdam materiæ quippiam in se continet. Species ejus variæ recensentur; viz. *Pyrites* (1,) *Argentei coloris*; (2,) *Aurei coloris*, majoribus constans granis; (3,) *Aureus Tessellatus*, ex variarum figurarum politis constans tessulis, nunc majoribus, nunc minoribus, maxima ex parte quadratis; (4,) *Aureus Granulatus*, granis constans inæqualibus, angularibus, aureis, quibus quiddam cœrulei est admixtum; (5,) *Ex auro & Argento mistus*, granis majoribus; (6,) *Cinereus*, cum Marmoris albi & grisei frustulis interspersis; (7,) *Varius*, solidiori constans materia, in quo cernere licet flavedinem Auri, candorem Argenti, rubedinem Aeris, nigredinem Ferri, purpureum præterea, cœlestinum, aliosque colores tanta varietate inter se mistos, ut lusum Naturæ in coloribus miscendis mirari satis non queamus. Horum omnium generum *Pyrites* apud nos in *Anglia*, maxime in littore Orientali, copiose inveniuntur.

VI. *SAXA METALLARIA*, ex quibus Metalla excoquuntur; in specie (1,) *Fissile*, Germanis *der stifter*, nobis *Slate* dictum; coloris cœrulei, aliquando nigrius, aliquando albidius. (2,) *Quartzum*,

zum, cui Auri scintillæ quandoque adhærent. (3,) *Spatum*; Angl. *Spat*, quod politius & durius est cæteris, inde nonnullis *Marmor Metallare* vocatum, & *Silver-Spat*. (4,) *Corneum*, *Horn-stone*; aut *Horn-spat*, quod durissimum, colorem cornu referens, & partibus contans adeo continuatis, ut unam ab altera discernere quis nequeat. (5,) *Arenosum*, *Sand-stone*, ex quibus, ubi conspicuæ sunt magnitudinis, Molæ (*Mill-stones*) fiunt.

VII. *MICA*, Corpus Metallicum; Argento simile; quod in Marmoribus & Saxis Arenosis lucet, ut & in lapidibus, sed ex iis separari nequit: nostrates *Glimmer* & *Cat-Silver* vocant.

Artificialia, sive quæ ex enumeratis Ars elicit, dum priora tractat & perficit, sunt

I. *COERULEUM*, the *Blew rust of Silver*. Quod ex Argento fit duplici modo, ab *Agricola de nat. Fossil. lib. 9. cap. 17.* descritto.

II. *ÆRUGO*, *Æs Viride*, *Verdigrease*; quæ ex *Ære* & *Aceto* præparatur: & est vel

1. *Rasilis* (quia ab ære, Aceti vapore per aliquot dies infecto, abraditur.) Græcis in specie *ἰὼν ξυστόν* nominata.
2. *Vermicularis* (quia ad similitudinem Vermiculorum coacta est,) vel *Fossilis*, quæ sponte adnascitur lapidi *Ærario*, vel *Artificialis*; quæ fit ex *Ære*, *Aceto* acerrimo, *Alumine* & *Sale*; addita quandoque *Urina*. Modum pluribus declarat *Agricola*. Hæc à quibusdam nominatur *Solecia*.
3. *Santerna*, quibusdam *Chrysocolla Fastitia*, *Artificial Bozar*, aut *Goldsober*. Quæ conficitur, cum in Mortariis ex *Ære Cyprio*, infunditur *Urina* pueri, & pistillo ex eodem ære facto circumagitur. Ex his *Æruginis* speciebus, sola *Rasilis* jam in usu est. Præter usum quem Pictoribus præstat, in arte Medica locum *Æris* usti supplet; sed acrior & efficacior est.

III. *FERRUGO*, the *Rust of Iron*; quæ variis modis conficitur; optime vero cum *Scobs Chalybis puriss.* (*Filings of Steel*) aceto acerrimo immergitur, ut acetum supermineat quatuor digitis: tum flosejus ascendit & olei modo aceto innatat; hic per interval- la colligitur & exsiccat ad *Usum Medicos*.

IV. *CROCUS MARTIS*, qui variis etiam perficitur modis; vel per *Reverberationem*, vel per vaporum ex rebus & liquoribus erodentibus exhalationem; de quibus consule *Sennertum Institut. Medic. lib. 5. part. 3. Sect. 3. cap. 15.*

V. CERUSSA, Græcis *ϕιμύθιον*, *Ceruss*, aut *White-lead*: Quæ est Plumbi rubigo, & paratur eodem fermè modo, quo *Ærugo*; laminis Plumbi nigri super vaporem Aceti Appensis, donec plane fuerint corrosæ. Vim habet refrigerandi, exterius applicata, & candorem faciei conciliat: sed intra admissa, lethalis est. Datur etiam *Cerussa Cinerea*, quam quidam *Cinerem Plumbarium* vocant; quæ fit, cum *Cerussa* trita in ollam novam conjicitur, & rudiculis continenter movetur, donec cineris colorem acquisiverit; tumque exempta refrigeratur.

VI. MINIMUM, *Cinnabaris*, *Σάνδνα*, aliis *φύρον*, (ab Hebræico *Phuk*, quod *Stibium* notat; unde Latinum *Fucus*) Plinio *Sandice*; Vitruvio *Sandaracha*; Angl. *Cinnaber*, aut *Red-Lead*. Ex *Cerussa* fit in patina super ignem locata & usta, quæ rudicula continue agitatur, donec colorem Minii acquisiverit. Pictores ad colorem rubrum inducendum eo utuntur: in Medicina quoque ejus usus est haud rarus.

VII. BIANCA *Alexandrina*, seu *Album* Hispaniæ, *Spanish Paint for Ladies*. Ita ex Plumbo albo seu Stanno conficitur, ut *Cerussa* ex Plumbo nigro. Usus præcipuus est ad fæminarum fucos; cutim enim dealbat & candidam reddit.

VIII. FLOS ÆRIS, *Brass-flower*. Constat ex minutis Æris granulis, Milii specie, à reliquo ejus corpore resultantibus, cum fervens *Æs* aqua extinguitur. Græcis *ἀνθρ. χαλκῆ* vocatur. Optimus censetur, qui facile teri potest in pulverem rufescentem, & modice splendentem. *Collyriis* mistus palpebrarum asperitates & ficus tollit.

IX. SQUAMA ÆRIS, Græce *λεπίς*, *Brass-scales* aut *Cinders*. Malleorum nempe ictibus decutitur, ubi æs elaboratur. Optima censetur crassa, æris modo rubens; quæ cum Aceto aspergitur, æruginem ducit. Viribus & usibus cum Flore convenit. Hodie *Medici* *Æruginem* contenti sunt, & reliqua raro in usum admittunt.

X. SQUAMA FERRI & CHALYBIS, *Smiths Cinders*: quæ pari modo ictibus excutitur ferro & chalybe candenti. Plinius *Στόμωμα* vocat. Majorem obtinet adstrictionem, quàm Squama Æris, & ad contumacia ulcera vim habet insignem.

XI. SCORIA, Græcis *Σκωρία*, *Recrementum*; Germanicè *Slacken*; nobis *Dross*. Quod purgamentum est venæ metallicæ, in fornace excoctæ; & cum Metallum in catinum defluerit, de eo detrahitur. Supernatat hæc Metallo olei modo, tenax & lenta quamdiu fusa est; frigefacta autem congelatur, & fragilis redditur, ut vitrum. Fit ex venis Auri, Argenti, Æris, Ferri, Plumbi utriusque: & Metallarii eadem utuntur ad venas agrestiores citius fundendas.

XII. LAPI-

XII. LAPIDIS ORBES, qui post scorias extrahuntur ex catino; five sub ipsis sit Metallum, five non, plerumque aliquid Metalli in se continent.

XIII. DIPHRYGES, quasi *bis tostum*, corpus Metallicum; Germanis *Butter-ofenbruch*, quoniam in fundo fornacum reperiri solet; the *Scurf or Refuse of Metals remaining in the bottom of the melting-pans*. Quatuor ejus constituuntur genera, quæ omnia constant lapide Aëroso torrefacto, cremato aut excocto. Ulceribus rebellibus accommodatum præbet medicamentum.

XIV. VITRUM, *Glass*; quod ad scorias referunt plerique, ob substantiæ & fusionis similitudinem; & quia cum fustum est, trahitur instar visci, refrigeratum autem fragile redditur. Hujus Recrementum, *FEL VITRI*, *Glass-gall*, aut *Sandever* dicitur: quod Artifices ad Argenti scobem, cum ex ea massam conflare volunt, addunt, ut citius igne lique scat.

XV. CADMIA FORNACUM, quæ fit ex Pyrite & Cadmia Metallica fossili. Ejus quatuor inveniuntur species, quas optimè descripsit Ol. Wormius, *Musæi sui pag. 134.*

XVI. POMPHOLYX, (*ἀ πομφολυγῆν*, *ad modum bullæ tumere*; quia dum excoquitur, in bullas tumet,) quæ differt à Cadmia, eo quod non in solidum corpus condensetur, sed tenuis farinæ instar fornacum parietibus adhæreat. Fit autem ex eadem prorsus materia; cum AëS ex lapidis partibus excoquitur torrefactis, aut cum separaturn ab Argento in sui generis formam perficitur; tum favilla sursum fertur & evolat in superiorem domicilii partem, adhærens ejus parietibus & tecti laqueario; quæ primum in bullas ut aqua tumet, mox majore accedente incremento lanarum penicillis assimilatur, quandoque ærei coloris, quandoque cinerea, qualis vulgo in officinis prostat. Hoc pacto sponte sublimatur; sed quomodo cum cura & de industria præparetur fusius vide apud *Agricolam*. Usum ejus præcipuus est in Cancrosis & Malignis Ulceribus: additur tamen nonnunquam Collyriis, quæ oculorum fluxionibus, pustulisque *φλυκταῖναι* dictis adhibentur.

XVII. SPODOS *Fæstitia*; quibusdam *Cinerula*; Germanis *Butten-rauch*; quæ eo tantum à Pompholyge differt, quod gravior sit, cinerea, aut lutea, partim adhærens fornacum lateribus, partim decidens in solum, unde aut de lateribus abraditur, aut in terra converritur. Easdem quoque quas Pompholyx vires obtinet; sed non adeo tenuium est partium.

XVIII. LITHARGYROS, *Lapis Argenti*; Latinis *Spuma Argenti*; rectius, judice *Agricola*, *Spuma* aut *lapis Plumbi*; quia ex eo, non vero ex Argento conficitur: Germanis *Glett* aut *Silver-glett*; Anglis *Litharge*, aut *Silver-glett*. Fit ex Plumbo diutius in fornacibus cocto, donec convertatur in substantiam quandam olei mo-

do liquidam, quæ frigefacta concrefcit in fimilitudinem Spumæ. Hoc autem contingit, cum Argentum Plumbo miftum, purgatur in fecundis fornacibus; unde nomen fuum contraxit. Modi autem, quibus fiat, plurimi funt; omnes ex *Agricola* difcendi. Duum generum eft; coloribus faltem differentiam conflituentibus. Una *Chryfitis*, quæ fulva eft, aurei quafi coloris, *Litharge of Gold* proinde dicta: altera *Argyritis*, candida, ad Argenti colorem accedens, eaque de caufa *Litharge of Silver* nominata, quæ præfertur Chryfiti. In modo concretionis etiam differentia quædam obfervatur; aut enim folida eft, Græcis *Stereotida*; aut Inflata, *Pneomene* dicta. Commendatur in primis ad Intertrigines, exficcando enim cutim reftituit.

XIX. PLUMBAGO, Græcis *Μολύβδαινα*, à *Plumbo* appellati-
one fumpta. Fit enim ex Plumbo: fed non unius coloris eft, fu-
prema quippe ejus pars ad Lithargyrium accedit, infima cinereum,
media ex utrifque mifta. Suprema reliquis præfertur. Vim habet
Spumæ Argenti, aut Recremento Plumbi fimilem. Si ad manus
non fit, *Lithargyros* ejus loco fubftitui commode poteft. Sed ni-
mis jam multa, pro inflituto noftro, de Foffilibus.

XX. Coronidis tamen loco, ut Pictoribus & Statuariis (five
πλάτται fint, five *γυφοχόοι*, five *λιθοξόοι*, five ex ligno defecto-
res: horum quippe omnium rem perfpexit habere intereft:) ar-
canum, quo inter Chymica nil reconditius, patefaciendo, qua-
dantenus gratificarer; addere libuit AURUM MUSICUM, quod a-
liis *Mufivum*, vulgo *Mofaicum* dicitur; forte ex eo, quod fimilitu-
dinem quandam habere videatur cum eo Auri factitii genere, quo
Veteres Mufearii utebantur in operibus fuis Mufivis, hoc eft, pa-
vimentis & lacunaribus; quæ ex variis lapillis tefsellulatis five qua-
dratis, in pifcium, quadrupedum, Satyrorum, aliarumque re-
rum effigies emendate & graphicoteræ difpofitis & coagmentatis
conftabant: quorum hodie etiam nonnulla, fed temporis injurias
perpeffa, fupervunt exempla. Unum oftenditur juxta *Cumas* Italiæ,
in antro *Sibyllæ* dicto: Alterum Romæ, inter *Neronis* palatii aurei
reliquias. Nos etiam ejufmodi opere Mufivo superbimus; eo ni-
mirum, quo Nobiliffimum illud *Edvardi Confefforis* monumentum
Sepulchrale, in magnificentiffimo templo Weltmonafterienfi ex-
tans, elegantiffime exornatur. Sed, ne longius ab inflituto di-
grediar, *Aurum* hoc *Muficum* hujufmodi artificio præparatur.

R. *Stanni* illius generis, quod Stannariis noftris *Block-Tin* voca-
tur, libram unam. In catino liquefiat; illique, dum adhuc in
fufione eft, fenfim addantur primo *Mercurii* crudi libræ duæ, de-
inde *Salis Ammoniaci* libra una, & poft paucula temporis momen-
ta, *Sulphuris* communis tantundem: fpatula lignea leviter agitan-
do, ut arctius confociantur. Tum ab igne remota, terantur fimul
super

super laminam marmoream, & in pulverem tenuissimum ac lævissimum laboriose redigantur. Qui in vas fictile vel vitreum, sublimationi accommodatum, & capite cæco, (ut vocant Chymici) in cuius tamen vertice foramen exiguum, nempe apicis digiti minimi capax, factum est, instructum, immissus in fornace sublimatoria collocetur: & succensis carbonibus urgeatur, donec bona mixturæ pars vaporum specie exhalaverit: interim prospiciendo, ne dictum foramen exhalationum agmine plane obstruatur. Cesante fumo, subtrahatur ignis, & postquam omnia sponte refrixerint, auferatur caput. His rite peractis, collo vasis circumcirca, annulli in modum, adhærentem videbis florem quendam aurei coloris, & butyri instar mollem: qui exemptus: & à Mercurii crudi una ascendentibus particulis quibuscunque separatus, est verum *Aurum Musicum*. Quo πλαται potissimum utuntur, ut ex gypso argillave effictis Magnatum statuis colorem *Æris* vel *Orichalci* æmulum inducant.

Quod ut melius præstent, statuas primo oblinunt pigmento quodam, ex *Umbriae* & *Ochræ lutææ* partibus æqualibus, lævigatione in pollinem redactis, oleoque puro probe contemperatis, confecto: eique jam pene exsiccatō & alterum deinde superinungunt, quod ex *Auri Musivi* polline, & pinguiori oleo *seminum Lini*, radiis solaribus prius clarificato, commixtis, & in marmore diuturna circumactione contritis, constat. Si vero *Cupri* colorem Paradigmatis suis Gypseis inducere constituent; tunc priori pigmento admiscunt dimidiam proportionem *Ochræ rubræ*, cum *Cinnabaris* vel *Minii* paulillo. Sin *Æris* jam veterascentis atque ad viriditatem in superficie inclinantis color (qualem in æneis antiquorum statuis, & vetustioribus tormentis bellicis cernimus) gratior videatur: tum *Ochræ rubræ*, & *Minii* loco, *Æris viridis* tantillum substituunt. Hocque pacto alterutrum è dictis Metallis tam affabre mentiuntur, ut sic coloratas statuas, non ex Gypso Argillave in proplasmate siccata, sed ex solido ære vel Orichalco arte fusoria effictas esse, haud immerito crederes. Hanc Colorationem (qua uulla alia aut oculis magis grata, aut æris injuriis obnoxia, eis, qui in arte plastica versantur, hætenus innotuit,) nostrates *Βλουντίν* vocant.

APPENDICULA

DE

Colorum differentiis & nominibus,

Deque

Pilorum Plumarumque Coloribus.

Qq

APPENDIX

OF

COINTELLIGENCE & CONSPIRACY

IN

THE UNITED STATES OF AMERICA

OF

A P P E N D I C U L A

D E

Colorum differentiis & nominibus ;

Deque

Pilorum Plumarumque coloribus.

B R E V I A R I U M A P P E N D I C U L Æ

S E C T. I.

1. **G**eneralis colorum genealogia. 2. Unde fit, ut tanta sit colorum varietas. 3. Quare perarduum sit, aut omnes enumerare colorum species, aut suum cuique nomen assignare. 4. Esse Autoris in hac appendicula consilium, non omnes, sed præcipuos tantum, & quibus Antiqui distincta imposuere nomina, colores percensere. 5. Rejicitur vulgaris colorum in primarios & secundarios divisio: & 6. Rectior ejus in locum substituitur. 7. Albi coloris ratio formalis, & graduales differentiae. 8. Nigri generatio & species. 9. Flavi natura & tribules. 10. Origo Rubri, ejusque familia. 11. Cærulei prosapia & tribus. 12. Compositorum colorum primordia. 13. Viridis parentes ac discrimina. 14. Purpurei genera. 15. Griseus cum affinibus suis censetur: & 16. Fuscus cum suis. 17. Badius, ejusque congenere. 18. Conclusio Sectionis primæ.

S E C T.

1. **Q**ui colores à natura pilis denegentur. 2. Quantum sit similitudinis pilos inter & plantas. 3. Quantumque dissimilitudinis. 4. Referuntur pili ad classem Epiphytōn. 5. Unde, à quo, & quomodo pili generentur. 6. Pilorum in congenitos & postgenitos divisionem homini potius competere, quam brutis. 7. In brutis color pilorum fere sequitur cuticulæ colorem; præsertim in Scutulatis. 8. Quinam colores pilis conveniant: eorumque series. 9. Cur quatuor elegantissimi colores, viridis nempe, cæruleus, purpureus, & sanguineus, pilorum naturæ disconveniant. 10. Cur isti colores tamen avium plumis familiares sint. ¶

S E C T I O I.

1. **G**Ratissimum illud naturæ phænomenon, quod *Colorem* vocamus, & in cujus propemodum infinita varietate mundi hujus adspectabilis pulcritudo potissimum consistit, à Platone (quem omnis & Græca & Latina vetustas Homerum & Oceanum Philosophorum jure meritoque appellavit) in genere ita definitur, in *Menone*, χρῶμα ἢ χροὰ ἐστίν, inquit, ἀπορροὴν σχημάτων ὅφει σύμμετρος καὶ αἰσθητός: *Color est defluxio quædam de figuris rerum oculis consentanea & exposita.* Et rectissime quidem; saltem si per ἀπορροὴν σχημάτων, solius *luminis* de objecto visibili defluxio intelligatur. Non enim ex ipso corpore opaco, quod intuemur, ulla istiusmodi effluvia, quæ ipsius figuram visui repærlentent, ejaculantur; quemadmodum *Epicurus* ejusque sectatores precario statuere: sed solum *luminis* in illud incidentis, & ab ejusdem superficie physica, post determinatam quandam perturbationem seu modificationem, resilientis in oculi pupillam radii, nervi optici delicatissimas fibrillas in retinæ tunicæ expansionem mire contextas, blande atque congruenter feriendo commovendoque, sensorium afficiunt; motu illo, quem sic impresserunt, per tensum nervi funiculum, introrsum ad principis facultatis tribunal in cerebri meditullio erectum, continuo delato.

2. Sicut vero corpuscula illa, seu corpusculorum moleculæ, ex quibus hujus vel illius objecti visibilis superficies conflatur, sui magnitudine, figura, ordine, contextura, & nonnunquam etiam motu variant: ita pariter & in eam impingentis luminis radiorum cum refractionem tum reflexionem variari, necessum est; & per consequens æque necessarium, ut motus quoque in sensorium impressus, pro varia ipsum excitantis luminis modificatione, diversificetur.

3. Ex ista ergo luminis refractionum reflexionumque varietate, quæ superficierum in rebus visui expositis varietati semper respondet, ideoque numero incomprehensibilis est; ingens illa, quam in amœnissimo Mundi hujus theatro cernimus & admiramur, diversitas colorum videtur resultare. Hincque plura sunt (*Favorini* apud *Agellium Noët. Atticar. lib. 2. cap. 6.* loquentis verba recito) “in sensibus oculorum, quam in verbis vocibusque colorum discrimina”: nec minus arduum videtur, varias eorum differentias & gradus ad calculos redigere, quam cum *Archimede* numerum definire

(R r)

arena-

arenarum globi hujus Terraquei molem constituentium. Hinc etiam factum est, ut vel inter præstantissimos naturæ consultos, de colorum distinctione ac propriis nominibus, quibus singuli in unoquoque eorum genere distinctim observati, à cæteris omnibus dignosci debeant, disputantes tanta exoritur opinionum dissentio; ut plane ἀδύνατον sit eas ad concordiam revocare; & quis color hoc vel illo nomine demum intelligendus veniat, determinare perarduum; maxime ubi plura synonyma rebus, quoad apparentiam quidem affinibus, revera tamen (vel ipsomet sensu iudice) ab invicem discrepantibus adhuc spissiore confusionis umbram fecerint. Adhæc, adeo nobis incerti sunt uniuscujusque vel ex præcipuorum numero coloris termini seu limites, ut perpauca ex illis reperiantur, quos ita verbis liceat definire, ut vel *Apelles* ipse aut *Parrhasius*, ex descriptione data, eos vivis coloribus exprimere sciat.

4. Non est igitur, *Cordate Lector*, quod à nobis hoc in loco, aut accuratam expectes χρωματολογίαν; aut eorum qui in uniuscujusque ex palmariis coloribus latitudine occurrunt, graduum scalam desideres. Hanc enim summa cum laude immortalis noster *Glissonius* dudum jam administravit provinciam, in opere suo docto Jupiter & laborioso *de Ventric. & Intestinis cap. 9.* Et nostro equidem sufficiet instituto, si in tanta colorum immensitate, eos præcipue ad genera sua, hisque subordinatas species retulero, quos, ut cæteris conspectiores, antiqui dignos existimavere, qui distinctionis ergo propriis nominibus insignirentur. Id quippe mihi superest negotii ad opusculi hujus complementum, ut varias colorum differentias & nomina, quorum supra, in Animalibus præsertim ac Fossilibus ad ipsius naturæ veritatem describendis, fui mentionem facere coactus, Anglico idiomate aggrediar interpretari: hocque in juventutis, nostræ potissimum, harum rerum studiosæ gratiam; ne scilicet nomenclatorum & Lexicographorum vulgariū erroribus implicati, uspiam de vero animi mei sensu defleant, qui ob Latini sermonis inscitiam, ambigua & sæpe infida istorum oracula consulere adducuntur. Horum itaque in Latio peregrinitati ut, quantum par est, subsidium præstam; Ονομαστικὸν χρωματικὸν paucissimis comprehensum, appendicis loco, subjungam.

Cæterum, ut rationes quibus, velut fundamentis, genuinæ colorum *differentiæ*, quas in medium allaturi sumus, superexstruantur, facilius intelligantur; æquum est & conveniens, ut paucula ad earum & claritatem & sanctionem conducentia præmittamus.

5. Observandum igitur, colores omnes à vulgo Philosophorum haud satis recte in *primarios* distingui, & *secundarios* ex primariorum varia commistione resultantes. Nam, ut solertissime promore suo observat *Cl. Glissonius*, unumquemque è *secundariis* live

(ut ab elegantissimo *Tardino*, de *Pilis animal. cap. 3.* & aliis dicuntur) *intermedius*, pallidum scilicet, rufum, flavum & rubrum, tam ab albedine quam à nigredine, non gradu tantum, sed etiam specie, differre certissimum est. Etenim à maxime diluta nigredine, quæ vix discerni possit ab albedine pura, possumus gradatim plus nigredinis admiscendo minuiq; albedinis, pertransire omnes gradus inter albedinem & nigredinem assignabiles, demumque ad ipsa confinia coloris absolute nigri pervenire; & interim non percurrere dictos intermedios colores specie distinctos: quod impossibile foret, si ii ex mera albedinis & nigredinis mixtura emergent. Supponitur enim hic, omnes gradus mixturæ simplicis albedinis cum simplici nigredine percurri; & consequenter necesse est, ut omnes intermedii colores ex illis solis conflati una percurrantur. Verum vel exinde, quod (sive sensim diluendo nigredinem, sive albedinem intendendo) ex sola mixtura istorum duorum, quos *primarios* vocant, nunquam pervenire possumus ad flavedinem, aut rubedinem, aut fortasse ad verum cœruleum colorem; manifestum est, eos ex sola albedine ac nigredine commixtis non constare; sed aliunde exoriri.

Undenam? inquires. Indubie, medii illi colores suam quisque de proprio adferunt tincturam, quam nec albedo nec nigredo è suo penu sufficere queunt. Si amplius adhuc quæres, quid intelligi per illam *tincturam* velimus; respondemus cum *Glissonio*, modificationem quandam luminis, sed diversi plane generis ab illis modificationibus, quæ albedini & nigredini competunt. Qualis vero sit ista luminis *modificatio*, unde huiusmodi exsurgat tinctura; idem excellentissimus *Autor* disertissimis his explicuit verbis. "Duobus, *inquit*, modis hæc modificatio fit, vel reflexione, vel "infractione. Quamvis enim albedo & nigredo à corpore tantum opaco, & per viam reflexionis emanare possint; intermedii "tamen colores, nempe obliqui modo memorati, non tantum ab "opaco corpore reflecti, sed & per infractionem luminis à corpore "diaphano produci queunt: ut coloribus iridis, prismatis, iisque "ex lumine transmissis per vitrum coloratum factis, constat. Sed hæc ex iis, quæ de singulorum colorum ratione ac genesi mox dicenda venient, uberiolem accipient lucem. Interim ex jam dictis luce meridiana clarius est, intermedios colores non ex varia extremorum confusione ortum suum ducere: & consequenter illos ab his non tantum gradu, sed & specie discrepare.

6. Diruto hunc ad modum vulgaris colorum divisionis in primarios & secundarios fundamento; æquum est, ut magis firmum ejus loco jaciamus. Supponimus ergo, è coloribus alios esse *simplices*, alios *compositos*: & *simplicium* dari omnino quinque species; *album* scilicet, *nigrum*, *flavum*, *rubrum*, & *cœruleum*; horumque singulos, pro variis *intensionis* ac *remissionis* gradibus, diversificari.

Suppo-

Supponimus etiam, *compositorum* adeo immensam existere sylvam, ut intellectus noster ipsa eorum multitudine obruatur; tantum abest, ut assignare suum cuique nomen distinctum valeat. Quoad varios autem simplicium *gradus*; eos certis suis finibus circumscripsit, & in *Scalas* quasdam ita digessit solertissimum *Glissonii* ingenium, ut ad certam significationem determinantur. Ad ipsum itaque plura de abstrusissimo hoc theoremate scire cupientem remittimus lectorem.

Jam vero hisce διδασκαλίας χάριν præmissis, ad promissum Ονομαστικὴν χρωματικὴν compendium accedimus.

7. In SIMPLICIUM colorum classe, summum sibi locum vendicat ALBUS: qui semper à lumine sine tinctura reflexo, simulque quoquo versum disperso & vigorato exoritur. Ubique enim hi tres reflexionis modi in cujusvis corporis superficie concurrunt, ibi lumen inde reflexum sub albi specie oculis repræsentatur. Color hic *Latinis* etiam candens, candidus, albens dicitur; *Græcis* λευκός, ἄργός, φαλῆρός; *Anglis* white, ab Anglo saxon. *Prūt*, quod dealbare significat. Ad hunc vero spectant

1. Niveus, χιόνεος, Snow-white.
2. Lacteus, γαλακτικός, γαλερός, Milk-white.
3. Eburneus, ἐλεφαντίνος, Ivory-white.
4. Marmoreus, alabastrinus, μαρμαρέος, Marble-white.
5. Argenteus, ἀργύρεος, Silver-white.
6. Fulgidus, fulgens, resplendens, λαμπρός, Pearl-colour.
7. Crystallinus, κρυστάλλινος, Crystalline.
8. Pallidus, remisse albus, ὥχρος, κλωρός, ἄχρος, Pale, aut faint-white.
9. Aqueus, ὑδρενός, Watery-white.
10. Albidus, albulus, exalbidus, subalbidus, candidulus, subcandidus, ὑπόλευκος, whitish, aut tending to white.
11. Canus, πολιός, λευκάνθης, φορκός, Hoarie; ab Anglo-sax. *þaþ*, canus; vel forte à Græc. ὥριος, tempestivus.

8. Alter extremorum est NIGER; cui ortum dat lumen ita reflexum, ut coerceatur simul & hebetetur, sive (quod idem est) haud exigua ex parte in objecti superficie absorbeatur: hæ namque luminis modificationes simul contingentes nigrum colorem semper produciunt. Dicitur apud populares meos Black, ab Anglo-sax. *blac*, atramentum. Hujus præcipuæ species sive graduales differentiæ sunt

1. An-

1. Anthracinus, melaneus, μέλας & μέλαινα, **Cole-black.**
2. Piceus, πισσώδης, **pitchy black.**
3. Coracinus, (ἀ κόραξ, corvus) **Raven-black.**
4. Æthiopicus, **Negro-black.**
5. Fuligineus, fuliginosus, λιγνυώδης, **Sooty-black.**
6. Nigellus, nigricans, subnigricans, υπομέλας, **Blackish, aut tending to black.**
7. Pullus (non, ut *Perotto* placuit, à pullis avium, qui fere isto colore nasci vulgo quidem, sed falso perhibentur; non à pulvere, ut in *Ætio* suo scribit *Jovianus Pontanus*; neque, ut *Cæsar Scaliger in Exercitat.* 325. cenlet, à purus, quia color hic αὐτοφυής est ac nativus, qualis plurimum color penularum, unde infima Romanorum plebs, quæ pro toga penulam gestabat, pullata dici solet: sed, si *Vossium* audimus, à πελός, sive πέλος sive πέλω, vel etiam πέλει, (omnibus enim hisce modis hæc vox scripta invenitur) e in u converso. Est autem πέλος idem quod μέλας, niger; teste *Suida & Etymologo.*) **black-brown, such as the colour of the wool of Black Sheep.**
9. Tertio venit loco colorum simplicium MEDIORUM primus, nempe FLAVUS: qui non quoquoaversum dispergit lumen, ut albus; sed oblique recedens ab albedine nigredinem versus, modice ac suaviter dilatat radios lucis, & aurea quasi illecebra oculum ad intuemdum invitat. Dicitur etiam fulvus, fulvidus, filaceus, ξανθός, πυρρός, **bright yellow** (ab Anglo-sax. geolu, vel gealle, quod *fel* indicat: aut à Græc. γλεῖν, splendere, ut *Martinius* deflectit) à quo gradatim differre censentur
 1. Luteus, χλωρός, ὠχρός, **yellow like the yolk of an egg.**
 2. Aureus, aureolus, χρύσει, ἐπίχρυσος, **Gold-colour.**
 3. Croceus, crocinus, κροκώδης, κρόκιν, **Saffron-yellow.**
 4. Æneus, χάλκε, χάλκει, **Copper-yellow.**
 5. Melinus, μέλιν, **yellow as honey.**
 6. Ravus (Antiquis idem quod flavus, sed proprie de maturi jam frumenti colore dicebatur; indeque Græce χαροπός, quasi καρπός, fructus) qui tamen flavo & cæsis medius videtur. Gallicet *tane, tanne*, **from Tanners ouse, which is of that colour**, unde nostrum *tawny*.
 7. Byssinus, βύσιν, **yellow like raw silk.**
 8. Buxeus, πύξιν, **Box-colour.**
 9. Citrinus, **Orange-colour.**
 10. Limoneus, **Limon-colour.**
 11. Xerampelinus, ξηραμπέλιν (à ξηρός, aridus & ἀμπέλιν, viteus) qualem in arefactis vitium foliis videre est; Gallice, *feu'*

feul' a mort, the colour of vine leaves.

12. Leoninus, λεόνπειος, λεοντώδης, **Lion-colour.**
13. Electricus, ἡλεκτρικός, **Amber-yellow.**
14. Paleus, ἄχυρος, **Straw-colour.**
15. Luteolus, subflavus, ὑπόχλωρος, **yellowish**, aut **inclining to yellow.**
16. Ex albo flavescens, *Isabella*, **white with an eye of yellow.**

10. Quartus locus debetur mediis secundo, viz. **RUBRO.** Qui ex lumine pariter exsurgit, ita tamen reflexo, ut radii minus quam in flavo dispersi, & obliqua remissione quodammodo exasperati, oculum quasi atterant quidem. sed & fulgente simul vibratione oblectent. Unde fit ut color hic, maxime ubi intensus est, nonnihil ferociæ præ se ferre videatur. Summo in gradu constitutus, & splendoris quidpiam evibrans, *Coccineus* dicitur, & *Phæniceus*, itemque *Puniceus*; Anglis, **Scarlet**, à Gall. *escarlante*, Hisp. *escarlata*; Ital. *Scarlato*; Teuton. **Scharlack**: & ubi dibaphus est, **Scarlet in grain**, such perhaps as our best **Bow-dy**. Hujusmodi fuisse veterum purpureum arbitror. Ex remissioribus Rubri gradibus dimanare creduntur

1. Miniaceus, *Vitruvio* μιλωδής, **Vermilion-red.**
2. Spadix, spadiceus (ἀπὸ τῆ σπᾶν, hoc est *avellere*; ut proprie spadix sit ramus palmæ cum fructu ab arbore avulsus, qui coloris est ad puniceum prope accedentis) **Stammel** aut **light red.**
3. Rutilans (unde fortassis, καὶ ἀποκοπῶν, fit Belgicum **root** vel **rood, red**) πυρρός, flammeus, (nisi fallor) **flame-colour.**
4. Purpurissus, πορφυρόεις, **Spanish red**, such wherewith **Ladies paint their cheeks and lips.**
5. Carneus, Σαρμικός, **flesh-colour**; Ital. *carnadino*, *incarnadino*. Est nempe color ex rubro albescens, carnis recens excoctæ æmulus: unde apud nostrates etiam **Carnation** audit.
6. Caryophylleus, **pink-colour**. **Pinks** vero ita nominantur à Gall. *pinces*, flores scilicet Tunicis seu Caryophylli sylvestris.
7. Roseus, *Aurora*, & **blush-colour.**
8. Persicus, **peach-bloom-colour.**
9. Rufus, rufus, ξανθός, πυρρίος, **Red with an eye of yellow.**
10. Rubicundus, ἐρυθραῖος, sandyx, sandaracinus, sandarachinus (à sandaracha vel sandaraca, arsenicum rubrum, quod ab

ab auripigmento solo colore videtur differre; quia vel colore est saturate rubro, instar cinnabaris; vel minus rufum & sublitum) **ruddy**, **Poppy-red**, **Cherrie-colour**.

11. Sanguineus, sanguinolentus, αἱματώδης, **Blood-red**.
12. Burrhus, πυρρός, **deep crimson** (à Franco-Gall. *chermison*) Ital. *chermesi*, *chermisino*, *cremesino*; Hisp. *charmisino*: omnia ex *Chermes*, ilex coccigera, cujus glans κόκκος βαφικὴ seu granum infectorium inde dicitur, quod hujusmodi tincturam exhibeat. *Chermes* autem est Arabicæ originis; de qua consule *Salmasium not. Plin. in Solin. pag. 1214*.
13. Robus, robeus, **deepest** aut **darkest red**: de quo legi meretur *Vossius in Etymolog. L. L. voce robur*.
14. Rubinigemmæ colorem cum splendore æmulans, **Ruby-red**; qualem videre est in pomi granati cellulis recens apertis.
15. Mustelinus, γαλεώδης, γαλεοείδης, **Weesel-red**.
16. Rubellus, subrubeus, rubicundulus, ὑπερυθρὸς, **redish**, aut **tending to red**.

11. Agmen claudit simplicium placidissimus ille color, quem Latini **Cœruleum** vocant (à cœlo, quia firmamentum hujus esse coloris, sudo aere, videtur) Græci κῳάνεον (à σαπφείρς lapidis, qui & κῳανὸς dicitur, similitudine) Angli **Blew** (ab Anglo-sax. bleo, cui apprime respondent Teuton. & Belg. **blauw** vel **blaw**, ac Gallic. *bleu*) **sky-colour**, & **azure** (à Gallic. *azur*, quod est à lapide lazulo) & **ultramarine**. Ad peramœni hujus coloris in cujuscunque corporis opaci superficie (paulo aliter enim in cœruleo prismatice se res habet) productionem requiritur, ut lumen ita modificetur, ut ejus radii ab objecti superficie reflexi, obliqua quadam seu indirecta quidem, sed minori tamen quam quæ in genesi nigredinis contingit, infractione seu remissione modice reprimantur. Hujusmodi enim modificatione fit, ut pauci tantummodo radii ab objecti superficie resiliunt, grato & ad nigredinem indirecte inclinante colore oculum demulceant. Huic affines sunt

1. Scyricum (à *Scyro* insula, ubi olim is color magno in pretio fuit) color ex Sinopede ac Sandyce mistus, quo minium adulteratur; observante *Plinio. lib. 35. cap. 6.* Angl. **Gentianella blew**.
2. Glastinus (à glasto seu isatide, nostratibus **woad**; Anglo-sax. *pas*; Belg. **weed** dicto: cujus succo Britannæ mulieres totum corpus, in quibusdam sacris, obleverunt; & de quo consulendus est *Salmasius in Solinum pag. 254.*) **watched**, aut **light blew**.
3. Luridus, μελάγχλωρος, βασκάνος, **faint**-aut **pale blew**.

4. Venetus, *βενετός* (à quo Venetæ factioni in ludis Circensibus nomen, & qui Venetæ genti olim in usu erat vestibus, sed ab Alexandria primum deductus: nam de Auctore ita *Isidorus lib. 19. cap. 17.* Venetum colorem temperare, primum Alexandria docuit) *Callaicus*, *καλλάινος* (à gallorum palea, quæ Græce *κάλλαιον* dicitur) & *γαλαῖζων*, pro *καλλάιζων*, & in γ converso: item *Cumatilis* (ἀπὸ τῶν κυμάτων, à fluctibus) & *viridis marinus*: Angl. **a light Sea-green**. De hac tinctura vide sis quæ *Joan. Gerr. Vossius in Cymation* dixit.
5. Turcoisius, à Turcoisio lapide, **Turcois-blew**, qui prope abest à Scyrico.
6. Cæsius, *γλαυκός*, **blew with an eye of gray**.
7. Subcæruleus, lividulus, *ὑποκυάνεος*, **palest blew**.
8. Indicus, **blew inclining to purple, called by our western Clothiers Beauty**.
9. Violaceus, *ἰάνθινος*, **Violet colour**.
10. Hyacinthinus, *ὑακίνθινος*, **blew more inclining to purple**.
11. Lividus *πελιδνός*, *πέλιος*, **darkest aut blackish blew**.

12. Venimus nunc ad alteram colorum classem, à nobis in eorum generali bipartitione præstitutam; COMPOSITORUM scilicet, qui ex varia modo dictorum quinque simplicium contemperatone, horumque diversis gradibus inter se compositis atque decompositis exsurgant, quorumque (uti jam subinnuimus) major est varietas, quam quæ hæcenus fuerit à quopiam vel ex iis qui de coloribus ex professo scripserunt, ad rationem & calculos reducta. Verum tamen minime dubitandum est, quin sit sua cuique istorum peculiaris quædam modificatio luminis, utpote ex quo omnes & singuli exoriuntur. Quænam autem singulis competat, infinitum esset determinare; maxime cum certo certius sit, ad eundem colorem, licet ad simplicium familiam spectet, plures modos luminis coincidere in eadem superficie requiri. Et nobis equidem, pro instituti hujus nostri modulo, satis fuerit in genere indicare; utcunque variæ sint luminis modificationes, quæ ad tot distinctas colorum species efficiendum requirantur: posse tamen omnes ad tria illa, quæ supra descripsimus, genera commode revocari. Relicta itaque *Physico-mathematicis* ista *χρωματολογίας* parte, ad illud nos quod reliquum est pensi nostri, absolvendum sine ulteriori circuitu accedamus.

Ex colorum *Compositorum* censu, alii *minus*, alii *magis* compositi sunt, & utrique suas quoque habent familias.

13. In minus compositis, primatum obtinet **VIRIDIS** (à *vi*reo, quod à *vi* seu *vigore* deflectitur: quia ut plurimum virent plantæ,

tæ, quæ necdum aruerunt, sed in suo sunt vigore) *χλωρός, ἐυ-
δαλής*. Angl. **Green** (ab Anglo-fax. *gnene*, vel Belg. *Groen*, forte à verbo **to grow**, quia scilicet crescentium hic est color) quem flavus & cæruleus contemperati efficiunt; quique licet dilatare radium visivum sui flavedine nitatur, per cæruleum tamen ita coer-
cetur, ut gratissima specie objectum oculo repræsentet. Hujus præcipuæ species five gradus sunt

1. Thalassinus, thalassius, **deep Sea-green**: tanto à supra memorato colore *Veneto* distans, quanto color maris in litore differt ab ejusdem colore in profundo. Hic quippe, ex majore radiorum solarium refractione fundum versus, color aliquanto fit obscurior: paucis tantum radiis ab aquæ superficie in oculum resilientibus; quemadmodum demonstravit *Cartesius Meter. cap. 9. num. 11.*
2. Prasinus, *πράσινος*, id est *porraceus*; est enim color viridis ad similitudinem *porri*, quod Græce *πράσον* vocant; **Leek, green** In ludis Circeusibus sæpe fit mentio prasinæ factionis, prasini ornatus, prasini agitatoris, &c. quibus quid significetur, indicat *Juvenal. Sat. 11.* & fusc *Onuphrius Panvinus de ludis Circeusibus.*
3. Orobitinus (ab *ὀροβός*, ervum) **Green, like betches, aut that sort of puls, which the Herbalists call the bitter vetch, and the Spaniards Yervo, & Yervos.**
4. Herbeus, herbidus, gramineus, viridans, **Grass-green.**
5. Smaragdinus, *Σμαράγδινος* (à smaragdo lapide pretioso) **Emerald-green**; qui præ cæteris omnibus hujus familiæ resplendet.
6. Psittaceus, **Poppin-jay-green, such as the green of parrots, which in old English were call'd Pope jayes, quasi Priests-jayes.** De quo etymo vide *Skinnerum* in vocibus **Pope & jay.**
7. Saligneus, *οἰσίνος* (ab *οἶσος*, salix) & *ἱππίνος* (ab *ἵππος*, ejusdem significationis) **Willow-green.**
8. Vitreus, *ὕαλινος, ὑαλοειδής*, **Glass-green**: qui qua ratione sit à colore *Veneto* distinguendus, luculenter ex veterum monumentis ostendit *Claud. Salmasius in not. ad Æl. Lamprid. Heliogabalum.*
9. Subviridis, *ὑπόχλωρος*, **Greenish, aut tending to green, with a faint mixture of yellow**: qualem cernere est in plumis Pluvialis flavo-virescentis, Angl. **the whistling Plover.**

14. *Secundum* assignamus locum PURPUREO, qui in genere Græce πορφύρεο, Angl. **Purple** dicitur; quique ex cæruleo & rubro potissimum videtur constari. Non simplex est, sed vel

1. Ostrinus, Tyrius, blatteus, **Purple royal**. Quomodo color hic fiat, ejusque non unum esse genus, optime omnium docuit *Vitruvius lib. 7. c. 13*. Ipsum ergo adi.
2. Dibaphus, **Purple in grain**.
3. Molochinus (à μολόχη, malva) **Pale purple, such as we see in the flowers of Wallows**. Hic mihi videtur verus Antiquorum color Phœniceus; dilutior aliquanto quam ostrinus. Vide sis *Vossium* in voce *Phœniceus*.
4. Amethystinus, **Amethyst-purple**.
5. Livido-purpureus, **Grie de Lion**.

15. *Tertio* loco poni meretur GRISÆUS, cinereus, cineraceus, πηρώδης, ἐνπηρός, **Ash-colour, Gray** (ab Anglo-sax. Græg,) Teuton. **Grav**; Belg. **Grauw**; Franco-Gall. *Gris*. Cui affines sunt

1. Ferreus, σιδήρεο, **Iron-gray**, qui equorum proprius est.
2. Scutulatus, maculatus, μεμολυαμένο, σπιλωτός, **Dapple-gray** (id est variegatus, seu color unus altero interstinctus: forte ab **Apple**, quasi dicas, instar pomi curtipenduli, maculis variegatus: nam eodem sensu, eademque ratione, hic color Gallis *pommele* dicitur; observante *Skimero* in *Etymolog. Angl.*
3. Leucophæus, **Light-gray**.
4. Columbinus, **Dove-colour**.
5. Gruinus, **Crane-colour**.
6. Phasianus, **the colour of a Hen pheasant**.
7. Elbidus, color albo & nigro medius, **Saddest-gray**.

16. *Quarto* succedit Fuscus (ita dictus, vel quod in isto colore φῶς σκιαται, id est lux inumbretur; ut *Scaliger* censet 325. *Exercitat. Sect. 17*. vel, ut *Vossio* arridet, simpliciter φῶς τὸ φῶς σκειν, quod *Hippocrati* est *ustulare*; quia quæ ustulantur, ex albis fusca redduntur) φαῖο, **Brown** (ab Anglo-sax. & Franco-Gall. *Brun*) Belg. **Bruyn**; Ital. *Bruno*; subniger, & subaquilus, haud longe à pullo Romanorum recedens. Hujus tribui accensentur

1. Ferrugineus, σιδηροειδής (à Ferrugine, id est Ferri rubigine, quæ Græce ῥοσιδήρεα est) **Rust colour, aut the colour of rusty Iron**.

2. Baticus

2. Bæticus (à *Bætica* Hispaniæ regione. *Anton. Tylesius* . libello suo de *Coloribus* , ita docet colorem pullum vocari , propterea quod in *Bætica* coloris ejus lanæ tingantur.) **Spanish brown, little less dusky than the Black-brown of black-Sheep.**
3. Hiberus , ex nigro & rubro mixtus , **Murrey** (vel à colore *Maurorum* obscuro: vel, ut *Covarruvius* divinatur, ab *Hisp. mora* ; morum ; quasi dicas , color *mori* , qui est è rubro in nigrum declinans) *Gall. moree , morel. & moreau ; Ital. morello ; Hisp. morado.*
4. Castaneus , **Chestnut-colour.**
5. Murinus , **Mouse-colour.**
6. Subfuscus , subaquilus , **Dun** ; cujus vocis origo vel ipsomet colore obscurior est.

17. Hanc minus compositorum colorum classem terminat **Badius** (ἀπὸ τῶν βαίων , id est à ramis palmarum , qui eo colore insigniuntur.) **Bay** (à *Gall. Bay.*) Invenitur apud *Homerum* Βάλεος , nomen equi Achillis ; quem alii velocem , alii maculosum , nescio quam recte exponunt. *Skinn.* Hujus commatis censentur

1. Helvus , helvulus , inter album & fulvum ; **Sorrel** : à *Gallic. Saur , Saure , & Soret , Ital. Sauro , & Saurello* : omnia ut conjectare fas est , à *Latin. Saturo* , est enim saturus color.
2. Gilvus , figlinus , **Brick-colour.**
3. Milvinus , **Kite-colour**

18. Hæcque quidem summula est tam *simplicium* quam *minus compositorum* colorum , quos in præsentia possumus in memoriam revocare. Superfunt adhuc , qui ex multiplici *utrorumque* confusione ortum suum trahant : quique proinde sint numero propemodum infiniti. Hos autem intactos propterea relinquimus omnes ; cum quod eorum perpauci propriis dignoscantur nominibus , sive apud Latinos , sive apud populares nostros inveniendis : tum quod eosdem sigillatim per periphrasin descriptum ire , seculi opus foret ; nobis præsertim , qui tam in Latii Sermone , quam in arte pingendi hospites sumus & peregrini. ¶

S E C T. I I.

De Pilorum, Plumarumque coloribus.

RESTAT ut ostendam, atque aliquando perorem, quas ex modo enumeratis colorum speciebus natura quadrupedum *pilis* præsertim concefferit, quasque *plumis* avium: quandoquidem non omnes eam promiscue atque ex æquo utrisque indulgisse, experientia quotidiana compertum est.

Quantum igitur ad pilos attinet; notissimum est, colores esse nonnullos, *viridem* nempe, *cæruleum*, *sanguineum*, & *purpureum*, quos natura omnium, quotquot hætenus nobis conspiciere licuit, Brutorum pilis sine ulla exceptione denegasse videatur. Hujus vero rei ratio ut melius inquiratur; æquum est & conveniens, paucula de natura & generatione pilorum præstruamus.

2. Primo itaque loco sciendum, *pilos* quidem, quibus quadrupeda fere omnia, & exornantur, & adversus quamcunque aeris inclementiam muniuntur; & quibus ipsemet etiam Homo, universalis Animalium dominus, qua venustatis, qua majestatis ac verecundiæ quoque gratia, decoratur; quam proxime accedere ad naturam *vegetabilium*: hocque vel ex eo satis constare, quod ex radicibus suis exsurgentes, ex plantarum more, vivant, nutriantur, longitudine augeantur, temporisque progressu pariter confescentes, tandem emoriantur, sponteque decident.

3. Hos inter & illas tamen haud simplex interesse videtur discrimen. Nam (1) pili *sponte* natorum numero accensendi sunt; plantis autem ortus est ex *semine vitali* in terræ gremium coniecto. (2) Hæ humo enatæ, alimento aluntur à se ipsis tantum per radices attracto: illi autem cuti animalium innati, succo quodam peculiari, partim ab ipsis allecto, partim è corporis cui inhaerent partibus excreto, & versus radices suas protruso nutriuntur. (3) Plantæ jam ad statum maturitatis provectæ, non solum folia & flores, sed fructusque ac semina ferunt: pili nec folia emittunt unquam, & perpetua sterilitate damnantur; ut neque feri queant, neque transplantari. (4) Plantis concessum est, per immensam colorum varietatem expatiari: dum ea multifariæ pulcritudinis prærogativa denegatur pilis.

4. Qui nihilominus admodum sunt affines *Epiphitis*. Sicut enim hæc sibi alimentum hauriunt è succis plantarum, quibus superexcrescunt; ita pariter & illi è succis animalis, cui innascuntur, alimoniam excipiunt: nec aliud quid utrinque observare est discriminis,

criminis, nisi quod Epiphyta ut plurimum plantis unde efflorescunt, inopiam succi alibilis, demumque exitium afferant; à pilis autem è contra haud exiguum exsurgat emolumenti ac utilitatis partibus, è quibus emergant.

5. Constant indubie ex materia quadam *Spermatica* quidem, sed ob sui abundantiam & adustionem *excrementitia*, ideoque à verè spermaticis corporis partibus, quarum ad nutritionem afferebatur, rejecta: quæ ad cutim demum propulsa, ibidemque retenta, quasi ovum quoddam conficit, vimque suam spermaticam exserendo, epiphyton sui generis efformat: Quod primum radices agit, mox consimilem per eas ad se prolestat succum, deinde intus augetur, tandemque in teretem tornatam figuram, erumpit in lucem, quemadmodum sata solent è terra facere sibi viam egerminando. Habent itaque & pili primordia sua ex ovo, & animula vegetativa præditi, à plastica ejus virtute tum efformantur, tum recremento quadantenus spermatico sustentantur, ita ut in tabidis etiam & demortuis crescant, interdum alumno suo diu superstites.

6. Dividuntur quidem in Συγγενείς, seu *congenitos* sive nativos, qui scilicet ante animalis nativitatem erumpunt, quales in homine sunt capitis pili, proprie capilli dicti, superciliorum & palpebrarum: & Υστερογενείς, id est *postgenitos* sive supervenientes, qui extra uterum nascuntur, quales homini ad justam ætatem adulto, hoc est, quando in puero semen generari incipit, & in virgine mensibus via datur, superveniunt in pube, sub alis, intra nares auresque, in pectore, femoribus, tibiis, brachiis, & postremo in mento virili, nonnunquam etiam in muliebri. At vero isthæc pilorum divisio vix locum habet in *brutis*, si *capros* excipias, qui senectutis confinia jam ingressi, barbam alunt hirsutam; & ex volucrum genere per paucos mares, *gallum* scilicet *Indicum*, & *gruem Japonensem*, qui ad generationem jam maturi cirros quosdam emittunt, alter ad inferiorem colli partem, alter in capite retro utramque aurem. Ratio autem, cur non omnibus brutis, sicut homini & capris, pili adventitii concedantur, forte est, divinante incomparabili *Glissonio*, quia corpora eorum ab origine pilis universim investiantur, qui totam materiam pilis generandis aptam in sui alimoniam exhauriunt. Mares enim è brutis, ubi ad coitum evadunt maturi, quanquam imberbes persistunt, pilos tamen in universa cute hispidiores & rigidiores gerunt, qui barbæ materiam abliguriunt.

7. *Color* pilorum in brutis ut plurimum æmulatur colorem cuticulæ iis subjæctæ; quemadmodum clare cernitur in porcorum maculatorum pellibus, quæ, derasis pilis, pariter variegatæ subtus apparent: in hominibus vero non admodum varius, sequi regionis, circumfusi aeris, humoris in corpore prædominantis temperiem;

ætatemque, &c. creditur. Non omnes autem colores (ut modo dictum est) pilis competunt, sed pauci omnino, quos jam strictim mihi libet percensere.

8. Ex coloribus quos naturæ indulgentia pilis animalium familiariter concessisse videatur, *extremi* omnino duo sunt, albus nimirum & niger: *medii* vero vix septenarium numerum excedunt, viz. pallidus, cinereus, flavus, rufus, ruber, castaneus, & fuscus. De singulis ex ordine pauca dicam.

1. *Albus* pilorum color duplex est, *puerorum* nempe & *senum*. Haud exiguum enim discrimen alterum ab altero distinguit. Quippe (1°) in *pueris*, pilorum albedo tam longe distat ab albedine intensa & pura, ut semper plus minusve *fuscum* versus inclinet, & aliquando *flavi* mixtura contemperetur: in *senibus* autem prope nivea est, & nonnihil *transparentiae* simul exhibet; quod canis proprium est. (2°) In *pueris* color *floridus* est atque venustus: in *senibus*, *languidus*, & nonnihil præ se ferens horridæ austeritatis. (3°) Ut aspectu, ita & *causarum* ratione differunt. *Puerorum* pili succo aluntur miti, dulci, lubrico, & spiritibus pleno; unde roscida quadam pinguedine obliti, oculos grato nitore pascunt: *senum* contra alimento macro, acido, austero, aspero, spiritibusque fere orbato sustentantur; ideoque pinguedine destituti, & exarescentes, non terminant visum, sed plurimos ex incidentibus luminis radiis per se transire permittentes, quodammodo diaphani evadunt. Magno igitur errore tenentur, qui albos puerorum capillos cum senum canitie confundunt.
2. Haud multum ab albo recedit *pallidus* color pilorum; utpote qui paulo plus vel ad *subflavum*, vel ad *fuscum*, vel ad *utrumque* accedat. Causæ itaque ejus non aliunde petendæ sunt, quam à conspiratione *causarum*, unde duo ex istis coloribus, vel saltem omnes seorsum exoriuntur.
3. Pallido immediate succedit *flavus* (saltem in remissiore illo gradu, qui *subflavum* constituat) qui in pilis nonnihil sibi admixtum habens fusci, proinde adeo inumbratur, ut vel sensus judicio, sit illa, quam infectores in lanam conjiciunt, flavedine obscurior. Hunc excipit
4. *Rufus*, qui ex contemperatione quadam pallidæ flavedinis cum remissa rubedine & pauxillo fusci coloris emergit: differtque propterea gradu duntaxat à rubro, sed specie à flavo.
5. Similiter *Rubicundus* color pilis incidens, quique longe alius est à rubro tinctorum, ortum suum ducit ex iisdem coloribus, sed intensioribus.

6. *Casta-*

6. *Castaneus*, fusco quam rubro vicinior, multum de illo, de hoc tantillum participat; quo rubri tantillo conspicue discriminatur à *fusco*,

7. Qui ex albo & nigro, sed multo magis ex hoc, quam ex illo mixtus est, quique idcirco plus nigri gradatim admiscendo; ad perfectam usque nigredinem intepdi potest; vel sensim diminuendo nigrum, ad albedinem revocari. Atque hæc quidem de pilorum familiaribus coloribus summatim dicta sunt.

9. Proximum est ut exquiramus, *cur iidem pili ab quorundam aliorum colorum, viridis nimirum, cærulei, purpureique, & sanguinei infedura, quasi lege naturæ, arceantur.* Perdifficilis sane locus, & à *Cardano*, à *Scaligero*, ab aliis vexatus; à nemine autem (quod sciamus) ante curiosissimum nostrum *Gliffonium* satis probabili ratione explicatus. Audiamus igitur, quid is de isto tam abstruso problemate sentiat. Pili verò, *inquit*, quod “ex materia nec aquea, nec cruda, sed satis cocta, pingui, & ut plurimum nonnihil adusta, generentur alanturque; quodque illa materia ab origine spermatica sit & alba, cum in pilos vi simplicis coctionis, aut etiam vi adustionis infumatur, vel albedinem aliqualem retinet, vel ulterius elaborata comitem sibi adsciscit colorem pallidum, cinereum, flavum, rufum, rubrum, castaneum, fuscum, vel nigrum. Etenim hi colores ex materia alba, prout intensius vel remissius percoquitur, ordine proposito resultant: scilicet, si coctio debilior sit, albedo retinetur; si paulo intensior, pallor vel flavedo superinducitur; si adhuc intensior, rufus vel ruber; denique si adustio notabilis concurrat, castaneus, fuscus, aut etiam niger emergit. Nullus vero locus cæruleo, & consequenter nec viridi hic relinquitur; ut nec sanguineo, nec purpureo. Nam si pulcritudinem albam ad ignem simplicis elixatione diu decoxeris, precurret istos fere omnes colores pilis attributos: non autem pertinget vel ad cæruleum, vel viridem, vel sanguineum, vel purpureum. Quæ difficultatis propositæ solutio adeo naturæ legibus, tum quibus ea in gradualis succorum altitium concoctione uti solet, tum quas in productione colorum observat, congrua videtur & consentanea; ut, meo quidem iudicio, non sit, quod aliam ullam quæsitum eamus. Certissimum est enim, & variari pilorum contexturam, pro varia dispositione succi illius quo nutriuntur; & colores pariter, pro superficialium in quas radii lucis impingunt, & à quibus iidem hoc vel illo modo infringuntur aut reflectuntur, constitutione diversa, necessario diversificari: nec minus certum, etiam omnes succos alimentares, prout intensiorem vel remissiorem concoctionis & adustionis gradum subeunt, ita ab albedine plus minusve nigredinem
versus

versus recedere. Ad solvendum itaque hunc nodum, quid amplius, quid solertius, imo vero quid planius possitis expectare?

10. Cur ergo, *inquies*, Avium *plumis* (quæ pari forsitan jure locum sibi vendicant quoque in catalogo Epiphytῶν) illud natura indulsit privilegium, ut pulcherrimis istis coloribus tam venuste illustrarentur? Dicam equidem libere, sed Laconismo simul studens, quid ab eodem perspicacissimo *Glissonio* de hoc ænigmate didicerim. Avium plumæ, cum suis pennis & caulibus, quos utrinque tam splendido, ipsorumque Regum vestes pretiosas æmulante, cultu adornant; nec simplici coctione alimenti, nec uniformi organizatione, ut pili, contentæ; longe subtilius & operosius naturæ artificium, & ad conformationem, & ad nutritionem suam requirunt. Succum enim quo exornatæ speciosissimis hisce coloribus plumæ aluntur, priusquam ad ipsas perveniant plumas, necessum habent, sive per cornu pennæ, sive per ejusdem medullam, sive per utrumque percolari: alia namque via, qua nutrimentum illis afferatur, invenitur nulla. Haud mirum igitur, si post tam accuratam tamque operosam colaturam, plumæ variegatis nitidissimisque coloribus imbuantur. Nam quemadmodum flores, ob strictiorem colaturam per extremum caulis nodum, multiplici colorum varietate atque elegantia herbaceas partes excellunt: ita & plumæ (pennarum quodammodo flores) per densissimum quasi cribrum trajectæ, pilos omni varietatis ac venustatis genere antecellunt. Et ut de florum coloribus vix accurata ratio in tanta eorum varietate potest expectari: ita neque de coloribus plumarum speranda; nisi vitrum *microscopicum* ad visus auxilium in singulis contemplandis advocetur. Hujus enim ope fieri forsitan potest, ut variæ plumarum contexturæ ac Schematismi oculo detecti, ita internoscantur, ut inde demum certiore augurio divinare liceat, à qua contextura iste color vel ille speciatim emergat dependeatque. Id quod *Hookius* noster, subtilissimi vir ingenii, idemque insignis Mathematicus præstare aggressus est, in sua *Micrographia* ante decenium in lucem emissa: quo lectorem plura de colorum in plumis varietate rescire avidum candide remitto; ipse jam tandem longo scribendi labore defatigatus. Liceat itaque mihi, abjecto in præsentia calamo, aliquandiu respirare à studiis, otioque moderato ingenij vigorem revocare. ¶

F I N I S.

A D D E N D A

In Exercitat. de *Animal. Quadruped. de Insect.*
& de *Serpentibus.*

Pag. 6. lin. 33. post hæc verba (*the hony tripe*, quasi *gustui gratissimum*) adde (*vel verisimilius, quod tunica ejus interior in plicas quasdam corrugatur, quæ mutuo sese ad angulos rectos intersecantes, favorum cellulas quodammodo repræsentant.*)

Pag. 8. lin. 27. verbo (*Buffle*) immediate subjungantur (*forte à Danico Byffel; Gallice, Beuffle, & Buffle; Italice, Buffalo.*)

Pag. 11. lin. 17. immediate post (*ventriculo inveniatur*) adde (*alii rectius scribunt Bad-zahr; id est Persice Bad-zahr, ventus veneni, nempe dissipator veneni: & nonnunquam per contractionem, Pazahr.*)

Pag. 15. lin. 2. verbo (*prostermit*) subnecte (*vel majore cum verisimilitudine à Persico Chirs, quod Urtum significat, quodque forsitan à nonnullis Hirs vel Hurs pronunciatum, tandem in Urs degeneravit.*)

Pag. 16. lin. 30. post (*Orang. Outang.*) adde (*id est lingua Malaccensi seu Malagenfi, Homo Sylvestris.*)

Pag. 19. lin. 33. post verbum (*Porcupine*) adde (*à Gallico Porc-espig vel Porc-épic, id est porcus spinosus.*)

Pag. 20. lin. 9. post (*fitchaw*) adde (*Dicitur quoque Putorius:*) & post (*Polcat*) adde (*quasi dicas, Catus Polonicus; quia scilicet Polonia his maxime abundat:*) & post (*fitchaw*) adde (*à Gallico Fissau, quod idem indicat: Arabice dicitur Nems, de quo vide sis Erpenii Notas ad Lockmanni Fabulas.*)

Pag. 43. lin. 32. post (*fengnats dicuntur*) inferre (*Mares natura distinxit à feminis, cum plumula quadam elegantissima fronti adnata, tum corporis gracilitate.*)

In Exercitat. de Fossilibus.

Pag. 18. lin. 24. post (*Germaniæ hodie reperitur*) adde (*Alii rectius desectunt Basaltes, ab Hebr. Chald. & Syriac. Barzel, quod etiam ferrum exprimit.*)

Pag. 27. lin. 30. post (*Azure*) adde (*Persice dicitur Laziverd; unde ex Europæis, alii literam l. pro articulo male accipientes, l' Azure*
(W w)

zure scribunt; alii, commutato r. in l. Lazul dicunt.)

Pag. 35. lin. 18. post (Achlama, Chaldaice En-egla) adde (i. d. oculus vituli.)

Pag. 36. lin. 27. post (quod durare sonat) adnecte (vel potius à Genitivo Adamantis; omiſſa a. additoque i. post d.)

Pag. 38. lin. ult. verbis (Entrauld aut Enruld) adjunge (à Gallico Esmeraut; quod est à Persico Zumurrud, sive, ut pronunciaripotest, Smurrut.)

Pag. 40. lin. antepenult. post (Beryll.) adde (ab Arabico Bel-lur, transpositis l. & r.)

Pag. 51. lin. 19. post (Saverlandiæ & alibi) adde (& apud nos è montibus Mendipensibus copiose eruitur.)

Pag. 57. lin. ult. ad finem adde (à Persico Brunzj, i. e. Cuprum; quia quasi cupro tegit.)

II. DELEND A.

Pag. 64. lin. 18. dele, & nares.

In Exercit. de Piscibus, pag. 4. lin. 3. dele, τάριχ &.

In Exercit. de Fossilibus pag. 51. lin. 29. dele, Apud nos ex montibus Mendipensibus copiose eruitur.

III. CORRIGENDA.

In Epist. Dedicator.

Pag. 3. lin. 26. lege, hic à nobis tactæ: & lin. penult. leg. ἐπιστητόν.
pag. 4. lin. 7. lege, Sollicitat nuptas.

In Præfat. ad Lectorem.

Pag. 3. lin. 3. lege, penitius inspiciendi. pag. 5. lin. 12. lege, as-sisteret:

In Exercit. de Animal. Quadruped.

Pag. 1. lin. 26. lege, sive totum animo complectamur. pag. 11. lin. 32. lege, adsubularum similitudinem. pag. 12. lin. penult. lege, Hagjin.
pag. 14. lin. 25. lege, Dasypus Pinus: & lin. antepenult. lege, Tigris: & penult. Tigre pag. 18. lin. 1. lege, molestanda. pag. 19. l. 6. lege, ἀπρόμους: & l. 14. lege, hirudinis majoris modo. p. 23. l. 13. lege, adpastam redigunt.

In

In Exercit. de Insectis.

Pag. 51. l. 16. lege, *sagax, laboriosum*. p. 52. l. 35. lege, *canibus infestissimum*. p. 53. l. 22. lege, *Schwenckfeld*. p. 57. l. 4. lege, *Millepes*. p. 59. l. 9. lege, *Asphodelo*: & l. 3. lege, *admirandam historiam*.

In Exercit. de Avibus

Pag. 66. l. 30. lege, *an Symmysta*. p. 70. l. 13. lege, *à Latinis Aquila*. p. 73. l. 14. lege, *British Falcon*. p. 75. l. 27. lege, *Monedula torquata*. p. 106. l. 15. lege, *Perfida fraudatrix*: & l. 29. lege, *pervenire possit*. p. 109. l. 9. lege, *parum aberat, quin ea lingua &c.*

In Exercit. de Piscibus

Pag. 2. l. 7. lege, *Mustela*: & l. 22. lege, *& Centrinæ*. p. 3. l. 25. lege, *Rondeletio Asellus veterum*. p. 4. l. 9. lege, *ad Thamism capiuntur*. p. 5. l. 10. lege, *ὀπόμενα*. p. 8. l. 21. lege, *Mustela terrestri*. p. 11. l. 20. lege, *nisi pinnulis caudæ apprehensis*. p. 15. l. 32. lege, *idem forte, quem &c.* p. 26. l. 14. lege, *Cynoglossum*. p. 28. l. 27. lege, *tabe præcordia*. p. 33. l. 25. lege, *verum quoties secui*. p. 45. l. 4. lege, *lingua nostra*.

In Mantifs. Anatomica

Pag. 71. l. 13. lege, *Anatomia Comparativæ*. p. 79. l. 6. lege, *Ductus Communis*. p. 84. l. 32. lege, *& robustam*.

In Exercit. de Fossilibus

Pag. 19. l. 31. lege, *ex monte Sinai in Arabia Petræa sito &c.* p. 22. l. 13. lege, *Knarefborough*. p. 35. l. 18. lege, *Chaldaice En-egla, id est oculus vituli*. p. 43. l. 29. lege, *radice Drakenæ, Contrayerva*. p. 46. l. 11. lege, *ex minera Stannæ, minori quantitate; è plumbea majori*. p. 49. l. 24. lege, *quæ Argentum colore tenus æmulentur, vulgo Alchymie dicta*. p. 57. l. penult. lege, *aut aeris injuriis minus obnoxia*.

I N D E X

Q U A D R U P E D U M

A		D	
	Pag.		Pag.
A lces	12	D Abuh Arabum	15
Animal foetidum	31	Dama	11
Aper	13	Danta	31
Aries	9	Dasyus Pinuus	14
Armadillo five <i>Tatu</i>	18	Dorcas five <i>Capreolus</i>	12
Asinus	4	Dromedarius	13
Asinus Monoceros Indicus	<i>ibid.</i>		
Auricula nigra five <i>Siyâh-Ghûsh</i>	21		
B		E	
B abion		E Chinus terrestris	19
Babirouffa		Brasilienfis five <i>Tatus</i>	
Bison	16	Ejulator	31
Bonafus	14	Elephantus	4
Bos	8	Equus	3
Bubalus	<i>ibid.</i>		
Buffelus	<i>ibid.</i>		
Bufo	<i>ibid.</i>		
C		F	
C abim	31	F elis	20
Camelus	12	Felis Zibethi	<i>ibid.</i>
Camelopardus five <i>Giraffa</i>	13	Flirus five <i>Oryx</i>	11
Canis	26	Furo five <i>Putorius</i>	20
Cappa	31		
Caper	9		
Capra Bezaartica	11		
Capra Moschi	10		
Capreolus, Dorcas	12		
Castor	18		
Catus five <i>Felis</i>	20		
Caudiverbera five <i>Cordylus</i>	29		
Chamæleon	28		
Cercopithecus	16		
Cervus	11		
Cervo-camelus	13		
Coach	31		
Crocodilus	29		
Cuniculus	23		
Cynocephalus	16		
		G	
		G Azella	10
		Genetta	20
		Giraffa	13
		Glis	25
		Gulo	15
		H	
		H ermellanus	20
		Hinnus	4
		Hinnulus	11
		Hippopotamus	14
		Hircus	9
		Hircus Bezaarticus	11
		Heyrat five <i>Taxus American.</i>	18
		Hystrix	19

I S

S

II. IN.

I I.

INDEX SERPENTIVM.

A		H	
	Pag.		Pag.
A Contias	33	H æmorrhous	32
Ammodites	32	Hydrus five <i>Natrix</i>	35
Amphisbæna	33	Hydrus marinus	<i>ibid.</i>
Anguis Æsculapii	<i>ibid.</i>		
Aspis	32		
B		I	
		I Biboca	34
B Afiliscus	34		
Boas Serpens	35		
Boccinga	34		
Boiguacu	<i>ibid.</i>		
C		M	
		M Ater Formicarum	35
C Aninana	35		
Caprimulgus anguis	<i>ibid.</i>		
Cæcilia five <i>Typhlops</i>	33		
Cerastes	32		
Cenchrus	33		
D		N	
		N Atrix Torquata, Rubetaria	35
D Ipsas	32	Norwegicus, serpens	<i>ibid.</i>
Dryinus	33		
E		S	
		S Eps	32
E Laps	33	Scytale	<i>ibid.</i>
		Scolopendra marina.	35
		V	
		V Ipera.	32

I I I.

INSECTORVM.

A		Pag.	
	Pag.		Pag.
A Carus	58	Afilus	40
Æschnæ	42	Attelabus	44
Anthrenus	53	Attelabus Arachnoides	61
Anthrenus aquaticus	60	Aureliæ five <i>Chrysalides</i> .	40
Apis	36		
Araneus	54		
Ascarides	59	B Ibio	41
Asellus terrestris	57	Blatta	49
marinus	62	Bombylius	39
		Bombyx	40
		Bruchus	

Index Insectorum.

Bruchus	Pag. 44	L	
Buprestes	48		Pag.
C		L	
Canthari	45	Acerta aquatica	60
Cantharides	47	Lendes	52
Cervus volans	46	Libellæ five <i>Perla</i>	39
Chrysalis five <i>Aurelia</i>	40	Ligniperda terrestris	58
Cicada aquatica	60	aquatica	61
Cicindela	48	Limax	60
Cimex	40	Locustæ terrestres	44
Ciniphes	42	Locusta aquatica	60
Corculus	60	Lumbrici terrestres	59
Cossi	58	aquatici	63
Crabrones	38	M	
Cucuja	48	Antis, Locusta Italica	45
Culex, ejusque species	43	Merdivora musca	42
Curculio	58	Muscae aquaticæ	42
E		terrestres	41
Phemera	41	Millepedes five <i>Aselli</i>	54
Erucæ glabræ	55	Molendinaria Blatta	49
hirsutæ	56	N	
Equisuga	42	Noctiluca five <i>Cicindela</i>	48
F		Notonecta	60
Orbicina five <i>Forficula</i> terrest.	50	O	
aquatica	ibid.	Estrus	50
Formica	51	Oripæ	ibid.
Formica alata	50	Orfodachna, Mordella	39
Fucus	37	Ovisuga musca	42
Fur	ibid.	P	
G		Apiliones	40
Ryllus	44	Pediculi non alati	52
Gryllo-talpa	ibid.	alati	50
H		Perlæ five <i>Libellæ</i>	39
Hippocampus	63	Phalangium	54
Hippoboscus, Equisuga	42	Phalanæ	40
Hirudo	62	Phryganides muscæ	42
Humisuga musca	42	Pityocampes	56
Hydrocantharus	60	Proscarabæus	46
I		Pulex terrestris	53
Involvulus five <i>Sphondyle</i>	53	marinus	62
Ips	48	Pyrogonus	46
Julus	57	Redu-	

Index Avium.

Hæmanto-

Index Avium.

H		N	
	Pag.		Pag.
H æmantopus	111	N ifus	72
Halcyon	ibid.	Noctua	78
Harle five <i>Scheldrachus</i>	102	Nycticorax	ib.
Helorius	110		
Hirundo	95		
Hoachtzin	117		
Horion	110		
Hypolais five <i>Curruca</i>	95		
Hypotriorchis, <i>Subbuteo</i>	72		
I		O	
I bis	108	O chra Gallinula	112
Ispida	111	Oedinemus	83
Junco	113	Oenanthe five <i>Culo bianco</i>	97
Jynx five <i>Torquilla</i>	93	Oenas five <i>Vinago</i>	85
		Onocrotalus feu <i>Pellicanus</i>	100
		Ortygometra	83
		Offifragus	71
		Otis, alias <i>Bistarda</i>	82
L		P	
L agopus Perdix	83	P alumbes Torquatus	85
Lanarius	72	Rupicola	ib.
Lanius five <i>Collurio</i>	ib.	Cavernalis	ib.
Larus	100	Paradisea Avis, Manucodiata	116
Ligurinus	87	Parus Carbonarius	96
Limosa Venetorum	110	Monialis	ib.
Linaria	88	Palustris, Schœniclos	ib.
Loxia, Curvirostra	76	Caudatus, Mourier	ib.
Luscinia	97	Cristatus	ib.
Lusciniola	ib.	Passer Domesticus	86
Lutea feu <i>Citrinella</i>	88	Maculatus	ib.
		Montanus	ib.
		Sylvestris	ib.
		Torquatus	ib.
		Arundineus	ib.
		Puffillus in jugland. deg.	ib.
		Brachyrus	ib.
		Stultus Bononiensis	ib.
		Troglodites	ib.
		Canarius	ib.
		Indici, &c.	ib.
M		Pavones	80
		Pelicanus, feu Onocrotalus	100
M Aja	116	Penelope, Boscas	106
Manucodiata	ib.	Perdix vulgaris	83
Merganser	110	Græca	ib.
Mergus	ib.	Ruffa	ib.
Merops	94	Cinerea	ib.
Merula	90	Damascena Aldrovandi	ib.
Merula aquatica	113	Alba, Lagopus, petrosa Aldr.	ib.
Milvus	72	Indica	ib.
Mimus	76		
Monedula	75		
Montifringilla	88		
Morfex	102		
Morinellus	111		
Motacilla	96		
Muscipetæ	97		
		Phalacro-	

Index Avium.

	Pag.	S	Pag.
Phalacrocorax	100		
Phasianus sylvestris	81	Sacer Accipiter , Falco	73
marinus	105	Scheldracus	102
Phenicopterus	108	Scolopax seu Gallinago maj. min.	112
Phoenicurus sive Ruticilla	97	Scops	77
Pica vulgaris	75	Serinus	87
Caudata Indica	76	Spinus seu Ligurinus	ib.
Glandaria	ibid.	Spipolæ	96
Ampelides Aldrovand.	ibid.	Stoparolæ	ib.
Garrula Indica	ibid.	Stella	83
Brasilensis ,	ibid.	Strix	78
Curvirostra sive Loxia	ibid.	Struthio	79
Rhinoceros	77	Struthio-Camelus	ib.
Marina	76	Sturnus	90
Picus Martius var. min. maj.	93	Subbuteo sive Hypotriorchis	72
viridis	ib.		
murarius	ib.	T	
luteus, Cyanopus	ib.		
cinereus , &c.	ib.	Tentzon tototl	117
Pluvialis cinerea	113	Tinnunculus	72
flavo-virescens	ib.	Tlauquechul	119
major Aldrovandi	ib.	Totanus	112
Polyglotta	117	Tritonus	117
Porphyrio	110	Tominejo	118
Porzana Italarum	112	Trichas	90
Pstittaci	73	Triorchis sive Buteo	72
Puffinus	107	Trochilus	102
Pugnax Avis	110	Trynga	112
Pyrrhula	97	Tucana	118
Pyrocorax	75	Tuputa	116
		Turdus vulgaris	89
		Viscivorus	ib.
		Illas	90
		Turtures	85
		V	
		Anellus	113
		Vespertilio	80
		Ulula	78
		Upupa	98
		Uria	101
		Urogallus , Tetrax	81
		Vulpanser	103
		Vultur	71
		Z	
		Xochitotl	117
		Xochitenacatl.	116
		Yandeu	

Index Piscium.

Y
Y Andeu five *Jandon*

V.

P I S C I U M.

A

A Bramus
Acarnanes
Aculeatus pisciculus
Acus
Adonis, Exocoetus
Alauda
Albula
Albula lacustris
Alburnus seu *Blica*
Albus *Salviani*
Alofa marina
 fluviatilis, Clupea
Alphestes
Anguilla
Anguilla de arena
Anthias, Callionymus
Antacæus
Aper Rondeletii
Apua
Araneus
Asellus major
 minor seu *Callarias*
 niger
 barbatus
 varius, *Molva major*
 Gobergus
 fuscus
 Veterum *Rondeletio &c.*
Asper pisciculus
Aftacus marinus
 fluviatilis
Atherina
Attilus Padi
Aurata
Auris marina

B

B Alænæ
Balani

Pag. Barbo seu *Barbus*
118 Barbotta Gallorum
Behemoth Jobi
Bezola
Blennus
Blica seu *Alburnus*
Boops
Buccinum
Bubulca Bellonii

Pag.

37
40
50
44
23
42
26
60
39

C

43
22 C Amarus, *Aftacus*
41 Canadella
16 Cancri
15 Canicula, *Galeus piscis*
16 Cancellus
44 Canis Carcharias
ibid. Cantharus
42 Caprifcus
44 Capito Anadromus
31 *fluviatilis*
41 Carpio, *Chare*
15 Carpus
34 Cataphractus
27 Catulus
15 Centrine
40 Cepola
5 Cernua *fluviatilis*
24 Cete
29 Cetorum Dux
2 Chamæ
3 Channe, *Hiatula*
ib. Chare, *Carpio*
ib. Chromis
ib. Citharus
ib. Clavatus Cyprinus
ib. Cochleæ
ib. Cobites aculeata
50 barbatula
55 Colias
56 Conchylum
25 Conger
39 Conchæ
22 Coracinus
63 Corax *Rondeletii*
Corvulus
Corvus Niloticus
46 Crustacea
63 Cuculus marinus
 (Z x)

55
ibid.

56
33
58
7
23
32
ib.
37
44
32
33
8
8

39
46
6
65
14
44
22
26
43
61
38
ibid.
28
61
6
63
15
29
15
37
52
20

Cynædus,

Index Piscium.

Cynædus , Alpheſtus	Pag.		Pag.
Cyprinus	15	Hephetus	24
Cyprinus latus , Abramus	43	Hippurus	5
	<i>ibid.</i>	Hippopotamus	50
		Hirundines	19
D		Holoſteon	36
Delphinus	47	Huſo , <i>Antaceus</i> Æliani	34
Dentex ſive <i>Synodon</i>	22	Hylatrix	62
Dentalia	63	I	
Draco marinus	27		
Dracunculus	<i>ibid.</i>	Ichthyocolla	40
E		Julis	14
		L	
Echinus marinus	62		
Encraſicholus	24	Acertus , <i>Colias</i>	28
Entalia	63	Lamia	12
Eperlanus marinus	34	Lampetra marina	34
fluviatilis , <i>Viola</i>	42	fluviatilis	40
Erythrinus , <i>Rubellio</i>	22	Latus piſcis	31
Exocætuſ , <i>Adonis</i>	15	Lavaretuſ	44
F		Lavaronuſ	25
		Lepadæ	63
Faber	16	Lepras	13
Farra	44	Lepuſ marinuſ	51
Fiatola	23	Leuciſcuſ	37
Funduluſ	38	Lipariſ	4
G		Locuſta marina	54
		Lota Gallorum	43
Galadæ conchæ	65	Loligo	51
Galeuſ Rhodiuſ	33	Luciuſ	42
Galerita	16	Lumpuſ Anglorum	12
Galeuſ læviſ , <i>Muſtela</i>	8	Lupuſ	21
Gibboſuſ piſciſ	13	Lupuſ marinuſ	31
Gladiuſ , Xiphiaſ	6	Lyra	21
Glanis	40	M	
Glaucuſ <i>Rondeletii</i>	8	Altha	8
<i>Bellonii</i>	15	Manati Indorum	49
Gobio marinuſ	<i>ibid.</i>	Mater Perlarum	64
fluviatiliſ	38	Melanuruſ	15
capitatuſ	<i>ibid.</i>	Merula marina	14
Gobiteſ barbатуſ , Lota	24	fluviatiliſ	43
Gutturoſuſ piſciſ.	16	Milvuſ <i>Rondeletii</i>	29
H		Milvuſ , Bonito	19
		Milvuſ , <i>Lucerna</i>	<i>ib.</i>
Haleceſ , Harenguſ		Mola	9
Hepatuſ	4	Mænа	25
	14	Molvæ major & minor	3
		Monoceroſ Cluſii	5
			Mor-

Index Piscium.

	Pag.		Pag.
Mormyrus	23	Pholades	67
Muco five <i>Orbis Britannicus</i>	35	Phoxinus squamosus	39
Mugil	32	lævis	40
Mullus barbatus	17	Phycis	14
imberbis	18	Physerer	47
asper	ib.	Pigus	45
Murex	60	Pinnæ	67
Muræna	6	Piscis Gutturofus	44
Musculi	66	Pisciculus aculeatus	41
Mustela fluviatilis	40	Polypus	50
Mustela lævis	ib.	Pompilus	6
Myrus, <i>Serpens rube scens</i>	7	Porcus marinus	47
Myfticetus, Dux Cetorum	6	Pristis	ib.
Mytuli	66	Pungitius	41
		Purpura	59
		Puftes	47
N			
N Afus	38	R	
Nautilus	59		
Nerites	61	R Aiarum genera	10
		Rana palustris	87
		piscatrix	11
O		Remora, Echineis	6
O Phidion	7	Reversus Indicus squamosus	5
O Orbis Piscis	35	anguilliformis	7
Orca	47	Rhomboides	65
Orfus Germanorum	37	Rhombus squamosus	26
Orphus	22	lævis	30
Ostraceon		Rofmarus, <i>Walrus</i>	49
Ostrea	66	Rubellius	ib.
Oxyrinchos	37	Rutilus fluviatilis	39
		Ruminax, <i>Scarus</i>	13
P			
P Agurus	57	S	
Pallerus	43		
Passeres	26	S Almo	31
Patella		Salmerinus	40
Pastinaca marina	10	Salmonetta	36
Passer lævis	29	Salpa	23
Pavo <i>Salviani</i>	13	Sandeel Anglorum	27
Pecten Romanorum	23	Sarachus	45
Pectines	66	Sarda	25
Penicilli	63	Sargus	22
Perca marina	14	Saurus	28
Perca fluviatilis major	41	Scarus, <i>Ruminax</i>	13
minor	42	Sciæna, Umbra	15
Petimbuaba	16	Scolopax	5
Phagrus	21	Scolopendra cetacea	48
Phocæna	48	ib. Scomber	27
Phoca	ib.	Scorpio marinus	23
Pholis	44		
		Scorpides	

Index Piscium.

	Pag.		Pag.
Scorpides	23	Torpedo	9
Scorpæna	ib.	Trachurus	24
Schilus	45	Trechi	61
Schrollus	42	Trutta marina	
Sepia	51	fluviatilis	36
Serpens marinus	6	lacustris	44
Norwegicus	ib.	Thunnus	6
Silurus	40	Turbines	61
Simia marina	9	Turdus	13
Smaris	26		
Soleæ	ib.		V
Solen	67		
Sparus	23	Varius, Phoxinus levis	39
Sphyræna	15	Viola, Eperlanus	52
Squatina	12	Vitulus marinus	48
Squatino-raia	ib.	Umbla	43
Squillæ	56	Umbra fluviatilis	37
Stromateus	23	Unicornu marinum	47
Sturio	32	Uranoscopus	27
Synagris	22	Walrus, Mors	49
Synodon, Dentex	ib.	Vulpecula marina	8

T

X

TÆnia
Tellinæ
Thymallus
Thymus
Tinea marina
fluviatilis

7 **X**iphias, gladius
67
36
ib.
3
43 **Z**iga
Zygæna

Z

6
31
9

V I.

F O S S I L I U M.

A

AChates
Adamas
Æs
Ærugo
Actines lapis
Agaricus mineralis
Alabastrum
Album Hispanicum
Alcyonius lapis
Alectorius lap.
Alumen, ejusque variæ species
Ambra, Succinum

Pag.
34 Amethystus
36 Amianthus
46 Ammoniacus Sal
53 Ammonites lap.
31 Ampelites lap.
4 Antiseorbutica terra
18 Antimonium, Stibium
2 Aphronitrum
21 Arabica terra Sigillata
25 Arenarium Saxum
9 Argentum
14 Argentum vivum

Pag.
35
23
7
22
14
6
49
8
6
16
45
50
Argilla

Index Fossilium.

	Pag.		Pag.
Argilla	1	Chia terra	4
Argyrolithos	55	Chryfocolla	51
Arfenicum	12	Chrysolithos	39
Affius lap.	21	Colonetta	29
Asterias	28	Conchites lap.	31
Astroites	ib.	Cœruleum	53
Auripigmentum	12	Coracinus lap.	24
Aurum	45	Corneolus	35
Aurum Musicum	56	Cornu fossile	23
Axungia Lunæ	5	Cornu Ammonis	32
		Cornu Arietis	ibid.
		Cos	17
		Creta	2
		Creta Argentaria	3
		Crytallus	35
		Crocus Martis	53
		Crucis lapis	29
		Cuprum	46
		Cysteolithos	23
		D	
		Diphryges	55
		E	
		E Mbuscatum marmor	19
		Entrochos lap.	29
		Erlachiana terra	5
		F	
		FEI vitri	8
		Feroensis terra	4
		Ferrum	47
		Ferrugo	53
		Fissile saxum	16
		Florentinum marmor	19
		Flos Aëris	54
		Fluentis Aetnæ coagulum	21
		Fluores	35
		Fulmineus lap.	30
		Fungites lap.	31
		G	
		G Agates lap.	14
		Galena	50
		Garantronium marmor	19
		(Aaa)	Gleba

Argilla
Argyrolithos
Arfenicum
Affius lap.
Asterias
Astroites
Auripigmentum
Aurum
Aurum Musicum
Axungia Lunæ

B

B Alaffius Rubinus
Basaltes marmor
Beli oculus
Belemnites lap.
Beryllus
Bezaar lap.
Bezaar Minerale
Bianchæ Alexandrina
Bismuthum
Bitumen
Bitumen Judaicum
Bolus Armena
Bononiensis lap.
Borax
Boringholmica terra
Brontias lap.
Bucardites lap.
Bufonius lap.

C

C Admia fossilis
Cadmia fornacum
Calamita alba
Calcarium saxum
Chalcedonius lapill.
Calculus Humanus
Camehuja gemma
Carbunculus
Carpionum lap.
Ceraunias
Cervinus lap.
Cerussa
Chalazia veterum
Chalcitis
Chalybs
Chelidonium lap.

Pag.

1 Chia terra
55 Chryfocolla
12 Chrysolithos
21 Colonetta
28 Conchites lap.
ib. Cœruleum
12 Coracinus lap.
45 Corneolus
56 Cornu fossile
5 Cornu Ammonis
Cornu Arietis
Cos
Creta

37 Creta Argentaria
18 Crytallus
42 Crocus Martis
29 Crucis lapis
40 Cuprum
42 Cysteolithos
36

54
49
13 **D** Iphryges
14

5
20

9
4 **E** Mbuscatum marmor
30 Entrochos lap.
31 Erlachiana terra
40

D

E

F

Pag.

4
51
39
29
31
53
24
35
23
32
ibid.
17
2
3
35
53
29
46
23

55

19

29

5

8

4

47

53

16

19

54

21

35

30

31

G

14

50

19

Gleba

Index Fossilium.

Gleba Boyleana
Grattonopolitana
Glossopetra
Goltbergensis terra
Granatus
Gypsum

H

Hæmatites lap.
Halinitrum
Hammitès
Helenæ Sanctæ terra
Heliotropus
Hyacinthus
Hysterolithos

I

Iaspis
Islebianum saxum

L

Lac Lunæ
Lapis Judaicus
Lapis Cæruleus Anglicus
Lapis Armenus
Lapis Lazuli
Lapis Lipis
Lapidis Orbes
Lemnia terra sigillata
rubra
Lignicensis terra
Livonica terra sigill.
Lithargyros
Lithanthrax
Limosum saxum
Limacis lap.
Ludus Paracelsi

M

Magnes
Malachites lap.
Maltha
Marga Saxatilis incarnata
Margaritæ
Marmorum variæ species
Melantheria

Pag.
3 Melitenfis terra
ib. Metallum quid?
28 Mica
5 Minium
37 Misy
20 Molaris lap.
Morochtus
Mumia

Pag.
4
44
53
54
11
17
30
14

N

27
9
22 **N**aphtha
5 Nephriticus lap.
33 Nigrica fabrilis
38 Nitrum
32 Norwegica terra

13
33
2
8
5

O

Obryzum
32 Obsidianum marmor
16 Ochrae species variæ
Oculus Beli
Oculus Cati
Oculi Cancrorum
4 Oculus mundi
29 Onyx
28 Opalus
27 Ophites marmor
ib. Orichalcum
28 Ostracites
55 Osteocola

45
18
2
42
41
25
41
34
40
18
47
31
22

P

ib. 6
ib. **P**arium marmor
55 Pectinites lapis
14 Percarum lap.
16 Petroleum
25 Phengites marmor
17 Pisasphaltum
Pila Rupicaprae
Pix fossilis
Plumbum
26 Plumbago
33 Pnigites terra
14 Pompholyx
4 Porphyrites marmor
42 Porus
17 Prasius lap.
11 Priapus lap.

32
ibid.
24
13
20
14
25
14
48
56
3
55
20
21
33
32

Pumex

Index Fossilium.

Pumex		Pag.		Pag.	
Purpurea terra		21	Sory	11	
Puteolanus pulvis		6	Spatum	52	
Pyrimachus lap.		3	Spinellus Rubinus	37	
Pyrites		17	Spodos subterranea	52	
	Q	17	52	factitia	55
				Squama Aëris	54
Quartzum			52	Ferri	ib.
	R			Spongiæ lap.	23
				Stalactites	22
Risagallum		13	Stalagmites	ib.	
Rubinus		37	Stannum	48	
Rubicellus		ib.	Stella Judaica	28	
Rubrica		2	Stenomarga	4	
	S		Stibium	49	
			Strigonia terra	3	
			Succinum	14	
Sal commun.		7	Suillum faxum	16	
Ammoniacus.		ib.	Sulphura	11	
Gemmæ		ib.			
Alkali		8			
Petræ		9			
Samia terra		3	TAlcum	24	
Sandaracha		13	Terræ variæ	1	
Santerna		53	Tincar	8	
Sapphirus		38	Topazius	39	
Sardonyx		34	Tophus	21	
Saxorum genera		16	Tophus juvenci	25	
Saxa Metallaria		52	Tripela	3	
Skeleton Serpentis		31	Toccaviensis bolus	5	
Schistos lap.		17	Trochites lap.	29	
Schistus lap.		24	Tuberonum lap.	24	
Scoria		54	Turcois	39	
Selenites		23			
Seravitianum marmor		19			
Serpentinus lap.		36			
Sessana terra		6			
Silefiaca terra sigillata		6			
Silex		16			
Smaragdus		38			
Smectis Anglica		2			
Smyris		27			

F I N I S.

